

80

B.S

y-92

24

NOVA
BIBLIOTHECA
LVBECENSIS.



*Jo. Diet. Winckleri, D.
Hildg. 1754.*

VOLVMEN I.

LVBECAE

SVMTV IONAE SCHMIDII

A. MDCCLIII.



LECTORI BENEVOLO

S. P. D.

FRIDER. IOACHIM. SCHNOBEL

ad D. Mariae Lub. Archidiac.

IOANNES HAKE

V. D. M. add. Laurentii,

ET

IOANNES DANIEL OVERBECK

Gymnas. Lub. Subrect. et Bibl. Publ.

Praef.

Octo fere et viginti elapsi sunt anni,
BENEVOLE LECTOR, ex quo cu-
ra et industria Triumvirorum erudi-
tissimorum ac celeberrimorum, M. HENRICI
SCHARBAV, reuerendi apud nos sacri or-
dinis grauissimi hoc tempore Senioris,
M. GERHARDI SAMVELIS A MELLE,
V. D. M. nunc agentis inter coelites, et

P R A E F A T I O.

IOANNIS HENRICI A SEELEN, S. Theol. Lic. et Gymnas. Lub. Rectoris meritissimi, opus prodire coepit, quum omni doctrinae, tum sanctiori in primis, promouendae aptissimum, quod *Bibliothecam Lubecensem* inscribere Viris, quos diximus, praestantissimis placuit. Hi in eo id egerunt, ut fisterent lectoribus commentationes selectas, nulla re minus, quam mole sua, aut quod eruditione carerent, legentibus ingratas, quas partim ipsi pro varia, qua instructi essent, rerum copia elaborarent, partim aliorum studiis referrent acceptas, earumque fasciculo cuilibet annecterent breuem relationem eorum, quae rei litterariae, in oris praecipue maris Baltici, nouissime accidissent. Qua in re ita versati sunt, ut opinioni, quam tales Viri excitauerant, successus omnino responderet, ipsique non modo HARENBERGIOS, HOSMANNOS, KOCHIOS, KOHLREIFFIOS, LACKMANNOS, MOELLEROS, RAMBACHIOS, VOGTIOS, WOLFIOS aliosque plures facile in quandam laboris pertraherent societatem, sed applausum quoque insignem eruditissimi cuiusque iure suo mererentur.

P R A E F A T I O.

tur *. Quocirca optandum profecto erat, ut operis huius continuatio diuturnior et vrbi nostrae decori fuisset et litteratissimis quibusque vfui et delectationi. Sed accidit, ut eodem anno, quo editorum alter fato nimis maturo rebus eripe-

a 3

retur

* Non possumus hic, neque necesse est, omnia eruditorum iudicia de hoc opere referre. Egerunt de illo, ut caeteri taceantur, auctores *der fortgesetzten Sammlung von alten und neuen Theol. Sachen* 1726. p. 644. sq. et p. 780 sq. eum laude. Pagina vero 74 tomi illius, qui annum 1729. continet, opus utile vocatur. His adde *Neue Zeitungen von gelehrten Sachen* 1724. p. 571. sq. *Niedersächsishe neue Zeitungen von gelehrten Sachen* 1730. p. 154. sq. et p. 329. sq. et IAC. FRIDERIC. REIMMANNVM in *Catal. Biblioth. Syst. Crit.* Tom. II. pag. 538. GOTTLIEB STOLLE *eruditas observationes Bibliotheca Lubecensi contineri scribit in den Anmerkungen über HEVMANN'S Viam ad Histor. literar.* p. 1044. IO. IOACHIMVS WEIDENERVS vero, praestantissimus ille quondam Rostochiensium Theologus in *Progr. ad Dissert. Inaug. Cel. IO. HENR. a SEELÉN* Rost. 1725. 4. p. 25. *Quem, inquit, inter eruditos vidimus, cui non ad palatum fuerit recens inchoata Bibliotheca Lubecensis? Quocum consentit ERN. LEOPOLD. FRID. BEHMIVS in Seelenianis* p. 273. eandem bibliothecam appellans opus praestantissimum et communi adplausu exceptum.

P R A E F A T I O.

retur humanis, idem opus et commodis doctorum hominum et deliciis opinione citius praecluderetur. Quum enim A. P. C. N. 1725. primum volumen et secundum lucem adspexissent publicam et reliqua deinceps suis quaeque annis essent infecuta, anno 1731. in volumine duodecimo operis totius factus est finis.

Quam nos quidem iacturam ut ex omni parte restituamus, neque opis nostrae neque consilii res est. Id agimus, ut, si minus aequis passibus sequamur praecellosos illos viros, quod nobis negatum esse, egregie sentimus, nostro tamen modo eaque, qua per vires licebit, cura et contentione vestigia auspiciatissime signata legere nitamur. Hoc animo *nouam* aperimus *Bibliothecam Lubecensem*, in qua sustentanda easdem nobis fere leges ponimus, ad quas se iidem illi duces nostri plaudente eruditorum coetu alligarunt. Quam ob causam vix fortasse opus esse videbitur, ut instituti rationem nostri operose denuo exponamus. Sed tamen quia in rebus saltem minoris momenti non-

P R A E F A T I O.

nonnihil secessuri ab illis forte sumus, quale futurum sit nostrum inceptum, paucis declarare hoc loco, nisi fallimur, licebit.

Praecipuam dicabimus operam disciplinae sanctiori: quocirca, quae huius cultoribus nullo modo vsum esse possunt, ut, quae ad forum iuridicum aut rem medicam vnice pertinent, fidei qualicunque nostrae non poterunt committi. Quoniam vero omnis, quae ab homine suscipitur, de diuina re institutio debet a sacro codice proficisci et ad eiusdem dirigi normam, eas in primis commentationes et colligere studebimus et elaborare, quae ad interpretanda diuina oracula praeter caeteris facient. Nec tamen interpretationes nullas, nisi nouas, par erit in opusculis his nostris quaeri. Quin veteres saepe nouis confirmabimus argumentis, ut appareat, inconsultae consuetudini, quae tenet hodie nimium multos, dicendi

- - *insigne, recens, adhuc*
*Indictum ore alio **,

a 4

qua-

P R A E F A T I O.

quacunque fieri possit ratione, obuiam a nobis iri.

Secundum haec eos cupide venabimur libellos et conscribere ipsi tentabimus, qui quum illustrare quodammodo possint, tum confirmare, augere, excutere, principio sacrorum partem dogmatum, deinde veritatem diuinam contra aduersarios propugnandam, tum Christianae vitae praecepta, tum res singulares, quae, quum usu eueniant, fit vt distrahantur deliberando animi coelestia anquirentes afferantque ancipitem curam cogitandi, tum ea denique, quibus obseruatibus integre possit quisquam casteque et prudenter in administrando sacro munere versari. Neque enim partem optamus vllam disciplinae sanctioris remanere, quam non ope quadam nostra et praesidio qualicunque adiuuemus. Itaque ne historiam quidem sacram, nec Iudaicam magis, quam Christianam, ab opere volumus nostro exclusam. Immo gratissimo agnosceamus animo, si qui erunt, vt speramus, qui conatibus in hoc studio nostris
suc-

P R A E F A T I O.

succurrant et vel documenta vel commentationes etiam ministrent, quibus effici possit, ut fatorum notitiae ciuitatis sacrae aliquid nouae lucis splendeat. In primis vehementer gaudebimus, si, quae nostris temporibus in republica Christiana accidunt, quaeque adeo in oris his nostris eueniunt vicissitudines ad eandem pertinentes, diligenter a nonnullis annotentur ac beneuole nobiscum communicentur.

Quum vero saeculi huius ea sit indoles, ut philosophia plerique admodum delectentur, neque nos quidem adeo ab eo, quod hodie fit, alienos gerimus animos, ut, quae acute subtiliterque et ad communem utilitatem accommodata a quoquam disputari forte queant, accipere nolimus. Sed tamen ea prae caeteris arridebunt *φιλοσοφήματα*, quae vel in scientia sanctiori poterunt praestare usum, vel naturalem DEI cognitionem augere et efficere clariorem, vel Christianam religionem aduersus eorum, quos *Naturalistas* et *Deistas* vulgo vocant, temerarios insultus argutasue cavillationes et ingenii calumnias defendere.

P R A E F A T I O.

Acceptabimus igitur philosophica : Sed nec minus erudita. Liceat enim, quod nolunt quidam, discrimen hoc admittere et extra philosophiam quaerere multa, quae eruditi notionem hominis ingrediantur. Nam, quum ea excepturi nonnunquam simus et pro virili parte explanaturi, quae rerum quarumlibet gestarum adiuuent memoriam, tum historiae quoque literariae studium, quod iure hodie vigere pergit, haud parum nobis habebimus commendatum. Nec vero amoeniores delicias Musae elegantioris omnino spernemus. Quin cum voluptate, quotiescunque fieri poterit, exhibebimus, quae non modo scientiam vniuersam eius, quod in omni humanitate pulcrum est, (*Aestheticam* vulgo vocant) attingant, sed in exsequendis etiam huius scientiae praeceptis quoquo modo versentur.

Atque ita totum hoc, quidquid est, consilii nostri perficiemus, ut nec amicitiae demus quidquam, neque odio. Quocirca nec iis paginas denegabimus nostras, quibus controuersiae ferram reciprocare placuerit, modo

P R A E F A T I O.

modo in eorum scriptis modestia dominetur et ab omni detrectandi libidine temperantia. Quid enim vel rei sacrae detrimenti accidere possit, vel ciuili, vel literariae, honestas lites alendo, nos plane ignorare ingenue fatemur. Sane res plurimae etiam nunc in puteo laterent DEMOCRITI, nisi ab omni tempore licitum fuisset disputare in vtramque partem.

Quidquid vero mittere ad nos placuerit, ultra quatuor, quales volumen hoc complectitur, chartarum plagulas non debet extendi, quoniam bibliotheca nostra, vti ex superioribus colligere est, patebit multis, quorum laboribus nefas foret ab vnius opere spatium nimis praecludi. Ad haec eiusmodi prae caeteris specimina expetimus, quae vt a materia et argumento, ita et a stili cultu et elegantia se commendent. Absque quo si fuerit, perpauca sibi libellus aliquis lectores poterit, quod delicati est saeculi nostri ab aliquo tempore fastidium, polliceri. Nec vero iniuria ab eruditissimis quibusque nunc repudiari intelligimus, quidquid fordido nimis orationis genere est conscri-

P R A E F A T I O.

scriptum. Nam si quid est vnquam, quod neruis quasi sermonis eaque, quae volumus, perspicue dicendi facultati officiat parumque conciliet aliorum animos, sane immunda est ac barbara loquendi scribendiue ratio. Stili vero elegantiam dicimus latini. Si quid enim alia quacunque lingua exaratum ad nos forte perueniret, illud caeteris, quos collecturi sumus, libellis vel ob id ipsum non posset adiungi. Hoc tamen perse manifestum esse arbitramur, si αὐτόγεγραφα sint quaedam aut documenta insigniora cum lectoribus communicanda, ista in eadem debere lingua eodemque habitu, quo primum scripta sunt, apponi. Omnia autem, quae operi inferemus, a quibus fuerint auctoribus profecta, eorum nomina indicabimus bona fide et lubentissimo animo. Dissimulabimus vero etiam, vti bonos viros decet, quotiescunque erunt, quibus innotescere minus integrum videbitur, modo apud nos, qui sint, vel literis adiectis vel scheda interprete velint profiteri. Neque enim modeste hoc nos postulare iniquum esse, plurimae sunt causae, quae nobis persuadeant. Peruenient

P R A E F A T I O.

nient autem ad nos, quaecunque inferenda transmittentur, si ad eum perferre, qui edendis his nostris fert impensas, bibliopolam Lubecensem tabellarii iuebuntur.

Addi etiam his rebus poterit, si quid fuerit noui, quod eruditorum intersit quam plurimos scire. Neque enim succinctis de eiusmodi rebus relationibus locum omnino negamus. Ne tamen huius generis nimis multa polliceamur, libellorum copia immo operum nos prohibet, qua ad nauseam fere vsque rerum inter eruditos gestarum notitia, maximarum, minimarum, et quae vix interdum ad eruditionem facere videantur, in se quasi ingurgitari quidam queruntur. Itaque orbis etiam arctoi praecipuam in hac re habebimus rationem et si quae aliae sunt regiones ab oculis plerorumque speculatorum rei publicae literariae paullo remotiores. Quam ad rem opportune in primis natura sitam esse Lubecam nostram, hominem esse, qui dubitet, arbitramur neminem.

Quam

P R A E F A T I O.

Quam frequentes vero bibliothecae huius accessiones futurae sint, quamue rarer, pro certo in praesentia affirmare non possumus. Nec tamen nimis tarde capturam eam esse sua incrementa, vel hoc fidem facit, quod non Lubecae modo degentes eruditissimi nonnulli viri, et in his duo, qui sunt superstites, *Bibliothecae Lubecensis*, quam imitamur, editores supra iam ex merito a nobis laudati, sed alii quoque extra urbem viuentes nostram, qui ipsorum erga bonas literas amor et in nos fauor est, symbolas promiserunt ad subleuandos conatus nostros beneuole conferendas, immo conferre iam nunc, vti patet, ex parte coeperunt. Quibus vt pro insigni hac beneuolentia et publico et nostro nomine agamus gratias, ius et fas postulant. Hoc videmur saltem posse polliceri, fore, vt elapso quolibet spatio semestri eruditorum conspectui volumen se aliquod nouum huius nostri laboris sistat. Ac quaternis quidem voluminibus facile in vnum compingendis.

P R A E F A T I O.

pingendis vinculum indices addentur necessarii.

Iamque nihil superest, BENEVOLE LECTOR, quam ut in tuum, ut speramus, et rei publicae incrementum literariae rogemus viros quosque doctrina celebres, quos quidem rogamus his verbis et maiorem in modum, qua decet, obseruantia oramus, ut instituto huic nostro fauere et, si qua fieri poterit, ferre suppetias ne dedignentur. Vale. Dabamus Lubecae mense Septembri A. c1b 1bCC LII.



CON-

CONTINENTVR

Vol. I.

- I. P. F. OPITII de liberis Abrahamo ex lapidibus fuscitandis ad Matth. III. 1. 2. 5 - 9. disquisitio.
- II. I. P. GRVENENBERGII sententia de differentia noni et decimi praecepti.
- III. H. SCHOLTZII disquisitio de genuina notione vocis ἐπισυναγωγή ad Hebr. X. 25.
- III. I. H. A SEELEN Ecloga de libro rarissimo: Speculo humanae saluationis.
- V. M. C. H. LANGII epistola, qua libri rarissimi: CASTELLIONAEI antiquitatum Mediolanensium notitia redditur.
- VI. F. I. SCHNOBEL obseruatio grammatico philologica ad Ps. VIII. 2.
- VII. I. HAKII Vindiciae testimonii de omnipraesentia Christi, Eph. III. 10.
- VIII. M. RVARI ad I. KIRCHMANNVM epistola.



I. P. F.

I.

PAVLI FRIEDERICI OPITII *

S.Theologiae, graecae & or. lingu. quondam
Professoris P. O. in academia
Kiloniensi

disquisitio exegetico-theologica

DE DEO

LIBEROS ABRAHAMO EX

LAPIDIBVS SVSCITANTE

ad locum Matth. III. 1. 2. 5. 6. 7. 8. 9.

Σύνοψις.

* Vitam posuit beatus auctor anno 1747. mense Octobri. Erat is HENRICI OPITII filius, & IGSAE HENRICI OPITII frater. Nihil de vita & scriptis eius in monumentis GOETTENII RATHLEFII, MOSERI, NEUBAVERI, BARTHOLOMAEI, atque nova *lexici eruditorum* editique literis consignatum reperimus. Dedit tamen catalogum scriptorum a viro beato ad annum usque 1723. editorum IOHANNES MOLLERVS, in *Cimbria literata*. P.I. p. 471. Quae post illud tempus ab eo elaborata sunt, eorum indicem in posterum huic opusculo inferemus. Caeterum praesens disquisitio, quae & argumenti gravitate & tractationis soliditate & stili elegantia sese commendat, communicata nobiscum est a Viro doctissimo IOHANNE CHRISTOPHORO HENNINGIS, Phys. & Metaph. in Academia Kiloniensi Professore P. O. fautore & amico nostro aestumatisimo. Animum induxerat auctor, publico eru-

Nov. Bibl. Lub. Vol. I. A dito.

ΣΥΝΟΨΙΣ.

Summa Judaeorum tempore Christi malitia. §. I. Adventus Iohannis Baptistae. Iudaeorum mos imponendi nomina. Iohannes Baptistae nomine maxime insignis. §. III. Adventus Iohannis propius a Matthaeo indicatur, §. III. Iohannes praeconem agens. Natiua indoles vocis κηρύσσειν. Iudaei suos habebant praecones. §. 4. Praeconium Iohannis in solitudine Iudaeae, & quatenam illa fuerit. Vox ἔρημος non denotat locum hominibus plane vacuum. Mysticae rationes, cur Iohannes praeconem egerit in solitudine. §. V. Primum Iohannis praeconium. Vis poenitentiae. R. Elieseris praeclarum effatum. Quid sit βασιλεία τῶν ἁγνῶν. §. VI. Esaiæ de Iohanne vaticinium. Herm. Witsii de sensu illius vaticinii opera laudatur. Ritus parandi vias. §. VII. Iudaei magno numero ad Iohannem accedentes, & quibus ex locis. §. VIII. Omnes in Iordane baptizati. An baptismus proselytorum obtinuerit inter Iudaeos & num baptismus Iohannis idem fuerit cum baptismo Christi. Locus baptismi Iohannei, Iordanes fluvijs. Speciatim Bethabara. Nemo a Iohanne

ditorum examini eam subiicere, primamque eius plagulam typis iam exscribi curaverat. Postea vero, nescio quo casu, factum est, ut consilium mutaret, & quo minus tela pertexeretur, impediret.

S.

banne ad baptismum admittebatur prius, quam publice sua esset peccata confessus. Formula confessionis. §. IX. Pharisei & Sadducae ad Iohannem accedentes. Iohannes admiratione plenus. An isti a Iohanne fuerint baptizati. Iohannes de proposito illorum dubius, vocat eos γεννήματα τῶν ἐχιδνῶν & quare. Christi & legatorum eius praecepta Iudaicis longe sanctiora. §. X. Iohannes prodit admirationem suam. Sententia Clerici refutatur, nostraque ab obiectionibus vindicatur. Quid sit: Φυγεῖν τὴν μέλλουσαν ὀργήν. §. XI. Iohannes ante baptismum de quibusdam adhuc eos admonet. Primum monitum. Quid sit גמורה טובה. Vox ἄξιος respondet voci וראי §. XII. Alterum Iohannis monitum. πρόληψις qua Iudaeorum obiectioni occurritur, eiusque ὑποφορά. Iudaeorum de sua ex Abrahamo origine gloriatio. Verba Herm. Witsii. Promissionis Abrahamo factae, foederisque cum Deo initi formula. Deus memor huius promissionis. Iudaei freti hac promissione. §. XIII. Ἀνὑποφορὰ refellens Iudaeorum obiectionem. In hac parte orationis nostra potissimum occupatur opera. Communis hemistichii huius explicatio reiicitur. Literalis sensus praeferendus. §. XIV. Iob. Marckii sententia refutatur. §. XV. Historia Iephthae huic loco lucem foeneratur. Multa millia Ephraimitarum ad ripam Iordanis caesa & sepulta. Hi erant veri & genuini Abra-

bami filii ex lapidibus facile resuscitandi. Vera Iohannis sententia. Vox ἐγείρειν maximam partem significat resuscitare ex mortuis. §. XVI. Dubium aliquod aduersus nostram sententiam soluitur. Canones Iudaeorum de mortuorum & sepulcrorum immunditie. §. XVII. Conclusio operis & verus verborum Iohannis sensus

§. I.

Misera erant & perditissima reipublicæ Judaicæ tempora, cum CHristus primum humana vestitus carne inter mortales ageret, assumtisque XII. vitæ laborumque suorum fociis, divinæ præsentia suæ radiis omnia collustraret. (a) Quod enim flagitiorum genus excogitari potest, cui non improba gens dedita prorsus, atque immersa fuit? quot non perpetrarunt facinora? quot caedes? quot adulteria? quot rapinas? ut nihil ferè ad summam defuisse malitiam videatur. Tum vere poterat dici, quod de temporibus sui, quem frustra expectabant, Messia, GEMARICI referunt DOCTORES: דור שבן דוד בא בו בית הווער יהיה לזנות וחכמת הסופרים תסרח ויראי חטא ימאסו לפני הדור לפני כלב: *In illa hominum progenie, qua venturus est Messias, filius Davidis, scholæ ver-*
tentur

tentur in lupanaria, doctorum fœtebit sapientia, ludibrio habebuntur pii, frons sæculi caninam præferet frontem, omnisque veritas exsulabit.(b)
 His gemina sunt, quæ R. ELIESER, cognomine magnus profert: בעקבות משיחא חוצפא יסגא ויוקר יאמיר הגפן תתן פריה והיין ביוקר והמלכות תהפך למינות ואין תוכחת בית חווער יהיה לזונית והגליל יחרב והגבולן ישום ואנשי הגבול יסובבו מעיר לעיר ולא יחיננו וחכמות סופרים תסרח ויראו חטא ימאסו והאמת תהא נעדרת נערים פני זקנים ילבינו זקנים יעמדו מפני קטנים בן מנוול אב בת קמה באמה כלה בחמותה אויבי איש אנשי ביתו פני הדור בפני הכלב
In calcaneis Messiae הבן אינו מתבייש מאביו:
(i. e. paulo ante adventum Messiae) impudentia augebitur, & magna erit annonæ caritas. *Vitis proferet fructum suum, & nihilo secius vinum care vendetur.* Summum imperium pravis obruetur opinionibus, nullaque locum habebit admonitio. *Scholæ convertentur in lupanaria, Galilæa devastabitur, & Gablan exscindetur, & incolæ terræ oppidatim circuibunt, nec ulla experientur humanitatis officia.* Sapientia magistrorum fœtebit, & qui à peccatis sibi cavent, contemptui erunt, & magnus veritatis defectus. *Juvenes in ruborem dabunt ora senum, senes coram junioribus stabunt. Filius irritabit patrem, filia insurget adversus matrem,*

*matrem, nurus adversus socrum, domestici cu-
jusque erunt inimici ejus, frons denique saeculi
istius caninam proferet faciem, nec verebitur
filius parentem. (c)*

- (a) vid. Lightfoot Hor. Hebr. & Talm. ad Matth.
X. 1. (b) Gemara Babyl. cod. Sanhedrin
fol. 97. col. 1. med. (c) Mischna cod.
Sota cap. IX. Mischn. 15.

§. II.

In ista saeculi labe atque infamia divina
Numinis providentia παραγινεται venit, vel,
quod ERASMO SCHMIDIO placet, proces-
sit (a) Ἰωάννης ὁ βαπτιστὴς *Johannes baptista*
a munere, quo fungebatur, ita dictus. (b)
Erat enim in more positum Judæis, ut
magnis præcipuisque in gente sua viris no-
mina imponerent vel agnomina, à summis,
quibus effulgebant, ingenii animique doti-
bus, vel à natali eorum terra, vel morum
integritate, vel dignitate, aut vitæ, quod
sequebantur, genere desumta. Doctorem
ISSÆUM, filium Jehudæ, in magistrorum
laudem pronuntiasse ferunt: ר' מאיר
חכם וסופר ר' יהודה חכם לכשירצה ר'
טרפון גל של אגוזים ר' ישמעאל חנות
מזינות ר' עקיבא אוצר כלום ר' יוחנן
בן נורי קופת הרוכלים ר' אלעזר בן-
עזריה קופה של בשמים משנת ר' אלעזר
בן

בן יעקב קב ונקי. ר' יוסי נמוקו עמו
 ר' שמעון טוחן הרבה ומוצא קמעה וכו'
R. Meir sapiens est & legis peritus, R. Jehuda sapiens, quotiescunque ipsi libuerit, R. Tarphon cumulus est nucum, R. Ismael taberna (vino) semper instructa, R. Akiba, horreum clausum, R. Jochanan, filius Nuri, pyxis aromataria, R. Elieser, filius Asariae, capsula aromatum, doctrina Elieseris, filii Jacobi integra est & pura. R. Jose omnium verborum suorum dat rationem. R. Simeon molit multum, & egerit parum &c. (c)
 Et quis ignorat, doctorem JOSEPHUM ab acumine ingenii עוקר הרים *evellentem montes*, (d) ANTIGONUM a civitate sua איש סוכו *Sochæum*, (e) R. JEHUDAM à sanctitate vitæ הקדוש *sanctum*, (f) HILLELEM a summa, cui præerat, dignitate, הנשיא *principem*, (g) JOCHANANEM, ab artificio, quod tractabat, הסנדלר *calceorum confectorem*, (h) SIMEONEM, a mercatura, quam exercebat, הפקורי *gossypiarium* fuisse appellatum? (i) Tam illustri ergo baptistæ nomine adeo insignis etiam inter omnes Johannes fuit, ut recte moneat CHRYSOSTOMUS: ὅταν βαπτιστὴν εἴπῃς, πάντες εὐθέως τὸν Ἰωάννην ἐννοῶσι, quando baptistam nominas, omnes statim Johannem cogitant. (k) Atque hæc ratio permovit JOH. CLERICUM, ut in versione sua

sua Gallica verba *ιωαννης ο βαπτιστης* *Johannes baptista*, per *Jean le baptiseur* potius, quam *Jean le baptiste* reddere voluerit, *On l'a*, inquiens, *nommé le baptiseur plutôt, que baptiste*, parce que ce mot est un nom propre dans les Langues modernes, au lieu, qu'il est ici appellatif, pour signifier un homme, qui plongeait dans l'eau ceux, qui temoignoient reconnoître sa mission divine, & vouloir changer de vie. (1)

- (a) In not ad h. l. (b) Erasmi Schmidius ad h. l. (c) Gemara Gittin fol. 67. col. 1. med. (d) Halichoth Olam cap. III. p. 27. (e) Pirke Abhoth cap. 1. 3. (f) Gemara Hieros. cod. Megilla fol. 72. col. 2. med. (g) vid. Joh. Christoph. Wolfii Bibl. Hebr. part. II. p. 829. (h) Pirke Abhoth cap. IV. 11. (i) Gemara cod. Berachoth fol. 28. col. 2. fin. (k) Homil. LV. in acta. (l) in Versione Gallica ad h. l.

§. III.

Sed propius adhuc tempus prodeuntis in publicum Johannis indicans MATTHÆUS, factum hoc esse ait ἐν ταῖς ἡμέραις ἐκείναις *in diebus istis*, quibus scilicet Christus in Nazareth adhuc commorabatur. Hæc enim arctissime cohærent cum præcedentis capitis verbis ultimis, quibus narratur, quod mortuo Herode Josephus per Angelum in somnio admonitus, una cum puero Christo & ma-
tre

tre ejus, ex Ægypto Nazarethum fuerit reversus. In illis ipsis diebus, *non sane in illis, quando ex Ægypto vocabatur puer JESUS, & Joseph in Nazareth habitatum concedebat,* (verba legis GODOFR. WEGNERI) sed post viginti & octo fere ab eo tempore annos, cum ministerium suum inchoaret Christus, natus annos triginta. (a) In eandem sententiam CHRISTOPH. MATTH. PFAFFIUS: *Intelligenda sunt Matthæi verba non de initio κατοικισμὸς Josephi in Nazareth, sed de continuatione ipsius, ita ut hic emergat sensus: Cum Christus adhuc habitaret in Nazareth, advenit Johannes. Habitavit autem ibidem usque ad id tempus, quo ministerium suum inchoavit, quod apparet ex nomine Ναζωραῖος, ex ipsius duodecennis reditu in Nazareth, Luc. II. 51, & denique ex eo, quod Matth. III. 13. dicitur, ipsum venisse ex Galilæa, ut à Johanne baptizaretur. Ita & in Vet. Test. phrases בימים ההם aut בימים האלה latissime sæpius sumuntur.* (b) Consentit JOH. CLERICUS, ad verba ἐν ταῖς ἡμέραις ἐκείναις in diebus illis, ita commentatus: *Non au tems, que Joseph retourna à Nazareth, mais pendant que notre Seigneur y demeuroid encore.* (c)

(a) in Annot. in Matth. ad h. l.
Exeget. in Matth. ad h. l.
Vers. Gal. N. T.

(b) in not.
(c) in not. ad

§. IV.

Jam itaque Heros noster ad maturam virilemque pervenerat aetatem, (a) cum is divino excitatus spiritu (b) in publicum prodiret κηρύσσων ἐν τῇ ἐρήμῳ τῆς Ἰουδαίας *præconem agens in solitudine Judææ.* Vox κηρύσσειν ex nativa indole sua *præconem agere*, vel, *præconis instar aliquid proclamare* signat, inque sacris novi fœderis tabulis, & a LXX Interpretibus de verbi divini præconio potissimum usurpatur. Cum Jonas ad nuntiandum Ninevitis interitum a DEO evocaretur, quæ in Hebræo fonte habentur verba, הִלַּל נֶרְקָו וְ clama contra eam, LXX INTERPRETES reddunt: καὶ κήρυξον ἐν αὐτῇ וְ proclama in ea, (c) cumque Christus duodecim sibi ascisceret legatos, qui Israelitis lætum afferrent Evangelii nuntium, πορευόμενοι, inquit, κηρύσσετε, λέγοντες ὅτι ἤγγικεν ἡ βασιλεία τῶν ὀρανῶν *euntes proclamate, dicentes, appropinquasse regnum cælorum.* (d) Ut enim Græci quondam atque Romani suos habebant præcones, (e) quos inter principem apud Romanos locum obtinebant Fetiæles, qui bella fœdera que publice indicebant (f) sic nec insolens erat Judæis, ut, si quid populo innotescere deberet, illud publica elataque præconis voce promulgaretur. Hierosolymis non procul
ab

ab urbe ingentem fuisse lapidem אבן טוען
lapidem errantium dictum, ex quo, si quid
 inventum esset aut perditum, publice pro-
 clamari debuerit, in GEMARA legimus
 relatum: תנו רבנן אבן טוען היתה
 בירושלים כל מי שאברה לו אבירה נפנה
 לשם וכל מי שמוצא אבירה נפנה לשם
 זה עומר ומכריו וזה עומר ונותן סימנן
 ונוטלה: *Tradunt Doctores nostri, lapis er-*
rantium fuit Hierosolymis, | quo is, qui ali-
quid amiserat, se conferebat, & quicumque rem
amissam invenerat, eo quoque se conferebat.
Alter stabat & proclamabat (rem, quam ami-
serat forte vel invenerat), itemque alter sta-
bat, & signum, (inventæ vel amissæ rei)
indicabat, suumque auferebat. (g) Supre-
 mus Synedrii confessus fixa staturaque habe-
 bat tempora, quibus præcones mitteban-
 tur, qui de solvendis siclis, evellendisque
 heterogeneis populum admonebant, do-
 cente MISCHNA: באחר באדר משמיעין
 על השקלים ועל הכלאים: *primo die mē-*
sis Adar proclamabatur de siclis (solvendis)
& heterogeneis (evellendis). (h) Nec in-
 usitatum erat Synagogarum moderatoribus,
 ut, si quid fieri vellent a discipulis, illud
 per præcones publice indicarent. R. GA-
 MALIEL aliquando promulgari curavit,
 כל תח שאתן תוכו כברו אל יכנס לבית
 המדרש: *Quicumque est ex discipulis sapien-*
 tum

tum , *cujus intimum non est , sicut extimum* (i. e. qui fel tegit in pectore , & mel in ore) *ne ingrediatur scholam.* (k) RABBA autem , si forte ægrotaret , etiam servis suis atque domesticis negotium dabat , ut suo nomine proclamarent רבא חלש רבא חלש *Rabba ægrotus est , Rabba ægrotus est* , ut , qui salutis ejus faverent , pro eo apud Deum intercederent , qui vero minus ei cuperent , suum inde perciperent gaudium. (l)

- (a) vid. Interpp. ad Luc. III. 1. inprimisque Joh. Christoph. Wolfius in Cur. philol. ad h. l. & Herm. Witfius in Miscell. sacr. t. II. exercit. XV. §. 34 sqq. (b) Luc. III. 2. (c) Jon. I. 2. (d) Matth. X. 7. (e) vid. Christ. Brunings compend. Antiquitt. Græc. cap. III. §. 5. XVIII. §. 13. sqq. (f) vid. Joh. Dan. Ritteri dissertatio de festalibus populi Romani , Lips. edita 1732. (g) Gemara cod. Bava Metzia fol. 28. col. 2. post init. (h) cod. Schekalim cap. I. 1. (i) in not. ad h. l. (k) Gemara cod. Berachoth. fol. 28. col. 1. post init. (l) ibidem fol. 55. col. 2. post med.

§. V.

Ad mandatum itaque divinum , non suo instinctu , proprioque consilio motuque aut prava inductus ambitione præconem agebat Johannes ἐν τῇ ἐρήμῳ τῆς Ἰουδαίας in solitudine Judææ. Quænam aut qualis hæc fuerit solitudo , non una eademque omnibus est sententia. *Invaluit apud multos , inquit*

quit RELANDUS, opinio, solitudines Judæ
fuisse trans Jordanem, qui & eremum S. Jo-
hannis illic collocant. (a) Sed idem mox re-
gerit: non nego, imo adstruxi banc sententiam
alibi pluribus, regionem trans Jordanem Iŷda'ia
potuisse dici, atque ita nuncupatam à quibus-
dam fuisse, verum, quando eremus sive solitudo
Judæ memoratur, de solitudine cis Jordanem
cogitandum est, quæ ibi in sacris literis colloca-
tur, & hoc nomine nota est. Nunquam enim,
quod sciam, locus vel regio aliqua Perææ ap-
pellatur ἐρημος Ἰŷδα. (b) Campestria Jor-
danis, planitiemque Hierichuntis hoc no-
mine venire, Campegius VITRINGA (c),
tractum autem regionis Ziph & Mahon Ada-
mus RECHENBERGIUS tuetur. (d) Quo-
cunque modo res sese habet, non procul
abfuisse hanc solitudinem arbitror, a Che-
brone, olim Kirjatharbe dicta, (e) quæ pa-
tria Johannis vulgo fuisse creditur, (f) ci-
vitate Judæis eo potissimum nomine cele-
brata, quod hominum maxime illustrium
quatuor paria in ea fuerint sepulta. Ut
enim GEMARA certiores nos facit: אמר

ר' יצחק קרית ארבע ארבע זוגות היו
אדם וחוה אברהם ושרה יצחק ורבקה
יעקב ורפאל Dicit R. Isaac: vocatur Kirjath-
arba, quia (hominum) quatuor paria (ibidem)
fuerunt sepulta, Adam & Eva, Abraham & Sara,
Isaac & Rebecca, Jacob & Lea. (g) Neque
illud

gen-

gentius inquirentem, consulere non pigebit. (m)

- (a) vid. ejus Palæst. libr. I. cap. LVI. pag. 376. (b) l. c. (c) in Comment. ad Ef. XVI. I. tom. I. p. 476. & tom II p. 356. (d) in dissertt. Acad. p. 185. (e) vid. Relandi Palæst. libr. II. cap. XII. p. 489. (f) vid. Lightf. Hor. Hebr. & Talm. ad Matth. III. 1. & Marc. II. §. 4. conf. Herm. Wittii Miscell. sacr. tom. II. exercit. XV. §. 25. (g) vid. Wagenfeilii Sota p. 289. (h) vid. Relandi Palæst. libr. I. cap. LVI. p. 374. (i) Hor. Hebr. & Talm. ad Marc. II. §. 4. (k) cod. Erub. hin fol. 54 col. 1. circ. fin. (l) Glossa magna in Cant. p. m. 262. col. 2. circ. med. (m) Miscell. sacr. tom. II. exercit. XV. § 37. conf. Lightf. in decad. chorogr. Marco præmissa cap. II. §. 4.

§. VI.

Prima autem divini hujus præconis vox erat: μετανοείτε. ἤγγικε γὰρ ἡ βασιλεία τῶν ὐρανῶν *resipiscite, appropinquavit enim regnum cælorum.* Quam grata Deo fit pœnitentia, quantaque illius vis sit, non uno in loco moneñt HEBRÆORUM MAGISTRI, scriptis subinde suis inspergentes: גדולה תשובה שמביאה רפאות לעולם *magna est pœnitentia, quæ mundo sanitatem conciliat,* גדולה תשובה שמקרבת גאולה לעולם *magna est pœnitentia, quæ mundo accelerat redemptionem,* גדולה תשובה שמארכת ימיו ושנותיו של אדם *magna est pœnitentia, quæ vitam annos-*
que

גרולה תשובה שמגעת, *que prolongat hominis*,
 גרולה תשובה *magna est pœnitentia*, *qua*
pertingit ad thronum gloriæ, גרולה תשובה
magna est pœni- שזרונות נעשות לו כזכיות
tentia, quoniam peccata proæretica fiunt (per
 eam) *quasi essent merita.* (a) Et quid pul-
 chrius, quæso, istis doctoris ELIESERIS
 verbis, quibus omnes ad pœnitentiam ex-
 hortatur: שוב יום אחר לפני מיתתך
 שאלו תלמידיו וכי אדם יודע איזה יום
 ימות אל' וכל שכן רשוב היום שמא
 ימות למחר ונמצא כל ימיו בתשובה ואף
 שלמה אמר בחכמתו בכל עת יהיו בגדיך
 לבנים ושמן על ראשך לא יחסר:
Pœnitentiam age uno die ante, quam moriaris.
Sciscitantibus vero discipulis, at, quomodo no-
vit homo, quo die sit moriturus? respondit:
quin ergo hodie pœnitentiam agat, quod cras
forte ipsi sit moriendum, ut per omnem vitam
pœnitens deprehendatur. Hinc etiam Salomo in
 sapientia sua dicit (Eccles. IX. 8.) *vestimenta*
tua omni tempore sint candida, & oleum super
capite tuo ne deficiat. (b) Quo propius ita-
 que Johannes regnum Messiaë instare no-
 verat, eo fortius vehementiusque vitæ ur-
 gebat morumque integritatem. Per βασι-
 λείαν enim των ὁρανω̄ν *regnum cœlorum*, ni-
 hil signari aliud, quam tempora Messiaë,
 Nov, Bibl. Lub, Vol. I. B five

sive gratiosum illud Messiae regnum, a priscis vatibus dudum prædictum, (c) ex tota sermonis serie patet. JOH. LIGHTFOOTUS phrasin desumptam esse putat ex Dan. VII. 13. 14. (d) GOTHOFREDUS autem OLEARIUS eam repetit ex Dan. II. 44. (e) Sed quamvis loquendi hæc ratio usitatissima forte fuerit Johannis, & quod eum antecedebat tempore, sæpiusque de regno Messiae occurrat in novi fœderis tabulis: (f) vix tamen hoc sensu eam inveniri in Judæorum scriptis, qui sequioribus post Christum natum sæculis vixerunt, pro suo candore ostendit CHRIST. SCHÖTTGENIUS, *ingenue, inquit, fateri cogor, me in scriptis Judæorum tale quid non multum observasse, quamvis ad illam phrasin, ubicunque mihi occurrit, animum sedulo adverterim. Unicus locus mihi occurrit in Targum Michæ IV. 7. & revelabitur ipsis regnum cælorum in monte Zion, a nunc & usque in sæculum.* (g) Eodem jure huc advocaveris CHALDÆUM PARAPHRASTEN ad Esa. XL. 9. **אמרו לקרויה דבית יהודה אתגליאת מלכותא:** *dicite civitatibus domus Jehudæ, regnum Dei vestri revelatur, & Esa. LIII. 11. יחזון במלכות משיחיהון* *videbunt regnum Messiae sui*, quæ loca diligentissimus harum rerum scrutator JOH. LIGHTFOOTUS jam excitavit, (h) Ex varia tamen scriptorum Judai-

Judaicorum lectione opportune se mihi obtulit illustris locus, ab autoribus libri R A B-
BOTH in medium prolatus, quem integ-
rum ut apponam, operæ esse pretium vi-
detur : ר' ברכיה בשם ר' יצחק כתיב :
ויראני ה' ארבעה חרשים ' ואלו הן
אליהו ומלך המשיח ומלכי צדק ומשוח
מלחמה עת הזמיר הגיע זמנן של ישראל
להגאל הגיע זמנה של ערלה להזמר
הגיע זמנה של מלכות כותים שתכלה
הגיע זמנה של מלכות שמים שנתגלה
שנ' והיה ה' למלך על כל הארץ :

R. Berachja nomine R. Isaac dicit : scriptum est (Zach. II. 3.) & ostendit mihi Deus quatuor fabros. Isti sunt Elias, & rex Messias, & Melchisedecus, & unctus belli (i. e. Messias filius Josephi). Porro (dicitur Cant. II. 12.) : tempus cantillationis (velut alii volunt, tempus amputationis) appropinquavit, (cujus loci sensus hic est) tempus Israelitarum, quo redimendi sunt, appropinquavit, tempus præputii, ut amputetur, (i. e. quo præputiatæ gentes amputandæ sunt) appropinquavit, tempus Cuthæorum, ut devastetur, appropinquavit, tempus regni cælorum (appropinquavit) ut manifestetur, quemadmodum dicitur: (Zach. XIV. 9.) & Deus rex erit super omni terra, (i) ubi per tempus regni cælorum gratiosum illud Messiaæ regnum, seu tempora Messiaæ intelligi debere, ex addito Zachariae loco sole meridiano clarius elucescit.

(a) Gemara cod. Joma fol. 86. col. 1. ant. fin. & col. 2. init. (b) Gemara cod. Schabbath fol. 153. col. 1. ant. med. (c) vid. Is. XXII. 29. XCIII. 1. XVII. 1. Es. LII. 7. &c. (d) Hor. Hebr. & Talm. ad h. l. (e) in Comment. ad h. l. (f) Lightf. Hor. Hebr. & Talm. ad h. l. §. 1. (g) in dissert. de Regno cœlorum Hor. Hebr. & Talm. subnexa. p. 1147. sqq. (h) Hor. Hebr. & Talm. ad h. l. §. 3. (i) in Glossa magn. in Cant. p. m. 260. col. 1. post med.

§. VII.

Non autem præconem tantum agebat Johannes, qui populum magna voce ad pœnitentiam excitabat, moxque secuturi Messia adventum nuntiabat: sed & muneri huic dudum a Deo fuisse destinatum, ex Esaia probat ΜΑΤΤΗÆUS noster, Οὗτος γάρ, inquit, ἐστίν, ὁ ῥηθεὶς ὑπὸ Ἡσαΐα τῷ προφῆτῃ, λέγοντος· Φωνὴ βοῶντος ἐν τῇ ἐρήμῳ· Ἐτοιμάσατε τὴν ὁδὸν Κυρίου, εὐθείας ποιεῖτε τὰς τρίβους αὐτοῦ. *Hic enim est, de quo dictum est per Esaiam prophetam, dicentem: Vox clamantis in deserto: parate viam domino, rectas facite semitas ejus.* Quo sensu hoc Esaia vaticinium ad Johannem referri queat, utrum simplici, an typico, tam late persequitur HERMANNUS WITSIUS, (a) ut ferias hic nobis fecisse, nec quicquam addi posse videatur. Ad ritum autem parandi vias quod attinet, nimiam forte & supervacaneam infumunt operam, qui verba Esaia illustranda esse

esse putant *ex more Veterum, Regum præcipue Orientis, qui cum aulicis aut exercitu iter facturi, præmittebant apparitores stipatoresque, qui vias adæquarent, & hiatus obstruerent,* (b) quorsum etiam tendit HERMANNUS WITSIUS, in hanc pronuntians sententiam: *Ut populi sæpe jubentur præconis voce, Regibus & Principibus urbem aliquam cum pompa ingressuris, præparare vias, complanare semitas, aspera, sordida, indecora remove: ita præconis vice functus est Johannes, Israelitas, quanta potuit contentione, officii sui commonefaciens, ut advenienti Messia vias complanarent, quibus in ades ipsorum animosque posset illabi, imo & corda per pœnitentiam omni illuvie expurgarent, quæ introitum illius vel arcere, vel morari posset.* (c) Quid enim opus est, a peregrinis Orientis Regibus arcessere, quæ ex domestica Hebræorum historia rectius explicari possunt? Non commemorabo fabulam, quam de septem nubibus gloriæ una cum Israelitis in solitudine commeantibus referunt, quarum una trium dierum præcesserit itinere ad depri-mendum montes & exaltandum valles: (d) sed quod uno omnes fatentur ore, mature prospiciendum erat synedrio, ut, antequam Pascha incurreret, hiemalibus plu-viis corruptæ viæ, fluminumque excursio-nibus rescissi pontes quotannis reficerentur. Hoc enim nisi esset factum, intercalari an-nus,

nus, integerque inter Adar & Nisan inferi mensis debebat. Testem habeo Maimonidem, qui, cum de causis intercalandi annum latius differuisset, mox subjicit :

ויש שם דברים אחרים שהיו בית דין מעברין בשבילן מפני הצורך ואלו הן מפני הדרכים שאינן מתוקנים ואין העם יכולין לעלות מעברין את השנה עד שיפסקו הגשמים ויתקנו הדרכים ומפני הגשרים שנהרסו ונמצאו הנהרות מפסיקין ומונעין את העם ומסתכנין בעצמן ומתים מעברין את השנה עד שיתקנו הגשרים :

Sunt etiam aliæ causæ, propter quas syne-
drium necessario annum intercalare debuit, cujusmodi sunt viæ nondum reparatæ, ut populus (Hierosolymas) ascendere haud posset, quo in casu intercalabant annum, donec deficerent pluvix, viæque essent reparatæ. Sic propter rescissos pontes, ut intercedentia flumina non modo arcerent populum, sed & in vitæ adducerent periculum, intercalabant annum, usque dum pontes essent refectioni. (e) Sed hæc ὡς ἐν παρόδῳ dicta sunt.

(a) in Miscell. sacr. tom. II. exercit. XV. §. 36.

(b) vid. Joh. Christoph. VVolffius in Curis philol. adh. I. (c) l. c. §. LIII. (d) vid. Chald. paraphrasten ad Cant. II. 6. (e) Hilchoth Kidusch hachodesch, cap. IV. 5.

§. VIII.

Tam nova re perculsis attonitisque
 Judæis, ἐξεπορεύετο πρὸς αὐτὸν Ἱεροσό-
 λυμα, καὶ πᾶσα ἡ Ἰσδαία καὶ πᾶσα ἡ
 περίχωρος τῇ Ἰορδάνῃ egrediebatur ad eum
 Hierosolyma, ὅ ὅλης Judæa, ὅ ὅλης
 circumjacens regio Jordanis. Non opus est,
 ut moneamus, hæc omnia μετωνυμικῶς esse
 dicta, cum ea in vulgus nota sint. Oppo-
 nitur autem Ἱεροσόλυμα, καὶ πᾶσα ἡ Ἰσδαία,
 καὶ πᾶσα ἡ περίχωρος τῇ Ἰορδάνῃ Hierosolyma
 ὅ ὅλης Judæa, ὅ ὅλης circumjacens regio
 Jordanis τῇ ἐρήμῳ τῆς Ἰσδαίας solitudini Ju-
 dæa, ad indicandum, non de universa,
 qua patet, terra Israelitica, inter duodecim
 tribus quondam divisa, sed ea tantum parte,
 quæ solitudini, in qua versabatur Johan-
 nes, erat vicina, sermonem hoc loco esse.
 Hierosolyma enim, ut notum, in confiniis
 tribus Judææ & Benjamin erat sita, (a) Ju-
 dæa, quæ ob latitudinem suam, hoc loco
 dicitur πᾶσα ἡ Ἰσδαία ὅ ὅλης Judæa, a
 Marco restringitur ad πᾶσαν τὴν Ἰσδαί-
 αν χώραν ad omnem regionem Judæam, (†)
 quæ non erat nisi regio, solitudini,
 in qua versabatur Johannes, vicina. Cir-
 cumjacens autem regio Jordanis non erat
 tractus totam Judæam circumjacens, sed
 tractus certus, Hebræis ככר הירדו plani-
 ties Jordanis dictus, ut recte judicat. JON.

CHRIST. WOLFFIUS. (b) Quod si tamen quis eo etiam referre velit oppositam huic tractui regionem trans-jordanicam, is faventem sibi habebit JOH. LIGHTFOOTUM, qui, cum situm Jordanis vicinarumque regionum ad littus procurrentium ex BORCHARDO atque JOSEPHO latius descripsisset, mox subjicit: *docent ista, quæ sit περίχωρος Ἰορδάνου*, & adjecta vox πάσα ab Evangelista, suadere potest, & ulteriorem ripam comprehendendi posse, præsertim vero si perpendatur, quam nihil fere distantiae fluvius interposuerit. Adeo modicum spatium excepit, ut referant Gemaristæ Hieros. Bava kama fol. 5. 3. incendium in hac ripa accensum, ad alteram transvolasse, & supponunt, aquam ab hac ripa ad illam posse spargi, in cautione ista, Babyl. Jevamoth fol. 116. 2. ne accipiat quisquam aquas purificationis & cineres purificationis, & transvehat trans Jordanem. Nec stet in hac ripa, & spargat in aliam. Utcumque: non ea latitudine fuit fluvius, quin quod duo ex adversis ripis stantes, potuerint se invicem intueri, aliquid ab hac ad illam trajicere, imo & confabulari: & tum cogitandum, an non & ulterioris ripæ incolæ etiam ad Baptistam confluerint, tam prope eum existentes, & quasi intra conspectum. (c)

- (a) vid. Relandi Antiquitt. sacr. part. I. cap. II. §. 4. (†) cap. I. §. (b) vid. Tab. Geograph. (c) vid. Hor. Hebr. & Talm. in decade chorogr. Marco præmissa cap. II. §. 6.

- §. IX.

Confluebat itaque ad eum omnis ex omni
 vicinia populus, καὶ ἐβαπτίζοντο ἐν τῷ Ἰορδάνῃ
 ὑπ' αὐτοῦ. & baptizabantur ab eo in Jordane.
 Non immorabimur controversiæ diu mul-
 tumque inter nostri aliorumque cætuum
 Theologos agitatae, an baptismus Profelyto-
 rum obtinuerit quondam in gente Ebræa, quod
 ab utraque parte acriter disputatur, (a) ne-
 que illud excutiendum nobis sumemus, an
 baptismus Johannis idem fuerit cum baptismo
 Christi, quod magno consensu a plerisque
 propugnari videmus. (b) Hoc utique cer-
 tum est, viguisse jam olim quendam inter
 Judæos baptismum profelytorum. Quo
 vero tempore, & a quo primum sit institu-
 tus, nostrum non est definire. Quod si
 conjecturis locus relinquatur, inquit celeber-
 rimus JOH. FRANC. BUDDEUS, haud
 procul forte a scopo aberrabunt, qui a Phariseis
 hunc ritum abluendi vel baptizandi profelytos
 introductum existimant. Certe eos rituum &
 ceremoniarum, cum primis lotionum seu baptis-
 morum studiosissimos fuisse, non minori etiam
 cupiditate preselytos faciendi flagrasse, ex Matth.
 XXIII. 15. 25. itemque Luc. XI. 30. 40. con-
 stat. (c) Baptizabantur autem omnes, qui
 ad Johannem accedebant, ἐν τῷ Ἰορδάνῃ in
 Jordane, celebratissimo illo totius terræ flu-
 vio, qui ex lacu Phiala prorumpens, in la-

cum Samochinitidis excurrit, indeque in lacum Tiberiadis effunditur, & longo tandem tractu in lacum Asphaltitis se evoluit. (d) Sed propius adhuc locum nobis designat Evangelista JOHANNES, qui lotionem hanc sacram a baptista primum susceptam esse ait, ἐν βηθαβαρᾷ πέραν τῆς ἰορδάνης *in Bethabara trans Jordanem.* (e) Hic ipse erat locus, quo Judæi legatos mittebant ad Johannem, qui sciscitarentur, quare hanc baptizandi licentiam sibi sumeret, cum neque Christus esset, neque Elias, neque Propheta? (f) Hic ipse erat locus, ubi Christus ex Galilæa veniens, uno fere eodemque cum adventantibus Judæis tempore baptismum recipiebat. (g) Huc idem se conferebat, cum in Encaniorum festo violentas Judæorum effugeret manus. (h) Sed tamen nemo a Johanne ad baptismum admittebatur prius, quam publice sua esset peccata confessus, vel, ut MATTHÆUS loquitur, ἐξομολογέμενοι τὰς ἁμαρτίας αὐτῶν *publice confitentes peccata sua.* Ejusmodi enim confessio ab hominibus, ad βαπτισμὸν τῆς μετανόιας *baptismum pœnitentiæ* accedentibus exigebatur, solemnique hac atque recepta abolvebatur formula: **אנא השם חטאתי עויתי פשעתי לפניך ועשיתי כך וכך והרי נחמתי ובושתי במעשי ולעולם איני חוזר לדבר הזה** *Obsecro, o Deus, peccavi ego, per-*

perverse egi, deliqui coram te, hoc & istud peccatum admisi, jam vero pœnitet me facti, & admissorum meorum pudet, nec unquam ad pristinos mores revertar. (i) Hac utebatur etiam Pontifex M. in summo expiationis die, primum pro se & domo sua, deinde pro universa domo Aharonitica, tandemque pro universo populo admissorum veniam quaesiturus, (k) qua de re alio in loco professi nos agerè opera, haud inviti meminimus. (l)

(a) vid. Joh. Franc. Buddeus Instit. Theol. dogm. libr. I. cap. I. §. 2. not. (b) ibid. (c) vid. id. libr. V. cap. I. §. 2. not. (d) vid. Tabb. Geogr. inprimis Relandi. (e) Joh. I. 28. (f) ib. v. 19. seqq. (g) vid. Matth. III. 13. Marc. I. 9. 11. Luc. III. 21. (h) vid. Joh. X. 22. (i) vid. Maimonides Hilchoth Teshuba cap. I. 1. (j) ib. (k) Maim. Hilchoth Jom haecippurim cap. IV. §. 1. (l) singulari programm. de Christo Apostolo & Pontifice Confessionis nostræ ad Hebr. III. 1.

§. X.

Hæc inter attollens oculos Johannes, vidit, πολλὰς τῶν Φαρισαίων καὶ σαδδουκαίων ἐρχομένους ἐπὶ τὸ βάπτισμα αὐτοῦ multos Phariseorum ad suum baptismum venientes. Erat hoc genus hominum vafrum admodum atque versutum, ex fraudibus atque fallaciis totum fere compositum, externam plerumque pietatis sanctitatisque præferens speciem, intus vero & in pectore virustegens &

& atram bilem. (a) Quo novo spectaculo commotus, vixque oculis suis fidem habens, quod tantæ malitiæ homines ad suum quoque baptismum accederent, in summam abripiebatur admirationem. Sunt, qui Phariseos & Sadducæos a Johanne non baptizatos existimant, novamque vocibus ἐρχομένους ἐπὶ τὸ βάπτισμα αὐτοῦ venientes ad baptismum suum explicationem affingentes, particulam ἐπὶ per contra efferunt, hoc forte sensu: videns vero Johannes, ut baptismo suo se opponerent, accedentes Phariseos & Sadducæos: (b) quam sententiam GOTHOFR. INPRIMIS OLEARIUS (c) ornandam sibi sumsit. Sed recte observat JOH. CHRISTOPH. WOLFFIUS, manifestum satis esse tum ex vi phraseos Græcæ communiori, tum ex contextus serie, tum ex parallelismo Lucæ rectius communem interpretationem teneri. (d) In ista itaque admiratione dubius hærens atque incertus, quo animo accederent, appellat eos γεννήματα ἐχιδνῶν progenies viperarum, serpentes ex serpentibus natos, quos Græci dicerent, κακὸν κόρακος κακὸν ὄον mali corvi malum ovum. (e) Neque enim præclare de iis sentire poterat, qui ita a majoribus suis erant edocti: כה תלמיד חכם שאינו נוקם ונוטר בנחש אינו תלמיד חכם: Non est discipulus sapientis, qui non vindictæ est cupidus, iramque servat instar serpentis. (f) His arti-

artibus imbuebantur a teneris inde unguiculis, his inhærebant adultiores facti, in his consenescebant, easque per omnem vitam ad usum transferebant. Testis est R.

ELIESER, cujus præclarum in PIRKE AVOTH

habetur monitum הוי מתחמם כנגד אורן

של חכמים והוי זהור בגחלתן שלא תכזה

שנשיכתן נשיכת שועל ועקיצתן עקיצת עקרב

ולחי שתן לחישת שרף ואף כל דבריהם

כגחלי אש: *Incalescas ad ignem sapientum,*

sed caveas tibi ab illorum prunis, ne aduraris.

Nam morsus illorum est morsus vulpis, compunctio

illorum compunctio scorpion, sibilusque eorum igniti

serpentis sibilus. Quin imo omnia verba illorum

sunt quasi carbones ignis. (g) Sed quomodo his

conveniat cum disciplina Christi & legato-

rum ejus, qui multo nos sanctioribus præ-

ceptis instruunt, ἀγαπάτε τὰς ἐχθρὰς ὑμῶν,

εὐλογεῖτε τὰς καταρωμένους ὑμᾶς, καλῶς ποι-

εῖτε τὰς μισῶντας ὑμᾶς, καὶ προσεύχεσθε

ὑπὲρ τῶν ἐπηρεάζόντων ὑμᾶς *amate inimicos*

vestros, bene precamini iis, qui vobis impre-

cantur, benefacite vestris malevolis, orate pro læ-

dentibus, vosque insectantibus, (h) ipsi

viderint.

(a) vid. Matth. XXIII. 27. (b) vid. Joh. Christoph. Wolffii Cur. philol. ad h. l. (c) in Observat. in Matth. ad h. l. (d) in Cur. philol. ad h. l. (e) vid. Grotius ad h. l. (f) Gemara cod. Joma fol. 23. col. 1. (g) cap. II. 10. (h) vid. Matth. V. 44.

§. XI.

Adhuc itaque plenus admiratione & de proposito illorum incertus in has tandem erupit voces, τίς ὑπέδειξεν ὑμῖν Φυγεῖν ἀπὸ τῆς μελλούσης ὀργῆς; *quis vobis præmonstravit effugere futuram iram?* Singularis est viri clariss. JOH. CLERICI sententia, qui verba hæc non admirantis esse, sed negantis propugnandum sibi sumsit, *c'est à dire, inquit, personne ne vous a dit, qu'en recevant mon baptême, & en temoignant en general, que vous vous repentez de vos peches, sans changer d'ailleurs de vie, vous eviterez des peines, que Dieu va faire souffrir aux impenitens, en entrant en son regne. Ce n'est point là ma doctrine. Dans toutes les Langues une interrogation a souvent la force d'une negation. Voyez ci-dessus Chap. II. 6. (a)* Verum hæc expositio præcepta tantum opinione nititur, quod Pharisei & Sadducei, ad Johannis baptismum accedentes, perditissimi fuerint, & desperatæ malitiæ homines, qui rei novitate potius, quam baptismum recipiendi studio adducti, aut, ut baptismum ejus se opposerent, ad ipsum accessissent, qua de re antea a nobis fuit actum. (b) Nec obstat, quod eos vocaret γεννήματα ἐχιδνῶν *progenies viperarum*, ex quo colligi forte posset, non sincero eos, sed ficto simulatoque accessisse animo, quod aliqui etiam ex priscis Ecclesiæ DOCTORIBUS inde

inde elicere cupiverunt. (c) Nihil enim exinde conficitur aliud, quam quod ob summam pervulgatamque id generis hominum malitiam sublestæ fidei eos suspectos habuerit, de quo tamen certus esse haud poterat, cui intimos pectoris illorum recessus inspicere haud erat datum. Per μέλλουσαν autem ὄργην *futuram iram*, non solum æternos cruciatus, impiis aliquando expectandos, sed & instans intelligo Hierosolymæ totiusque gentis excidium, quod jam imminere ait, posita ad radicem arborum securi, (d) verba autem φυγεῖν τὴν μέλλουσαν ὄργην *futuram iram*, per rationem effugiendi futuram iram, efferenda puto. Est enim Infinitivus loco Nominativi positus, & geratim indicat rationem, qua ipsi & alii scelerum flagitiorumque focii effugere possent instantem iram. Nullum enim aliud avertendi iram divinam suppetebat remedium, quam si omnes a pristinis recederent moribus, & sacris Jordanis abluti undis, a peccatorum sordibus repurgarentur.

(a) in not. ad Vers. Gall. N. T. in h. l. (b) vid. præc. §. (c) vid. Gothofr. Wegneri Annot. in h. l. it. Erasmi Schmidii not. in h. l. (d) vid. v. 19.

§. XII.

Quocunque itaque accesserant animo, Johannes de quibusdam adhuc, antequam
eos

eos ad baptismum admitteret, admonendos putavit. Primum erat, ne ore tantum confiterentur peccata, sed & verum vitam emendandi afferrent propositum, ipsoque opere vitam emendarent, ποιήσατε &ν, inquit, καρπὸς ἀξίος τῆς μετανοίας facite itaque fructus pœnitentia dignos. Ut enim præclare GEMARICI DOCTORES:

אדם שיש בידו עבירה ומתורה ואינו חוזר בה למה הוא דומה לאדם שתופס שרץ שאפילו טובל בכל מימות שבעולם לא עלתה לו טבילה זרקו מידו מיד עלתה לו טבילה שניא ומורה ועוזב ירוחם ואומר נשא לבבנו אל כפים אל אל בשמים: *Si quis peccatum*

admisit, illudque confitetur, neque tamen ab eo desistit, cuinam is similis est? (Similis est) homini, qui reptile tenet manu sua. Etiam si is lavet se omnibus aquis totius mundi, nihil hoc ipsi prodest. Quod si autem illud abjiciat e manu sua, statim lotio ipsi proficua est, quemadmodum dicitur (Prov. XXVIII. 13.): qui fatetur (peccata sua) eaque deserit, misericordiam consequetur, it. (Thren. III. 41.) Tollamus cor nostrum cum manibus ad Deum, qui est in cælis. (a) His consonat magnus ille non rituum modo, sed & morum in vita doctor MAIMONIDES:

כל המתורה בדברים ולא גמר בלבו לעזוב הרי זה דומה לטובל ושרץ בידו שאין הטבילה מועלת לו עד שישליך השרץ:

Qui

Qui verbis tantum confitetur, nec firmum in pectore habet propositum pristinos mores corrigendi, similis est ei, qui sordes corporis abluens, reptile manu tenet, cui nihil prodest ablutio, donec reptile tandem abjecerit. (b) Et hæc

demum est illa pœnitentia, quam תשובה גמורה plenam perfectamque pœnitentiam Hebræorum magistri vocant, cujus plenior descriptionem nobis exhibet modo excitatus

MAIMONIDES: אי זו היא תשובה גמורה זה שבא בירו דבר שיעבר בו ואפשר בירו לעשותו ופירש ולא עשה מפני החשובה לא מיראה ולא מכשולון כח כיצד הרי שבא על אשה בעבירה ולאחר זמן נתייחר עמה והוא עומד באהבתו בה ובכר גופו ובמדינה שעבר בה ופירש ולא עבר זהו בעל תשובה גמורה

Quanam perfecta est pœnitentia? Si cui occasio fuerit oblata perpetrandi iterum, quod olim forte admisit, isque facultatem etiam habeat, idem exsequendi scelus, & nihilofecius abstineat, neque illud ob factam pœnitentiam perficiat, non ex timore, aut imbecillitate virium, ut, si quis e. g. cum muliere illicite rem habuerit, & post aliquod temporis spatium cum ea sit solus, & in amore suo constanter perseveret (i. e. amore erga illam adhuc flagret) viresque habeat integras, eodemque in loco, ubi antea deliquerat, commoretur, & nihilofecius abstineat, nec in peccata proruat, is demum perfectam

*factam egisse pœnitentiam dici potest. (c) Cæ-
terum vocem ἄξιος dignus, respondere pu-
tem Hebrææ voci וָנִין dignus, conveniens,
ut ποιεῖν καρπὸς ἀξίος τῆς μετανοίας facere
fructus pœnitentia dignos, idem sit, quod,
facere fructus, qui pœnitentiæ conveniunt, i. e.
opera, qualia decet ab animo pœnitente
proficisci, (d) quamvis RAPHELIUS (e)
& HOMBERGIUS (f) existiment, hanc
significationem ex media Græcia esse peti-
tam, nec profanis autoribus quondam fuisse
inusitatam. (g)*

(a) vid. cod. Tannith. fol. 16. col. 1. ant. fin.

(b) Hilchoth Teshuba cap. II. §. 3. (c) ibid.

§. 3. (d) vid. Wolffius Cur. philol. ad h. l.

(e) in not. Polybian. p. 27. (f) in parergis

sacr. p. 9. seqq. (g) vid. iterum Wolffius in

cur. philol. ad h. l.

§. XIII.

Alterum, de quo admonendos eos cen-
sebat, in eo erat positum, ut abjicerent ni-
miam, quam in autorem generis sui Abra-
hamum locaverant fiduciam. Quandoqui-
dem enim τῆς μελλούσης ὀργῆς futurae sive in-
stantis iræ injecerat mentionem, quam sibi
suisque ob promissionem Abrahamo factam
pertimescendam non putabant, per πρόληψιν,
sua constantem ὑποφορὰ & ἀνθυποφορὰ ta-
citæ huic objectioni occurrit. Ὑποφορὰ his
continetur verbis; καὶ μὴ δόξετε λέγειν ἐν
ἑαυτοῖς

ἐαυτοῖς· πατέρα ἔχομεν τὸν Ἀβραάμ ὅ nōlite cogitare intra vos, patrem habemus Abrahamum. Dicit profecto non potest, quanta eorum de sua ex Abrahami origine fuerit gloriatio. Quid crebrius in ore illorum, quam ut dicerent, πατέρα ἔχομεν τὸν Ἀβραάμ patrem habemus Abrahamum (a) σπέρμα Ἀβραάμ ἐσμέν semen Abraham sumus, (b) ὁ πατήρ ἡμῶν Ἀβραάμ ἐστὶ pater noster Abraham est? (c) qua velut præcipua quadam gentis suæ gloria adeo nitebantur, ut divina sese excidere gratia, funditusque deleri haud posse, certissime essent persuasi. Apponam majoris illustrationis gratia, quæ huc faciunt, HERMANNI WITSII verba: Admodum superbiebant Judæi sua ex Abrahamo origine, Joh. VIII. 33. quam sibi non modo in hoc sæculo gloriosam, sed ὅ in futuro, ὅ ad æternam salutem profuturam arbitrabantur. Existimabant, Israelitas rejici non posse; jaçtabant, cuius Israelitæ partem futuram esse in futuro sæculo. Idque tribuebant non solum promissioni Dei Abrahamo factæ, sed ὅ ipsius Abrahami merito: (d) Promissionem autem Abrahamo factam, totiusque fœderis, quod ipsi cum Deo intercesserat, formulam, conceptis verbis pandit nobis divinus scriptor MOSES:

וְהַקִּימְתִּי אֶת - בְּרִיתִי בֵּינִי וּבֵינֶיךָ וּבֵין
זֶרְעֶךָ אַחֲרֶיךָ לְרַחֲמֶם לְבְרִית עוֹלָם לִהְיוֹת
לָךְ

לֵךְ לֵאלֹהִים וְלִזְרַעְךָ אַחֲרֶיךָ: וְנָתַתִּי לְךָ
וְלִזְרַעְךָ אַחֲרֶיךָ אֶת אֶרֶץ מִגְרֶיךָ אֵת כָּל-
אֶרֶץ כְּנָעַן לְאַחֲזָתָהּ עוֹלָם וְהָיִיתִי לָהֶם

לֵאלֹהִים: *Et confirmabo fœdus meum inter
me Et inter te, interque semen tuum post te in
generationibus suis fœdere sempiterno, ut sim
tibi Deus Et semini tuo post te.* Et dabo tibi

Et semini tuo post te terram, cujus tu peregrinus es, videlicet totam terram Canaan in possessionem sempiternam, eroque illis Deus. (e)

Hujus promissionis memor pro sua in hunc populum gratia benignissimus Deus, excitabat iis Mosen, qui eos ex captivitate educeret Ægyptiaca, (f) hujus promissionis spe freti, solabantur se invicem in omnibus ærumnis atque calamitatibus, (g) hac sese laetabant in captivitatem abrepti babyloniam, (h) hac denique in hunc usque nituntur diem, quotidie ingementes: אַבְל אֲנַחְנוּ

עַמְךָ בְּנֵי בְרִיתְךָ בְּנֵי אֲבֹרָהִם אֹהֲבֶיךָ
שֶׁנִּשְׁבַּעְתָּ לָנוּ בְּהַר הַמּוֹרִיָּה זֶרַע יִצְחָק יַחֲדוֹ
שֶׁנֶּעֱקַד עַל גְּבֵי הַמִּזְבֵּחַ עֲרַת יַעֲקֹב בֶּנֶךְ
בְּכוֹרֶךָ שֶׁמֵּאֲהַבְתָּךְ שֶׁאֲהַבְתָּ אוֹתוֹ וּמִשְׁמַחְתָּךְ
שֶׁשִּׁמַּחְתָּ בּוֹ קִרְאתָ אֶת שְׁמוֹ יִשְׂרָאֵל
וְיִשׁוּרוּן: *Verumtamen nos populus tuus sumus,*

*filii fœderis tui, filii Abrahami, dilecti tui, cui
juramento te obstrinxisti in monte Morijah, semen
Isaaci, unigeniti illius filii, qui ligatus
fuit super altari, cœtus Jacobi, filii tui primo-
geniti*

geniti, quem ob amorem, quo profecutus es eum
 & propter gaudium quo oblectatus in eo fuisti,
 Israellem vocasti & Jeschurun. (i)

(a) Luc. III. 8. (b) Joh. VIII. 33. (c) ibid.
 vers. 39. (d) in Miscell. sacr. tom. II. exer-
 cit. XV. §. 57. (e) Genes. XVII. 7. (f) Exod.
 II. 24. III. 15. (g) vid. Ps. CV. 8. CVI. 45.
 CXI. 5. (h) Nehem. IX. 8. (i) vid. libri
 precum & Anton. Margarithæ ganßer Jüdischer
 Glaube, p. m. 153. edit. Christ. Reineccii. Lips.
 1705. 8vo.

§. XIV.

Neque tamen irritam fore promissionem
 Dei, Abrahamo posterisque ejus factam,
 sed firmam mansuram atque integram, ipse
 Johannes innuere videtur, per Ἀνθυποφο-
 ρὰν statim subjiciens: λέγω γὰρ ὑμῖν, ὅτι
 δύναται ὁ Θεὸς ἐκ τῶν λίθων τούτων ἐγείρει
 τέκνα τῷ Ἀβραάμ dico enim vobis, quod
 possit etiam Deus ex lapidibus istis suscitare filios
 Abrahamo. In hac vero orationis parte cum
 nostra potissimum occupetur industria, nec,
 quæ ad eam explicandam Interpretes affe-
 runt, ita sint comparata, ut tuto in iis ac-
 quiescere liceat, videbimus, an non ex hi-
 storia aliquam ei lucem affundere queamus.
 Communis sententia eo tandem redit, hanc
 esse divini præconis mentem: Si vel isti,
 qui tum aderant, vel quotquot ex universa gen-
 te erant superstites, omnes perirent, posse tamen
 Deum pro sua & nullis circumscripta limitibus,
 C 3 . . . potentia

potentia, ex duris etiam lapidibus novos formare homines, qui propter fidem Abrahami filii ejus dici queant, vel, ut plenius hæc effert JON. CLERICUS: Il est vrai, que Dieu a fait de grandes promesses à la postérité d'Abraham, mais si vous vous en rendez toujours indignes, il tireroit plutôt des rochers, que vous voyez, de nouveaux hommes, qu'il nommeroit les descendans d'Abraham, pour faire du bien à ceux, qui porteroient ce nom, que de continuer de repandre ses bienfaits sur un peuple, aussi méchant que vous. (a) Sed, quomodo hæc responsio Johannis sufficere potuisset Judæis, qui se veros & genuinos Abrahami filios, ex corpore ejus & sanguine prognatos gloriabantur, si, quod res est, fateri mihi liceat, nondum perspicio. Quod si enim vel infiniti ex lapidibus procrearentur liberi, quid facere illud poterat ad tollendam vel minuendam Judæorum, quam de patre suo Abrahamo habebant, fiduciam. Illud mihi quilibet facile dabit, si literalis servari sensus queat, & commoda inveniri interpretatio, quæ suscitandos ex lapidibus liberos etiam veros esse & genuinos Abrahami liberos, ex corpore ejus & sanguine prognatos, haud difficulter ostendat, istam reliquis omnibus esse præferendam.

(a) in not. ad Versionem Gallicam N. T. in h. l.

§. XV.

§. XV.

Quod cum animo volveret JOH. MAR-
 CKIUS, omnem, quod ajunt, lapidem mo-
 vit, ut servato literalī sensu, ex memoratis a
 Johanne lapidibus liberos exsculperet, qui
 ex corpore Abrahami & sanguine sint pro-
 gnati. Rejēctis itaque aliorum opinionī-
 bus, quas longo ordine recenset, dudum est,
 inquit, quod cogitavi, omnibus his subtilitati-
 bus neutiquam opus esse, quæ ex mero oriuntur
 præjudicio de immediata lapidum in Abraha-
 midas conversione, quæ tamen in verbis Johan-
 neis neutiquam deprehenditur, nec ad ejus sco-
 pum necessaria est. Itaque sicut omnis homo ex
 terra dicitur oriri, nasci & nutriri, quæ ta-
 men non immediate in hominem mutatur, sed
 varias alias mutationes prius subit, & sicut po-
 steri ex majoribus suis excitantur, sed per mul-
 tas occultas & inpervestigabiles substantiæ illo-
 rum corporeæ conversiones, ita etiam ex lapidi-
 bus ego puto dici tum excitari filios Abrahami,
 quando lapidum vilis, dura, & ad nutrimen-
 tum naturaliter prorsus inepta substantia cedit
 loco mollium & aptiorum terræ partium & fru-
 gum in nutrimentum etiam semineum Abraha-
 midarum, qui hinc alios etiam gignant filios ex
 illa jam in se mutata lapidum substantia. Quod
 uti nequit negari, omnipotentia Dei absolutæ
 prorsus esse decens objectum, dum ab ipsius coo-
 peratione pendet omnis vis creaturarum nutriens

¶ fertilitatem addens: ita deprimere debet ortos
 ex Abrahamo filios, tanquam quorum sic manet ori-
 go ex terra non tantum, sed ex lapidibus ipsis con-
 temptissimis ¶ ineptissimis Deo volente derivari pos-
 set. (a) Atque in hac sententia mirum in mo-
 dum sibi placet vir eruditissimus, statim sub-
 jiciens: atque hanc solvendi dubii omnis viam
 gaudeo me deinde reperisse ab aliis quoque nota-
 tam tum Pontificiis, tum Protestantibus, (b)
 tandemque totam tractationem suam his
 claudit verbis: Ad quæ verbum nunc amplius
 nullum addam, adstructo sic, ut puto, satis li-
 terali dicti Johannis sensu, eoque a difficulta-
 tibus omnibus simul vindicato. (c) Sed, ut
 ingenue dicam, quod sentio, ex omnibus,
 quæ prostant, opinionum varietatibus nul-
 lam adhuc invenio, quæ minori se proba-
 bilitatis specie mihi commendet. Ut enim
 antea monui, ea verborum Johannis erat
 sententia: Si vel omnes, qui tum erant su-
 perstites, perirent, posse nihil secius Deum ex
 duris, qui in conspectu erant, lapidibus, no-
 vam suscitare sobolem Abrahamo, ut salva
 maneat Dei promissio, nec Abrahamo unquam
 liberi sint defuturi. (d) Prius ergo omnes
 perirent necessum foret, quam nova Abra-
 hamo soboles ex lapidibus suscitaretur. At
 si periissent omnes, quomodo, quæso, la-
 pides in mortuorum hominum cedere nu-
 trimentum possent, ut ex iis novi procreari
 possent liberi, veri Abrahami liberi futuri?
 aut,

aut, si hæc mens est clarissimi viri, quod, antequam funditus delerentur, lapides iis in nutrimentum sint cessuri, ex quibus in succum sanguinemque versis novi oriundi essent liberi, quænam lapidibus in alimentum assumtis peculiaris inesset virtus, ut, qui ex iis nascerentur liberi, meliorem induerent naturam, quam qui ex cibis quibusvis aliis forent procreandi? Quocunque se vertet vir eruditissimus, nihil habebit, quo istam tam operose excogitatam sententiam tueatur, _

(a) In exercitt. textual. N. T. p. 588. (b) ibid.
(c) ibid. p. 589. (d) vid. §. XIII.

§. XVI.

Verum quid opus est, recensendis aut refellendis aliorum sententiis, longius plerumque petitis, & a mente Johannis quam maxime alienis, diutius immorari? Tentabimus vires nostras, an non alia forte viam expedire, commodumque verbis Johanneis sensum conciliare valeamus. Vocabimus in subsidium fortissimi inter Israelitas herois JEPHTHÆ historiam, quam ad illustrationem commatis nostri plurimum, facere putamus. (a) Vicerat is ingenti prælio Ammonitas, Gileaditis i. e. tribui Gad, Ruben, & dimidiæ tribui Manassis,

sis, bellum inferentes, ut eas sedibus suis expellerent, recuperarentque terram, quam ad se suosque olim pertinuisse arbitrabantur. (c) Id factum indigne ferentes Ephraimitæ, quod non ad bellum simul a Jephtha evocati, in societatem reportatæ ab Ammonitis victoriæ venissent, domo profecti, transierunt Jordanem, ut cum Jephtha, in Mitzpa habitante, exostularent, eumque cum universa familia a stirpe delerent. (d) Is vero convocatis omnibus Gileaditis, inque prælium exire jussis, occurrit iis obviam, magnaque & ipsos clade affecit. (e) Cum itaque, qui ex acie effugerant, sese reciperent ad

מַעְבַּתוֹת הַיַּרְדֵּן *transitus Jordanis*, a Gi-

leaditis jam occupatos, quos inter etiam erat Bethabara, ubi Johannes baptismum administrabat, ut transmissio Jordane ad suos reverterentur, pronuntiare jubebantur vocem Schibboleth, quam qui blæsa efferebant lingua, Sibboleth dicentes pro Schibboleth, ad ripam Jordanis omnes trucidabantur. (f) Multa ergo Ephraimitarum millia a tot inde sæculis sub lapidibus istis jacuisse sepulta necessum est. Cecidisse enim tum temporis tam eorum, qui in prælio occubuerant, quam qui ad ripam fuerant cæsi, quadraginta & duo millia feruntur. (g) Hi omnes veri erant &

& genuini Abrahami filii , per Josephum , Jacobum & Isaacum , eorumque posteros ex sanguine ejus prognati. Hos facile ex lapidibus istis , sub quibus reconditi jacebant , revocare in vitam poterat Deus , qui omnes aliquando homines , quotquot vixerunt , vivunt , & victuri sunt , in vitam revocabit. Atque id sibi voluit Johannes , quando Deum posse ait etiam ex lapidibus istis suscitare liberos Abrahamo. Hæc genuina vis est vocis ἐγείρειν *suscitare* , quæ licet in sacris nonnunquam etiam alio accipiatur sensu , quem plerique Interpretes sunt secuti , (h) maximam tamen partem *resuscitationem ex mortuis , vel mortuorum in vitam revocationem involvit*. (i) Quod si enim Johannes id dicere voluisset , quod lapides in liberos essent transformandi , adhibuisset potius vocem ποιεῖν *facere* , κτίζειν *condere* , πλάσσειν *formare* , quam vocem ἐγείρειν *suscitare* , quæ non *creationem* quandam , aut *formationem* , sed *mortuorum resuscitationem* plerumque , ut diximus , infert. Quid ? quod Johanni hac vice cum Phariseis potissimum & Sadducæis res esset , quorum illi vitam post hanc vitam dari , præmiaque & pœnas piis & impiis servatas esse , facile admittebant , (k) hi vero nihil eorum credentes , de gravissimis his fidei capitibus ante baptismum rectius erant instruendi ?

- (a) vid. Jud. cap. XI. & XII. (b) Jud. XI. 26. (c) Jud. XI. 13. (d) Jud. XII. conf. Poli Synopf. ad h. l. (e) Jud. XII. 4. (f) Jud. XII. 5. (g) Jud. XII. 6. (h) vid. Wolffii Curæ philol. ad Joh. II. 19. (i) vid. Matth. X. 8. XI. 5. XIV. 2. XVI. 21. XVII. 23. XXVI. 32. XXVII. 52. 63. 64. &c. (k) vid. Actor. XXIII. 8.

§. XVII.

Unicum tamen nostræ adhuc sententiæ obverti posse dubium videmus, quomodo Johannes inter tot hominum occisorum millia cavere sibi potuerit, quo minus *immunditie mortuorum*, quam כּוּמַת הַמֵּת vocant, vel *immunditie sepulchrorum* מוּמַת הַקְּבֵר dicta, pollueretur. Sed facilis erit responsio, modo CANONES Judæorum, qui de mortuorum & sepulchrorum immunditie agunt, nobis in animum revocemus. Primum enim cadaver aut putredo hominis mortui non immundabat, nisi homo jaceret nudus & integer in arca marmorea aut vitrea:

אִין רֶקֶב הַמֵּת מְטַמֵּא עַד שִׁיקְבֵּר עָרוֹם
בְּאֶרֶוֹן שֶׁל שֵׁשׁ אֹו שֶׁל זְכוּכִית וְכוּצָא
בְּהֵן וִיְהִי כּוֹלוֹ שְׁלָם. חֶסֶר מִמֶּנּוּ אֶבֶר
אוֹ

או שנקבר בכסותו או בארון של עץ
או של מתכת אין רקבו טמא מפני
שרקב הכסות או רקב העץ או חלורת
Putredo המתכת. תתערב ברקב גוייתו:

hominis mortui non polluit, nisi sepultus fuerit nudus in arca marmorea aut vitrea, aut simili aliqua, & homo totus adhuc sit integer. Quod si deficiat ipsi aut membrum aliquod, aut, si sepultus fuerit in vestibus suis, aut in arca lignea aut metallica, putredo ejus non polluit, quoniam putredo vestium aut lignorum, aut metalli ærugo comixta est cum putredine corporis ejus. (a)

Deinde nec caro mortui, quæ a corpore erat avulsa, si jam facta esset sicut farina, quemquam immunda-

בשר המת שנפרך ונעשה כקמח:
וכן אפר השרופין טהור וכן תתולעים
הנהפין מבשר המת בין חיים בין מתים

טהורין: *Caro mortui, quæ a corpore avulsa est, & facta jam est sicut farina, & cinis hominum combustorum munda sunt. Nec*

minus vermes, quæ natæ sunt ex carne mortui, siue vivæ sint, siue mortuæ, munda habentur. (b) Tum, si effoderetur ager, & plures invenirentur mortui in una fovea, nulla erat suspicio, ibi latere sepulchretum, sed colligebantur ossa, quot-

quotquot reperiiebantur , foveaque & ager manebant munda : מה שהיה הופר : בשדה ומצא מתים רבים בגומא אחת זה על גב זה או זה בצד זה וגו' אינן חוששים שמה מקום זה בית הקברות היה אלא נוטל המת שמצא ונוטל כל העפר התיחוח שתחתיו וחופר בבתולת קרקע שלש אצבעות ומוציא הכל ושאר השדה בחזקת טהורה כשהיתה קודם שימצא : *Si quis foderit in agro , & invenerit plures mortuos in una fovea , alterum alteri impositum , aut alterum ad latus alterius jacentem &c. nulla est suspicio , hunc locum forte esse sepulchretum , sed aufert tum mortuum , quem invenit , simulque aufert omnem pulverem mollem , qui subjacet , infoditque illum terræ virgini (quæ nunquam arata est) effertque inde omnia . Quo facto reliquus ager firmiter manet in sua munditie , sicut fuit ante , priusquam (mortuus) est inventus . (c)* Hos & ejusmodi Canones alios larga manu suppeditabit MAIMONIDES , (d) qui , si conferantur cum Ephraimitis , ad Jordanis ripam sepul-


sepultis vel subfossis, Johannem facile ab omni immunditiei suspicione liberabunt.

- (a) vid. Maimonides Hilchoth Tumath hammeth cap. III. §. 4. (b) ibid. §. 10. (c) vid. id. cap. IX. §. 1. (d) in Hilchoth tumath hammeth, tot,

§. XVIII.

Ut itaque finem operi tandem imponamus, veram & genuinam Johannis sententiam eam esse arbitror, quod si vel omnes, qui tum viverent, perirent, posse tamen Deum pro summa sua & infinita potentia ex lapidibus istis ad ripam Jordanis obviis, sub quibus a tot inde sæculis tot millia Ephraimitarum jacerent recondita, in vitam revocare veros & genuinos Abrahami filios, qui & propter carnalem nativitatem suam, & veram, quam olim habuerunt, Abrahami fidem veri ejus & genuini filii dici queant. Hanc expositionem confirmat simplex atque nativa vocum λίθων *lapidum*, τέκνα *fili*, ἐγείρειν *suscitare*, sive *in vitam revocare*,

care, indoles, hanc requirit tota sermonis series, & , quæ fieri debebat, apta Johannis ad objectionem Phariseorum & Sadduceorum responsio, huic favet locus, ubi Johannes baptismum suum administrabat, & tot millia Ephraimitarum erant cæsa, Bethabara scilicet, trans Jordanem sita, hanc hominum postulat conditio, ad quos sermonem suum Johannes dirigebat. Ita omnia sponte fluunt, clara erunt atque perspicua omnia, nec ulla occurret difficultas, quæ non facili negotio statim tolli queat, Nihil ergo reliquum est, quam ut Deo O. M. pro concessis huc usque viribus debitas persolvamus gratias, & Lectoris æqui judicio omnia relinquamus.



II.

D. IOH. PETRI GRVENENBERGII

S. Theol. D. eiusque in Academia Rostochiensis quondam Professoris, nec non districtus Mecklenburgici Superintendentis

SENTENTIA (*)

DE

DIFFERENTIA NONI

ET

DECIMI PRAECEPTI.

Fateor,

(*) Propositam deprehendimus illam in epistola quadam a Viro beato ad amicum d. 21. Dec. ann. 1710. data, quam cum multis aliis præstantissimorum Theologorum autographis adseruavit vir celeberrimus b. GOTTFR. KOHLREIFFVS. Argumenta auctoris priora eadem fere sunt ac illa, quibus CALVINIANI pro distinctione decalogi Origeniana pugnant. Vocarunt ea sub examen IOH. WINCKELMANNVS & BALTHAS. MENTZERS in *Disput. Giessens. Tom. I. Disp. 2. Tom. II. Disp. I.* Idem factum ab aliis, qui diuisionis Augustinianæ causam egerunt, citatis a QVENSTEDIO, *Syst. theol. P. IV. pag. 29.* LILIENTHALIO in *Archiv. bibl. ad Exod. XX 1-27.* & DACHSELIO in *Bibliis accentuatis, P. I. p. 261.* Quibus addi ex recentioribus possunt S. I. BAVMGARTEN in *Illustrat. Catech. minoris p. 151. sq.* & h. ROM. TELLER in *Observ. ad Annotationes Nov. Bibl. Lub. Vol. I.*

D

nes

Fateor, non lubenter me olim accessisse ad
sententiam illam de concupiscentia
actuali in praecepto 9. & de originali
in praecepto 10. ita praecise diuinitus in-
tenta, eiusque rei satis graues sunt cau-
sae, e. g.

1.) Quia Exod. XX. 14. utrobique legitur
לֹא תַחֲמֹר, quae phrasis cur distingui de-
beat in concupiscentiam originalem &
actualem, & cur prius de actuali, poste-
rius de originali explicandum sit, nulla af-
ferri potest iusta causa per ipsam phraseo-
logiam Scripturae.

2.) Quia Deut. V. 18. in priori commate
legitur וְלֹא תַחֲמֹר, in posteriori autem
commate וְלֹא תַתְאוּהוּ, ubi differentia qui-
dem est vocum, sed ea tamen vox, quae
Exod. XX. utrobique stabat, & originalem
in parte altera denotasse dicitur, hoc loco
in parte sola priore est retenta, quod Dei
tamen ipsius verbum est de monte Sinai im-
mediate loquentis: nec tuto dici potest,
cur non radix potius in תַחֲמֹר Exod. XX,
ut volunt reposita, hoc loco sit retenta in
praecepto 10, quam dimissa, praesertim
ubi quaestio grauissima est de concupiscen-
tia originali, & praeterea vox תַתְאוּהוּ in for-
ma

nes Anglorum in Scripturam S. quæ ipsius auspi-
ciis Lipsiæ in germanicam transferri linguam
coeperunt, P. I. p. 697. P. II. p. 716. S.

ma reciproca multo magis inclinet in actua-
lem, quam in originalem concupiscentiam.

3.) Cum Paulus Rom. VII. 7. hanc legem
de concupiscentia citat, citat eam absque
vlllo obiecto: quid causæ sit, quare ista ci-
tatio decimum plus respiciat, quam nonum,
ex Paulo nunquam patefcet.

4.) Marcus cap. X. v. 19. tabulam secun-
dam inducens ex ore Christi, post octauum
nihil de vlllo discrimine originalis ab actuali
concupiscentiæ memorat, sed vna voce di-
cit: *μὴ ἀποσερήσης*, quasi coniungens vtrum-
que praeceptum.

5.) Exod. XX. 14. vbi Deus ipse de coe-
lo loquitur, aperte distinguit Deus domum
a coeteris rebus animatis in decimo praece-
pto: Moses autem repetens iuxta libertatem
inspirantis Dei, coniugem distinguit a coe-
tera domo & coeteris animatis. Quid cau-
sae dici vel afferri possit, quare concupi-
scentia actualis magis applicetur vel ad con-
iugem vel ad domum, originalis autem ad
coetera, adiuncta interdum domo, inter-
dum coniuge?

6.) Cum leges differant ex obiectis quo-
que, optima sic erit obiectorum non vio-
landorum dispositio, vt praecepto quarto ho-
minis honor ac reverentia; quinto vita;
sexto torus; septimo mobilia; octavo fama;
nono immobilia; ac decimo bona viuentia
custodiantur.

7.) Theologorum nostrorum sententia non est b. Lutheri sententia, quod probat noni & decimi praecepti clara expositio, in qua iuxta obiecta vir summus ante nos processit, itaque per omnia mihi convenit. Neque enim is peccatum originale vllibi excludit, sicut nec ego, sed aequae in nono ac decimo illud velut fontem concupiscentiae actualis comprehendit. Recedere ergo videntur non parum a Luthero, qui praecepta ex originali & actuali concupiscentia distinguunt.

8.) Idem recessus est a canticis ecclesiae priscis, in quibus nulla talis differentia occurrit, ut mos vel hodie decantandi probat.

9.) Recessus etiam fit a libris symbolicis, qui nusquam hanc differentiam noni & decimi ostendunt, in catechismo minore obiecta potius distinguunt; in catechismo autem maiore utrumque etiam praeceptum connectunt; aequaliterque de utraque concupiscentia exponunt.

10.) Nulla quoque est necessitas ita distinguendi, cum peccatum originale ceu radix vegetur per omnia praecepta, ac tandem in 9. & 10. coniunctim cum actuali significari possit. Addantur his

11.) formae precationum & confessionum veteranae pleraeque, &

12) non tantum forte Strasburgenses, sed & veterani Theologi ferme omnes, itaque facile patebunt rationes meae.

His

His ita positis, tuto abstinere poteramus ab illa distinctione legum per vtramque concupiscentiam, propiusque sic libris nostris symbolicis & priscis ecclesiae doctoribus catechisibusque adhærere; sed detur hoc paci ecclesiae, & retentae b. Lutheri expositioni superaddatur haec quoque expositio. Quamvis enim sufficiens eius fundamentum in scripturis haud deprehendatur, bonum tamen est, etiam in probabilibus concordiam tenere, ne maior sit ruinae divortiis sententiarum, quam utilitas ex disputationibus pro veritate ad promovendam salutem nostram aeternam haud prospectante. Id vero simul hinc patebit:

1.) me non deferere reliquorum theologorum sententiam, sed potius & veterum theologorum sententiam me retinere, & simul pacis, amoris & concordiae causa novam hanc sententiam veteranae superadditam pati ac tolerare, quin &, cum teneri possit utiliter, tenere quoque & simul docere, etiamsi necessarium id non existimem: ac

2.) incommoda consuetae, non a primordio, sed in recentioribus theologis sententiae adhaerentia talia a me iudicari, quae emolliiri possint & excusari, vbi omnia pacate fiunt, imo & ita explicari, vt a titulo incommodi plane liberentur. Quamob rem in catechismo quoque meo hanc sententiam unanimitalis causa adopto.

III.

DE

GENUINA VOCIS

ΕΠΙΣΥΝΑΓΩΓΗ

ad Ebræos X. 25. notione

DISQVISITIO

M. HENR. Scholtz, Past. Prim.

Heilighenhav. & Consist. Seg. Adfess.

§. I.

Quanquam linguæ, quibus ad oracula diuina nobis edenda vsus est Spiritus sanctus, a vulgo interpretum referuntur in mortuarum numerum, quo tamen iure illæ, quæ & hominum hætenus exercitio & spiritus viui virtute in cœtu Christiano animatæ sonuerunt, vel citra auctoris tanti iniuriam dici possint mortuæ, prorsus ignoro. Ipsam autem haud exiguam interpretum partem linguas illas sacras literasque diuinas vita sua priuare, & ignorantia & nequitia a sensu vero detorquentes, minime me latet. Et, cum, teste *Augustino*, verbum Dei non recte intellectum, verbum Dei non sit, detorsum ne humanum quidem existere queat, necesse est. Hujus rei

rei testes, si quos desideres, lector studiose, infinita fere linguarum sacrarum commentatorum cohors tibi adhibebit, quorum tantum loco vocabulum ἐπισυναγωγή & II. Thess. II. 1. & Ebr. X. 25. obuium esse potest, & si ejus sensum verum existimes vitam, sua hactenus certa vita, ut reor, destitutum.

S. II.

Profanorum quidem auctorum usu, quoad ego scio, vox ἐπισυναγωγή prorsus exulat, ejus autem memoria quodammodo e græcis, qui dicuntur, veteris fœderis septuaginta interpretibus repetenda. Hi enim Ebræorum voces קהל (a), קרב (b) & קרבן (c) τῷ ἐπισυνάγεσθαι respondere putarunt, & Matthæus (d), Marcus (e), Lucasque novi fœderis testes, calculos suos addidisse videntur. Sed quemadmodum Alexandrini illi eandem Ebræorum vocem eadem græca non semper interpretantur, nec ubique locorum sibi constant, ita viri fœ-

D 4

deris

(a) II. Paralip. XX. 26. ubi ἐπισυνάγεσθαι εἰς τὸ dicitur.

(b) Psalm. CII. 23. ubi συνάγεσθαι ἐπὶ τὸ αὐτὸ vulgo extat.

(c) Zach. XII. 3. ἐπισυνάγεσθαι ἐπὶ τι.

(d) XXIII. 37. XXIV. 31.

(e) I. 33. XIII. 27. Luc. XII. 1. XIII. 34.

deris noui vocem potius agentem referunt, quam patientem, nec, vnde ἐπισυναγωγή modo trahit originem, reciprocantem; & vti συνάγεσθαι non tam conducere aut congregare, quam coire aut seipsum colligere & συναγωγή ejusmodi significat coitionem, qua quid cum alio in vnum coit, sic particula ἐπὶ præfixa, quæ notionem coitionis illius auget, τὸ ἐπισυνάγεσθαι reciprocum ad scopum quendam reducit, ac ἡ ἐπισυναγωγή pro obiecti ratione vel coitionem seu congregationem ad se, vel ad aliud intendit. Equidem, quod *Thucydides*, *Pollux* & alii Græcorum scriptores συναγωγὴν τῶν πολέμων vel τῶν ναυτῶν locum, quo se milites, nautæ aut mercatores contulerunt, appellant, id Iudæos cultui suo diuino destinasse noui: sed, si ἐπαγωγὴν quoque intueamur, Petrus (f) *inductionem* super se rei cuiusdam esse ait, Philosophi autem *Aristoteles* (g) & *Cicero* (h) docent eam esse orationem, quæ rebus non dubiis propter similitudinem capiat assensionem ejus quicum instituta est, atque notionem illam ob particulam ἐπὶ ad animum hominis confirmandum transtulere. Quæ si omnia, quæ τὴν ἐπισυναγωγὴν grammaticorum consensu

con-

(f) 2 Petr. II. 1. 5.

(g) Lib. analyt. prior. II. c. 23. & Topic. lib. I. c. 10.

(h) Lib. IV, de inuent. §. 36. ad Treb. Topic. §. 31.

constituunt, rite expensa animo complectamur, illa viæ notionem includit, ad quam quis ingrediendam, & animi sui inductione & aliorum exemplis se excitauit. Hac ab notione vocem תְּהִלָּה (i), quam interpretum turba nē acu quidem tetigisse videtur, haud longe abire semper putavi. Illi enim nescio quid eius de significatione philosophati, tandem non nisi cimen Prediger ἐκκλησιασὴν τινὰ siue eiusmodi quid exsculpsērunt. Rectius si scriptoris sacri mentem attendissent, εἰσαγωγὴν dixissent, qua rerum humanarum rationes veras subducere docuit Salomon.

§. III.

Sed hæc περὶ τῆς ἐπισυναγωγῆς eminus, eam quoque ex mente Pauli Apostoli cominus consideremus! Græcis plebisque pariter ac nostris tantum non omnibus idea & τῆς συναγωγῆς & τῆς ἐπισυναγωγῆς eadem est, quæ conuentum Christianorum publicum præsertim die dominica frequentandum instituat (k), parum sollicitis de argumentis, quibus sit scriptor diuinus motus, vt licet nullibi literarum

D §

rum

(i) Eccl. I. 1. 2. præsertim cap. VII. 27.

(k) Confer b. Wolfii Curas philolog., ad hunc locum.

rum sacrarum, exceptis duobus locis supra memoratis, vocis ἐπισυναγωγῆς mentio fiat, nec vllibi locorum eo vocabulo conuentus sacer audiat, nec eius nostra epistola ad Ebraeos data alio vocabulo meminerit, præter scopum etiam rerum sacrum hic inseruerit, conuentum. Quam ob rem *Athanasius*, *Vulgatus* interpres, *Nicolaus Lyra* aliique coetum potius ἐκθόδοξον per orbem vniuersum Christo collectum, ne nonnullorum more perfidiam experiatur, admoneri confitentur. Horum quidem vtramque partem sibi haud contrariari profitetur b. *Ioann. Gerhardus*, sed se prioribus cum b. *Ignatio* adstipulari contendit (1). Verum enim vero etiamsi *Syrus*, & alii prisci pariter ac recentiores interpretes ad *Judæorum Synagogam* tam prope accessisse videantur, vt non b. *Brochmandus* solum (m) hinc contra *Bellarmini* vitam eremiticam arma sumferit, sed celeb. quoque *Io. Henr. Callenberg* (n) b. *Lutheri* vocem *Versammlung* germanica *Judæorum* lingua eura rit interpolandam, כנסית צבור לשם
 zu thun mit dem Zibbur
 הפילה

(1) In Comment. ad Epist. ad Ebr. Ignatius vero in Epistola ad *Smyrnæos* §. 7. contra eos disputat, qui συναγωγή sacram negligunt. Conf. Epist. ad *Ephes.* §. 13.

(m) Tom. II. system. p. m. 956.

(n) Vid. Epistol. ad Ebr. in Germ. Iud. idioma translata & edita Halæ 1734. 12.

bur und andere עבֹרֹת שְׁמִים. Nihilo tamen
fecius, cum Iacobus tribubus scribens duo-
decim c. II. 2. συναγωγῆς quidem fecerit
mentionem, quidni Paulus æque ad Ebræ-
os, qui, vt ita dicam, Ex-Iudæi erant,
epistolam suam mittens Synagogæ fecit men-
tionem? sed his pariter atque Thessaloni-
censibus vocem ἐπισυναγωγὴν legendam ob-
tulit, vtpote quibus & vox Christianorum
ἐκκλησία nota & nihil amplius rei esset cum
Iudæis (o)? Atqui, si *Tertulliani*, vulga-
tique interpretis congregationem aut collectio-
nem, licet neque τὸ ἐπὶ neque τὸ ἐαυτῶν
ob oculos habuerint, cum recentiorum con-
uentu dominico conferendam curem, me
iudice, veteres illos propius metam attigisse
intelliges, quam recentiores.

§. IV.

Horum neutra sententia cum clariss. *Io.*
Frid. Hombergk in *Parergis* suis sacris ac-
quiescere vellet, in aliam prolapsus viam
no-

(o) Ebr. XII. 23. Iudæis Synagoga, Christianis
Ecclesia, nisi vtriusque discrimen hoc sit, vt illa
locum, hæc personas designet. Conf. illustr.
Pertsch in seinem Versuch einer Kirchen-Hist.
I. sec. p. 406. seq. præterea Codex quidam
Romanus extat, qui συναγωγὴν legit, sed
una hirundo ver non facit, nec ille caret cor-
ruptionis suspicione.

notionem τῆς ἐπισυναγωγῆς expediendi Paulo docet *conuersionem* & *adductionem* Ebræorum ad fidem intelligi (p). Quæ coniectura, si, quod sequitur, ἡ ἡμέρα ἐπίγνωσιν τῆς ἀληθείας notaret maiorem, robur verisimilitudinis acquireret haud imbecille. At enim plura obstant, quominus reliqua Apostoli verba alterum alterumve admittant. Quos quidem vocat Apostolus Corinthios *ablutos*, *sanctificatos*, *iustificatos* (q), eosdem quoque Ebræos esse, nimirum *asperfos corda a conscientia mala*, & *ablutos corpus aqua munda*, *illuminatos*, *iustos* & *conuersos* (r) asserit. Quin imo discrimen, quod Theologi transituiam inter conuersionem & intransituiam, illuminationem inter perfectam siue totalem, & imperfectam siue partialem agnoscunt, Ebræos quoque attinuisse non nego. Sed, quemadmodum scriptura ubique locorum, ubi res Christiana dies dicitur, eam diem negat intra hominem oriri, extra hominum animos potius docens lucere (s), sic etiam nullo potest curato effici argumento, ut ἡ ἐπίγνωσις τῆς ἀληθείας vlibi

(p) Conf. Wolfii Cur. & Pertschii l. c, pag. 409.
not. a.

(q) I. Cor. VI. 11.

(r) Ebr. X. 22 - 39.

(s) Ephes. V. 14. vide ἐπιφώσκειν & ἐπιφάυειν.

libi scripturarum dies dicatur. Contra, ut typorum umbra antiqui foederis Rom. XIII. 12. nox audit, sic Christus typorum complementum dies est: &, uti Petro (t) mentes humanæ natura sunt loca obscura, sic verbum propheticum est lucerna, Christus dies & Euangelium phosphorus. Nec nos quicquam τὸ ἐγγίζειν, quod ab ἡγγικέναι (u), tanquam a præterito præsens differt, morari posse tam facile sapiens perspiciet, quam τὸ καθὼς ἔθος τισίν, & τὸ ἐαυτῶν difficilia intellectu non erunt. Nam τὸ καθὼς ἔθος τισίν haud præsentēs respicit Ebræos, sed quos Apostolus 1 Cor. X. 7. 11. & Ebr. III. 16. excitauerat, priscorum Iudæorum oscitantium exempla, qui de die quæietis appropinquante parum solliciti. neglecta fide, fideique documentis omissis, perierant. Τὸ ἐαυτῶν autem, quod codices habent omnes, hoc non modo confirmat, sed etiam, cum quasi in viam sui conductio sit illa ἐπισυναγωγή ἐαυτῶν, conuersionis potius veræ fructum, quam conuersionem significabit (w).

§. V.

His itaque præmissis, si, quid τὸ ἐγκαταλείπειν, quod internum quoddam indicat deliquium

(t) 2 Petr. I. 19. adde Wolfii Curas.

(u) Rom. XIII. 12.

(w) 2 Thess. II. 1 additur ἐπ' αὐτόν 1 Cor. X. 6. 7.

liquium (x). si, quid τὸ τοσῶτον μᾶλλον, quod τὸ παρακαλεῖν potius respicit, determinet, animadvertamus, quid & de ἐπισυναγωγῇ illa & ἐγγιζέσει τῇ ἡμέρᾳ faciendum, haud obscure patebit. Sane diei illa notio, quam recentiores quidam iique partem maximam peregrini de πανολεθρία Iudaica Paulo affingunt, non tam augusta de die est, quæ neruum verborum, nedum argumentorum Paulinorum heic loci capiat pondera (y). Dies mortis vel potius hora non appropinquat, sed semper instat (z). Nec dies dominica, nec illuminatio mentis vberior futura operum bonorum apparatus (aa), studium, solamen, coetum ante congregatum, quam vtraque illa illuxerit, postulare possunt. Ergo, quum Paulus totus in eo sit, ut ex Iudæos siue Ebræos suos, perfecto summo & vnico Dei sacerdote Iesu (bb), plena fidei certitudine affectos ad viam patriæ æternæ Iesu sanguine renouatam, strenue ingrediendam, constanter confitendam & contuendam, ab omnibus mundi vacuam illecebris, quæ Christianorum

(x) 2 Cor IV. 9. Ebr. XIII. 5.

(y) Vide Hammondum, Calixtum, Harduinum & alios. (z) 1 Cor XV. 31.

(aa) Form. Concord. Apolog. art. IV. p. 212. edit. Reinecc. Conf. Iohan. Georg. Neumannii Theol. aphorist. cap. I loc. III. aphor. 89. & 107.

(bb) Ebr. II. 10, XII. 2. &c.

rum animos frangant, auocent, deiiciant, conscientiam contaminent, diem appropinquantem faciant terribilem, sollicitet studiosissime, diem hanc appropinquantem aliam non esse constat, quam iudicii supremi diem, cui quasi conclamatis fidei, spei & amoris vasis & collectis, animorum contentione, in via continentia, rerumque mundanarum abstinentia, sumto coenæ sacrae viatico, obviam eundum.

§. VI.

Tota enim ad Ebræos epistola veluti itineris sacri quietisque typicæ tabula est, quæ, ut Deus creationis opere absoluto quieuit, ut Iosua factò per desertum itinere, Israellem ad diem in Canaan *καταπαύσεως* introduxit, ut Melchisedecus Abrahamo, ut Aharon Israeli magnæ pacis ostenderunt diem, sic Christum Iosua, Melchisedeci, & Aharonis antitypum (cc) καὶ πάντων ἀρχηγόν, redemptionis sanguine nobis ad quietem æternam aperuisse viam, eiusque diem proxime futuram promississe, deficientibus autem in via diem minari damnationis æternæ, ob oculos ponit (dd). Quicquid igitur

(cc) Vide cap. II. vbi voces, quas Ebr. X. 17. sqq. legimus, easdem adhibuit.

(dd) Ebr. IV. 7. 8. definit diem, quam excipiet Dei Sabbatismus,

tur Paulus supra prolixè docet, hoc nostro in capite X. a versu 17. ad finem vsque neruose contractum in succum sanguinemque conuertit. Atque, quum literæ potius inhærendum iudicem, quam tropum, qui Spiritus sancti gladium non semper vagina sed sæpe æruginè obducat, eminus quærendum, hic τὴν τῶν ἁγίων ὁδὸν quidem animaduerto, vnde τὸ εἰσερχεσθαι καὶ προσέρχεσθαι, ἢ ὁμολογία τῆς ἐλπίδος ἀκλινῆς, ἢ ἐπισυναγωγή & ipsum τὸ ἐγγίζειν lucem suam foenerent (ee). Aperta enim nobis per sacerdotem summum Iesum ad Sabbatum magnum via, adeunda est quies, non a confessione spei declinandum, sanctorum exempla inspicienda, imitanda, sequenda sunt, ita vt nullus in itinere defatigatus ad se recolligendum & in via continendum animum despondeat, sed se potius inuicem tanquam comites alacres intuentes eo magis exstimulent, quo quietem sibi obuiam habeant propiorem.

§. VII.

Vt vero illa τῆς ἐπισυναγωγῆς siue *collectionis suæ in viam sollicitæ* & in eadem *continentiæ* con-

(ee) Metaphora eleganter continuata est, siue ἀλληγορία ῥητορική. Confer Ebr, IV, & hæc omnia.

continua notio hoc clarius constet, Paulus eam non modo eorum contumaciæ, qui a Mosis via desciverant per Amalecitas disiiciendi, opponit, sed etiam verbis aliis v. 35. *μὴ ἀποβάλητε τὴν παρρησίαν ὑμῶν* & Ebr. XII. 3. 12. 13. *μὴ κάμητε ταῖς ψυχαῖς ὑμῶν ἐκλυόμενοι κ. τ. λ.* illustrat. Quid? quod is 2 Thess. II. 1. *τὴν παρρησίαν κυρίου ἡμῶν Ἰησοῦ Χριστοῦ & ἡμῶν ἐπισυναγωγὴν ἐπ' αὐτόν*, quam *Tertullianus* nostram ad eum vocat congregationem, expresse coniungat (ff). Nec minus ipse Dominus noster Iesus Christus Pauli verbis, *μὴ ἐγκαταλείποντες τὴν ἐπισυναγωγὴν ἑαυτῶν*, hisce suis verbis: *ἀνακύψατε καὶ ἐπάρατε τὰς κεφαλὰς ὑμῶν, διότι ἐγγίζει ἡ ἀπολύτρωσις ὑμῶν*, lumen prætulit omnium clarissimum (gg). Ac, cum viatoribus nobis Paulus *τὴν γρηγορίαν, τὴν νήφειαν καὶ τὴν παρρησίαν* ubique literarum suarum vehementer commendat, ὁ τῆς πίστεως ἀρχηγὸς καὶ τελειωτὴς Iesus semper clamavit: *γρηγορεῖτε* (hh). Quæ si omnia cum ὁδῷ, εἰσόδῳ & in viam collectione recte contuleris, facile cognosces, *ἐπισυναγωγὴν* illam nonnullorum dubitationi hucusque obnoxiam aliud haud esse, quam *studium se in viam diuinam colligendi, viribus diuinis conducendi & ab omni seductione continendi.*

Nov Bibl. Lub. Vol. I.

E

§. VIII.

(ff) Lib. de resurrect. Carnis, (gg) Luc. XXI. 28.
(hh) Marc. XIII. 37.

§. VIII.

Huic meæ sententiæ, quamvis multa sint alia, quæ lumen afferunt, tamen si viro- rum doctissimorum pace liceat, Ebræorum antiquorum, quin & impostoris illius Mo- chammedis modi loquendi accedunt. Prisci enim Ebræi id, quod Paulus ἐπισυναγωγὴν nuncupat, קבוץ גלויות *collectionem captiui- tatis*, appellarunt. Diebus enim Messia, quum quærunt, quid futurum sit? respon- det *Nehelam in Midrasch* קירמון שנה מ' תנן מ' שנה קירמון *legimus, quod quadraginta annos congregatio captiuorum resur- rectionem mortuorum præuentura sit* (ii). Plura de hac mortuorum congregatione præter alios *Eduard. Pocockius* in append. notarum ad Por- tam Mosis c. VI. p. 110. sqq. dabit. Iudæis autem magistris vsus *Mochammedes* hunc mortuorum ad vitam reditum sæpissime & fere semper *congregationem* & *collectionem* ad Deum appellitare solet (kk). Meccanis enim obiicientibus: נחן חמיע מנהצר *nos collectio, seu congregatio præualens sumus*; respondet: שיהזם אלחמע *certe dissipabitur hæc congrega- tio.*

(ii) Parasch. Tholedoth. conf. *Menasseh b. Israel* lib. II. c. 3. de resurrect. mortuorum

(kk) Alcorani sur. II. 28. III. 28. 159. IV. 86. 170. V. 56. 105. 114. &c. edit. *Lud. Marraccii.*

no (11). Afferunt quoque eius affecclæ, teste *Zamchascerio*, commentatore celebri, Iesum Dominum nostrum tempore nouissimo coelo descensurum, eiusque auspicio homines omnes vnâ ad religionem congregandos fore.

§. IX.

Sed missis impiorum nugis, Ebræi, ad quos Paulus scripsit, saniora instituti, Duce Iesu summo Sacerdote, viam renouatam intrepide ingredienti, constanter confitentes, seque intuentes inuicem, coitionem in vnum collectam, nonnullorum more haud deferendo, sed prouocando diem apparitionis Iesu Christi prope imminentem præstolari iubentur. Hæc ergo mea de ἐπισυναγωγῇ notio, si fas sit dicere, reliquis origine propior, nexu simplicior, vsu & feracior tanto maiorem utilitatis pariet fructum, quanto propius ad scriptoris diuini scopum accedere intelligetur. Est enim illa Christianis omnibus, omni tempore, & vbique locorum vsui, quem sententiæ cæteræ vix pollicentur. Vti autem b. *Lutherus*, qui alicubi ob ignorantiam literarum sua ætate Doctores latentium errores sartorum sutorumque excusat, nos in luce literarum linguarumque versantes errorum accusat, dixit: *Es sind in der Schrift*

E 2


ja

(11) Sur. LIV. 43.44 Conf. *Relandi* lib. I. de relig. Mohamm. p. m. II. not. 5.

ja nicht Leseworte, wie sie meinen, sondern eitel Lebeworte (mm): sic, qui, Christo interrogante, πῶς ἀναγινώσκεις (nn); non recte legunt, nec, quoniam eius verba literæ non sunt mortuæ, sed spiritus & vita, recte vivere poterunt. Sed hæc tuo iudicio, lector benevole, commendo, sperans fore, vt, quo nostra sententia menti Paulinæ propior & piis omnibus vtilior, eam etiam existimes omnibus veriore.

(mm) Tom. V. Ien. fol. m. 44.

(nn) Luc. X. 26.



IV.

IO. HENR. a SEELEN

Ecloga

de Libro longe rarissimo, ad ipsa Typographiae incunabula pertinente:

SPECVLO

HVMANAE SALVATIONIS.

§. I.

Iucundum est saeculi nostri studium, quo a viris eruditis (1) libri rariore, imo rarissimi, annotantur, describuntur, diiudicantur, excerpuntur. Neque iucundum

E 3

dum

(1) Recensuit eos copia haud exigua doctissimus civis meus, urbis Bremensis hodie decus, IO. VOGTIVS, qui praestantissimo *Catalogo Historico - Critico Librorum rariorum* (Hamb. 1747. 8.) indicem *Scriptorum*, qui vel ex instituto de libris rariorebus exposuerunt, vel aliud agentes raritatem librorum indicarunt, vel saltem unius alteriusve libri notitiam dederunt, praefixit. Omnium industriam superare annititur vir celeberrimus, DAV. CLEMENT, cuius amplissimi elegantissimiue de Libris rariorebus operis initio gaudet orbis literatus, progressum & finem avide expectat. Egredia quoque in hoc literarum genere Bibliophili possunt sibi promittere a clarissimo hodie meritissimoque in Academia Cimblica

dum modo est, sed sua etiam non caret utilitate, siquidem hoc labore deteguntur multa, e quibus de vera eruditionis, quae pristinis fuit temporibus, & iis praesertim, quibus barbarorum nomen fuit inditum, conditione optimum ferri potest iudicium, & incrementa, quae recentiori aevo nactae sunt literae, cognosci queunt ac declarari. Vnde praesertim Anglos, huiusmodi libros studiosissime conquirentes, laudat, & Germanos ad imitationem excitare studet desideratissimus VAL. ERN. LOESCHERVS(2), Theologus vere polyhistor, qui ut innumeras res alias, sic historiam quoque typographicam scientissime scrutatus est, his verbis: *Quod illi prima, praesertim classicorum auctorum, exemplaria, cum summa fide ac candore excusa sint, deament, & codicibus manu exaratis iuxta habeant, quod in ipsa renascentium literarum infantia dignoscere meliores ingeniorum foetus adsuescant, & nihil non eorum intermittant, unde augeri possit, & confirmari solida eruditio, hoc ego laude ac imitatione nostra Germanorum, apud quos typographia*

brica, quae Kilonii est, Professore, IO. CHRISTOPHORO HENNINGS, cuius olim in nostra officina literaria Lubecensi auditoris optimi diligentissimique non sine iucunditate recordor, a quo magna exaratus industria liber de Libris rarioribus sub prelo in hac vrbe sudat.

(2) loc. citand. p. 238.

*phia nata est, per dignum existimo. Inde meum
animum subiit ardor conquirendi & evolvendi
primitias typographicas, praesertim Germanicas.*

§. II.

Eiusmodi librum cum mihi, Bibliothecam tractanti Breitenavianam, perlustrare olim licuerit atque ideo ex *αὐτοψία* dare possim istius notitiam, supplementum quoddam huius eruditionis, quae viget hodie, partis suppeditare, eo minus volui intermittere, quo pauciores forte sunt, qui cimelium hoc literarium oculis vsurparunt. Indicavi quidem hunc librum in Bibliothec. Breitenav. Tom. III. p. 124, in titulo, qui optime per *SPECULUM HUMANAE SALVATIONIS* exprimitur, dando alios secutus; nunc vero copiosiora de eodem proferam, & in his ea, quae *αὐτόπτης* de hoc rarissimo libro observavi.

§. III.

Equidem inficiari nequeo, quod de eodem iam plus vice simplici actum sit, etsi ille non reperiat^rur annotatus & descriptus in *Incunabulis Artis Typographicae, sive Catalogo Librorum primis ab artis inventione annis typis exscriptorum*, qui Catalogus Tom. II. Bibl. Vffenbach. Univerf. adhaeret, cumque hic paginas 126 impleat, facile hinc apparet, quam

stupendam eiusmodi librorum copiam illustri quondam Reipublicae Francofurtanae Consul, ZACHARIAS CONRADVS ab VFFENBACH, Maecenas olim literatissimus excellentissimusque, possederit, qui tamen thesaurus Speculo nostro caruit, vnde ad summam eius raritatem licebit concludere. Aliis ea obtigit fortuna, vt de libro hoc aliquid observare potuerint. In his sunt, PETRVS SCRIVERIVS in *Laurea Laurentii Costeri* (3): GABRIEL NAVDEVS in *Addamentis ad Historiam Ludovici XI* (4): BERNARDVS a MALLINKROT in *Dissertatione de Ortu & Progressu Artis Typographicae* (5): MARC. ZVER. BOXHORNIVS in *Dissertatione de Typographicae Artis Inventione & Inventoribus* (6): ADAM. SCHRAGIVS in *Historia Typographiae Argentorati inventae* (7): CASIMIR. OVDINVS in *Dissertatione de primis Artis Typographicae Inventoribus* (8): IO. BAGFORDVS in *Exercitatione de Inventione Typographiae* (9), & plures, quorum aliqui Harlema gloriam inventae per LAURENTIVM COSTERVm typographo-

(3) Ap. virum celeberrimum, IO. CHRISTIAN. WOLFIVM, in *Monument. Typograph.* P. I. p. 220. 235. 275. 323 sq. 413 seq. 418 sqq.

(4) l. c. p. 500. 508. (5) *Ib.* p. 656. 675. sq. 732.

(6) *Ibid.* p. 353 sq. (7) *ibid.* P. II. p. 24 sq.

(8) *ibid.* p. 874. (9) *ibid.* p. 1004 sq.

typographiae vindicare student, & *Speculum humanae Salvationis* pro omnium primo libro typis excuso (10) habent, aliqui vero istud inficiantur, & Germaniae hoc memorabile asserunt, omnes breviter modo hunc librum attingunt, neque pleniorum eius contentorum notitiam in medium asserunt. Eru-
ditissimus Ictus Batavus, GERH. MEER-
MANNVS, in *Descriptione libri rarissimi, cir-
ca ipsa Typographiae incunabula impressi, & a*
E 5 se

(10) Extat apud WOLFIVM in Monum. Typogr. P. II. p. 1230 sq. descriptio Nummi in memoriam saecularem tertiam inventae Typographiae cusi, his consignata verbis: *Op de voorzyde ver-
toond zig Laurens Kisters beeldtenis in profyl met
de linker wang naar buyten, en dit omschrift:*
LAVRENTIUS COSTERVS, JANI Filius, SENator
HARlemensis, TYPographiae INVentor; *en
onder het zelve: Gerardus MAARSHOORN,
HARlemensis, FECit. Op de tegenzyde ziet
men een Drukpers, boven aan verzierd met het
Wapen der Stad Haerlem, mitsgaders dat vanden
voorsz. Laurens Iansz Koster (zynde een Duyfje);
aan den voet van dezelve legt een geopend boek,
met dezen tytel; SPECVLum HVMAAnae SAL-
VATIONIS, zynde het eerste boek, dat, zo wel
in't latyn als nederduitsch under de tytel van Spie-
gel onzer Behoudenis to Haerlem is gedrukt,
alwaar van beide drukken een Exemplaar op het
Stadhuys word bewaard. Onder en om den rand
leest men TYPOGRAPHIA HARLEMI INVen-
ta 1428. PERVULGata 1440. III, JUB.
1740.*

se nuper inventi (11), id egit potissimum, ut, quae minus recte a IO. CHRIST. SEIZIO (12) de hoc libro scripta sunt, emendaret, etsi singularia etiam in exemplari, quod nactus est, occurrentia diligenter & accurate annotarit, ac in primis modum imprimendi Costerianum scrutatus sit. MICHAEL MAITTAIRE (13) varia congestit loca historicorum, qui hunc commemorant librum, ita tamen, ut non omnes eandem de illo ferant sententiam, dum alii ex *αὐτοψία*, alii sine eadem scripserunt, nonnulli eum pro omnium primo typis excuso libro habent, aliqui istud negant, incertum saltem esse, arbitrantur (14). Honoris causa nominatus immortalis famae Consul Francofurtanus, VFFENBACHIVS, licet

(11) Inserta est haec Descriptio Biblioth. Miscell. Hamburg. Vol. II. p. 81 sqq.

(12) Edidit ille librum sub titulo: *Het derde Jubeliaar der uytgevondenen Drukkonst*, Harlem. 1740, in cuius libri cap. 4 etiam Speculum Humanae Salvationis describere voluit, haud leviter interdum hallucinatus, & iure idcirco a MEERMANNO correctus.

(13) Annal. Typogr. Tom. I. p. 13 sqq.

(14) Sic ANDR. CHEVILLIER Origin. de l'Imprimerie de Paris p. 281, varia etiam de Speculo observans, scribit: *Tout est incertain de ce Livre. On ne peut point assurer, qu'il soit imprimé en Hollande plutôt qu'en Allemagne, à Harlem plutôt qu'à Mayence, par LAVRENS COSTER plutôt que par JEAN FAVST.*

licet non possederit hunc librum, probe is tamen ei fuit, in itinere praesertim Belgico, cognitus redditus, quod perelegantia demonstrant monita, quibus ea, quae vir magnis in rem literariam meritis conspicuus, IO. GEORG. SCHELHORNIVS, de Speculo nostro consignaverat, scite illustravit (15). Laudatus quoque VOGTIVS (16) paucis tetigit hunc librum, quem vocat *opus typographiae infirmæ adhuc & cunctis vix dum exemptæ, hinc rarissimum & eruditis neque aliter, quam de solo nomine cognitum, paucissimis visum*. Licebit istud inde etiam colligere, quod haud pauci viri eruditi in ipso eius titulo exprimendo parum accurati deprehendantur. Plerisque enim audit *Speculum Salutis*: nonnullis *Speculum humanæ Salutis*: quibusdam *Speculum nostræ Salutis*; cum tamen verus titulus Latinus esse debeat *SPECVLVM HVMANAE SALVATIONIS*. Hoc enim est Praefationis initium (17):

Proemium cuiusdam incipit nove Compilationis,

Cuius nomen & titulus est, Speculum humanæ salvationis.

Ap-

(15) Vid. Amoenit. Liter. Tom. I. p. 3 sq. Tom. IX. p. 970 sqq.

(16) loc. cit. p. m. 638.

(17) Conf. MAITTAIRE loc. cit. p. 16.

Apparet inde, quod non omnes ex *αὐτοψία* de hoc libro commentati sint (18), sed alter alterum bona fide sit secutus, quamvis aliqui modo e Latina, modo e Belgica editione titulum formasse videantur. Raritas vero libri huius evinci quoque potest ex eo, quod, annotante viro doctissimo, DAN. MAICHELIO (19), Parisiis in duabus tantum Bibliothecis, Sorbonica nimirum & Fratrum Coelestinorum, extare perhibeatur.

IV.

Cum itaque tot virorum literatissimorum attentione dignus fuerit iudicatus hic liber, magna in annalibus & civilibus & literariis fama dudum inclytus, operae etiam puto pretium annotare nonnulla ab aliis de eodem commentatis, vel obiter saltem & brevissime eius mentionem facientibus, nondum allata, sicque renovare & retinere memoriam istius exemplaris (liceat hac voce uti ea significatione, quam introduxit mos tyrannus, veram non semper curans proprie-

(18) E. g. MALLINKROTIVS loc. cit. p. 675 ingenue professus: *Speculum illud Salutis quale sit, divinare, qui non vidimus, nequaquam possumus, ideoque eius rei fidem penes auctores manere patimur.*

(19) Introd. ad Hist. liter. de praecipuis Biblioth. Paris. p. 107.

prietatem), quod Lubecae olim illustrem ornavit Bibliothecam Breitenavianam, etsi eius integritati aliquid deesse, adeoque fragmenti potius, quam pleni libri vicem praestare, diffiteri nequeam: qui tamen defectus non impedivit, quo minus eo etiam laborans hic codex studiosissime fuerit conservatus.

§. V.

Pristinus eius possessor fuit IVSTVS IOHANNES KELPIVS, Canonicus Ramelslohenfis, quem antiquitatis, praesertim Germanicae, scrutatorem sagacissimum diligentissimumque alio loco (20) me laudasse, memini. Hic KELPIVS libro, seu fragmento potius, manu sua an. 1695 praescripsit: *Dieses ist eines der ersten zu Harlem von Lorentz Köster ohngefähr an. 1430 gedruckten Bücher, dessen titulus: Speculum humanae Salvationis.* Vbi memoratus annus 1430 multis tam videbitur dubius, quam incerto hucusque conatu disquisitum, quo anno primus liber prelo subiectus, & quis ille fuerit? Antiquum esse hunc librum, a BOXHORNIO (21) *venerandae librum antiquitatis*, a GEDEONE PONTIER (22) *livre fort ancienne*

(20) Memor. Staden. p. 164 sqq.

(21) loc. cit. p. 583.

(22) Cabinet, ou Bibliotheque des Grands, Tom. I. ap, WOLFIVM Monum, Typogr. P. II. p. 1134.

cien recte dictum, nemo iure dubitaverit. Num vero ad annum vsque 1430 initium eius queat referri, assertu aequè erit difficile, ac falso summa libri raritas ad negandam ipsius existentiam nonnullos adegit. Alii, coniectura vtentes, annum 1439, vel 1440, malunt ponere. At ne vltimum quidem annum 1440 OVDINVS (23) vult admittere, imo vero audet scribere, quod *gratis & imperite Harlemenses hoc opus finxerint, ad imprudentium deceptionem*. Quo in iudicio, quod nimium est & incongruum, haud difficulter deprehenditur. Prudentius multo aptiusque laudatus & nunquam fatis laudandus LOESCHERVS (24) iudicat hoc modo: *Speculum Salutis, quod Harlemi a Laur. Costero tabulis englyphis expressum circa A. 1430. creditur, non equidem pro primo libro excuso debet haberi, sed tamen embryo typographiae dici potest*. Vnde deinceps (25) annum 1440 circiter Speculo adscripsit. Quod ipse istud possederit, neque in citatis *Incunabulis*, neque in copioso valde *Supplemento* (26) *Catalogi Maetlaeriani primorum, qui typis editi sunt, Librorum*, e quo simul apparet, quod multos eius-

(23) l. c. pag. 874.

(24) *Incunabul. Typograph. revis.* in *Stromat.* pag. 143. (25) p. 145.

(26) Extat illud in *Stromat.* p. 238-287.

eiusmodi libros conquifiverit , iisdemque
 inſtructiſſimam ſuam Bibliothecam adauxe-
 rit , invenio. Addidit KELPIVS *Extract*
der alten Chroniken und Hiftorien van Seeland
p. m. 159: Laurens Köſter gebahren ut een
treffelyk geſchlechte, ſelfs ſiende een anſienlick
Mann ende Rahtſperſohn der ſtadt Haerlem,
hem altemet verluſtigende int boſk, welk naer
by de Vorſtadt gelegen is, heeft altemet eenige
lettern geſchneden in een Schoors, ſo vom den
eenen bom dan ind' ander ende, vorder gaende
heeft begonnen eenige Worden, darna regulen,
ja ook heele tafelen in hout to ſchneden met aer
figuren, darby practiſerende hee hy deſelve ſou-
de konnen affdrücken, welck ehm ok glücklich
gelückt is. Hy hem duſs met dees houte ge-
ſchneden tafeln ende figuren behelpende van den
Jaren 1428 tot 1440. Dees lettern nu heb-
bende heeft daer een book mede gedrückt, als
eerſt in Latin genoemet: Speculum humanæ
Salvationis, worvon ick een exemplar hebbe,
als ook in duyds genoemt: De Spiegel onſer
Beboudeniffe, waer ener van bewust onder den
hochgeleerden ende ſehr vermaerden hiftorie-
ſchriever, Peter Schriever. Deefe boken als
ock de in hout geſchnedene figuren ende tafelen
ſyn de bladeren maer an eene ſyde gedrückt.
 Provocavit denique KELPIVS ad WILH.
 ERN. TENTZELII *Dialog. Menſtr. 1698.*
m. Iul. p. 608, vbi recenſetur CHRISTOPH.
WEIGELII Abbildung der Gemein. Nützlichen
 Haupt-

Haupt-Stände, cuius Sectionis decimae Numerus tertius Typographum sistens, huic occasionem dedit relationi: Es wird abermahl viel disputiret, was es vor ein Buch gewesen, so zu erst gedruckt worden? Woraus ich aber nur dieses, als etwas sehr notables, wiederhohle, dass der Auctor in der grossen Kirchen zu Horn in Holland, und der daselbst verwahrten Bibliothec (die aus sehr wenigen gar alten und mit Ketten angeschlossenen Büchern bestehet) ein gewisses Buch gesehen, wovon der Kirchner sehr viel Wesens gemacht, wie es nemlich das allererste, An. 1440 zu Harlem gedruckte, und aus obermeldten Costeri Erfindung in Niederländischer Sprache hervor gebrachte Buch sey. Die Buchstaben waren auf sehr alte Art gemacht, und ein ieder Bogen nur halb gedruckt, der andere aber leer, und darzwischen mit unterschiedlichen Figuren und Holtz-Schnitten gezieret. Der Titul hiefs: der Spiegel unserer Behaltenüsse, und solte dieses Buch Anno 1653 im Febr. an die Bürgermeister besagter Stadt Horn verehret worden seyn. Allein die Art dieses Buchs war von der heutigen Buchdrucker-Kunst gantz unterschieden; indem der gantze Text in Holtz geschnitten, und man eine solche Form mehr nicht, denn zu einem Buch, gebrauchen kunte.

§. VI.

Recte vero annotatur, quod vna modo folii pagina literis sit instructa, altera autem vacua relicta; vnde constat etiam, quam tenuis fuerit & exilis sub ipsum initium typographia, cuius cognitio magis semper magisque deinceps crevit, ad summum tandem, quod consecuta est hodie, evecta fastigium. Vnumquodque folium duabus tantum constans paginis, cum in libris primae magnitudinis, qui sequenti tempore sunt impressi, hodieque imprimuntur, quatuor habeat, duas ostendit imagines ligno incisas, non omnino quidem pulchras & teneras, neque tamen etiam plane rudes atque deformes, e temporis, quo factae, conditione diiudicandas, quae dimidium fere spatium paginae implent, vna cum subiecto Imaginis argumento, quod ligno itidem fuit incisum. In manco, quo vti tantum mihi licuit, exemplari haec erant Lemmata subscripta Imagini in eodem primae; *Natiuitas domini nostri Iesu Christi; Pincerna Pharaonis vidit in sompnis vineam.* Secunda Imago erat evulsa, spatium autem, quod occupaverat, charta munda expletum. Liquet vero ex addita interpretatione, quod in eadem *Vitis*, aut *Vinea Engeddi*, nec non *Virga Aaronis florida* fuerit repraesentata. Subscriptum porro erat Imagini tertiae:

F Tres

Nov. Bibl. Lub. Vol. 1.

*Tres magi adorant puerum cum muneribus ;
 Tres magi viderunt nouam stellam in oriente ;
 quartae: Tres fortes attulerunt dauid regi
 aquam de cisterna ; Thronus salomonis ; quin-
 tae: Chana obtulit filium suum in templo ; Ar-
 cha testamenti significat Mariam ; sextae: Can-
 delabrum templi salomonis ; Puer Samuel obla-
 tus est domino ; septimae: Omnia ydola cor-
 ruerunt intrante jhu in egiptum ; Egiptii fece-
 runt ymaginem virginis cum puero ; octavae:
 Moyses proiecit coronam Pharaonis & fregit ;
 Nabugodonosor vidit statuam grandem in som-
 pno ; nonae: Ihesus baptisatus est a johanne
 in iordano: Mare enenum, in quo ingressuri in
 templum lauabantur ; decimae: Naam le-
 prosus septies & nudatus est ; Jordanis siccatus
 est in transitu filiorum dei: vndecimae: Cristus
 tripliciter fuit temptatus a dyabolo ; Daniel de-
 struxit bel & interfecit draconem ; duodeci-
 mae: David subiugauit goliath philisteum ; Da-
 uid interfecit ursum & leonem ; decimae ter-
 tiae: Magdalena penituit in domo Symonis ;
 Manasse egit penitentiam in captiuitate ; deci-
 mae quartae: Pater familias filium prodigum
 suscepit ; David de adulterio redargutus penituit.
 Plura non inveni in codice, possesso olim
 a laudato KELPIO, deinceps a perillustri
 BREITENAVIO, quem in possessione hu-
 ius cimelii possessor hodieque illustrissimus
 excepit. Auctorem, titulum & conclusio-
 nem, editionis quoque locum & annum
 frustra*

frustra quaesivi; quibus repertis finire statim potuisset lis huius Speculi ergo orta literaria, qua alii magnum, alii nullum, Harlempjes, pro origine typographiae urbi suae asserenda, praesidium inde acquirere posse, censent, etsi omnes fere consentiant in eo, quod hic liber ad incunabula typographiae pertineat. Sed hanc litteram, amplam satis ac intricatam, & nunquam forte ad liquidum sic perducendam, ut nihil plane dubitationis remaneat, meam non facio,

§. VII.

Breviter potius Auctorem, quisquis ille etiam fuerit: nomen enim ipsius plane est ignotum, nec ullum eius indicium usquam investigare potui; eiusque indolem, respiciam. Quaesivit ille typicas & mysticas praefigurationes, in quibus si, descripturus potissimum Salvatorem, ne de aliis dicam, acu rem non semper tetigit, condonandum ei facile est propter aetatem, in quam incidit, quippe quae accuratum & solidum studium exegeticum atque typicum ignorabat adeo, ut ne accensa quidem Diogenis lucerna potuisset inveniri sacrarum litterarum interpretes cunctis genuinis subsidiis hermeneuticis instructus. Quod nimio Mariae cultui fuerit deditus, e

ta Imāgine potissimum ad oculum patet. Ne afferam plura, quae ad eandem temere & inepte pertrahere, non est veritus. Quod sic dictorum Apocatastarum errorem foverit, docet primi dimidii secundae Imaginis descriptio, in qua inter alia: *Et per ipsam (nativitatem Christi) est angelorum lapsus restauratus.* Vt vero cernere liceat, quomodo eiusmodi descriptio sit comparata, exhibeo primam in exemplari, quod vspurpavi, quae ad lemma: *Natiuitas dni nri Jhu Xristi*, spectat, sicque habet:

In precedenti capitulo audiuius de Christi conceptione

Consequitur ut audiamus de ipsius humana generatione.

Hanc generationem non solum angeli videre desiderabant

Sed & patres sancti desiderantes expectabant & clamabant

*Emitte agnum tuum domine dominatorem terre
Et emitte lucem tuam & veritatem tuam deus eterne*

*Ostende nobis faciem tuam & salui erimus
Ostende filium tuum quem expectabamus & querimus*

Vtinam disrumperet celos & descenderet

Vt nos de captiuitate dyaboli liberaret

Domine inclina celos tuos & descende

Ad liberandum nos dexteram tue maiestatis extende

Re-

Reminiscere miserationum tuarum antiquarum
 Veni & recipe nos de potestate tenebrarum
 Veni domine ut fideles prophete tui veraces in-
 ueniantur

Et promissiones tue & figure tue compleantur
 Veni domine cito festina & noli tardare
 Relaxa facinora plebis tue & incarnare
 Nullus angelus nullus homo sufficit nos liberare
 Libera nos tu pie domine dignatus es nos
 creare

Misertus igitur pius deus assumpsit humanitatem
 Ut destrueret diutinam captiuitatem
 Qui olim dixit penitet me fecisse hominem
 Factus est homo ut captiuum liberaret hominem
 Et hunc figuratum quondam in pincerna pha-
 raonis

Luce caplo 11

Qui in carcere potitus vidit sompnum sue libe-
 rationis.

Videbat autem sibi quod coram se vitis de terra
 excrescebat

Qui in se tres propagines siue tres ramos habebat
 Vitis exorta vuas non protulit in momento sta-
 tim

Sed incipit florere & vuas producere paulatim
 Captiuus cyphum pharaonis in manu tenebat
 Et vuas in eum exprimens poculum pharaoni
 offerebat

Post hec audiuit huius sompni interpretationem
 Ut post tres dies obtineret liberationem
 Illa fuit huius sompni interpretatio

F 3

Sed

*Sed ista est ipsius mistica prefiguratio
 Ante saluatoris nostri humanam natiuitatem
 Sustinuit humanum genus miserabilem captiui-
 tatem
 Tandem vitis .i. Christus de terra .i. maria ex-
 crescebat
 Qui in se propagines .i. tres res mirabiles ge-
 rebat
 Habuit namque in se Christus carnem animam
 & diuinitatem
 Vel tres propagines sunt tres persone sancte tri-
 nitatis
 Que liberauerunt nos de carcere dybbolice capti-
 uitatis
 Non tamen statim post Christi ortum humanum
 genus est liberatum
 Sed quando vinum sanguinis in cruce regi celesti
 est oblatum
 Tertia die postquam hoc vinum in passione est
 expressum
 Genus humanum de captiuitate diabolica est
 egressum
 Hoc vinum celestem regem ita inebriauit
 Quod omnem offensam humano generi liberali-
 ter relaxauit
 Hoc etiam vinum deus misericorditer reliquit.
 Genesis quarto capitulo.*

*Cur Gen. IV. citaverit, non video. For-
 san Gen. IX. 20 & plantatam a Noah vi-
 neam in animo habuit.*

§. VIII.

§. VIII.

Iudicet hinc Lector indolem Auctoris ad Mysticismum valde proclivis, in quo tamen adhibendo, quod nimium est, modum excedens, coactum, incongruas, imo falsas suggerens meditationes, evitare non potuit. Laudandum nihilo secius in eo, quod, pro modulo suo, Biblia tractarit, adeoque suo etiam docuerit exemplo, quod sacer codex ipsius quoque aevo non fuerit plane neglectus. A fabulis autem eum sibi non omnino cavisse, citata ab ipso Imag. II. p. 2 *Historia Lombardica de natiuitate domini*, unde fabulam de Sibylla, quae nativitatem Christi praedixisse fingitur, adducere non dubitavit, testatur. Idem comprobant verba Imag. III. p. 1. occurrentia: *Jaspar balthasar melchior nomina sunt magorum*. Et huius generis alia, quae nemo rerum peritus facile in barbari aevi scriptore mirabitur, aequae ac orthographiam, seu cacographiam potius, qua etiam *potitus* pro *positus*, *dybbolice* pro *diabolice* (si hic non errores subsint typographici), &c. legitur. Homoeoteleuticum, quod recentiores rhythmicum, at non satis accurate ex mente veterum, appellare consueverunt, scripturae genus barbaram quoque redolere aetatem, manifestum est. Versus, quos scribere voluisse videtur auctor, sunt ita comparati, ut ad

iustam veterum poetarum normam exigi nequeant, quamvis non omni plane temporis ac morae magnitudinisque mensura semper destituantur. Sed hanc rem in praesenti non curo,

§. IX.

Modus, quo excusus hic liber, talis est, qualis a citatis supra viris doctis, & praesertim ab VFFENBACHIO atque MEERMANNNO, describitur, rudis scilicet, impolitus, obtusus, initia tantum & rudimenta artis, non eius elaborationem commonstrans, lectionem tamen promptiorem, etiam si interpunctionis notae penitus sint omissae, non semper impediens, si excipiantur crebro usurpata scribendi compendia, quae *abbreviaturas* vocant, quibus lectori remora nonnunquam iniicitur.

§. X.

Isthaec vero omnia non impediverunt, quo minus hic molis exiguae liber, longe rarissimis merito annumerandus, quem illustris VFFENBACHIVS loc. cit. *Harlemensium palladium* (27) vocat, incredibili fere pretio

(27) P. LANGENDYK in Carmine gratulatorio ad Artificem, qui COSTERI imaginem elegantissime

pretio fuerit emptus &, cimelii instar, splendide exornatus. . Audiamus vel solum MEERMANNVM I. c. disertē scribentem: *Mense Novembri anni praeteriti casus obtigit mihi sane fortunatissimus. Fortuna enim favente nactus in hac urbe (Hagenfi) fui librum vetustissimis typis excusum, qui dicitur: Dat Speghel unser behoudenisse (i.e. Speculum nostrae salutis) eundemque mihi comparavi sexaginta florenis nostratibus. — — Speculum illud nostrae salutis separatim corio turcico rubro undecunque deaurato splendidissime & sumtuosissime compingi curavi, sicque ei in instructissima mea & rarissimis libris referta Bibliotheca principem locum dedi. Exemplar, quod Lubecae vidi, perlustravi, recensui, mutilum licet, viginti quinque Imperialium, quos Thalers*

F 5


tissime in Nummo, supra adducto, sculpsit, apud WOLFIVM Monum. Typogr. P. II, pag. 1232:

*Drie Eeuwen zyn verlopen
Het Spiegelboek legt open
Dat Haerlem nog bewaard.*

HENR. LVDOLPH. BENTHEMIVS Holländ. Kirch- und Schulen-Staat P. I. p. 69: *Man soll allhie (zu Harlem) aufm Rathhause in einem Kästgen mit grosser Sorgfalt verwahren ein Buch in Seide gewunden, welches, der Harlemer Vorgeben nach, das Erste gewesen, so gedrucket. Der Titul ist: Speculum humanae Salvationis, wobey viel Figuren.*

leros vocant, pretio fuit comparatum. Sic diversus est hominum genius. Vnde quod nonnulli vix ac ne vix quidem, ob tenuem plerumque formam externam, notitiae interdum etiam defectum, aspectu dignantur, id alii aestimant permagni, ingentique pretio sibi acquirunt (28). Pro captu lectoris habent sua fata libelli.

(28) LOESCHERVS loc. cit. p. 238: *Saepe aliquo pudore suffundor, dum audio, Anglorum proceres nostra aetate libros a primis typographis editos, & quasi ex incunabulis typographicae artis eductos, magno aere redimere, ut inde iam aliqua lucrosi commercii species prodierit, quam & nostri mercatores cupide arripiunt, ipsaque antiquitatis haec pignora certatim in Britanniam convehunt; cum apud nos nec centesimus quisque vel intelligat rem, vel statuat his libris aliquod pretium, sed inter retrimenta bibliothecarum, vel veteres nugas plerique illos referendos putent.*



V.

EPISTOLA GRATVLATORIA

DE

DIGNITATE SENIORIS

die X. Febr. A. clo lo CC LII.

ACCEPTA

ad

Virum admodum reuerendum, amplissimum praeclarissimumque

DOMINVM

**M. HENRICVM
SCHARBAV**

Pastorem Aegidianum meritissimum.

QVA SIMVL

*Libri cuiusdam rarissimi notitia
redditur*

A

M. CAROLO HENRICO LANGIO,

Gymnasii Lubecensis Conrectore, societatum teutonicarum Lipsiensis, Ienenensis & regiae Göttingensis, latinaeque Ienenensis Collega Honorario.

Quod

Q. D. B. V.

QUOD fero ad TE, VIR ADMODVM REVERENDE ! mea se infinuat gratulatio, id, quum feria fit, in malam partem haud interpretaberis. Diu enim est, quod hanc, qualiscumque est, scriptionem celeberrimi cuiusdam uiri, qui uarias eruditorum epistolas in uulgus dare cepit, collectioni destinaueram inferendam; sed quum, sufflaminatum esse optimum hoc institutum, fero intelligerem: nunc, quando commoda se offert occasio, eam nec elabi e manibus, nec meo deesse officio, publice uolui. Nouit & agnoscit merita TVA, quae maxima esse, uniuersus, qua patet, eruditorum orbis uno fatetur ore, LVBECA nostra; & quo propius ea & curatius perspicit, quoue certius iis diu perfruitur: eo arctius quoque TE complectitur, iisque honoribus, quibus potest, ornare TE summo studio adnititur. VENERANDVS ORDO MINISTRORVM SACRORVM, qui TE sincere colunt, admirantur, amant, non potuit mentem suam, qua TE suspicit, explicare clarius, quam ubi, collectis omnium membrorum suffragiis, TE collegii sui SENIOREM publice declarauit, & omni, quae hanc dignitatem comitatur, auctoritate uoluit exornatum. Superuacaneum heic esset in laudes TVAS excurrere, cuius eruditio, doctri-

doctrinae sanctioris copia, & uirtus, mascula in astutissimos diuinioris coetus hostes uis, solida & penetrans in suggestu sacro perorandi facultas, summa tandem cum grauitate coniuncta humanitas, multos habuit iam habetque praecones, eosque disertissimos, ita, ut mihi, si accederem, uerendum esset, ne detererem potius uirtutes TVAS, quam eas eueherem. In uotis ergo, purissimo animo susceptis, occupor, precorque DEVM IMMORTALEM, ut hac dignitate, ad quam iure quodam TVO euectus es, quam diutissime laetus uiuusque perfruaris. Sustentet ille insignes animi dotes, quas in Te, uel inuidia praedicat! largiatur idem uegetam senectutem, eamque, quoad eius fieri potest, incommodis liberam esse iubeat! sufficiat porro TIBI robur, exantlandis tot laboribus, qui cum muneribus TVIS & noua etiam dignitate coniuncti sunt, pernecessarium! ut, quod adhuc cum laude fecisti, in posterum quoque coetus *Lutherani* columna fidelis, LVBECAE TVAE litteratae decus ac ornamentum, familiae TVAE & amicorum, quos plurimos habes, subsidium & gloria serissimam ad aetatem, & post mortem quoque, celebreris.

NE autem in nudis uerborum ambagibus haeream: facile, quae TVA est humanitas, patieris VIR ADMODVM REVERENDE! ut, qui ipse librorum rariorum quasi pro-

promus condus es, eorum, quae de nonnullis scriptis rarioribus uberius percensendis collegi, aliquam partem TEcum communice; non, ut TE docere audeam, quod sane stolidissimum uideretur; sed ut aliis, quibus non eadem data est rariora inspiciendi, nedum possidendi, facultas, uoluptas quaedam aut commodum inde oria-
tur. Quod institutum, ubi TIBI adrisisse intellexero, magnum me fecisse operae pretium, aperte profitebor.

LIBER hic, quem, ante reliquos, cura dignum aliqua existimaui, hac insignitus est inscriptione: (*) *Mediolanenses Antiquitates ex Urbis paroeciis collectae, ichnographicis ipsarum tabulis, recentibus rerum memoriis, variis Ecclesiasticis ritibus auctae & illustratae, opera & studio IO. ANT. CASTELLIONAEI I. C. Sacrae Theol. Doct. & Vicarii perpetui Abbatiae S. Vincentii in Prato. ad illustriss. & reverendiss. DD. CAROLVM CARAFFAM Episcopum Auersanum, Commendatarium Abbatiae S. Vincentii in Prato Mediolanen. & Prioratus D. Albinii Vigileuen. Apostolicumque Nuncium apud Caesaream Maiestatem. MEDIOLANI, Apud Ioan. Bapt. Bidell. superiorum permissu & Privile-*

(*) retenta est orthographia ipsius auctoris, quod etiam in reliquis locis ex auctore producendis, observabitur. Rationem instituti lector facile suspicabitur,

vilegio. M. DC. XXV. 4. praefatio & poemata plagulas continent 6½ opus ipsum paginas 287. index 3 plag.

POSSE hoc opus rarissimis adnumerari, uel inde satis patet, quod in numerosissimis librorum catalogis rarissime legitur. Rarissimis illud adscribit eruditissimus & in hoc studiorum genere uersatissimus IOANN. VOGTIVS in *catalogo historico-critico librorum rariorum* p. 178 edit. nou. IOANNES GEORG. GRAEVIVS integrum *tomo III. thesauri antiquitatum & historiarum Italiae* a p. 325 - 576. inseruit. Quo in thesauro, quum IACOBVS PERIZONIVS, qui post mortem GRAEVII praefationem praemissit, commemoret, nullos nisi rarissimos & praestantissimos libros fuisse admissos: facile inde dignitatem aequae ac raritatem Antiquitatum nostrarum Mediolanensium iusteque concluderis. Sed quando paucis eruditorum datum est, pretiosum hunc, nec satis obuium thesaurum euoluere, ipsa PERIZONII uerba huc transferre haud uerebor. ita uero fol. (4) praefat. Nec enim, inquit, opus iudicabat, neque laudi sibi putabat, fore Vir sapientissimus, cogere eruditos, aut litterarum amantes, ut eadem saepius sibi compararent; quod fecisset utique, si in hoc tam copioso utilissimarum rerum thesauro, etiam uulgaria, & quae separatim quilibet iam habebat, miscuisset tot aliis, quae non tantum dignissima erant,

erant hoc loco, sed & quorum vix ulla amplius, siue librariis in tabernis, siue in auctiōibus publicis occurrebant desiderantibus exemplaria. Sic enim demum iustum se operae facturum censebat pretium, si tibi hic exhiberet lector, non tantum optimos quosque singularum ciuitatium scriptores, sed simul etiam tales, quorum magna iam dudum erat penuria. Haec qui considerat, num de raritate nostrarum antiquitatum uel dubitare potuerit?

EA igitur quum fortuna fruar, ut primam, cuius pauca tantum edita sunt exemplaria(*), editionem ex publica quadam auctiōe, uili prorsus pretio redemerim, eamque cum Graeuiana ἐκδίδωμι conferre possim: spero fore, ut, si plenam harum antiquitatum publicam recensionem aliquam, non ingratis librorum iustis aestimatoribus operam exhibeam.

AD uitam CASTELLIONAEI quod adtinet, apud omnes, qui in eruditorum fatis describendis occupati sunt, nihil fere occurrit, nisi quod hunc librum euulgarit, quem GRAEVIVS thesauro suo inseruerit, & in celeberrimi IOCHERI *allgemeinem Gelehrten Lexico* Tom. I. p. 1753 error etiam patriae irrepsit, & *Mediolanum* pro *Venetis* legendum est. Quum uero CASTELLIONAEVS ipse in hisce suis antiquitatibus *Mediolanen.*

(*) uid. VOGTIVS l. c.

nenfibus quaedam ad uitam fuam pertinen-
tia commemorauerit , ea quin huic re-
cenfioni infererem , intermittere non po-
tui.

ANNVS, quo natus eft , itemque mor-
tuus , adhuc latet: illud autem, quod Me-
diolanum ipfi patria fuerit, *ex fasciculo VI.
harum antiquitatum* p. 173 didici. De maio-
ribus eius, quos ueneratus eft, fequens car-
men a IOA. BAPT. GVALA Art. & Med.
D. huic operi praemiffum, testatur.

COELESTINVS oues ut coeli ad pascua du-
xit ,

Purpurea cinctus chlamide BRANDA
fuit.

Vt posuit toti leges GVARNERIVS orbi,
Insubrum fides sic BONATVRA (*)
dedit.

Tu CASTELLIONAEVS eorum germine
natus ,

Tot simul, & patriam lucida imago refers.

Fuit non tantum Theologiae Doct̃or & per-
petuus Vicarius Abbatiae S. VINCENTII
in Prato Mediolanenfi, fed etiam Doct̃oris
Iuris honoribus condecoratus eft: quod cum
titulus operis, tum carmina quaedam in eius
honorem elaborata fatis confirmant. Fuiſſe
Bibl. Nov. Lub. Vol. I. G eius

(*) Pro BONAVENTVRA,

eius eruditionem & merita magni aestimata, docent litterati fere omnes, qui eius aetate uixerunt, & SEBASTIANVS MARTIGNONI eum non modo magnum historicum, sed poetam quoque pereximium dixit in eo, quod iam adscribo, epigrammate:

*Historicis foecunda domus, foecunda Poetis
Iam redit in priscum, TE duce laeta, decus,
Historicum Tu quemque praes, Tu quem-
que poetam*

*Queis Tua se quondam vexit ad astra
domus.*

*Sic veterum monumenta legis, sic carmina
condis,*

Quisque Tibi ut Vates cedat & Historicus.

Nimis heic ingenio indulgisse poetam, nemo non fatebitur, qui CASTELLIONAEVM ipse legerit. Quamquam enim historici gloriam nominis ipsi non inuideamus: poetam tamen eum latinum esse, qui *Antiq. fasc. III. p. 83. 89.* & alia legerint, uix poterunt concedere. Quum Cardinalis, quem dicunt pontificii, FEDERICVS BORROMAEVS, qui simul Archiepiscopus Mediolanensis erat, anno c1515 C IX. ossa trium martyrum, QVIRINI, NICOMEDIS, & ABVNDII visenda & recognoscenda traderet, noster solemni huic cerimoniae cum multis aliis inter-

terfuit (*), quo anno iam dignitate quadam ecclesiastica insignitus fuit (**). Anno subsequenti clō lo C X. parochus erat intra portam fabiam in triuio, *ubi*, ita habent ipsa eius uerba (***), *lapidea columna Thufci ordinis, cuius in epistyllo aurata crux, quæ fere quatuordecim abhinc annis, statis de mōre precibus, a me parocho benedicta, debita veneratione coli coepta, adhuc concursu colitur non vulgari.* Anno clō lo C XV. Vicarius perpetuus iam fuerit, necesse est, quoniam *primarium lapidem in oratorio ad D. Calocerii (****), quod fanum Abbatiae suae adiunctum fuit, posuerat.* Quomodo ad Vicarii dignitatem peruenerit, ipse commemorat (*****). *Vicaria, inquit, eadem mihi dignitas est delata ex electione & designatione nominatim facta ab illustrissimo CAROLO CARAFFA, in supra laudati Cardinalis locum subrogato. Is enim unum me non solum præter spem & competitorum omnium opinionem: verum etiam, cum nulla mea in eum exstarent merita, curatum secundum esse voluit. pro quo beneficio cum parem gratiam referre me numquam posse certissime sciam, grata saltem illud mentis significatione, sempiternaque memoria*

G 2

ria

(*) uide Fasc. III. p. 75.

(**) uid. Fasc. IV. p. 108. 119.

(***) Fasc. VIII p. 247.

(****) Fascic. X. p. 276.

(*****) Fascic. VI. p. 231.

ria colam, semperque plus me externo principi
 & nobilissimæ BALBORVM familiae debere
 fatebor, quam nostratibus viris quibusdam pri-
 mariis, ac potentibus, eorumque ministris, qui,
 cum se mea causa velle omnia profiterentur, ni-
 hil denique voluerunt. Fuisse nostrum quo-
 que aliquando Rectorem Collegii Tægiorum
 ad D. Simonis Mediolani uideo itidem
 ex his antiquitatibus (*), quamquam annum
 non expresserit. Refertur alias iure merito
 inter eos eruditos, qui in edendis scriptis
 suis nimis sunt timidi, licet quod timeant,
 non admodum habeant. Hinc erat, quod
 HIERONYMVS BOSSI, Patricius Roma-
 nus & tum temporis Professor regius elo-
 quentiae Mediolani constitutus, eum mul-
 tis precibus ad edendas antiquitates inuita-
 ret, immo minas addere cogeretur. Audi
 eius carmen huic libro praemissum :

*Flectere si nequeo precibus Te, carmina
 mentem*

*Immotam, ac nequeunt flectere nostra
 tuam:*

Voce quiritabo, feriet quæ fidera coeli,

Atria quæque sono Caesaris alta petat.

Audiet inde meas voces CARAFFIVS, Heros

Herculeum ducens ab IOVIS arce genus,

*GREGORII qui sancta patris dum iussa ca-
 pessit,*

FER-

(*) Fasc. VII, p. 214.

FERNANDO (*) *retinet vocibus ora suis.*
Is Vincentiani coget decora inclyta templi
Te vulgare sui, Te dare & illa typis.

Fortasse non diu post antiquitatum harum primam partem diem suum obiit, propter ea quod continuatio syntagmatis in ipso libro plus semel promissi edita in lucem non est.

ACCEDO iam ad opus ipsum, quod figuris quibusdam aeneis, quamquam non affabre satis-sculptis, exornatum fuit. Ipse iam libri titulus circumscriptus est figuris quatuor martyrum, **QVIRINI, NICOMEDIS, ABVNDII & VINCENTII.** Sequitur dedicatio *ad illustrissimum ac reuerendissimum D. D. CAROLVM CARAFFAM, Episcopum Auerfanum, Abbatem D. Vincent. Mediol. praepositum S. Albini Vigleuenens. sedis Apostolicae Nuncium apud Caesaream maiestatem,* qua eius illustrem ortum, animi dotes praeclarissimas, & in ecclesiam eiusque caput merita plurimis extollit laudibus. Commemorat praeterea beneficia in se collata, quae praecipuam suae dedicationis causam dicit, bonisque uotis, ardentissimisque precibus, colophonem epistolae imponit. Subscriptum est dedicationi: *Mediolani kalendis Augusti 1625. excipiunt hanc AVGVSTINI TERZAGI S. T. D. Protonotarii Apostolici*

G 3

&

(*) pro **FERDINANDO** metri causa,

& Canonici Mediolanensis poemata duo, quorum alterum ad CAROLVM CARAFFAM, alterum ad CASTELLIONAEVM ipsum respicit. Prius uitae partem Cardinalis poetice edisserit, posterius epigrammatis formam habet. Sequuntur elegiae quaedam breuiores in CARAFFAM & CASTELLIONAEVM, auctore FELICE OSIO, qui tum temporis S. Th. D. & Professor eloquentiae Patauii fuerat. Subsequens pagina epigramma LAVRENTII PIGNORIAE, Historici Patauini ad CASTELLIONAEVM continet: quod excipit nouus libri titulus: *Antiquitatum paroeciae D. Vincentii in Prato florilegium, duas in partes distributum. Pars prima.* Omissa quidem est haec noua libri inscriptio in editione Graeuiana, sed ideo notari meretur, quod inde clarissime adparet, duas in animo habuisse CASTELLIONAEVM huius libri partes euulgare. In auersa huius inscriptionis pagina legitur supra memorati BOSSI συμβουλευτικὸν ad IO. ANT. CASTELLIONAEVM, ut suum edat florilegium antiquitatum Mediolanensium, quod excipit epigramma eiusdem BOSSI. Leguntur porro BENEDICTI SOSSACI, IACOBI PHILIPPI OPICELLI, PETRI IACOBI, ARRIGONII, D. AVGVSTINI LAMPVGNANI, VINCENTII CASTELLIONAEI, IO. BAPT. GVALAE, SEB. MARTIGNONI, Hieron. PVESTERLAE,

LAE, IO. BAPT. SITONI, IO. VILLAE poemata, quae cuncta in honorem auctoris nostri adposita sunt. Admonitio typographi, quae iam subsequitur, digna est, quae & huc referatur: *In his carminibus digerendis, ita uerba habent (*)*, *ne locus ullus reliquus esset querimoniis eorum, qui sibi primas non deferri aegre ferunt, ex litterarum serie ac sorte ea digerenda censuimus. Quod si quaedam postremo, quae priore loco erant collocanda, excusa vides, ea non ut deteriora, sed ut minus opportune exhibita posthabita fuisse noveris.* Iam demum sequitur praefatio ad lectorem, quae a GRAEVIO statim dedicationi subnexa est. Proponit ea primum occasionem, qua ductus auctor hoc opus sibi suscipiendum arbitratus sit, quae mandato CARAFFAE, Abbatis sui fundata est, quod ex comparatione multorum, quae in his fasciculis occurrunt, locorum luculenter apparet. Primum quidem nihil sibi constituerat aliud, quam ut de trium martyrum, QVIRINI, NICOMEDIS & ABVNDII morte ageret, locum & tempus martyrii ipsosque tyrannos, sub quibus coronam illam uicttricem abstulerant, aperiret, tandem modum rationemque, qua Mediolanum translati fuerint, expiscaretur. Quum uero sub ipso labore uaria se obferrent notatu dignif-

G 4

dignif-

(*) *In praef. litt. e.*

dignissima, quae ad inlustrandas reliquarum paroeciarum antiquitates facere quidquam uidebantur, placuit auctori haec omnia, flores uelut hinc inde collectos, ex confusis illis priscae memoriae monumentis digerere in peculiare locos, quo naribus admoti piorum, si non eas recreare, saltem excitare possent ad alios, iis suauiores, in posterum decerpandos in iisdem hortis. Placuit etiam opellam suam eam ob causam florilegium nominare, collectosque flores per fasciculos potius, quam per capita dispertiri, quod etiam pratum illud S. Vincentii postulare uidebatur. Commemorat hinc, quae ueritatis cupido & sinceritas ipsi insit. *Ac ne in furto deprehenderer, ipsa sunt auctoris uerba, quorum etiam lectione profecerim, uerecundia ingenua profiteri studui. Ideo quaecunque animaduersa nobis in hoc excursu sunt, ex fide non tam bona, quam optima, referemus.* Indicat porro noster, quae in his excursibus memoratu digna produxerit. *Reperiet passim: inquit, in his lector, non contemnendas veneranda antiquitatis inscriptiones, lapides non vulgares, elogia clarissimorum hominum, tumulos maiorum cineribus excitatos, & alia eiusmodi priscae memoriae monumenta, quae neminem umquam poeniteat reperisse.* Postquam hinc suam in dicendo inopiam excusarat, addit: *nullam porro afferimus excusationem styli crassioris, quum historiae praecipua uirtus sit ueritas*

ritas, cuius sermonem breuem esse decere, nudum simplicem & apertum EVRIPIDES docet. Quibus in uerbis humani quid passus esse CASTELLIONAEVS uidetur, quales memoriae defectus plures commemorat in praefatione supra commemorata PERIZONIVS. sine dubio uel CICERONEM, uel LVCIANVM, uoluit dicere, quum a tragico poeta haud facile quisquam historiae leges expectauerit descriptas. Excursus, quos hinc inde facit, ita excusat, ut rerum uarietate gratiam aliquam libro conciliaturum se speret, taediumque, quod facile lectori, uni rei attento, subreperet, sic sublatum iri magna ex parte, confidat. Addit & hanc causam: *Fuit mihi quoque non uno in loco a proposito tramite deflectendum, ut controversias aliquot cum amicis amice subortas de medio tollerem, quas sub iudice relinquendas esse diutius non putabam. Habebunt mihi quidem certe pro huiusmodi prolixitate gratiam non vulgarem ii, qui res a memoria nostra longe distitas ac remotas obuiis ulnis excipere consueuerunt. Multa enim antiqua, uetusta, semisepulta, in hisce digressionibus luci dedimus, quae circum se fusis e tenebris tempore nullo fortassis in posterum emerfissent, nisi ex illis nostra nunc industria emerfissent.* Intermittere non possum, quin & ipsam praefationis conclusionem huc transcribam. His igitur, ita inquit, *ueluti praesidiis communium* FLORILEGIVM
G § nostrum

nostrum lucem in apertam prodit hilari & serena fronte, qua si BENEVOLE LECTOR idipsum exceperis, prope diem fortasse accipies alia, in argumento non dissimili, dissimili stylo, collecta ex eadem manu. Sin aliter evenerit, ipsa nos conscientia iuvandi quam plurimos recreabit. Legas tu tantum velim, quæ præsentī damus EA LEGE, QVA INTER BONOS BENE AGIER OPORTET. EX AEQVO scilicet ET BONO antequam florum nostrorum ex numero quemquam censeas, iudices, vel expungas maiorum more. Interim bene vale! & æternum viue, ut maiores ipsos in studio pietatis. cuius attingendæ studio labor iste noster totus inservit, longo intervallo vincas.

ADPARET post hanc præfationem novus hic libri titulus: FLORILEGII MEMORABILIVM ANTIQVITATVM PAROECIAE D. VINCENTII IN PRATO PARTIS PRIMAE SECTIO PRIMA. DE BASILICA VINCENTIANA. Qui in thesauro Graeuiano non legitur, fortasse ideo, quod in eo uerba *Partis primae* leguntur, cuius tamen secunda pars numquam lucem adspexit. Excipit hunc titulum census auctorum, qui hic citantur, illustrantur, emendantur; quorum numerus 181 auctores complectitur, secundum litterarum ordinem descriptos. Sequitur *synopsis primae decadis fasciculorum florilegia Prati Vincentiani.*

JAM

IAM ipsum opus incipit, cuius *sectio prima octo fasciculos*, altera *unum nimirum novum* in ordine, tertia *itidem unum*, scilicet *decimum* continet.

PRIMVS fasciculus a p. 1 usque ad 37 ea, quae sequuntur, legenda exhibet. „**TEMPLI VINCENTII antiquitas & origo.** *Dicatum initio IOVI. Mentio S. Johannis Quatuor Facierum, Bifrontis & Quadrifrontis Iani: Probi Cominii. Formulae dedicationis ex voto. Conditores eiusdem, & habitatores primi, Deiparae post dicatum. Primam Evangelii sementem inibi a S. Barnaba videri factam. A Quibus & quando inter Urbis Paroecias numeratum. Inscriptiones eiusdem, & tumuli, qui supersunt a tenebris vindicati, sublato Cottae dissidio cum Alciato. Vnum e XII praecipuis Mediolani Basilicis esse.*“ Occurrunt heic elegantes quaedam inscriptiones optime declaratae.

SECVNDVS fasciculus a p. 38 - 61 haec continet: „**Variae Templi FORMAE. ROTVNDANE fuerit an QVADRATA.** De aliis quaesitum ordine, praecipue de postrema, in qua **ARA MAXIMA, CONFESSIO, SACELLA MINORA DVO, BAPTISTERIVM, sacra Turris & Campanae, sacrarium, PICTVRAE NOVAE, AC VETERES, Nouenarii minorumque eius ergo Numerorum aliquot mysteria recensita, appictaque ad finem totius templi**“

„pli & Paroecialis domus Ichnographica
 „Tabella, quam construxit IO. ANGELVS
 „CRIBELLVS (*).“

TERTIVM fasciculum orditur pag. 63
 & claudit pag. 90. contenta eius haec
 sunt. „De Sanctis Martyrum trium, QVI-
 „RINI, NICOMEDIS & ABVNDII corpo-
 „ribus. Arcæ eorundem primus & po-
 „stremus locus. De Confessionibus & coe-
 „meteriis obiter. Descriptio Arcæ & figu-
 „ra. *Latentes in ea Martyres iussu FEDERI-*
 „CI BORROMAEI, Card. & Archiepiscopi
 „Mediolanensis visi. *Martyrium eorundem ac*
 „palma, *multiplici carmine celebrata.*“ Ex
 p. 75 patet, iussu huius Cardinalis, adiu-
 uante Ticinensis Portæ præfecto, ipsum
 CASTELLIONAEVM ad acta horum mar-
 tyrum colligenda & publicanda fuisse com-
 motum.

QVARTVS fasciculus a p. 91 usque ad
 p. 121 haec momenta pertractat. „Ratio-
 „num momenta X de translationibus SS.
 „QVIRINI, NICOMEDIS & ABVNDII
 „Mart. Primus ex Pannonia delatus initio
 „Romam, deinde Mediolanum ad D. Vin-
 „centii Templum. Angilberti tres. Quor-
 „sum Crux in Tumulo Gisilberti. Io. Mo-
 lani

(*) uid. *Fasc. II. p. 61.* elogium huius uiri copio-
 sius descripsit *Fasc. VII. p. 230. it. p. 246.*

lani sententia ea de translatione & alterius
de tribus regibus ad D. D. tumulum re-
pudiata. NICOMEDES ad Romana moe-
nia tumulatus in Vrbe mox ad catacombas
ad D. tandem Vincentii Mediolani. Phi-
lippi Ferrarii lapsus in eo Cathedrali Par-
mensi temere tribuendo. D. ABUNDII
& sociorum translatio Mediolanum. Ve-
risimilitudinum vis & locus. Fama, Tra-
ditione, scriptis Puplicis, M. S. Codici-
bus, Diplomatribus, Apostolicis, Pictu-
ris, Visitationum actis, Reliquiarum ipsa-
rum inspectione res omnis eidentissime
comprobata. Admirabiles Putei ad sepul-
cra sanctorum. Munificentia Longobar-
dorum Regum in S. ædibus extruendis.
Epilogus verecunda scriptoris excusatione
conclusus.

QVINTVS fasciculus a p. 122 usque ad
p. 144 sequentibus rebus impletusest, quas
itidem auctoris uerbis adducemus, „Sa-
cra alia corpora Basilicæ *Vincentianæ*. In-
subrum antiquæ sedes, ubi primo con-
ditæ. Vrbes olim ad amnes. Ticinensis
Portæ commendatio ab accessu D. Barna-
bæ, Citadella, publicis locis. Sanctorum
sepulcra in hortis. A DEO DATI plu-
res. Horum quis in D. VINCENTII
templo, quisue Gallianum translatus,
Festus eiusdem dies Tumulus & sacellum.
S. VINCENTII reliquiæ & earum virtus.
„Inde

„Inde templo nomen. Templum eiusdem
 „aliud ad Garumnā. Venantii versus ex-
 „pensi. Illustriora quædam alia D. VIN-
 „CENTII templa apud Gallos, Hispanos &
 „Mediolanenses. Vera de corpore D. VIN-
 „CENTII historia. Sanctorum aliorum re-
 „liquiæ in D. VINCENTII templo. Laus
 „earundem & Vincentiani Prati. De cultu
 „& veneratione sanctorum, nec non, &
 „RELIQVIIS & Præfidiis eorundem.

SEXTVS fasciculus pergit a p. 145 ad
 195 & sequentia commemorat: „Ex occa-
 „sione Monachorum Coenobii D. *Vincentii*
 „Monachalis instituti antiquitas, etymon,
 „Principes, Regulæ. Lupercorum gens FA-
 „BLA apud D. *Vincentii* Coenobium habi-
 „tare solita. Sepulturæ genera duo, ritus
 „sepeliendi plures. LVPERCOS post Euan-
 „gelii lucem solitarios, Heremitas, Mona-
 „chos tandem dictos. Vincentianum tem-
 „plum *Beatissimæ Virginis* quis dicarit? Coe-
 „nobium a quo conditum. *Benedictinorum*
 „apud Mediolanenses initia & incrementa.
 „Qui lapsi in assignando Monasterii Monia-
 „lium S. Vincentii conditore. *Vincentiano-*
 „rum *Monachorum* laus, regulæ, mores &
 „instituta. Historia de dente & aureo al-
 „tari S. Ambrosii deque sanctis eiusdem
 „Protasii, & Geruasii Martyrum corpori-
 „bus, & Heriberto Archiepiscopo quædam.
 „Mediolani exscidium a Rubro barbo.“

IN

IN fasciculo SEPTIMO leguntur a pag. 196 - 251 momenta haec: „Coenobii D. Vincentii opes. Paroeciæ fines. VITRIAE origo, cursus, nomina cloacæ. NERO. CANOSA. CLVSIA. CANTARANA. Cõriariorum & Capucinatorum nouæ & antiquæ sedes. BVRGATIONVM ius, ars, riuus. Vipera Vicecomitum. Vetræ antiquitas. VECCHIABIA, Tributarii D. Vincentii. FABIORVM Vicus & Porta, eorumque aduentus Mediolanum. SAR. COPHAGI nomen vetus. Sepulcra rosis spargi & ornari solita. MOLLITER OSSA QUIESCANT. Formula sepulcralis. HY. MENEI ad Pontem Fabium statua declarata. Nuptiarum ritus. Vera de eadem statua auctoris sententia. - Alia Coenobii Vincentiani iura. De Præpositura D. Albini, S. Vincentii VICARIATV perpetuo, Sacerdotiis SS. Viti & Xisti, Delubris D. D. Christophori, Catharinæ, Caloceri & amentium Xenodochio scitu pleaque non indigna.“

COMPENDIUM octavi fasciculi a pag. 234 - 251 hoc est: „Paroecialis muneris dignitas & Origo. Paroeciæ cur, diuisæ suisque singulæ terminis definitæ. Urbium & prouinciarum cura Præsulibus. Minorum locorum minoribus sacerdotibus. MEDIOLANENSIVM paroeciarum NV. MERVS maior & minor. Late patens Iu. ris

„ris Paroecialis campus , sed a Religiosis
 „Mendicantibus vsurpatus. Parochorum
 „nomen multiplex dignitatis plenum. Onus
 „eorundem, conditio calamitosa. VINCEN-
 „TIANAE Paroeciae fines vnde quaque di-
 „mensi & descripti ichnographica in tabella.
 „Catholici olim solis in paroeciis humari so-
 „liti. Paroeciae Vincentianae laus variis ab
 „adiunctis, ac praecipue ab artibus auricu-
 „dendi, filis superinducendi sericis, eius-
 „demque ab argento seiungendi.

FASCICVLVS NONVS, qui totam se-
 ctionem secundam efficit, & a pag. 252 ad
 268 pertingit, huius est tenoris, si conten-
 ta spectes: „Delubrum S. CHRISTOPHO-
 „RI ubi, quando & a quibus conditum or-
 „dine quaesitum. In augustiorem formam
 „EX VOTO a Ciuibus Mediolanensibus
 „redactum. Qua causa sint DIES DVO
 „FESTI apud Mediolanenses in honorem
 „S. CHRISTOPHORI, & in eis Ciuium
 „cursus ad Templum, vbi Sancti reliquiae
 „& imagines plures. Quaedam de eiusdem
 „sancti die festo, & Templo apud Laudenses,
 „in quo serpentis spina posita. Imago S. CHRI-
 „STOPHORI qua de causa in suburbiis,
 „viis publicis & extra Tempia frequenter
 „picta. Sub titulo D. CHRISTOPHORI
 „HOSPITALIS DOMVS primum, deinde
 „societas ex nobilibus praecipue viris insti-
 „tuta. Quantitas reddituum eius societatis
 exami-

examinata. Ius Abbatiae & Parochi D. VINCENTII decreto Archiepiscopalis Vicarii confirmatum in æde S. CHRISTOPHORI, & eiusdem Aedis forma explicata, “

DECIMVS & ultimus Fasciculus, qui a pag. 269 ad 288 pertinet, huiusque primae partis *sectionem tertiam* complectitur, edisserit uberius, quae compendium subsequens paucis indicat. „PHANI D. CALOCERI antiquitas & fama. Primum ex mira fontis inibi scatentis origine declarata; tum Regii diplomatis testimonio confirmata; illustrata deinde ex baptismo D. SECVNDI peracto in eo ab SS. Martyribus, FAVSTINO, & IOVITA. FONTIS eiusdem situs. Ciuium frequentia ad illum. Sacrum olim ibi Religiosarum septum. Imaginis antiquae BEATISSIMAE VIRGINIS MARIAE, ad Seruatoris crucem stantis, prodigii anno 1519 *successi*, munerumque eius occasione datorum descriptio. Procedente æuo societates variae sub diuersis nominibus ibidem erectae. Postrema SANCTISSIMI CRVCIFIXI nomine nuncupata adhuc durat & floret. “

SVB finem adiuncta est Tabula ichnographica totius abbatiae, per CRIBELLVM delineata, quam excipit *syllabus rerum memorabilium*, quae in prima florilegii parte continentur, complexus plagulas 3. In editione

Nov Bibl. Lub. Vol. 1.

H

Grae-

Graeuiana neque syllabus hic, neque notae, ad marginem positaе, magnique usus aestimandae, occurrunt. Dolendum praeterea, erroribus, a typographo commissis, non satis esse cautum. Quamquam enim integra pagina commissorum plena errorum est, nondum tamen grauissima peccata omnia sustulit auctoris diligentia.

SVpra iam quidem adnotatum a me fuit, suscepisse auctorem hoc consilium, ut, *duabus partibus* laborem omnem complecteretur: plenior tamen huius rei notitiam in conclusione fasciculi X (*) inuenio, quae digna est, ut heic tota legatur. *Hæc habui, quæ de antiquitatibus Phani, D. Calocero sacri, litteris consignarem. Nam, quod attinet ad dona coelestia, quibus affici consuevere fideles, ad D. Caloceri, undique confluentes, iam tum, quum ageretur annus MDC XVII. Et etiam num hodie afficiuntur in dies magis, ac magis, ea me commodius persequuturum arbitror, IN ALTERA FLORILEGII PARTE, in qua praeterea, superioribus Ecclesiasticis bene volentibus, complectar celebritatem assiduam populi frequentissimi, quæ ades illa quotidie colitur, nec non Et ingentem stipem Deiparae oblatam, cuius inibi effigies gratiis innumerts nitet, siquidem Votis Deus annuerit, Et otium concesserit, quod optamus. Styli porro, quo duos postremos fasciculos*

(*) p. 287.

los exarare libuit, ut operis forma iusta esset, veniam rogamus a lectore nostro. Cum enim typographi properarent ad metam, mihi quoque festinandum fuit, ne desisterent ab incoepto. Ea re factum illud est etiam, ut minus esse debuerimus eruditi, quam in primis octo fasciculis extiterimus, ac ob id etiam scriptorum testimonia, sine verbis eorundem, in medium attulerimus, quod alias non egeramus, ut rem ageremus, ubicunque deceret, tabulis, quod asserunt, obsignatis. Hæc igitur æqui, boni, consulet noster lector, ut voluntatem erga se propensam, & bonam, si minus res ac stilum, probare poterit. Finem hic scribendi faciam, & PRIMAE PARTI FLORILEGII PRATI PAROECIAE VINCENTIANAE coronidem imponam, occupationum nouarum turbinibus abreptus alio, ne ALTERAM eiusdem FLORILEGII PARTEM in lucem edam. Ac licet queri mecum grauiter videatur PARAPHODOCHION nobis proximum, & annexum, historico plane calamo dignum, quod se tacitum præterire silentio velim: de me tamen nullus ei erit ex postulandi locus, si operæ nouæ nunc parcens, ea, quæ de eo hætenus obseruauimus, posteriorum memoriæ transmittam, & IN SECVNDA FLORILEGII PARTE peculiari fasciculo includam. Aliarum Urbis paroeciarum ANTIQVITATES SINGILLATIM SCRIBERE EST IN ANIMO, si hæc D. Vincentii Paroecia beneuolis patriæ saltem ciuibus placere cognos-

uero, stylo tamen alio, ad vernaculum propius accedente, ut omnibus etiam Latinae linguae ignavis facere satis, vel certe aliquo modo inservire me velle apertum sit atque perspicuum. Quam ob rem cum ad decimum fasciculum pervenerit hac PRIMA PARS FLORILEGII NOSTRI veluti pari numero aequata DVABVS IAM EXCVSIS DECVRRIIS DE HONORIBVS ECCLESIASTICIS:

Conticeo tandem, factoque hic fine, quiesco. Præpotenti Deo in sempiterna seculorum æternitate sit laus & gloria, sanctissimæ Virgini, Matri purissimæ, beatitudo perennis & magnificentia: atque Beatissimo Leuitæ & Martyri Vincentio, huiusce parociae tutelari Diuo, honor decusque immortale.

EX his aliisque antiquitatum harum Mediolanensium locis haec adhuc observanda propono:

I. AVCTOREM nostrum antea iam duas decurias de honoribus ecclesiasticis, forte Mediolani publicasse (*): quarum mentionem a nemine huc dum factam recordor.

II. Ipsummet præterea commemorasse(**) Antiquitates D. DIONYSII Cassanensis luci publicae a se datas esse Mediolani An. MDCXVII. qua forma prodierint hae antiquitates prorsus ignoro, & raritas libri uel inde probatur, quod in nullo, quos legi, auctore eius mentionem factam inuenerim.

III.

(*) Fascic. X. p. 288.

(**) Fasc. VII. p. 225,

III. Plerasque ad alteram florilegii partem quae spectarent res & historias se iam collegisse; opus autem tum, quum ederet primam partem, nondum plane fuisse elaboratum (*).

IV. Tandem ipsi fuisse in animo, *aliarum quoque paroeciarum Urbis Mediolani antiquitates sigillatim ut scriberet.* Quod utrum, & quam ob causam non suscepit institutum? cognitum mihi ac perspectum non est.

AD finem tandem huic recensitioni imponendum propero. Non possum tamen intermittere, quin elogium huc adscribam, quod CASTELLIONAEVS celeberrimo, qua orbis patet eruditus, viro IO. KIRCHMANNO nostri olim Gymnasii RECTORI dignissimo, adscripsit. *Ut multis, ita loquitur CASTELLIONAEVS (**), & omnium quidem disertissime probatum est a IOANNE KIRCHMANNO lib. II. de funeribus Romanorum cap. 20. & deinceps usque ad 25. cui profecto gratias immortales debent antiquitatis studiosi omnes pro argumento hoc adeo dilucide posteris explicato, ut ego certe debeo iure meritoque, ac ut alii mecum habeant, rogo.* Ignoravit, prout videtur, uir doctus & sectae suae defensor acerrimus, fuisse KIRCHMANNVM LVTHERANA HAERAESI imbutum: alias enim

H 3

KIRCH-

(*) leg. Fasc. X. p. 287. Fasc. VIII, p. 246.

(**) Fascic. VI, p. 251.

KIRCHMANNVM, idem quod MELANCHTHON fatum subiisset: quem pessimum haeresiarcham (*) nominat. Quum pauca sint & animum hominis praeclarissime detegant, eius uerba producam iisque labori finem imponam: *ad explicandas autem allegoricas picturas — — — non ineleganter se habet LAURENTIUS XERISANVS in libris, quos restituit de ratione studii Theologici, quamvis eum nequaquam sequamur in eo, quod de Martyrio huius Diui dubitare videtur. ut, quam possumus, longissime a Philippo Melanchthone, pessimo haeresiarcha discedere iudicemur, qui impudentissime adseruit hoc vanum imperiti alicuius Monachi commentum esse, cum re uera nullus huius nominis sanctus martyr in ecclesia Dei unquam exstiterit. Ita uale VIR SVMME REVERENDE! meque amare perge. Dabam LVBECAE a. d. 12 Augusti clolo c c Lll.*

(*) *Fasc. IX, p. 259.*



VI.

FRIDERICI IOACHIMI SCHNOBEL

OBSERVATIO

GRAMMATICO-

PHILOLOGICA

ad verba: Ps. VIII. 2.

אֲשֶׁר תִּנָּה הוֹדָךְ עַל-הַשָּׁמַיִם :

ΣΥΝΟΨΙΣ.

Usus praeceptorum grammatices in explicando sacro codice. §. 1. Dissensus interpretum in exponendo hemistichio posteriori Ps. VIII. 2. Sententia ALBERTI SCHULTENS. §. 2. Modus interpretandi, quem maxima Philologorum pars sequuta est. §. 3. 4. SEBAST. SCHMIDII coniectura. §. 5. MARLORATI & GUSSETII sententia. §. 6. תִּנָּה non potest esse Infinitivus. §. 7. Rectius sentire videntur, qui vocem hanc pro Imperativo habent. §. 8. אֲשֶׁר hoc loco est pronomen relatiuum, aut in accusandi casu aut in ablatiuo transferendum. §. 9. Nexus horum verborum cum antecedentibus, & totius commatis secundi sensus. §. 10.

§. I.

Quod in explicandis sacri codicis oraculis nemo versari feliciter possit, nisi artis grammaticae praeceptis bene imbutus, id quidem a Christianorum aequae ac Hebraeorum philologis ea est ratione demonstratum, ut supinam proditurus esset ignorantiam, si quis id negare auderet; actum vero agere censendus esset, quicumque idem sibi probandum denuo sumeret. Nouissime data opera atque rationibus exquisitis illud euictum dedit summe reuerendus IOHANNES BENEDICTVS CARPZOVIVS, S. Theologiae in Academia Iulia Professor ordinarius. (a)

(a) in comment. exeg. de Interprete Scripturae sacrae grammatico. Helmst. 1750.

§. II.

Hisce nos praeceptis adiuti verum verborum in Ps. VIII. versu 2. eiusque hemistichio posteriori exstantium sensum eruere bono cum Deo conabimur. Pertinent ea sine dubio ad *δυσνόητα* dauidica, curatiori examine digna, variisque interpretum ansam dederunt querelis atque sententiis. Maximam pariunt difficultatem verba *אשר תנה*, quorum si verum definire sensum datum nobis fuerit, reliqua facilia erunt in-

intellectu. Singularem hic ingreditur viam magnus Batauorum philologus, ALBERTVS SCHVLTENS (b), dum verbum תנה radice[m] vocabuli nostri constituit. Hoc enim ex verbo, quod interdum, ipso iudice, significat *laudare*, format nomen תנה ad formam לנהל & שנהל. (c) Cui quum significationem *laudis* tribuat, totum comma nostrum ita transfert: *quia laus gloriae tuae est supra coelos*. At enim vero licet vltro cum JOH. HENR. MICHAELIS (d) concedamus, hunc explicandi modum communiori illo & mox adducendo esse simplicio[re]m: sunt tamen varia, quae obstant, quo minus illi palma deferri prae reliquis queat. Ipsum verbum תנה apud Arabes quidem in significatione *laudandi* occurrit: sed an & in sacro codice id fiat, adhuc sub iudice lis est. Esto autem, in duobus istis, ad quae auctor prouocat, locis, Iud. V. 11. XI. 40. verbo תנה significationem *laudandi* competere; ipsum tamen nomen תנה nequicquam alibi quaesiueris. Quid? quod nexus cum antecedentibus ita non satis erit expeditus. Num enim nomen DEI ideo in terrarum orbe magnificum fuit, quia gloriae ipsius laus supra coelos est? Valent hic etiam verba SEB. SCHMIDII: (e) *nonne ab initio mundi maiestas DEI eleuata fuit supra omnes coelos? non tamen magnificum fuit in vniuersa*

H 5

terra

terra per euangelium & mysteria eius reuelata & impleta.

(b) in Animaduers. philol. & crit. ad varia loca V. T. p. 130. (c) vid. Danzii paradigmata nom. & verb. class. 1. form. 19. (d) Annotat. in hagiogr. V. T. libros ad h. l. (e) in Resolut. psalm. proph. de Christo p. 36.

§. III.

Multo plures sunt, qui vocem **תנה** esse infinitiuium **ת** paragogico auctum, pronunciant. Magno illud asseri consensu a Christianorum & Hebraeorum grammaticis, lexicographis & commentatoribus videas. Huc pertinent, quae a SANCTE PAGNINO (f) obseruata sunt: **תנה** Ps. VIII. est *makor* (infinitiuius), secundum R. ABRAHAM in commentario, instar **תנה** a **תנה** R. quoque DAVID scribit: esse *makor* loco praeteriti. Sed ne hi quidem vna eademque ratione omnem rem conficiunt. Plerisque infinitiuius loco praesentis vel praeteriti actiui videtur esse positus. Ita post PARAPHRASTEN CHALDAEUM & INTERPRETEM SYRVUM senserunt IO. TARNOVIVS, SAL. GLASSIVS, DAN. CRAMERVS, CHRIST. FRIED. WILISCH, MARTIN. GEIERVS, ANDR. RIVETVS, IOHAN. PISCATOR, FRANC. IVNIVS & plures alii. Neque ista sibi sententia linguae indolem hebraeae
habet

habet aduersam. Saepenumero enim fieri solet, vt, quod alias infinitiuum comitatur, tempus finitum (g), subintelligendum sit. Magna illud exemplorum, e sacro codice petitorum, segete probatum iuit, post GLASSIVM (h) CHRIST. SCHOETTGENIVS. (i) Qua quidem ratione post תנה erit supplendum נויתן vel נתת atque vertendum: *qui ponis, seu posuisti gloriam supra coelos.*

(f) in Thesauro linguae s. sub rad. נתן. (g)

Danzii Interpres §. 77. (h) Philol. sacr. lib. 3. tr. 3. can. 3. 44. (i) in dissertatione, quam adiunxit Christoph. Theodos. Waltheri libello de ellipsis hebr. p. 100. sqq.

§. IV.

Alii cum LXX. INTERPRETIBVS, translationibusque ARABICA, AETHIO-PICA, VULGATA & CHRIST. RICHTERI germanica, τὸ תנה impersonaliter, vel in passiuo exprimendum iudicarunt. His accessit LVTHERVVS, transferens: *da man dir dancket im Himmel.* Sed quanquam inficias ire nolumus, infinitiuum pro quocunque alio tempore poni (k), atque verbum finitum passiuum omitti hoc loco potuisse, quod interdum aequae atque actiuum infinitiuo iungitur: (l) rarius tamen id fieri certum est. Praeterea τὸ נשן significatus minus vsitatus erit tribuendus, eadem-
que

que circa connexionem hic erit difficultas, quae interpretationi priori (§. 2.) opposita fuit.

(k) Danzii Interpr. §. 163. (l) c. g. Gen. 37, 33.

פָּרֹדֶת פָּרֹדֶת discerpendo discerptus est.

§. V.

Ad alterutram interpretum classem referri possunt alii a MATTH. POLO (m) excitati. Quibus addere placet IOH. VLMANNVM, (n) qui, *simplicissimus*, inquit, *sensus hic est*; IEHOVA, domine noster, *quam magnificum est nomen tuum in uniuersa terra! quae (idcirco) ponat gloriam seu maiestatem tuam super coelos.* Diuersam ab his elegit viam SEB. SCHMIDIVS. (o). Ipso enim iudice, infinitivus הָנִיחַ naturam nominis induit, atque verbum substantiuum subaudiendum est. Hinc ita transfert: *Cuius gloriam dare, vel cui gloriam dare est, siue sit etiam super vel in coelis.* Addam ipsius paraphrasin, vt mens eius perspiciatur facilius: *o IEHOVA, domine noster, quam magnificum reddidisti nomen tuum per opera tua, quae in euangelio praedicantur & celebrantur; non vt olim, in iudaea modo, sed in uniuerso terrarum orbe! Tanta enim sunt haec opera tua, vt gloriam tibi dare & canere propterea etiam coelis incumbat, inque his a sanctis etiam angelis*

gelis celebrentur, & *Supra coelos ab iis evehan-*
tur, tanquam qui ipsi etiam laetantur in ea in-
trospicere. SCHMIDIVM sequuntur HENR.
 BEN. STARKIVS (p) & IOH. FRIED. SCHROENE-
 RVS. (q) Sed haec paulo durius esse dicta,
 non immerito IOH. HENR. MICHAELIS
 pronunciat.

(m) in Synopsi Criticor. ad h. l. (n) in Delitiis
 rural. p. 56. (o) Resolut. psalm. proph. de
 Christo p. 36. 29. (p) Not. select. in loca dub.
 psalm. (q) in Starkiana Synopsi biblioth. exeg.
 in V. T. P. IV.

§. VI.

Nonnulli infinitivum in translatione re-
 tinendum esse statuunt, licet diuerso modo.
 AVGVST. MARLORATVS (r) nullam vocis
תִּנּוּן, quae tamen frustra esse posita dici ne-
 quit, rationem habet, & sequente ratione
 exponit: *ad ponendum decus tuum supra coe-*
los. IAC. GOVSSETIVS (s) versum 2.
 cum 3. connectit, & *Infinitivum תִּנּוּן*, in-
 quit, *parum hebraice sumunt pro praeterito:*
nam linguae ingenium est, ut sumatur pro ge-
rundio, dando: & ideo hic versus & sequens
cohaerent; quia ponendo gloriam tuam supra
coelos, ex ore infantium &c. nempe ascensione
sua. Qui transferendi modus ipsi ALBERTO
 SCHVLTENS non plane improbatus, licet
 plerisque citatis simplicior sit: (t) accen-
 tuum

tuum tamen seriem non habet sibi fauentem. Quum enim hac ratione verba: **הנה הדרך על השמים** parenthesi cui-dam includenda sint: maxima huius hemi-stichii subdistinctio, quae per **א** in voce **הדרך** facta est, in vocabulo **אשר** fieri debuisset, quod tamen per seruum *Merca* cum proxime sequenti copulatum est arctissime.

(r) in exposit. Psalm. ecclef. (s) in commentar. lingu. hebr. rad. **נתן**. (t) in Animaduers. philol. loc. cit.

§. VII.

Hae fere praecipuae sunt sententiae, ab ea, in quam nos discedemus, diuersae. Ante vero, quam illam in medium proferam, prolatam argumentis firmem, iuuabit obseruasse, vocem **תנה** nec esse infinitiuum, nec esse posse. Vt enim taceam, **ה** paragogicum rarius adponi infinitiuo, (u) notum est e grammaticis, duplicem modo esse formam infinitiui a verbo **נתן** descendens, scilicet **נָתַן** (x) siue **נָתַן** (y), & **נָתַן** pro **נָתַן**, e quo cum **א** paragogico, vti plerisque placuit, formatum est **נָתַן**, quod nonnisi semel, ni fallor, in s. codice legitur. (z) Testem, quod ad caput rei attinet, e multis proferam RABBI MOSEN KIMCHI, cuius haec sunt verba: **המקור**

המקור נתון ובחסרון שהי הקצוות תת:
infinitiuus (verbi נתן) est nathon, aut defi-
 cientibus duabus extremis litteris: theth. (a)
 Quod si igitur נתון τω adponendum est
 ה paragogicum, dicendum ex lege per-
 mutationis punctorum erit aut נתנה ad
 analogiam τω משה או נתנה ad for-
 mam τω רבעה. Sin autem infinitiuus תת
 ה paragogico augendus est, dicendum תתה,
 quemadmodum accedente suffixo י. est
 תתי. (b) Quae quidem adeo clara sunt, ut
 vocabulum תנה contra omnem analogiam
 grammaticam pro infinitiuo haberi, E. L.
 VRIMOET iudicet rectissime. (c) Ipse
 I. H. MICHAELIS (d) infinitiuum esse pror-
 fus anomalum concedit, neque, obseruante
 ALB. SCHULTENS, (e) alia talis infinitiui
 forma extat. Atque sic quidem sententiam
 istam esse precario sumtam, nec vlllo niti
 fundamento solido, facile patet.

- (u) Danz. Grammat. §. 54. l. a. (x) Num. 21, 2.
 (y) cap. 20, 21. (z) 1 Reg. 6. 19. (a) in In-
 stitut. gramm. p. 200. edit. Const. l'Empereur.
 (b) Gen. 29, 19. (c) in Miscell. Groning. a
 Dan. Gerdes editis Vol. I. p. 348. (d) in An-
 not. ad libr. hagiogr. (e) l. c.

§. VIII.

Propius ad veritatem accedere videntur,
 qui תנה hic etiam *imperatiuum* esse existi-
 mant.

mant. Quae sententia quemadmodum omnium maxime naturalis est, ita fieri non potuit, quin suos inueniret adsecclas. Auctores VERSIONIS TIGVRINAE, de qua fusius differuit summe venerabilis praeful noster I. G. CARPZOVIVS, (f) ita teste MATTH. POLO transtulerunt: *qui vel quia pone*. Eodem modo de hoc vocabulo sensisse CAIETANVM, IOH. LORINVS obseruauit. (g) Neque inter recentiores defunt, qui hanc interpretandi rationem aliis esse aptiorem pronunciarunt, licet de voce אשר non eadem omnium sit sententia. IOH. CONR. SCHRAMMIVS (h) transfert: *ubi cedo gloriam tuam super coelos*, eamque stabiliturus translationem addit: *nam particula תנה est ab imperatiuo תן a verbo נתן dedit, cum ה paragogico, affectum maiorem indicante, ו significat cedo, ecce, ut Ps. 86, 16. תנה עזך Cedo robur tuum seruo*. Clarissimus VRIEMOET (i), alii recte, inquit, ו ex constanti in aliis dictis usu תנה pro imperatiuo habent, sed de cuius ipsi hic desperant commodo sensu. Syntaxis arabica docet, posito post particulam causalem imperatiuo, loco subiunctiui, optime, nec incongruo hic, ut putem, sensu, verba: 'אשר תנה וגו' sic reddi posse: ut ponas gloriam tuam supra coelos. Horum nos vestigia prementes persuasissimum habemus, תנה esse imperatiuum ה paragogico au-

auētum. Quemadmodum enim imperati-
uus nudus est ⚬: ita accedente ⚬ parago-
gico, quod iudice ΤΥΜΠΙΟ(k) *nil nisi pro-
nunciantis nisus est, qui vel impetum & tenden-
tiam ad locum obiectumue aliud, vel admira-
tionem magnitudinis, aut in negatiuis, exigui-
tatis rei significat, vel ob soni saltem suauitatem
vocibus adiicitur, vocabulum ⚬ oritur,
quod, vti Philologi annotarunt, plus vi-
cies in sacris paginis imperandi potestatem
habet.*

(f) Critic. sacr. P. II. cap. 6. §. 6. (g) Comment.
in libr. Psalm. (h) in disp. de maiestate Chri-
sti redemptoris. § 9 (i) in Miscell. Groning.
l. c. (k) in not. ad Noldii concordant. partic.
ebraeo chald. p. 217. not. b.

§. IX.

Adeo clara sunt haec omnia, vt mi-
randum sit, qui fieri potuerit, vt ⚬ in
hoc vnico loco pro infinitiuo reputaretur.
Ratio quaerenda sine dubio est in praece-
dente voce ⚬, quam quum connectere
cum imperatiuo non possent interpretes, ad
ἀνομαλίαν sibi confugiendum esse credide-
runt. Nostrum itaque erit, in significatum
⚬ ⚬ inquirere, & quo pacto cum se-
quentibus connecti optime possit, dispicere.
Varios huic vocabulo significatus Philologi
tribuunt, quos apud DANZIVM (l) &
Bibl. Nov. Lub. Vol. I. I NOL

NOLDIVM (m) quaerat quicunque voluerit. Nonnunquam coniunctionis copulativae vicem explet, diversis aequipollens latinorum particulis. Plerumque tamen pronomen relatiuum est, neque nostro in loco pro alia orationis parte, si quid ego iudico, haberi debet. Quanquam enim perinde ac in aliis locis a NOLDIO citatis exprimi heic forte potest per *quin etiam*, vel *ideo*: *fatius tamen erit, magis vsitatum retinere vocabuli significatum, quum nulla eum deferere nos iubeat necessitas.* Qua quidem ratione & in accusatiuo casu a latinis efferri poterit & in ablatiui. Quod si prius placuerit, subintelligenda erit ante הוּרְ particula ל, atque tunc transferendum: *quod pone in gloriam tuam supra coelos.* Notum enim est, *טו ל* saepe denotare obiectum, finem ac rationem mouentem, tumque per *ad*, *in* vel *propter* reddi solere. (n) Diserte illud legitur post verbum נתן in loco EZECHIELIS: ונתנך לחרבה ולחרפה בגוים *disponam te in vastitatem, & in opprobrium apud gentes.* (o) Quid vero huius particulae in isto casu omissione frequentius est? Exempli ne defint, duo e Psalmis loca adscribam: *למחן* pro *תשימנו* *מרון* *pro* *nis nos in rixam*, h. e. facis nos rixae obiectum. (p) *לעדות* pro *עדות* שמו *in testimonium*

monium posuit illud, h. e. testimonii causa, siue eum in finem, vt testimonium esset, instituit. (q) Alio, sed, quod ad sensum attinet, non diuerso modo *וְאֵין* necti cum imperatiuo *תִּנָּה* potest, si in auferendi casu illud posueris. Tum enim ita formanda erit translatio: *quo pone gloriam tuam supra coelos.* Certe ablatiuum hic habere locum posse, nemo facile erit, qui neget. Casus enim obliqui quum non indicentur per terminationes, saepe ex sola constructione per verbum casus vocis erit determinandus. (r) Nisi forte malis ante *וְאֵין* subintelligere particulam *כִּי* quae saepe ablatiui nota est, atque *medium*, vt voce metaphysica vtar, significat. Oppido enim frequens est huius particulae ellipsis, quod plurimis demonstrauit exemplis NOLDIUS. (s) Caeterum pronomen relatiuum hic loci qua sensum est demonstratiuum, quod cum in latina lingua, maxime ab initio periodi frequentissimum, tum nec apud Hebraeos plane insolitum, sicut vice versa pronomen demonstratiuum *זֶה* vel *הַזֶּה* subinde relatiui loco ponitur. Exempli loco, sint verba Iob 1: *לִי - אֲנִי אֲשֶׁר אֶחָה - לִי* quem ego mihi video. (t) Hinc sicut LUTHERUS ibi transtulit: Denselben werde ich mir sehen: ita nostrum etiam comma forsitan non male sic redderetur lingua vernacula: *sehe, erhebe*

doch denselben, (deinen Nahmen) zu deinem
Ruhm, vel: erhebe durch denselben deinen
Ruhm über den Himmel.

(l) Interpr. §. 45. (m) Concordant. partic. p.
98. (n) c. g. Ios. 22, 29. Ies. 53, 7. Nehem. 8, 4.
Ies. 10, 3. Gen. 45, 5. (o) Ezech. 5, 14. (p)
Psal. 80, 7. (q) Psal. 81, 6. (r) Danzii Interpr.
§. 19. (s) l. c. p. 167. (t) Iob. 19, 27.

§. X.

Hiscæ observationibus grammaticis prae-
missis, nunc de ipso loci nostri sensu, eius-
que cum praecedentibus nexu breuiter stri-
ctimque dicetur. Quod in noui foederis
tempora regii vatis in hac oda intenta mens
sit, de eo inter omnes conuenit, qui in ex-
ponendis sacris literis ipsum Spiritum san-
ctum ducem sequuntur. Mirabundus igitur
dum in priori hemistichio exclamat:

יהוה ארנינו מה-אריר שמך בכל-הארץ

o DEVS, domine noster, quam illustre est no-
men tuum in omni terra, יהוה שם nomen

DEI significat omnia ea, quae cum per
optimum Saluatorem, tum per ipsius lega-
tos de DEO praedicabantur, siue famam de
summo numine eiusque attributis & operi-
bus, tempore noui testamenti in vniuer-
sum terrarum orbem ope praeconum euan-
gelii emanantem. Magnificum profecto &
illustre erat illud nomen, quoniam ea, quae
tunc

tunc temporis reuelabantur, non vulgaria erant, sed magnifica atque ita comparata, vt omnes rapere in admirationem possent, DEOque ad summam valerent gloriam. Quae dum vbique terrarum concelebrari gaudet D A V I D E S, futuras rerum vicissitudines veluti praesentes animo secum voluntans, ab exclamatione progreditur ad preces:

אשר חנה הודך על השמים (u) Per

יהוה cui passim respondent voces כבוד, תהלה & הדר, denotatur gloria DEI relatiue spectata, hoc est iudicium creaturarum intelligentium de perfectionibus diuinis, & inde oriens laus, cultus, amor & obsequium. Dicitur illa supra coelos esse eleuata, quoniam non homines modo, terrarum orbis incolae, sed etiam coelites honore & obsequio DEVM prosequuntur.

decor eius supra

terram & coelos est (u) רם על השמים כבודו

elata est supra coelos gloria ipsius. (v) Quum


vero honor, quem spiritus creati DEO perhibent, sequatur rationem cognitionis, quam de ipso & eius perfectionibus habent, ita vt, quo plura & magis insignia earum documenta vident, eo maiora ille incrementa capiat: D A V I D E S optat, vt, quam omnes terras impleturam esse prouidebat, nominis sui fama DEVS etiam super aethera notus euadat.

His fere gemina & πα-
γάλληλα sunt illa: רומה על השמים אלהים

על כל הארץ כבודך *exaltare supra coelos*
 o Deus, *supra omnem terram gloria tua.* (w) Vi-
 delicet haec eius votorum summa est : Li-
 cet nominis tui , o DEVS, famam toto orbe
 percrebescere , tuaeque gloriae plenas esse omnes
 regiones videam , nimium tamen angustis eam
 terminis circumscriptam esse arbitror, nisi ad coe-
 lites quoque peruenerit. Pone ergo nomen tuum,
 quod in omni terra magnificum est , gloriae tuae
 causa supra coelos. Fac , ut spiritibus illis beatis,
 qui faciem tuam intuentur , ea , quae inter mor-
 tales de te perhibentur , nota fiant. Fac, ut Φι-
 λωσοφίας, sapientiae, iustitiae, potentiae & ve-
 ritatis tuae illa documenta, quae noui foederis
 tempore legatorum tuorum sermone celebratum
 iri praeuideo, cognoscant, ac de filii tui aduentu,
 operibus, satisfactione & beneficiis certiores fiant,
 quo ad illustrandam gloriam tuam nouis inciten-
 tur stimulis. Sic itaque diuini vatis oratio in
 petitionem conuertitur, quod affectui defi-
 derii ipsius IO. COCCHEIUS recte tribuit.(x)
 Neque preces istae fuerunt vanae. Patefacta
 enim sunt animabus ante Saluatorem natum
 a corpore separatis & in beatorum sedes
 translatis , quae illo in carne manifestato
 ipsa-

ipsarum causa in terris peragebantur. Re-
uelata sunt angelis, in myſteria redemptio-
nis παρακύψαι deſiderantibus, quae repa-
randae ſalutis humanae gratia D E V S fieri
voluit. Manifeſtata eſt ταῖς ἀρχαῖς καὶ ταῖς
ἐξουσίαις ἐν τοῖς ἐπουρανίοις διὰ τῆς ἐκκλησίας
ἡ πολυπόικιλος σοφία τοῦ θεοῦ. (y) Nomen
itaque diuinum & in coelis illuſtre reddi-
tum eſt, atque hinc noua eorum incolis
materia enata ad efferendum ſummum Nu-
men ſempiternis laudibus.

(u) Pf. 148, 12. (v) Pf. 113, 4. (w) Pf. 57, 6. 12.
(x) Commentar. in Pfalmos. (y) Eph. 3, 10.



VII.

TESTIMONIUM
OMNIPRÆSENTIÆ
CHRISTI

Eph. IV. 10. exstans

a

recentiori quodam interprete temere fuisse
solicitatum,

paucis ostendit

JOHANNES HAKE.

Laudandus semper est, ut in unoquoque, ita & in sacrarum literarum interprete veritatis amor. Sit nova veritas, sit antiqua; nil interest; dummodo sit veritas, digna est, quam amplexemur. Pari ratione de scripturæ diviniore interpretationibus judicandum erit. Novitas aut antiquitas interpretationis cujusdam nec reprobam illam reddit nec plausu dignam. Inquirendum, an fundamento nitatur suo; si hoc: tum recipienda erit, sive pridem nota fuerit, sive memoria nostra in lucem primum prodierit. Verum, ut sunt hominum ingenia ad id prona, quod nimium est, sic vides in interpretibus sacri codicis haud raro, qui veterum dictis adeo inhærent, ut fastidiant penitus, quæ nova audiunt: vides

des alios, qui nova tam avide venantur interpretamenta, ut quæ priscis aut majoribus nostris placuerunt, pretii fere nullius æstiment. Horum nostris temporibus numerus magis quàm illorum augeri videtur. Non difficile, puto, erit judicatu, utrum in emolumentum rei exegeticæ an detrimentum ejusdem hoc cedat. Id certe perspicuum cuique sit necesse est, non solum maxime dedecere Christianum interpretem, in explanandis sacris paginis ingenio indulgere, & indagando istarum sensui sine exorato divino lumine manum admoveere, sed rem quoque esse periculi plenissimam, eorum sanctioris scripturæ locorum novas aucupari explicationes, ac repudiare veteres receptas, quæ classica sunt & doctrinarum fidei gravissimarum, communi hucusque interpretum antiquiorum juxta & recentiorum consensu testimonia atque fundamenta certissima habita sunt & primaria.

Fatum eiusmodi cum aliis expertus haud ita pridem est locus Paulinus, Eph. IV. 10. exstans, qui in præcipuis semper numeratus est locis, quæ Christi, qua hominis, omnipræsentiam demonstrent. Beatos Confessores nostros in *libris symbolicis* hunc in primis ad adstruendam hancce omnipræsentiam adhibere, Patribus ὁμοψήφοις citatis: nostratesque Theologos, primæ, mediæ, recentioris ætatis, quorum saltem aliquod no-

men est, una fere voce his accedere, ignotum esse nequit. *Scholasticos* interim varios & *Bellarminum*, item *Reformatos* in inferendis huic loco aliis sensibus operam ponere, non mirabitur, qui communicata cum carne Servatoris idiomata divina, adeoque & omnipræsentiam carnis ipsius ab iis negari, recordatur. Ast inopinato valde accidit, ut vir doctissimus, JOH. DAVID MICHAELIS, Professor Göttingensis satis celebris in *Paraphrasi & notis in epistolas Pauli minores*, vernaculo idiomate Gottingæ 1750. editis, in paraphras. epistolæ ad Ephesios datæ pag. 31. sq. testimonium omnipræsentia Christi laudato loco luculenter exstans diserte impugnaret, quid! quod & receptam interpretationem rideret, & exhibilaret. Mirum sane, eo devenire potuisse virum, cujus eruditio haud vulgaris & in eruendo divini codicis sensu sagacitas & peritia ex ipso laudato libro ubique elucet. Licebit nobis, clarissimi viri merita agnoscentibus, veritatis tamen amore ductis, tentare, possemusne declarare, testimonium omnipræsentia Christi dicto loco allatum temere & frustra ab illo fuisse sollicitatum, quo simul appareat, non adeo bardos & stipites aut male saniincipitis fuisse interpretes citati loci ipsum antegressos, quales ipsi videntur. Ita rem instituemus, ut exposito breviter loci sensu cuivis obvio, argumenta Domini Professoris, quæ

quæ ipsum impedivisse fatetur, quo minus receptæ interpretationi calculum adderet, dispiciamus, dein consideremus, quid per id, quod *omnia implevisse* Christus dicitur, velit intellectum.

Scilicet cum gentium doctor Christum aſſerit, postquam descenderit prius, postea ascendisse super omnes coelos, ut omnia impleret, non eo tantum, quod eum dicit super omnes coelos evectum, certum locum, qui ipsum in coelo conclusum teneret, negat, adeoque omnipræsentiam infert, sed & ista phraſi: *implere omnia*, quam de Salvatore hic usurpat, omnipræsentiam ejus clarissime cuique ob oculos ponit. Quæ enim sunt ista *omnia*, quæ Christus omnes coelos transcendens implevit? Quænam sunt, nisi *coelum & terra* (uti ipse explicat cl. MICHAELIS in paraphraſi), &, quæ in coelo & terra sunt, omnia? Ita vero hic deprehendimus omnipræsentiam divinam, quippe quæ Jerem. XXIII. 24. per id describitur, quod Deus coelum & terram repleat, & Sapient. I. 7. per id, quod orbis Spiritu Domini sit plenus. Et quis posset hic aliud quid mente concipere, nisi omnipræsentiam, cum Apostolus in eadem hac epistola cap. I. 23. eadem phraſi hancce expreſſerit, dum de Christo loquitur omnia in omnibus replente, quod ipse Noster de omnipræsentia exponit, vertens: *Der alles an allen Orten erfüllet?*

Vidimus

Vidimus, verba commatis, quod sub manibus est, postulare, ut de omnipræsentia Θεανθρωπίας ea accipiamus. Num vero forte ea, quæ incisum nostrum præcedunt & sequuntur, aliud suadent? Tantum hoc abest, ut suaviter potius omnia consonent, si nostræ interpretationi subscribas. Ad unitatem spiritus servandam Ephesios cohortatus erat Apostolus v. 3. & ne objicerent discrimen ac diversitatem donorum gratiæ non unitatem sed diversitatem fidelium facere, docet, unicuique Christum ad mensum esse certa dona ex gratia, non ut discordiam & invidiam alerent, sed quisque alteri inserviret donis suis acceptis, eaque adeo in commune commodum conferret. Conf. v. 12. Jam probat Apostolus, Christum re vera esse donorum omnium dispensatorem, dicto Prophetico ex Ps. LXVIII. 19. desumpto. Postquam attulit hoc dictum, ostendit, de Christo in illo sermonem esse, si quidem ex ascensione, qualem quidem Propheta describit, sequatur, descensum in infima terræ loca prius factum esse, quod Christo duntaxat tribui possit. Hunc itaque, qui descendit, etiam ascendisse super omnes coelos, eum in finem, ut impleret omnia, sive ut præsentissimus cum Patre, ad cuius dextram collocatus est, ubique regnaret. En jam documentum clarissimum ejus, quod asseveraverat Apostolus, Christum donorum omnium

omnium esse dispensatorem. Si enim præfens ubique regnat Dominus noster, regnat præsertim in ecclesia, cujus caput a Patre constitutus est, inque illa se monstrat præsentissimum. Facit hoc, cum dona & munera pro libera voluntate in eadem distribuit. Inde est, quod alios dedit Apostolos cet. v. 11. Nunc quid est, quod absonum pronuntiet vir clarissimus illum loci nostri sensum, quem & verborum significatum & contextum requirere perspeximus? Habes ipsius mentem: Man führet aus diesem Sprüche gemeiniglich einen Erweis von der Allgegenwart Christi, der aus eben der Logik hergenommen ist, als der vorige. Ich kan aber nicht glauben, daß dieses Pauli Meynung sey. Audis, adversarium doctissimum argumentum omnipræsentia Christi ex h. l. desumptum absurdum appellare, dum iis, qui isto utuntur, Logicam *ἄλογον* attribuit, velut in antecedentibus iis eam tribuerat, qui descensum Christi ad inferos ex v. præced. 9. stabilire fatagunt. Verendum autem est, ne utrumque præcipitanter ab ipso factum sit.

Liceat, cum eo ipse nos deducat interpres noster, paulisper ad ea digredi, quæ ad v. 9. monuit: Da Paulus aus dem Wort hinaufsteigen folgert, daß die Person, welche in dem Psalm redet, herunter gestiegen seyn müsse, so kann ohnmöglich von der Höllenfarth Christi

Christi die Rede seyn, wie viele von unsern Gottesgelehrten vorgeben. Concedimus, Apostolum ex ascensu in altum inferre descensum in inferiora ante factum & denotare voluisse, eum, qui in Psalmo ascendisse dicitur, non alium esse, quam qui prius ex alto descendit in inferiores partes terræ. Ast non crediderimus repugnare, si statuamus, Apostolum ex ascensione generatim colligere descensum in inferas regiones, speciatim autem, cum varius fuerit Christi descensus seu diversæ eius partes fuerint, mente voluisse & significasse verbis eum descensum, qui in infimas terræ partes, vel in subterranea loca Phil. II. 10. i. e. ad damnatorum sedes factus sit, licet ex ascensione præcise isthunc descensum ad inferos nos concludere haud jubeat. Quid vero si dicamus, Apostolum non simpliciter ex ascensione argumentari, sed ex ea, quam Propheta modo descripserat, ascensione, nimirum, qua captivam duxit captivitatem? Ex ea enim colligit Paulus, prius descendisse non Filium Dei ἀναρχον in terras, sed Christum, quando in cruce, ut Col. II. 14. habetur, e medio sustulit chirographum, quod adversus nos erat, triumphum acturus de captivitate eandemque captivam ducturus in ascensione, prius debuisse in infimas terræ partes descendere, ut captivaret captivitatem & coram principatus & potestates

tes traduceret. Attulit hæc posteriora ex b. CALOVII *Bibl. illustr.* ad h. l. b. J. BENED. CARPZOVII jun. in *Disp. de Descensu Christi ad inferos ex Eph. IV. 9. 10. §. 15.* Ex his in proclivi erit dijudicare, num opus fuerit istis dieteriis: Es würde gewiß eine ganz außerordentliche Logik dazu gehören, aus dem Ausdruck, du bist in die Höhe gestiegen, den Schluß zu machen, daß die angesprochene Person vorher entweder an den Ort der Verdammten, oder auch nur in das Grab herab gestiegen sey: Zum wenigsten wolte ich wol diese so genannten Ausleger der Bibel ersucht haben, daß sie eben diesen ungemein künstlichen Handgriff aus ihrer Logik auch anwenden, die Höllenfarth des Elias zu erweisen, von dem es auch 2. Kön. II. 11. heißt: und Elias fuhr im Wetter auf gen Himmel. De concludendi ratione ab Apostolo adhibita egimus, unde patet, neque Apostolum, neque Theologos nostrates simpliciter ex ascensione Christi colligere præcise descensum ejus ad inferos. Judicent itaque lectores, num causæ satis fuerit, Logicam in illis Theologis sanam desiderare, qui ex c. l. aliis argumentis descensum Christi ad inferos probatum iverunt. Ab iis igitur, si forte noti sint doctissimo viro, qui ex sola ascensione Christi, descensum ejus ad inferos evincere sibi sumant, exigat, per nos licet, ut

ut demonstrent, etiam Eliam descendisse ad inferorum sedes.

Sed redeundum e diverticulo in viam ad locum, quem vindicandum in præsentis sumus, videndumque, utrum hic felicius probatum dederit, quem Theologis nostris exprobravit, Logices defectum. Incredible ipsi videtur, Apostolum hic omnipræsentiam Christi docere voluisse. Duo affert, quæ efficiant, ut id persuadere sibi non possit. Primum est, quod ita inepta concludendi ratio Apostolo tribuatur, secundum quam ex eo Christi omnipræsentiam colligat, quod ex infimis terræ locis in coelum ascenderit. Alterum est, quod connexa sermonis Paulini receptæ sententiæ contrariantur.

De primo ipsum audiamus: Darf man einem vernünftigen Manne, darf man dem Apostel einen solchen abgeschmackten Schluß beylegen: Wer aus den untersten Verten der Erde in den Himmel gestiegen ist, der ist allgegenwärtig. Nun ist Christus aus den untersten Verten der Erden in den Himmel gestiegen. Also ist Christus allgegenwärtig? Non videtur cl. DN. MICHAELIS satis assecutus esse mentem Theologorum nostratium. Nempe existimat, illos ex syllogismo quodam, quem Paulum mente formasse credant, omnipræsentiam Christi asserere. Nisi vero insigni-

insigniter fallimur, hæcce mens illis non sedet, sed potius sentiunt, Apostolum simpliciter sine adhibito ratiocinio asseverasse omnipræsentiam Christi, eo quod illum dicit omnia implevisse, quam phrasin nihil nisi omnipræsentiam innuere, supra vidimus. Agnoscunt interim, impletionem omnium, ceu finem, fructum atque consequens ascensionis super omnes coelos a Paulo indicari, adeoque & per argumentationem ex ascensione Christi (non ex descensu ad inferos & ascensione simul) omnipræsentiam ejus facili deduci posse negotio. Nam *notabis hic*, ait b. F E U R B O R N I U S, *quod hic Apostolus loquatur non de ascensione, quatenus notat solam illam sursum versus Christi πορείαν ὁ μεταστάσιν τοπικὴν, sed vel maxime, quatenus connotat ipsam Christi exaltationem ad dextram Dei Patris ὑπεράνω πάσης ἀρχῆς Eph. 1. 21. ita ut ei sub pedes omnia sint subiecta, nec quicquam hinc excipiat prætereum, qui subiecit ei omnia 1 Cor. XV. 27. Vid. ejus Fasc. 1. dissertt. Theol. disp. 3. de Christi, quæ hominis omnipræsentia p. 223. Hæc ad dextram Dei exaltatio & super omnem principatum evectio omnipotentiam & dominationem Christi universalem infert, quæ vero locum non haberet, absque omnipræsentia si esset. Haud quidem ibimus inficias, aliquos Theologorum nostrorum hunc loci*

Nov. Bibl. Lub. Vol. 1. K nostri

nostri sensum sistere : *Christus descendit & ascendit, ut adeo ascendendo & descendendo im-pleret omnia, partim coelestia, partim terrestria, partim inferna.* Sed hisce innuere volunt, Christum ubique locorum majestatem suam demonstrasse, ejusque reliquisse vestigia, ut jam omnes, coeli cives, terræ incolæ, inferi ipsum adorare vel Dominum agnoscere cogantur. Non autem docuerunt, *τὸ im-plere omnia* nil nisi hoc involvere, quod Christus alio tempore in terris, alio apud inferos, alio in coelo visibiliter seu natura-liter se præsentem præbuerit, sed inculcant, locutionem hanc omnipræsentiam divinam denotare, quæ nec localis est nec successi-va. Adeoque nec ex successiva locorum coeli & terræ pervagatione omnipræsentiam concludere, nec Paulo istiusmodi conclu-dendi rationem tribuisse censendi sunt. Ve-runtamen doctissimus vir per *τὸ aus den un-tersten Oertern der Erden in den Himmel steigen* nil nisi successivam ejusmodi terræ at-que coeli permeationem intellexit, prout instantia, quam de itinere Magnæ Britan-niæ Regis per varia loca factò dedit, nos condocet. Sicque in ea versatur sententia, nostrates Theologos ex locali ejusmodi & suc-cessivo descensu & ascensu Christi omnipræ-sentiam ejus arguere. Verum ita omni-præsentia Christi crederetur localis & suc-cessiva. **Ista est BELLARMINI interpre-**
tatio,

tatio, qui repletionem omnium de repletionem locorum successiva intellexit. Vid. b. FEURBORN. l. c. p. 229. Ast numquid credas, cum BELLARMINUS ex locali & successivo descensu & ascensu Christi localem & successivam ejus omnipræsentiam adstruere laboret, Evangelicos interpretes eidem successivæ coeli terræque pervagationi veram & divinam, h. e. illocalem Christi superstruere omnipræsentiam? Quemnam præterit, cogitationes de locali & partibili omnipræsentia Christi a Theologis nostris pro ineptis, crudis & crassis haberi, constanterque ab iisdem repudiari, illocalem contra & impartibilem defendi? Nescio igitur, qui vir eruditissimus impetrare a se potuerit, ut adeo insulsam sententiam nostratibus adscriberet Theologis, vel saltem persuadere aliis conaretur, bonam illos causam male defendisse, neve didicisse tueri, quam cognoverint, veritatem. Non poterit dicere, rem sibi non esse nisi cum iis, qui omnipræsentiam Christi ex h. l. eo inepto modo, quem indicaverit, compromittere aggressi sint; alios, qui melius eam ex h. l. commonstraverint, se linquere illæfos. Etenim simpliciter omnibus, qui ex h. l. argumentum omnipræsentia Christi ducunt, monstrosam eam, quam attulit, probandi rationem imputat,

Elegans quidem & laudanda maxime, si per se & separatim spectetur, gnome, quam his verbis protulit: Es ist betrübt, wenn die Auslegungen des vernünftigsten und heiligsten Buchs in der Welt mit dergleichen Schlüssen angefüllet und gar unser Glaube von unverständigen Vertheidigern desselben auf solche Schlüsse gebauet wird, die uns für den Kopf und Gehirn eines jeden besorgt machen müsten, der sie in dem gemeinen Leben vorbrächte. Sed dici vix potest, quam incommodo posita loco fuerit. Cavebit vir celeb. ne omnes illos, qui ex h. l. omnipræsentiam Jesu nostri firmarunt, pios confessores nostros, Theologos alios immortales, veteranos in bellis Domini milites, Exegetas, quibus nos, qui nunc vivimus, artem interpretandi Scripturam S. referre in acceptis debemus, pro inscitis fidei propugnatoribus venditet. Si hos velit intactos: videbit, ne cum umbris pugnet.

Verum & alterum, quod clar. vir receptæ nostri loci interpretationi opponit, ut contemplemur, res poscit. Est id *contextus*, quem isti adversari opinatur. En verba: Was kan die Allgegenwart Christi mit der Sache, von der Paulus handelt, für eine Verwandtschaft haben? Paulus sagt und erweist: Christus habe in seiner Kirche verschiedene Gaben und Aemter ausgetheilet. Was für ein zufälliger Gedanke, wenn er mitten in dieser Abhandlung die Allgegenwart Christi erweist?

Nexum

Nexum sermonis Paulini receptæ interpretationi bene respondere, in superioribus, ni fallimur, palam fecimus. Mirum profecto est, aliud videri cl. viro, illumque plane fortuitum vel incongruum existimare, de omnipræsentia Christi cogitare, ubi de donis & muneribus in ecclesia ab ipso distributis agitur. Num fugere ipsum potest, omnipræsentem Christi gubernationem, quam ad dextram Dei exaltatus & super omnes coelos evectus aggressus est, sine qua se caput ecclesiæ monstrare non potuit, fundamentum esse largitionis donorum & officiorum in ecclesia? Num aliud est, quod regius vates docet a Paulo allegatus? Nonne & ille dona hominibus erogata ab ascensione Θεανθρωπίας, scilicet super omnes coelos facta, omnipræsentiam secum ferente, derivat? Conf. Joh. VII. 39. Act. II. 33. Nonne ipse Noster ad v. 11. p. 32. ex posteriori loco agnoscit, necessariam fuisse Christi ascensionem, si distribuenda ab ipso essent Spiritus S. dona? Num vero ascensionem distributio donorum sequi potuisset, nisi per ascensionem plenissime Christus in gloriam intrasset suam & omnipræsens in omnia imperium inchoasset?

Præterea, per quid aliud se magis exerit Salvator in Ecclesia omnipræsentem, quam per operationes gratiæ in mentibus

ipsi confisis, perque dona Spiritus S. ipsis credita, tum sanctificantia, tum administrantia? Igitur, ubi per Apostolos aliosque doctores primæ ecclesiæ ætatis singularia & extraordinaria effecit; ubi per Evangelii præcones, qui secuti illos sunt & ad orbis usque destructionem secuturi sunt, ordinarie operatur in ædificationem corporis sui v. 12. quid hoc est, nisi implere, quod promisit suis, præsentem se ipsis fore singulis diebus ad temporum usque finem. Matth. XXVIII. ult.

Denique homines donis implere est actus præsentia divina specialis, quæ præsupponit generalem. Qui itaque, quæso, aliena dici potest cogitatio de omnipræsentia Christi, ubi de donis ab ipso donatis differitur? Interim non affirmant Theologi, Paulum h. l. omnipræsentiam Christi data opera & fuse demonstrare, uti ipsis tribuere videtur vir clar. wenn er, inquiring, mitten in dieser Abhandlung die Allgegenwart Christi erweise, quod secus se habere, supra jam observavimus.

Ceterum jam olim Reformati obtenderunt, iis, qui per repletionem omnium omnipræsentiam intelligant, nexum verborum h. l. haud favere, causati, cum Paulus v. 11. 12. agat de ecclesiæ impletionem, effusio-

fufionem feu largam dationem donorum ad salutem æternam neceffariorum complexa, v. antegreffo 10. πλήρωσιν τῶν πάντων non notare impletionem omnium (puta univerfalem per omnipræfens in omnia imperium), fed impletionem particularem, nempe repletionem folius ecclefia. Quibus regellit b. FEURBORNIVS l. c. ineptam hanc effe commatum dictorum oppositionem. Nam, ita pergit, Paulus v. 10. describit, (ut littera evincit) τῶν πάντων πλήρωσιν: verum in illa non fubfiftit, fed v. 11. & 12. progreditur ad ecclefiam Chrifti, (quæ eft in ifto toto Univerfo, de cujus impletionem v. 10. agit), eamque teftatur a Chrifto variis multisque muneribus, ad salutem coelestem neceffariis, condecorari. Quæ igitur Apoftolus nexu confentaneo junxit, illa nos nequaquam difjungere multo minus fibi invicem opponere debemus. Ita in aprico effe fentimus, mentionem omnipræfentia Chrifti factam rei, quam Paulus pertractat, adverfam haud effe, maxime potius ipfi effe affinem, fecus ac judicat interpres nofter.

Reftat nunc, ut in fenfum inquiremus, quem ipfe vir doctiffimus pro vero hujus loci habet, & expendamus, quid per id, quod omnia impleviffe Chriftus dicitur, velit intelligi. Mentem fuam paucis ita

expresfit: Ich muß demnach das Wort πληρωσαι von dem Erfüllen mit seinen Gaben verstehen. Planum est, eundem hunc esse sensum, quem Reformati huic loco inferunt, in quo impugnando in verbis modo allatis occupatus est b. FEURBORNIIUS. Ex quibus jam repetimus, quod monebatur, quæ Apostolus junxit, a nobis nequaquam esse disjungenda, multo minus sibi invicem opponenda. Dona a Christo dispartita in h. l. nemo interpretum facile excludet. Quocirca haud inviti cum b. WOLFIO in *curis philol.* in h. l. largimur, per impletionem illam etiam respici ad dona illa, quæ Christus in coelum evectus abundantissime ecclesiæ ejusque membris contulit. Conf. c. III. 19. At vero num conceditur interpreti, angustiore exhibere loci alicuius sensum, quam verba requirunt? Num ergo licitum erit, cum Apostolus de repletionem omnium loquitur, id restricte exponere de repletionem solius ecclesiæ; cum Apostolus universalem Christi super omnia principatum & regimen, quod in ecclesiam sigillatim exercet, jungit, illa disjungere; cum Apostolus isto modo generale & speciale una comprehendit, speciale tantum intelligere, idque generali opponere?

Eo minus hoc permitti posse, remur, quod phrasis: *omnia implere in scripturis sacris*

facris nuspian eo sensu usurpatur. Quam ob rem si de donis in ecclesiam collatis tantum sermo esset, sine dubio donorum simul mentio fuisset adiecta. Num porro facile inducemur, ut credamus, Apostolum πάν-
τα dicere, & non nisi minorem hominum partem intelligere?

Ad extremum cum Apostolus h. l. in maiestatem Christi exaltati infinitam cum vate regio mentem infixit, vero non est simile, ipsum ad solam gloriam Christi, quam in ecclesia manifestat, attendisse, neque cum illo Propheta simul respexisse ad id, quod extra ecclesiam agitur, ad id, quod Christus ad dextram Patris sedens accepit etiam rebelles & illos, qui alieni erant a foedere Dei, imo ipsius hostes; unde factum, ut dominetur in medio inimicorum Ps. CX. 2. Certe probabile non est, Paulum, cum ascensio Christi super coelos omnes dominatum ejusdem in totum, quaquapater, orbem, qui ascensionem secutus est, in memoriam ipsi revocavit, statim per locutionem immediate subsequentem: implere omnia, ad solam coetus fidelium rectionem mente se recepisse.

Sufficiant hæc ad vindicandum testimonium omnipræsentiae Christi Eph. IV. 10. exstans a nobis allata. Quod ecclesiae no-

K 5

stræ

stræ doctorem, quorum veneranda semper nomina, famæ immerito læsæ, suppetias qualescunque ferre studuerimus, vitii nihil habere coniectamus. Neque arbitramur, virum celeb. vitio nobis iuste vertere posse, quod veritatis cum ipso amantes vera apud veteres reperta defendere pro viribus susceperimus. Cavimus sedulo, ne in tractationem nostram aliquid irreperet, quod ipsum offendere jure queat, quæ meritis ipsius in dies majoribus debeamus, memores. Neque conquerendi causa ipsi erit, æquitatem illam nos neglexisse, quam a lectoribus expetit suis, ut ne congerant in illum crimen negatorum omnium eorum dogmatum, quæ ab interpretibus nonnullis perperam probata esse censeat. Hanc interim non putamus obstare, quo minus ipsi relinquamus deliberandum, an ad ædificationem corporis Christi (v. 12.) faciat, documentum omnipræsentiae Salvatoris O. M. quod inter præcipua omni tempore relatum fuit, publice lacescere, omnique studio contendere ut collabatur.



VIII.

MARTINI RVARI (a)

Crempa - Holfati

A D

IOH. KIRCHMANNVM (b)

EPISTOLA. (c)

In-

(a) De vita & fati huius viri, Socinianorum castra, repudiata, cui a teneris innutritus erat, puriori doctrina, sequuti, exposuit G. G. ZELTNERVS in *Historia Crypto-Socinismi*.

(b) In magni huius viri familiaritatem venit noster, quum Rostochii, ubi tunc temporis munere Professoris fungebatur KIRCHMANNVS, literis operam daret.

(c) Duas Epistolarum RVARI centurias recudendas curavit, suasque Crypto-Socinismi historiae adiunxit ZELTNERVS, quas inter duae reperiuntur ad KIRCHMANNVM datae. Sed praeter has plures alias ad eundem misit, quarum haud paucas possidet celeberrimus OLAVS HENRICVS MOLLERVS, Professor Hafnienfis. Harum nonnullas a plurimum reuerendo NOODTIO, viro de historia patria meritissimo communicatas nobiscum esse, grato animo profitemur, & ut vterque conatibus nostris fauere pergat, maiorem in modum rogamus.

* * *

* * *

Iniurius essem, non tantum in amicitiam nostram, sed & in meam ipsius fortunam, si commercium literarum, quod inter istos desultoriae meae vitae fluctus aliquamdiu ablatum nobis fuit, a te ultro pro humanitate tua mihi oblatum, obuiis vlnis non amplecterer; quanquam alioquin vix habeam quicquam oculis tuis dignum, quod scribam. Quo studio ab omnibus ordinibus nouus nobis adscitus rex VLADISLAVS (d), defuncti primogenitus, iam pridem sine dubio fama apud vos increbuit; in cuius rei fidem en tibi carmen viri nominis tui perquam studiosi, SAMVELIS NAERANI, amici mei veteris. (e) Coronandi regis solemnitas in Ianuarium mensem reiecta est. Interim *Moschus* assultat, imo vero iam insultat regni finibus, &, vt nonnulli spargunt, Smolenscum obsidione iam premit. Forfan hos animos illi GVSTAVI (f) regis tum victoriae tum hortamenta

(d) VLADISLAVS scilicet *quartus*, SIGISMUNDO III patre anno 1632 mortuo, regiam dignitatem consequutus.

(e) De hoc viro Remonstrantium placitis addicto vid. ADR. a CATTENBORCH, Bibliotheca scriptor. Remonstrantium, & G. G. ZELTNERVS l. c. p. 42.

(f) Nempe GVSTAVI ADOLPHI, Sueciae regis, in praelio ad Lützam anno 1632. occisi.

tamenta dederunt, quos nunc post inopinatum illius obitum aliquantum, ut credibile est, demittet. Interim rex nouus omnibus modis amicitiam G V S T A V I viui captasse videtur. Legi ipse in hac vrbe exemplum epistolae, qua ipsum & ad parentis sepulturam, & ad solemnia coronationis peramicee inuitat. An idem duraturus sit affectus erga manes atque haeredem defuncti, ὁ χρόνος πατὴρ τῆς ἀληθείας in posterum docebit. Ego quidem valde vereor, ne magnam plerisque in Europa rebus μεταμόρφωσιν mors ista tam intempestiua inducat, praesertim quum & alterius amici regis obitus iam accessisse feratur. Sed haec permittamus illi, qui regum & vitas & sceptrum pro arbitrio suo versat atque moderatur.

Adfero nunc ad te controuersiam tui plane fori, qui de funeribus tam erudite scripsisti, ut inde nominis tibi immortalitatem comparaueris. Quaerit JOH. DRVSIVS in *Commentario ad L. Geneseos caput*, an illud in *symbolo*, quod apostolicum vulgo vocant, ἐτάφη non possit ad ἐνταφιασμόν (g) referri? Sic enim in versiculo eiusdem capitis

(g) Differunt ἐνταφιασμός & ταφή, ut prius & posterius. Ἐνταφιασμός est actus τὴν ταφήν sepulturam praecedens, quo corpora ad funus

capitis ultimo ab *interpretibus græcis* vsurpari videtur. (*) Putat autem hac ratione ταυτολογία excusari posse, quae alioquin hic subesse videtur, si descensum Christi ad inferos de sepultura cum eruditioribus quibusque interpretèris. (h) Sed controuersiam de descensu Christi ad inferos nos quidem permittamus aliis: caeterum de interpretatione τοῦ ἐτάφη quid censes? Mihi qui-

nus instans praeparantur & componuntur. Vid. SVICERVS in Thesauro eccl. p. 1123, ANDR. RIVETVS in *Genesis* pag. 901. JOH. DIET. WINCKLERVS in *Animaduers. philol. & crit.* P. I. p. 105. Saluatoris in cruce extincti ἐνταφιασμός a IOSEPHO & NICODEMO peractus describitur Ioh. 19, 39. 40, eumque per τὸ ἐτάφη in Symbolo apost. innui DRVSIUS existimat.

(*) Ibi enim vocem hebraeorum טָפַח, quae *aromatibus condire* significat, per graecum θάπτειν expresserunt, antea vers. 2. per ἐνταφιάζειν redditam.

(h) Hanc de descensu Christi ad inferos sententiam a nonnullis Reformationum approbatam examini subiiciunt IOH. PEÄRSONIUS in *exposit. symb. apost.* pag. 411. & SCHERZERVS in *Collegio Anticaluiniano* p. 290. Ea vero corruente, DRVSI quoque de sensu vocabuli ἐτάφη coniectura corrui, quippe quae in solo illam vindicandi studio aliquid praesidii inuenit.

quidem, ut verum fatear, paulo violentius videtur, a trita vocis significatione ad tam inusitatam, & quidem in symbolo, quod omnibus & pueris & mulierculis praescriptum est, abire. Deinde an tanti putabimus auctoribus symboli *ἐνταφιασμὸν* illum fuisse, ut illum inter prima fidei Christianae capita inculcare voluerint? Denique quum id, quod sequitur in nostris editionibus de descensu ad inferos, teste RVFFINO (i) siue quicumque auctor (k) est illius in symbolum commentarii, ab ecclesiae romanae, imo & Orientis symbolo olim abfuerit: an putabimus, illos populos, nulla sepulturae mentione facta, quam alioquin per descensum ad inferos DRVSIUS intelligit, de sola funeris conditione (sic enim *ἐνταφιασμὸν* ipse interpretatur) sollicitos fuisse? Haec volui scribere, ne nihil scriberem; alioquin DRVSIUS, viro de literis optime merito facile ignosco, si ad exemplum HOMERI aliquando dormitauit.

Vale,

(i) Vid. PEARSONIVS l. c. p. 490.

(k) Consentiant hodie eruditi, illam *in symbolum apost. expositionem*, quae a quibusdam HIERONYMO, ab aliis CYPRIANO adscripta est, hunc RVFFINVM ecclesiae aquileiensis presbyterum auctorem agnoscere. Vid. BVDDEI *Isagogae ad Theol.* Tom. I. p. 512. FABRICII *Biblioth. latina* lib. IV. c. 3. p. 732.


Vale, vir clarissime, & amore me tuo complecti perge. Dabam Dantisci (1) a. d. - Kal. Januar. MDCXXXII.

In Herrn Martin Vossens Hause,
in der Töpfer-Gassen.


Tui obseruantissimus
MART. RVARVS.

(1) Huc anno 1632. ineunte noster se contulit. Hospitem ibi habuit MARTINVM VOSSIVM, Senatorem & Præsidem, cuius etiam filia ipsi in matrimonium data est. Quia verò errorum suorum prauitate multorum animos infecerat, neque vlla eius emendandi spes erat, vrbe tandem excedere iussus est, postquam integrum septennium in ea vixerat, & præcipuorum regni Polonici Senatorum negotia sibi commissa curauerat, ZELTNERVS l. c. p. 320. sqq.

'S.



NOVA
BIBLIOTHECA
LVBECENSIS.




VOLUMEN II.

LVBECAE
SVMTV IONAE SCHMIDII
A. MDCCLIII.

102



*Sero nimis ad nos perlatae sunt, quas
alteri huic volumini destinaueramus, viro-
rum doctissimorum commentationes. Quare
tertio eas reseruamus, quartum eodem
semestri spatio, si DEO ita visum fuerit,
addituri, numero symbolarum a fautoribus
& amicis collatarum quotidie crescente.
Memores etiam promissorum breui spera-
mus fore, ut de rebus in regionibus septen-
trioni subiectis inter eruditos gestis lectores
nostros possimus facere certiores.*



CONTINENTVR

Vol. II.

- I. HENRICI SCHARBAV dissertatio de vestigiis pericoparum Synagogae in N. T. frustra quaesitis.
- II. A. G. MASCH. ad Matth. XXIV. 36. & Marc. XIII. 32. commentatio.
- III. L. C. STIEGEHAVSII Specimen observationum philologicarum in sacros noui foederis libros.
- IV. Selecta epistolica Fechtiana a museo b. GOTTFR. KOHLREIFFII.
- V. MART. RVARI & IOH. KIRCHMANNI epistolae, e museo O. H. MOLLERI.
- VI. Vita D. ALB. MENONIS VERPOORTEN.



I. HEN-



I.

HENRICI SCHARBAU

Past. Ægid. & Rev. Mipist. Senioris

Dissertatio

De vestigiis Pericoparum
Synagogæ

in N. T. frustra quæsitis.

CONSPECTVS.

- 1.) Ratio instituti & occasio. 11.) An tempore Christi & Apostolorum Paraschæ & Haphtharæ, quæ in Synagogis leguntur, usu fuerint receptæ & Christus sæpius ad easdem alluserit? 111.) Chronotaxin sacram hoc subsidio non indigere. I. IV.) Ætas harum pericoparum incerta. V.) Omnis divisio sacrorum scriptorum recentiorem ætatem spirat. VI.) Nullum hujus divisionis vestigium in novo foedere occurrit. Illustrantur loca quædam. Act. VIII. 32. XV. 21. VII.) it. Marc. XII. 26. Ebr. X. 7. VIII.) Neque in libris Maccabæorum aut Josepho. IX.) Neque etiam in Patribus apostolicis. X.) Prima harum sectionum mentio occurrit in scriptis Talmudicis. XI.) Loca quædam ex Aboth, Schabbath, Taanith, Megillah. II. XII.) Dissentiunt Judæi circa ordinem

ac

Nov. Bibl. Lub. Vol. II.

A

ac combinationem harum Pericoparum. XIII.)
 Dissensus inter Judæos Germanos, Hispanos
 & Italos. XIV.) & Orientales. XV.) Ipsi
 Judæi in hac sibi causa parum satisfaciunt.
 XVI. & XVII.) Relatio de origine Haphta-
 rarum Synagogæ fabulosa. XVIII.) Lex An-
 tiochi nullum piæ fraudi locum reliquit. XIX.
 & XX.) Cessante & labente hac traditione
 omnia corruunt, quæ de interpretibus chal-
 daicis & græcis adduntur. XXI.) De libro
 Legis inter reliqua spolia Romam translato &
 asservato. III. XXII.) De subsidiis interpre-
 tationis ex Pericopis Synagogæ petitis. XXIII.)
 Rationes & fundamenta totius Hypotheseos.
 XXIV.) Difficultates, quibuscum hac hypo-
 thesis luctatur. XXV.) Argumentum hoc
 nondum hætenus excussum. XXVI.) Multa
 loca in medium allata quæ plane huc non
 spectant. Matth. IV. 1. Joh. I. 19. 20. Joh.
 IV. 34. &c. XXVII.) Loca de diebus festis
 in medium allata, in quibus Salvator ad pe-
 ricopas publice prælectas respexerit. XXVIII.)
 De loco Joh. V. 1 sq. it. 37. XXIX.) Joh.
 VII. 19. it. 23. 49. 51. XXX.) De loco
 Joh. X. 36. XXXI.) Loca quædam, quæ
 ad Sabbaticas pericopas respicere videntur.
 Luc. IV. 16. 21. XXXII.) Luc. VI. 1 sq.
 Matth. XII. 5. XXXIII.) Locus Act. XIII.
 17-20. eum in finem adductus, ut exemplo sit
 Pericopæ Mosaicæ & Propheticæ eodem olim
 die conjunctæ, ut in Synagogis hodie leguntur.

I.

Legunt Judæi in Synagogis certas fixas-
que sacrorum scriptorum partes , quas
usitato stilo pericopas vocare licet, in
diebus Sabbati & festis. Solent eas, quæ
ex Mose præleguntur, Paraschas dicere, Pro-
pheticas vero Haphtharas. Verba de his
facere supervacaneum est, cum longe plu-
rimi sint, qui de hoc Judæorum ritu ege-
rint. Omnium tamen industriam superat
BARTOLOCCIUS, Bibliothecæ rabbinicæ
magnæ P. II. p. 503 sq. Enumerat enim Pa-
raschas quinquaginta quatuor, ordinemque,
qui in his prælegendis quotannis observa-
tur. Cum vero pro diversitate annorum
embolimæorum & reliquorum communium
lectio diversa sit, tabulam subjungit ad or-
dinem cicli decem novennalis dispositam,
p. 601 sq. De Haphtharis itidem agit, quæ
Paraschis adjunguntur, secundum ordinem
Synagogarum, quæ eundem quidem in Pa-
raschis ordinem observant, sed in Haph-
tharis non paucis Germanorum, Hispano-
rum & Italarum Synagogæ variant. Addit
denique p. 671 indicem Lectionum ex
Hagiographis, imo ex Gemarah & Mischnah,
quas illi solent addere, qui se sanctitate &
industria reliquos superare credunt. Cum
autem Gemaram propter stili varietatem &
difficultatem omnes non capiant, substi-
tuunt in ejus locum aliqui sectiones ex Mai-
moni-

monidis חזקה יר aut ex Jacobi Bar Affer
ארבע טורים, qvi easdem materias plano
& elegantiore stilo pertractant. Neque
tamen hæc addidissem, nisi in sequentibus
aliquem mihi ex iisdem usum promitterem.

II. Versatur in ea opinione vir doctis-
simus, sed nuper ad meliorem vitam trans-
latus JO. ALB. BENGELIVS, de Chrono-
logia immortaliter meritus, has Synagoga-
rum pericopas jam ætate Christi & Aposto-
lorum, & ante initia novi foederis usu
fuisse receptas, & Christum in sermonibus
suis divinis, qvos in Festis & Sabbatis fre-
quenter pronuntiavit, ad easdem respexisse
& allusisse. Præsupponit hoc tuto sæpius
in Harmonia Evangelistarum elegantissima
oppido & cedro digna, linguaque verna-
cula conscripta. Nam certissime sibi habet
persvasum, sectionem eandem, quam Ju-
dæi hoc vel illo Sabbato aut festo legunt,
etiam tempore Christi & Apostolorum in
Synagogis fuisse prælectam & materiam
præbuisse sermonibus Jesu Christi, quæ si
certa essent, peropportune accidisse dixe-
ris, & sermones fuissent de tempore. Fa-
teor applausisse me, cum hæc primum le-
gerem, invento Bengeliano. Nam ante eum
nemo fuit, qui hæc observaverit, certe ne-
mo fuit, qvi in usum suum pro interpre-
tandis Evangelistarum scriptis verterit. Sed
cum

cum omnia diligentius pensitarem, observavi, mihi & viro optimo aquam hære. Postea vero, cum ordinem temporum evolverem, vidi ego hanc, quam statuit Haphthararum ætatem & concordiam, in subsidium vocari stabiliendæ chronotaxeos Evangelicæ, quæ cap. V. p. 218. occurrit. Hanc igitur format hypothesin: „*Comprobari annos à sacris scriptoribus indicators & totam seriem Evangelicæ historiæ ex sapientissima Salvatoris in sabbatis & festis diebus allusione ad lectiones Moysi & Prophetarum.*“ Evolvi rev. Dn. D. HAVBERVM, qui cum Bengelio de rebus ad Harmoniam Evangelistarum disceptavit, sed ita ut respublica sanctior emolumentum inde capiat, & ea moderatione ut Theologos de rebus exegeticis discrepantes decet. Hanc tamen, quantum ego observavi conjecturam intactam, aut ut videtur suo loco relinquit. Quid mihi vero de eadem videatur, exponam,

III. Plane mihi persuasum est, tam elegantem esse totius Evangelicæ historiæ ordinem, tam certa criteria, ut non solum totius chronologiæ cardo in chronologia Evangelica versetur, sed & totus chronologiæ sacrorum virorum ordo sua se virtute mirifice sustentet. Filum etiam, ut recte statuit B. Bengelius, totius narrationis Evangelistarum non interruptum ab initio ad finem

usque pertenditur. Hæc vero omnia tam sapienter & sancte disposita sunt, ut attentum lectorem effugere nequeant. Hoc igitur novo subsidio non est opus, neque linea chronologica, aut circuli chronologici ullo modo turbantur, etiamsi hanc allusionem ad pericopas Synagogæ mittamus. Sive enim locus Mosaicus prælectus fuerit, sive non fuerit, & pro arbitrio provocaverit Christus ad testimonia Mosis & sanctorum vatum, perinde est. Certum est Christum omnia egisse & locutum esse sapientissimo consilio, sive ansa ipsi loquenti data fuerit sive pro lubitu accepta. Ut tamen ordine disponam, quid de hoc invento sentiam, monstrabo, illud laborare præjudicio venerandæ ætatis, quæ dubia est & incerta quidem, sed ad tempora Christi & Apostolorum non pertinet. Præsupponit vera esse & certa, quæ fabulas tamen Judaicas & à Judæorum Magistris fictas sapiunt. Loca denique novi foederis, pro stabilienda hac hypothese in medium allata rem plane non conficiunt. Disquiram igitur I.) de ætate harum Pericoparum, quæ hodie in Synagogis sunt receptæ. II.) Fabulas Judæorum interpositas detegam. III.) Inquiram in loca, quibus illustrandis inservire perhibentur.

I.) IV. Præsupponit hæc hypothesis venerandam receptarum hodie Pericoparum &

& reverendam canitiem. Et plerique, qui de his Pericopis egerunt, ita securius locuti sunt, qui non ad stateram veritatis, sed communi & recepta trutina eam, ut solet fieri, examinarunt. Refert originem ad tempora Moſis aut Eſdræ, qui poſt reditum ex Babylonica captivitate omnem operam impendit, ut ſacris literis dignum pretium ſtatu-
 tueretur. Sed ſuſpecta & incerta ſunt omnia quæ de fixis certisque ſectionibus (de quibus hoc loco ſermo eſt) dicuntur, ut, quocunqve te vertas, nihil, ubi pedem tuto ſigas reperire liceat. Publice & privatim non in Synagogis ſolum ſed & ante Synagoga-
 rum originem legere tenebantur Iſraelitæ ſacra ſcripta. Legi debebant, & ſanctè tractari divini ſcriptores ex præſcripto Legislatoris jam ab ipsis ſacri cultus incunabulis. Publice & interdum ſolenni ritu recitandi, ut temporibus Joſiæ & Eſdræ. Prælecti fuerunt teſte Luca ab antiquiſſimis temporibus. Et quis in dubium hoc vocaret? Sed an diviſio Moſis in Paraſchas & Prophetarum in Haphtharas obinuerit & hodiernus Pericoparum ordo hanc ætatem ferat, hoc in loco jam diſquiritur. Hoc non ſupponere ſed certisſimis documentis probare tenetur, qui tantam iis fidem tribuit, & tam inſignem ſibi ex iisdem uſum pollicetur. Accepit Chriſtus in manus ſuas volumen Propheticum, non improbavit hunc

ritum quo sacros vates evolvebant & tractabant in scholis publicis. Commendavit Judæis scrutinium cœlestis hujus thesauri, prælegit Christus Propheticum textum, (ita solemus contexta scriptorum verba appellare,) exposuit etiam & interpretatus est. Nullum vero hic vel minimum extat indicium certæ aut fixæ isto die pericopæ. Testimonium Lucæ, nullo modo pro hac sententia militat, frequentem & perantiquum morem sacros scriptores per Sabbata & festa legendi & tractandi suo calculo probat, de certis & alligatis ad certos dies pericopis ne verbum quidem addit. vid. Luc. IV. 16 sq. it. Actor. XIII. 27.

V. Omnis divisio librorum in certas partes, recentem ætatem spirat, & propter insignem legentium usum tandem inventæ sunt. Antiquissimi etiam codices, quos nostra ætas ostentat sacrorum scriptorum, tam ebraicorum quam græcorum ne verborum quidem distinctionem agnoscunt. De codicibus ebraicis, de quibus potissimum mihi sermo est, nota sunt Eliæ Levitæ verba, quæ propter synagogarum discipulos appono, qui harum rerum plane non periti & in re literaria plane hospites sunt. Testatur enim caruisse ebræorum codices vetustissimos omni prorsus distinctione.

לפי דעת בעלי הקבלה כל התורה היא
כפסוק

כפסוק אחד ויה כתיבה אחד , *Secundam sententiam cabbalistarum tota lex scripta fuit , ut unus versiculus , imo sunt , qui dicunt , ut unica litera.* Hoc tamen non obstante & legi potuit liber non distinctus per partes quasdam , & divisus & lectus prælectusque per partes , cum una vice legi & absolvi non potuerit , etiam ante Parascharum & Haphthararum receptam recitationem.

VI. Nullum vero receptæ hujus & hodiernæ divisionis vestigium reperitur in scriptis novi foederis. Lucas quidem in Actis , cap. VIII. 32. *περιοχὴν τῆς γραφῆς* citat , nec HVETIVS in suis ad Origenis commentaria observationibus & notis dubitat , respexisse ad Lectiones in Synagogis receptas sanctissimum scriptorem , p. m. 18. & tales quidem quas vel Esdras vel Moses ipse disposuerit. Sed nimis secure hæc scripsit Huetius. Legit peregrinus hic hospes in curru suo locum ex Prophetia Jesaiæ , *περιοχὴν* nuncupat Lucas , sed Haphtharam fuisse elapso Sabbato & septimanæ isti , in qua iter suum prosequebatur destinatam non ait , & bene quidem Huetius transfert *un passage* , quamvis altera manu recipiat quod una largitur. Occurrit in his apostolorum actis locus alter , qui pro Paraschis isto tempore receptis militare videtur.

A 5

tur. cap. XV. 21. Jacobus in Synodo Hierosolymitana verba faciens, ait: Mosen per Sabbata singula in Synagogis fuisse prælectum & quidem ἐκ γενεῶν ἀρχαίων ab antiquis temporibus. Neque dubitare licet, quin in conventibus sacris, à primis statim conscripti Pentateuchi seculis, usu receptus & publice prælectus fuerit. Docet Lucas usum, lectionem, publicam etiam prælectionem, lectionem hebdomadariam, solennem in scholis publicis prælectionem in Sabbatis, partem etiam aliquam sacrorum scriptorum prælectam fuisse, cum omnis absolvi uno halitu aut Sabbato non potuerit. Sed istas, quas Judæi jactant pericopas, opus laude sua non defraudandum, lectas esse locus Lucæ nequaquam evincit.

VII. Vellem hæc pro instituto suo tractasset SVRENHUSIVS, qui de variis allegandi modis in novo foedere integro libro docte differuit. Protulisset vir harum rerum peritissimus more suo multa eximia, si hanc provinciam suscepisset. Sed vix hoc ipsi in mentem venit. Relicta erat hæc sparta huic Würtembergicæ terræ ornamento. Qui vero mihi scrupuli contra occurrant, monebo. Observo igitur, non fuisse usu receptum, ut Mosaicorum aut Prophetarum librorum sectiones citarentur, quod fecissent sine dubio, si hæc divisio aut obtinisset,

nuiſſet , aut in publicis congregationibus ſecundum rituale judaicum ſolenniter obſervata & recitata fuiſſet. Provocant ſcriptores N. T. ad Moſen , & verba Moſis & materiam à Moſe pertractatam , capitum vero aut Pericoparum nulla uſquam occurrit mentio. Marc. XII. 26. occurrit βίβλος Μωſέως. Act. VIII. 42. βίβλος προφητῶν. Actor. I. 20. βίβλος ψαλμῶν , abſque ulla ſpecialioris diviſionis mentione. Provocant libri novi foederis ad materias à Moſe atqve Prophetis relatas , ad facta & geſta remotæ ætatis , non vero ad pericopas. Vide inprimis Luc. XX. 37. ubi Dominus citat Moſen de rubo (ἐπὶ τῆς βατῆ) ſcribentem , nam verba , ad quæ Chriſtus provocat , non à Moſe , ſed angelo prolata ſunt , quæ Moſes citato loco retulit. βίβλος quidem & βιβλίον etiam de operibus in partes ſuas diviſis , adhibetur. Sed ſi ea diviſio obtinuiſſet , quæ hodie recepta eſt , & memoriæ ſublevandæ non parum conducit , ejus certe mentionem aliquam feciſſent , aut veſtigia quædam iſtius conſuetudinis reliquiſſent. Poſſet denique pro ſtabilienda hac diviſionis Moſaicæ ætate videri facere locus Ebr. X. 7. Si κεφαλίδα βιβλίσ exordium Geneſeos aut Paraſchah תישרי denotare certum eſſet , aut ſi κεφαλὶς idem eſſet quod caput aut ſectio libri. LUD. CAPPELLVS in ſpicilegio , quod cum JOH. CAMERONIS Myrothecio

thecio Evangelico editum est, pro certo hoc
 habere multos & Paulum ad primam Para-
 scham Mosis respicere docet. Sed consen-
 sum suum & calculum iis non addit. p. m.
 121. „Sunt, qui putant, respexisse Paulum
 „(imo etiam Davidem in Psalmo XL.) ad
 „locum illum celebrem Geneseos : Semen
 „mulieris conteret caput serpentis, idque
 „innui existimant voce κεφαλίδι, qua si-
 „gnificari putant Paraschas five sectiones,
 „in quas Lex, seu Pentateuchus Mosis à
 „Judæis jam olim ante tempora Apostoli
 „distinctus aut dissectus fuit, adeoque, pri-
 „mam Legis Parascham five sectionem
 „voce illa significari ἀντονομαστικῶς putant,
 „ut ἐν κεφαλίδι sit ἐν μιᾷ five πρώτη κε-
 „φαλίδι.“ Huic suum addit Cappellus ju-
 dicialium : „Verum vox הַלְלָה (qua Psaltes
 „usus est) ejusmodi sectiones non denotat,
 „neque constat Davidis tempore Legem
 „fuisse in varias illas sectiones divisam.
 „Non est itaque eo usque urgenda vox illa
 „græca, ut idem sit, quod jam κεφάλαιον
 „dicitur. Melius illi, qui putant, lingvâ
 „hellenisticâ κεφαλίδα idem esse, quod
 „volumen, siquidem tum hic, tum Esdr.
 „VI. 2. Ezech. II. 9. invenitur vox illa
 „usurpata pro הַלְלָה, quod est in hebræo.“
 Add. ven. DEYLING, ex Fullero *observ.* S.
 P. I. p. 32. & quos ibi citat. Quibus adde
 LIBERIVM de S. AMORE, i. e. CLERI-
 CVM

CVM *in Epistolis Theologicis*, Epist. X. p.265.
 & JOH. d'OUTREIN *in Commentario ad h. l.*
 Illud vero observationem meretur: Christum, qui ad Mosen & Prophetas sæpe provocat tam in coetibus publicis, quam in sermonibus aliis & redarguendis adversariis, cum in Templo publice faceret verba, ubi Psalmi Davidici magna cum solennitate recitarentur, ad Davidis Psalmos sæpissime provocasse, qui inter Hagiographa numerabantur, & plane exulant à tabulis pericoparum judaicis. Prima Christi verba, quæ divinitus nobis conservavit Lucas II. 49. & quæ annum agens duodecimum in templo protulit, ex Psalmo secundo desumpta sunt, & ad æterni Patris gloriam, & fiduciam Filii in Patre positam celebrandam faciunt. Præcipuè in munere difficillimo & in passionibus jam instantibus per omnes Psalmos Messianos se plane diffundunt orationes Christi. vid. Matth. XXI. 1. sq. ubi Christus in templo constitutus hostibus propter solennem in urbem & templum introitum offensis occinit verba Psalmi VIII. 3. adde Matth. XXI. 42. collatum cum Psalmo CXIIX. 22. it. cap. XXII. 43. coll. cum Psalmo CX. 1. &c. Multi forte hic fructus colligi possent in agro foecundi ingenii, si allusiones quærere & lusibus ingenii vir aliquis doctus aliquid dare vellet.

VIII. Apud JOSEPHVM altum de-
 nuo est de hac divisione Mosaicorum & Pro-
 pheticorum scriptorum silentium. Nihil
 plane in toto Antiquitatum Judaicarum ap-
 paratu de his pericopis, ne ullum quidem
 vestigium occurrit. In afflictionibus ab
 Antiocho perpesis narrat templum spolia-
 tum, candelabra aurea ablata, altare au-
 reum, mensam panum propositionis aulae,
 thesauros reliquos. Addit etiam, ve-
 tita fuisse quotidiana sacra, L. XXI. c. VII.
 p. m. 409. Sed de interdicta lege & hebdo-
 madaria sacrorum lectione in Synagogis,
 aut interdicto pericoparum usu nihil habet.
 Neque etiam hujus consuetudinis meminit
 in de Maccabæis, cap. V. p. 1088, ubi hanc
 Antiochi Epiphanis persecutionem iterum
 describit. Contra Apionem occasionem
 denuo nactus hæc edisserendi, ait quidem
 ad legis auscultationem Judæos convenisse
 & in unaquaque septimana tractasse sacros
 scriptores, sed sicco denuo pede hunc mo-
 rem Mosæ & Prophetas per statas fixasque
 periodos legendi transit p. 1072. Mosaicam
 institutum ad istud tempus observatum fuis-
 se, ait, quod plane novo huic instituto op-
 poni potest, cum pauci sint, qui Parascha-
 rum ætatem ad Mosæ tempora evehant.
 Nam de Mosæ Legislatore scribit, l. c. ἡ
 εἰσάπαξ ἀκροσάμενος, ἔδεδ᾽ δὲ ἡ πολλὰκις
 ἀλλ' ἑκάστης ἑβδομάδος τῶν ἔργων ἀφεμένους,
 ἐπὶ

ἐπὶ τὴν ἀκρόασιν τῶ νόμου ἐκέλευσε συλλέ-
γεσθαι, καὶ τὸν ἀκισβῶς ἐκμανθάνειν. Non
semel audire nec bis vel sæpius, sed in
unaqvaqve septimana alios labores relin-
quentes ad legis auditionem congregari
præcepit universos, eamque perfecte ad-
discere. Conveniunt hæc Josephi verba
cum effato Jacobi superius allato. Autor
libri Maccabæorum Antiochi persecutionem
pariter enarrat, qui laceratos etiam & flam-
mis consumptos fuisse libros sacros, quos re-
perire poterat, addit. 1. Maccab. I. 59. 60.
enecatis iis, qui tradere istos recusassent.
Uterque & Josephus & scriptor horum li-
brorum incredibilem Judæorum curam lau-
dant conservandi libros sacros, & teneris
animis instillandi notitiam rerum sacrarum,
& venerationem qua eos complectebantur.
Neuter vero, cum optima & frequens oc-
casio daretur, subsidium hoc memoriæ &
filum annui cursus tam utile vel verbulo
tangunt. Quo in casu ad silentium au-
torum non immerito provocatur. Addo
gloriationem Josephi, insignem tantæ ve-
nerationis testem, qua sacros scriptores pro-
sequuti sunt. Ἡμῶν δ' ὄντινῃν εἰτις ἔροισα
τὸς νόμους, ῥᾶον ἂν εἴποι πάντα, ἢ τὸν ὄνομα
τὸ ἑαυτῶ. Nostorum vero quemlibet, si
quis leges interroget, facilius eas quam no-
men suum recitat.

IX. Superfunt nobis pauca priscæ & nascentis sacrae civitatis monumenta, periisse enim plurima scimus. Sed ex illis quæ restant forte unicus Autor Epistolæ, quæ Barnabæ nomen præ se fert ex Judaica gente fuit. Etsi enim nomen auctoris non fuit Barnabæ, certum tamen est genus auctoris esse judaicum. Transierunt ad Christianorum sacra Judæorum multi, & ex iis multi fuerunt de familiis sacerdotum & secta Phariseorum quod Lucas testatur. Actor. VI. 7. atque adeo viri Judaicarum rerum peritissimi. Cum vero omnem suppellectilem, etiam librorum, quos vel collegerant vel scripserant, ipsi relinquerent in fuga præcipitata & vix vitam auferrent, & tempestatem transituram Pellæ & in confiniis inter varias æumnas difficilesque curas expectarent, de recuperandis libris neque animo quicquam concipere, neque animum ad scribendum appellere potuerunt. Etiam si vero ex istis Judæis quondam Hierosolymæ incolis aut reliquis in terras reliquas dispersis, aliquid literis mandarint lingua sua vernacula, mirum non est periisse omnia, cum reliquæ gentes ebræa neque amabant neque legebant, ex Ebræis autem pauci linguarum peregrinarum adeo periti fuerunt, ut scriptis aliquid in lingua vel græca vel latina consignare potuerint. Perit igitur optimum & certum subsidium eorum spoli-
rum,

rum, quæ expectare licebat à viris ebraicorum rituum peritis. Superest tamen Barnabas, aut quisquis istius Epistolæ autor est natione Ebræus. Sive igitur secundo demum seculo, sive primo, quod plurimis videtur vixerit, non exiguam prodit Judæicarum rerum peritiam. Exigui quidem fuit iudicii, nec ingenio magis pollet, sed domesticæ & patriæ disciplinæ non fuit rudis. Habet in enumerato dicta & testimonia antiqui foederis, sed nullum in tota hac Epistola indicium apparet istius, de qua agimus, divisionis. Legem, Davidem, Prophetas citat, libros Mosaicos nomine Deuteronomii appellat & legem Moysis nomine Decalogi, quod ante eum quemquam facere non memini. vid. COTELERII Patres Apostol. P. I. c. X. p. 30. & cap. XV. p. 43. Davidi etiam titulum Prophetæ tribuit, p. 18. Non tamen Mosaicas aut Propheticas pericopas vel verbulo tangit, neque apex alicujus receptæ divisionis ullibi extat, quod fecisset sine dubio, cum ad convincendos suos cives totam Epistolam conscripserit. In *Constitutionibus*, quas vocant *apostolicis*, passim lectionis sacrarum scripturarum mentio fit. L. II. c. LVII. cap. LIX. L. V. c. IX. L. VIII. c. V. sed ita ut plane differat à Lectionibus in Synagogis per pericopas distributis. Lib. II. c. LVII. p. m. 264. editionis Cotelerianæ dicitur Lector prælegisse

libros

Nov. Bibl. Lub. Vol. II.

B

libros Moſis, Joſuæ, Judicum, Regnorum & Paralipomenon, & quæ de reditu populi conſcripta ſunt, ut & Jobi & Salomonis volumina & ſedecim Prophetarum. Eandem formam, eundemque ordinem in tabernaculo & templo obſervatum fuiſſe additur, p. 266, ut videas non immemores fuiſſe primos Chriſtianos eorum, quæ circa tractationem & lectionem ſacri codicis obſervata erant à Judæis, qui magnam collecti gregis novi partem conſtituebant. Libro porro quinto, c. XIX. dicuntur in ſacris coetibus legiſſe primi Chriſtiani legem, Prophetas, Pſalmos, & recitato Evangelio ſacris officiis Dominicalibus finem fuiſſe impoſitum. conf. L. VIII. c. V. p. 396. ubi addendæ obſervationes Cotelerii. In *Clementinis* p. 651. b. Legis volumen primum occurrit, & citantur quædam ex τῷ πρώτῳ τῆς νόμου βιβλίῳ, nempe Gen. XLIX. 10. Certas ſtatasque pericopas prælectas hoc tempore non fuiſſe monſtrat CAVE in *Chriſtianismo primævo*. C. IX. p. m. 287. Hæc vero eum in finem obſervo, ut commonſtrem, nihil occurrere in reliquiis primi & ſecundi ſæculi, quod hypotheſin de ætate pericoparum in Synagogis obſervatarum ſublevet. Miſſaſſent autem nequaquam morem non innoxium ſolum, ſed & laudandum & proficuum, præcipue ſi Judæi in ſcholis ſuis iis fuiſſent aſſveti. Judæi applau-

applausissent, vocati autem ex gentilibus tam plana vestigia in coetu recepta ultro secuti essent. Nam etsi parum VITRINGÆ tribuam, qui sacros sanctioris populi ritus plane ad formam Synagogæ formatos putat & integro libro magno molimine docet, cum hæc vel ex campactō vel forte introducta esse debuerit imitatio, quod utrumque incertum est; ea tamen, quæ hætenus proposui, eum in finem non attuli, ut docto huic viro in omnibus suppetias feram. Lectio sacrorum librorum quasi continuatio fuit moris laudabiliter recepti, cui postea Canon novi foederis fuit additus. Perrexissent vero, ita statuo, in instituto & tam laudabili opere, nec solum lectionem, sed etiam ordinem, si quis eo tempore introductus & receptus fuisset, conservassent. Non consuetudine autem aut imitatione nititur receptus in sacris conventibus ritus sacros libros tractandi, sed necessitate magistra adducebantur Doctores Ecclesiæ. Codex enim sacer, in quo omnia revelatæ religionis Capita continentur, omnibus debebat innotescere, ut fundamenta sanctæ doctrinæ animis auditorum imprimerentur.

X. Totum igitur hoc negotium, in certa capita dividendi scripta Mosis & Prophetarum, relictum fuit Doctores Judaicis, qui hac & sequente ætate vivebant. Cum enim

Doctores Mischnici corpus suum Judaicorum rituum conficerent, qui labor incredibilem diligentiam commonstrat conservandi apud posteros ea, quæ a majoribus acceperant: non minorem diligentiam adhibuisse credibile est, in conservando divino canone, cujus pretium non agnoscebant solum, sed & civibus commendatum esse, maximopere cupiebant. Commoda igitur ipsis visa fuit sacrorum autorum per partes divisio, ut Synagoga perpetuam lectionum normam haberet, cum antea Doctores pro arbitrio egissent. Accedere poterat, pro zelo, quo sibi & coetibus prospiciebant, ut sibi persuaderent, opportunum esse remedium suos fascinandi infelicissimo præjudicio, a majoribus sumto. Confecto præterea Canone novi fœderis, cujus auctoritati & gloriæ invidebant, tanto magis suis commendatos volebant V. T. libros: lectionem frequentem urgebant & certam lectionibus vagis & arbitrariis formam dabant. Novam apud suos venerationem codici huic veteri in odium novi jam publice apud Christianos introducti addere in detrimentum, si possibile esset, sanctissimorum nostrorum N. T. librorum, studebant. Majorem hæc veri speciem habent, quo magis etiam lectiones textuum Mischnicorum & Gemaricorum, pericopis Mosaicis & Prophetis accommodatas, earumque usum urge-

urgebant, vel istis temporibus jam receptas vel a posteris superadditas. Quo igitur præcise seculo, seu qua seculi periodo, quo loco, quibus autoribus, qua autoritate scripta Mosis & Prophetarum ita, ut videmus, divisa & Synagogarum usui accommodata & introducta fuerint, definire non licet; hoc tamen intervallo post Christi & Apostolorum tempora, Hierosolymis destructis & dispersis in omnes mundi plagas Judæis, originem harum pericoparum quærendam judico. Scilicet cum everso templo, magna pars divini cultus, sacrificia, sacerdotum & levitarum cura & labor, loco sacro alligata, festa publica in urbe celebranda, mactatio agni paschalis, & reliqua his cognata cessarent, prospicere sine dubio civibus suis dispersis voluerunt, qui curam sacrorum gerebant, collectione non solum traditionum, ne animis elaberentur, sed & divisione scriptorum sacrorum, ut commodius tractari & absolvi possint per anni decursum. Hæc mea est de Parascharum & Haphthararum ætate & origine opinio, quam quidem contra pertinacem adversarium defendere nolo, cum parum nostra intersit. Aliorum igitur eam judicio relinquo, ut vel stare vel cadere possit pro arbitrio virorum doctorum & modestorum. Illud autem pro certo habeo, & rationem, ut puto, sufficientem invenit in iis, quæ

hactenus differui , Pericopas has Synagogæ ætatem Christi non attingere. An, qui idem fere sentit B. LOESCHERVS, iisdem rationibus permotus fuerit, quas ego in medium protuli, non equidem scio, gratulor tamen mihi de consensu viri optimi, cujus ego memoriam & cineres colo, de causis linguæ ebrææ c. V. §. XVI p. m. 69. ita scribit : “ tutissimum igitur fuerit ita „ sentire. Habuisse Ebræos antea aliquid „ Synagogis analogum, prælectum iis fuisse „ interdum codicem sacrum, . . . „ Ipsum tamen Parascharum divisionem & „ ad Sabbata certa adstrictionem, post ex- „ cidium urbis demum factam existimo. „ Etsi sciam plerosque doctissimos viros pro „ moris istius antiquitate tanquam pro aris „ ac focus depugnare.“

XI. Adducam ex corpore Mischnico loca quædam, quæ divisionem hanc eo tempore obtinuisse docent, nomina certe tam Parascharum quam Haphthararum passim in Mischna occurrunt. Subindicare tamen videntur, non adeo antiquas esse ejus origines, nativitatem non adeo remotam, infantiam etiam, & omnibus non æque acceptam, imo diversam in diversis locis & Synagogis. SVRENHVSIVS in *formulis allegandi ebræorum* producit loca quædam, in quibus divisio librorum sacrorum in scripta

scripta Mosis, Prophetarum, & Hagiographa occurrit, mentionem vero Parascharum & Haphthararum non videtur observasse. Consueta hæc in ipsa Gemara formula repetitur a Maimonide ad tractatum **אבות** cui Gemara deest, Mischnæ Mantuanæ editionis ad cap. IV. §. 4. fol. XCV.B. **אמרו דבר זה כתוב בתורה ושנוי בנביאים ומשולש בכתובים. כל מקום שנחתה מוצא גבורתו של הקב"ה שם אמרו מוצא עונקו** i. e. dixerunt Doctores nostri; scriptum est in lege, repetitum in Prophetis & tertia vice edictum est in Hagiographis, & ubicunque Majestatem, ibi etiam invenies ejus humilitatem. In Tractatu **שבת** cap. VIII. §. 3. agunt de Pergameno, cui Tephillin inscribere solent, huic inscribi licere ajunt Parascham parvam die Sabbati. **קלף כרי. לכתוב עליו פרשה קטונה** Pergamenum vocant, cui inscribitur *Parascha* minor. Ibidem cap. XVI. th. I. scribunt: **כל כתובי הקדש מצילין אותן מפני הרליקה בין שקורין בהן ובין שאין קורין בהן.** Omnes libros sacros eripiunt (in die sabbati) ex flammis, tam eos, quos publice solent legere, quam eos, quos publice non legunt. De solenni igitur, publica & fixa textuum Mosaicorum & Prophetarum agitur

tur in hac thesi. Præsupponit igitur hæc theſis morem introductum & discrimen inter libros publicis prælectionibus destinatos & privatae solum devotioni relictos. Nam post introductum hunc in Synagogis Paraſcharum atque Haphthararum usum vetitum etiam erat legere in Hagiographis, ſcilicet tempore lectioni publicæ in Synagogis destinato. Hoc certe recens videtur inventum Judaicum, priscis temporibus incognitum & specimen ingenii & acuminis judaici, iſti ævo plane non diſſimilis. Cauſam hujus ſtatuti liturgici addere conatur R. OBADIAS de Bartenora, ſed quæ mihi non valere videtur ad excuſandos autores. **אסרו לקרות הכתובים בשבת בשעת בית המדרש משום דמשיכי ליבא וחתו לאמנועי מלשמוע** i. e. Prohibuerunt legere Hagiographa in ſabbato tempore lectioni publicæ, (pericopis Moſis & Vatum) destinato, idque ideo, quoniam iſta animum ſuavitate alliciunt, & avocant a frequentatione ſcholæ. In תענית etiam receptæ hujus nuper diſiſionis veſtigia inveni. Sufficiant ſequentia. Cap. IV. th. 3. de Lectionibus virorum ſtationis ſeu publicis Leſtoribus multa præcipiunt, quæ jejunia & lectionem publicam concernunt. Hæc cum hodiernis Judæorum ritibus plane non conveniunt.

niunt. Sed videas tamen mentionem ibi injici pericoparum prolixarum & brevium
 פרשה גדולה קורין אותה בשנים
 והקטונה ביחוד. Si Parascha fit prolixa,
 legunt eam duos, si brevior, unus legit. In
 tractatu מגילה sæpissime harum pericopa-
 rum fit mentio, capite inprimis tertio Pa-
 rascharum ordo enumeratur, quas lege-
 bant in septimanis in festo etiam Paschatis,
 novi anni & tabernaculorum. Hæ pericopæ
 longe diversæ sunt ab istis, quas hodie le-
 gunt. E. g. in festo Paschatis legenda erat
 (secundum Mischnam,) pericopa ex Levit.
 XXII. 26. Hodie vero in omnibus Synago-
 gis Paraschah ex Exod. XX. 21. & Haph-
 tharah ex Jos. V. 2. &c. Interpretes Judæi
 hanc discrepantiam negare non possunt.
 MAIMONIDES scribit זה הרב מבורא
 והסדר הקריע באלו הומנין והיה
 רמנהג פשוט מכל ישראל. Sensus
 hujus Mischnæ est perspicuus, sed ordo
 hujus Lectionis secundum hodiernam con-
 suetudinem universi Israelis diversus est.
 Alia hujus generis occurrunt thesi sexta.
 Ubi tamen observo: non solum in Tose-
 phot Jom tobh ad h. l. sed & in Maimoni-
 de & R. Obadia de Bartenora Haphtharas
 dici addendas Paraschis, festis & sabbaticis
 lectionibus accommodatas, in textu tamen
 Mischnico Haphthararum vocabulum non

usus earundem pericoparum perpetuus. Idem porro ordo temporibus Christi & Apostolorum atque nostris, temporibus conditæ Mischnæ & sequentibus, idem ordo in coetibus orientalium & occidentalium, in Synagogis Germanorum, Hispanorum & Italorum. Sed plane discedunt hodiernæ si non Paraschæ tamen Haphtharæ à consuetudine & constitutione corporis Ebraici juris, fatentibus ipsis Judæorum Doctores. Miror ego nullas hujus susceptæ mutationis causas afferri, neque rationes, cur posteriori ordinem hunc Patrum sacrum deseruerint, quo tempore, qua auctoritate hoc contigerit; mutationem vero haud exiguam, aut unam alteramve, sed multiplicem in pericopis tam festorum quam Sabbatorum subierunt. Forte facta est mutatio non in pejus sed melius, noluit detrahare Maimonides & reliqui aliquid venerationi majoribus debitæ; sed non potuit negare aut in dubium vocare mutationem, quam alias in ritibus suis difficulter admittunt Judæi. Ingens tamen scopulus hic figitur iis, qui his Pericopis, si non sint perpetuæ, interpretationem superstruere conantur, tuto enim supponunt, easdem fuisse stasis diebus Pericopas, quas hodie habemus. Sed differunt antiquæ à recentibus, germani diversas habent multas ab Hispanis & Italis, nullæ tamen Synagogæ reliquis cedent, aut permittent,

mittent, ut reliquas minus recessisse à priscis quam se ipsas credas. Singulæ suffragium ætatis sibi tribuent, & forte non sine contentione, si tanti esset ut eorum iudicium requireremus.

XIII. Magna igitur discrepantia deprehenditur circa pensa sacrorum scriptorum. Omnes Synagogæ particulas quasdam ex iisdem coetibus prælegunt sed diversas tamen. Differunt Synagogæ Iudæorum germanorum & hispanorum. Sed differunt ab his iterum Synagogæ orientis. De discrimine Iudæorum, qui has regiones incolunt, in quibus degimus, testantur ritualia utrinque recepta. In fine multarum editionum Bibliorum ebræorum conspiciuntur tabulæ Haphthararum, ex quibus diversitas hæc ad oculum patet. In Plantinianis Bibliis Antwerpiæ impressis in quarto extat tabula seu index hoc titulo. לוח הפטרות של כל השנה כפי כל המנהגים. Tabula Haphthararum totius anni juxta omnes ritus. In Leusdenianis etiam editionibus eadem occurrit tabula, sed hoc titulo : לוח הפטרות לכל השנה כפי מנהגי כל המנהגים. Tabula Haphthararum secundum ritus omnium Synagogarum, germanicarum scilicet & hispanicarum. Cuilibet autem inspicienti multiplex diversitas in oculos incurrit. Interpretes præterea Mi-
schni-

schnici in antecedente paragrapho allati fantur, differre hodiernas Haphtharas longissime á consvetudine seculi mischnici. Repetit hæc BARTOLOCCIVS & amplificat ex Bibliis Venetis An. 1627 excusis apud Petrum Aloyfium & Laurentium BRAGADINOS, l. c. p. 664. In hac autem Bragadiniana seu Bartolocciana tabula novæ discrepantiæ occurrunt, quarum Catalogum necere non est opus, neque ritus solum germanorum & hispanorum sed & italorum refert. Nam aliquoties ritus Synagogarum Italiae refert, *איטליאני* vocant. v. Parascham XIII. p. 657. &c.

XIV. Desunt in nostris regionibus exemplaria seu codices orientalium Bibliorum, & rituum in his oris receptorum notitia. Operæ pretium fecisset cl. ZEIBICHIVS, si in dissertatione de codicum occidentalium & orientalium dissensu, de hoc etiam Haphthararum dissensu aut consensu certi aliquid in lucem protraxisset, aut tabulam aliquam producere potuisset, ex qua consuetudinem Synagogarum orientis discere liceret. Occurrit tamen testimonium aliquod BENIAMINIS TUDELENSIS *in itinerario*, ex quo videre est, non mera me hic conjectura niti, cum ipsas Paraschas alio longe ordine distribuunt, quas Haphthararum diversitas necessario sequi debet, nam
de

de Paraschis inter occidentales Judæos nulla est dissensio. Non ea equidem est Benjaminis in suis narrationibus fides, ut eum semper sine ulteriori scrutinio secure sequi liceat. Multa enim refert, quæ aliter narrantur ab iis, qui omnia oculis suis usurpant. Multa pro certis refert, quæ per rumorem tantum acceperat, neque industriam adhibuit, qualem à viro circumspecto requiras. Ipse etiam itinerarii editor L'EMPEREUR in præfamine ait: Benjaminem multa aliena fide narrare, etiam ex ingenio suo quædam interdum fingere. Potuit errare à via BENIAMIN, erravit etiam in rebus peregrinis, quas parum curare solet hoc hominum genus fateor, & demonstravit interpretes doctus in notis; sed in domesticis idem ipsi contigisse vix putem, iis præsertim in quibus gentis suæ gloria, harmonia, consuetudo perpetua periclitatur, quæ omnia quovis modo stabilire cupit. Syros invenit in itinere, seu Judæos ex Syria oriundos, qui non per annum, sed intra triennii demum spatium Parascharum Mosaicarum cursum conficiunt. Si autem Lectiones Judæorum hodiernæ tam sunt ambiguæ, omne ex hoc Parascharum petitum subsidium sponte corruit. Ait enim (nolo verba Benjaminis sua lingua repetere,) in urbe Mizraim, ita urbem vocat, cui postea Cairo nomen est impositum, quæ toti deinceps regno
nomen

nomen imposuit, duas esse Synagogas, quarum altera more hispanis recepto, singulis septimanis singulas paraschas legere confecerit, ut singulis annis legem absolvant. Alteram vero, addit, singulas Paraschas in tres partes dividere, ut triennio demum lectionem Moſis ad finem perducant. אנשי

מארץ ישראל אינם נוהגים בכל עושים מכל פרשה שלושה סדרים

Addit, hoc discrimine non obstante, bis in anno convenire Synagogas, precesque invicem coniungere. Tanti videtur Benjamin facere hoc discrimen, ut miratus sit, non præbuisse anſam periculoso schismati.

XV. SVRENHVSIVS L. II. p. 38. l. c. ex Talmude adducit testimonia, ex quibus denuo apparet, ipsos Judæorum Magistros ætatem tantam hiſce Pericopis non adſcribere, quantam ipsis juniores Judæi ſolent tribuere. Doctores ſcilicet Judæorum Talmudici, ut ex citatis apparet, originem Pericoparum poſt deſtructionem Templi ſecundi coepiſſe fatentur & Doctorem Chaijam pro autore habent. Nam ita hanc reſtitutionem capio, quam tertiam dicunt, primam enim Eſdræ, ſecundam Hilleli tribuunt. Omnes (פרשיות) Paraschas autem fuiſſe majores, & peculiarem ſectionem peculiari titulo fuiſſe inſignitam, ac ſi peculiaris eſſet liber. Imo ex collectione ſententia-

tentiarum Patrum a Doctore Nathan facta; ordinem sectionum legalium tempore Messiae aliter dispositum iri credit, nam haecenus retentum fuisse scribit propter allusiones quasdam secretas, tempore Messiae revelandas. His ego quidem parum tribuo, & parum lucrari puto doctissimum ceteroquin Surensum, cum, loca quaedam novi foederis ex V. T. citata hac ratione salvari posse contra Judæos arbitratur, alia enim ratione satisfactum est dubiis a doctis interpretibus, ut hac clave & via carere facile possimus.

II.) XVI. Ætatem harum Pericoparum suspectam mihi esse monstravi. Addam porro, videri mihi omnem de Haphthararum origine narrationem ex fabulis iisque insipidis esse enatam: fertile enim est ingenium Judaicum ad invenendas & tuendas aniles fabulas. Hæ sunt sæpenumero palpabiles: metuendum vero est viris cordatis, ne in herba lateant, iis etiam in locis, ubi vix expectari possent, & detegendæ, etiamsi se ætate, specie & auctoritate commendent, & viri etiam docti optimi, secure etiam facto agmine iis applaudant. Haphthararum lectionem constitutam & efformatam esse, narrant, a Doctoribus tempore Antiochi Epiphanis, ut loco Parascharum prælegerentur, quibus uti Judæis

dæis interdixisset. Affertur historia ex R. *Elia in Thisbi* in medium; omnis hæc fabula paucis his verbis comprehenditur. Piget enim totam narratiunculam repetere. vid. BARTOLOCCIVS l. c. & multi præterea alii. Provocat Elias ad scripta, in quibus hæc relata invenerit. Nam sive ipse primus condiderit sive alius, cui eam debet, non nisi fabula narratur, כפי מה שמצאתי כתוב, secundum id quod inveni scriptum, scribit. Sed hæc mihi videntur eum in finem addita, ut sibi consuleret, & ne quis ipsum inventorem relationis istius agnosceret, adeo ipsi videtur suspecta. Sed neminem tamen novi, qui ante eum hæc retulerit. Perinde tamen est, sive audiverit ex ore alicujus Judæi, sive legerit alicubi scripto consignatum.

XVII. Sed quid mihi videatur de tota Historiæ hujus serie, ejusque fide jam exponam. Certum est, Judaicam gentem inter omnes hostes, quibuscum ipsi sæpius conflictandum fuit, nullum habuisse, qui majora ipsi pericula creaverit & religioni gentis, majoresque insidias struxerit quam hunc Antiochum, Julianum ebrææ nationis & religionis dixeris. Assyrii enim & Babylonii Judæorum sacris nullam vim intenderunt, sed permiserunt iis, patriis institutis receptoque cultui vacare. Habue-

Habuerunt etiam in regionibus inimicorum & victorum suorum suos conventus & usum sacrorum librorum plane liberum. Cyrum etiam Prophetarum vaticinia non habuisse nauci, sed ad ea attendisse, scimus. Romani etiam Judæorum sacra in urbe & provinciis tolerabant. Hunc igitur Antiochum non ἐπίσημον, sed potius **ΟΜΩΣΟΝ** ἀποσόμενον nuncupant. Hunc autem perditissimum hostem & infensissimum judaici nominis & cultus adversarium, solum Mosaicis scriptis Judæos interdixisse, quis credat? eadem enim doctrina, quam ex Mose haurire solebant, etiam in Prophetis traditur. Erat autem Antiocho constitutum, ut eradicata antiqua religione & avito systemate, omnem, quam ipse colebat, superstitionem ac idololatriam introduceret. Hæc JOSEPHVS refert locis jam supra citatis. Autor etiam librorum Maccaïcorum, non solum βιβλία τῶ νόμου l. c. nuncupat sed βιβλίον διαθήκης, ut totum codicem V. T. indicet. Præterea omnem sacrorum scriptorum tractationem jussit intermittere, & quod maximum est, non ex cœtu solum, sed & ex ædibus auferre jussit. Ubicunque enim reperiiebant, auferiebant emissarii & iniquitatis ministri, inventos igne consumeabant, & ex sententia Regis mortis erant rei, qui sacra hæc scripta conservarent & scriniis suis reconderebant.

Hæc

Hæc vero, etsi aliter scriptum invenerit aliqubi Elias, an conciliari possunt cum consiliis sapientum & Doctorum, de substituendis pericopis Prophetis in locum Mosaiicarum? cum congregationibus Sabbaticis, cum mortis sententiam Rex tulerit contra Judæum, qui ausus fuerit clam abscondere sacrum codicem? an credibile est permissurum fuisse autorem interdicti tam severi, ut publice in Synagogis, aut si clam facere auderent, tractarent Prophetarum scripta? In fraudem denique legis egissent, si hanc elabendi rimam quæsiuissent. Nam quamvis græci nec intelligerent nec caperent ebraicas literas, non tamen deerant, qui Judæos habebant suspectos, qui latibula detexissent. Accedebant apostatæ qui religionis abjuratæ & confessionis, ut istorum hominum mos est, ocores erant maximi.

XVII. Verendum tamen non erat in periculosissimo hoc puræ religionis statu & in hoc durissimarum persecutionum intervallo, ne non thesaurus hic cœlestis doctrinæ periret. Prospexit cœtui suo puriori doctrinæ & revelatæ veritati dedito omni tempore sapientissimum Numen, etiam iis temporibus, quibus non peregrinus solum Tyrannus religionem puram persequeretur, sed etiam domesticus, ut temporibus Manassis.

Nam protraxit ex situ & squalore codicem Mosaicum Josias, & in manus tradidit viris piis & doctis, & publice prælegi jusfit. Majus omnino periculum sacris literis imminere videbatur, cum finibus suis inclusi essent & Regi tam crudeli & sacris omnibus infenso subjicerentur, quam postea, ubi populus judaicus in vicinas remotasque regiones, ut tempore Maccabæorum, esset dispersus. Nam, qui alia auferre secum non poterant, hanc unicam tamen credendi vivendique, publicique & privati cultus regulam secum conservarunt & asportarunt, omnem enim religionem, cultum, vitamque exigere debebant ad hanc divinam normam. Permissum erat in peregrinis etiam regionibus sacris studiis operam dare & sacras tractare literas. Daniel ex iis intelligebat finem LXX septimanarum. Cyrus nomen suum à Jesaia annotatum monstrari sibi permittebat, adeoque præter Mo- sen etiam Prophetas legebant captivi. Nul- lum igitur isto tempore cum libris bellum intercedebat Principibus peregrinis, ut Diocletianus postea fecit. Tuto transfere- bant has thesaurorum suorum reliquias optimas. Milites, prædæ inhiantes non quærebant folia scripta, multos igitur secum abstulerunt in sedes commorationis suæ re- motas, sacros codices. In terra Israelitica, faviente licet Antiocho, multis forte conti- git

git esse tam felicibus , ut omnem inquisitorum industriam superarent & absconditos codices conservarent. Si omnes etiam Judæi , quod fieri non potuit , unanimi consensu & inito iniquissimo consilio libros cœlestes perdere decrevissent , nunquam tamen scopum suum obtinere potuissent , cum in tanto immensi populi numero facile aliqui reperti essent , qui delitescere secum & occultare codicem sibi tam charum ausi essent. Sed longe alia fuit istorum temporum & ingenuiorum facies. Cum patrios lares deferere cogerentur , neque sacros in priscis sedibus cœtus frequentare permissum esset , majori cura normam hanc divinam credendi & sancte vivendi auream conservarunt. Afflictio enim ista difficillima eos , qui non plane erant stupidi , ad evolvenda sacra volumina & scrutandam divini Numinis voluntatem impellebat. Quamvis igitur sperare non poterat Antiochus , ut sacros libros ê manibus Judæorum omnium extorqueret & de terra deleret , odium tamen suum erga populum , sacrumque cultum declarare voluit , & , quantum in sua erat potestate , bellum indicere genti Judæicæ , libris sacris â cœlo delatis , sedi etiam summi Numinis & ipsi Deo. Omnem pene fidem superant , quæ de barbarie , aut , si quid durius dici possit , Regis hujus DIO-
DORVS SICVLVS scribit apud PHOTIVM

codice CCXLIV. p.m. 619. edit. Hoefschelii, conspurcasse illum libros sacros jure fuillæ carnis. Qui hisce circumstantiis bene perpenfis, sibi perſvaſerit, potuisse Judæos legi & persecutioni Antiochenæ hoc modo mederi, ut partem aliquam divinæ revelationis sibi reservarent, Prophetas in locum Moſis constituerent & publice in Synagogis tractarent, eum oppido credulum dixerim. Sed credidit tamen Elias, eandem cantilenam cantant multi, Judæorum nullus hic forte hæſitat. Sed relinquere debebamus hoc, quicquid est fabellæ ingenio Judæorum, & eorum Synagogis.

XIX. Cum autem Pericopæ istæ locum non habeant, cessat etiam munus interpretum, quos aliqui addunt, quorum officium fuerit tempore Christi & apostolorum, prælectas, quod supponunt, pericopas transferre in linguam auditoribus cognitam, vel neobracham, quam incolæ urbis & totius Judææ loquerentur & intelligerent, vel græcam propter eos, qui huic linguæ erant assveti & eadem innutriti, quibus nomen ἑλληνιστῶν eam ob causam impositum fuit. Tuto enim, qui ita sentiunt, auctoritatem & ætatem pericoparum, & originem haphthararum à temporibus Antiochi supponunt. Doctissimi viri ita opinantur, & Interpretes quidem istos addunt, singulis commatibus in

in lectione legis, post tres autem versiculos in lectione Prophetarum, translationes suas addidisse. Hos ego metiri puto ritus antiquos juxta consuetudinem postea introductam & recentem. Securius de hoc ritu loquuntur, eumque in hodiernis aut recentibus Synagogis inventum evexerunt ad augustum hoc prædicati primum Evangelii seculum. Novum hoc inventum est Synagogæ, cujus nullum extat in translationibus neque Chaldaicis neque græcis vestigium, quo, si certa essent, quæ traduntur, non carerent. Interpretationem necessariam fuisse, cum authentica lingua populo non amplius esset familiaris, quilibet facile perspicit, sed ritum istum secundum hodiernas pericopas, lectiones & interpretationes instituendi, & diversitatem pro diversis pericopis, Mosaicis & Propheticis, insuper introductam recens omnino esse inventum puto, cujus tota antiquitas non meminit. Audacissimum vero & temerarium est assertum IS. VOSSII, in omnibus Synagogis Hierosolymitanis, tempore Christi sacras literas prælectas fuisse lingua græca juxta versionem LXX viralem. (vid. *Responsionem ad iteratas Simonii objectiones*, p. 188.) nam Romanas leges non permisisse putat, ut conciones in templo haberentur sermone græcis & romanis ignoto. Vernaculæ enim lingvæ & religionis suæ usum nulli populo, cui

imperabant, invidere solebant; concessa præterea fuit Judæis *αὐτονομία* & pro arbitrio legibus suis fruendi. Excusit hoc magna diligentia & eruditione EZECH. SPANHEMIVS *in orbe suo romano*, Exerc. I. c. XVI. p. 136. & XVII. p. 150. it. Exerc. II. c. XIII. p. 347. Lingvæ peregrinæ ista ætate Hierosolymis non erant plane peregrinæ, erant qui præter græcam & latinam legerent & intelligerent, quorum gratia inscriptio crucis Christi etiam latina lingua conscripta erat. Pervulgata præcipue erat translatio græca, terebant eam, qui peregre venerant, manibus, legebatur forte in Synagogis etiam Hierosolymitanis, sed fontem omnes venerabantur, neque cum dispendio etiam vitæ ebræum sibi codicem ex Synagogis & templo eripi permisissent. Quamvis igitur sponte sua ruant, quæ de Interpretibus pericoparum Mosaicarum & Propheticarum statuuntur, si hæcenus à me dicta quicquam valent, monere tamen hæc & addere volui, quoniam receptæ hypothese de ætate pericoparum & receptis tempore Antiochi haphtharis innituntur. Illud demum addo, ex sententia MAIMONIDIS, prærogativas tribui translationi græcæ præ reliquis. Ad Meg IIa Cap. II. ab initio §. I ad verba *לשון קראתה תרגום בכל לשון* ait: Lingvam græcam ideo reliquis lingvis præferri, quoniam ebræi intelligebant eandem, ideo lingvam

gvam græcam aptam judicabant ad omnia.
 וכן אמרו לשון לכל כשר quoniam
 lingvam hanc omnium excellentissimam
 agnoscebant כן זה לשון היה משוכח
 מצלח. Bis igitur à linea aberrare viden-
 tur, qui Lectoribus dicuntur adstitisse
 התרגומים interpretes. Poterat enim fa-
 cer codex legi Chaldaicè & græcè ab iis,
 qui has solum lingvas callebant, & iterum,
 quod Lectionem Mosis & Prophetarum jux-
 ta sectiones postea receptas ab interprete
 expositas asserunt.

XXI. Non alienum prorsus hoc loco
 est sequentia recensere, ut fidem faciam
 dictis, quam fertile sit ingenium Judaicum
 ad fabricandas fabulas, & eo magis patescat,
 quam victoribus suis invidiam conflare &
 imputare iisdem odium erga legem & codi-
 cem sacrum moliti sint. Ita enim hæc
 narratio isti est similis, quam hætenus exa-
 minavi, ut ovum ovo. Insulsam referam
 Talmudistarum fabulam, unice confictam,
 ut memoriam Titi omnibus detestandam red-
 dant. Cum HADR. RELANDVS hanc ex-
 cerpserit ex Judæorum scriptis, referam
 ego fide viri in his scriptis versatissimi ex
 libro, *de spoliis templi Hierosolymitani*, cap.
 XIII. p. 130, scilicet ex Gemara codice Git-
 tin, fol. 56. 2. Accepisse Titum meretricem,
 eamque duxisse in sanctum sanctorum, &

strato legis volumine , impositoque aulaeo
 facinus super istud patrasse , והוציא סֶקַּן
 עברה עליה ועבר ut locum omnium
 sanctissimum sanctumque legis volumen
 ausu sceleratissimo pollueret. Non mirum
 est, Judæos hunc Titum appellare (אֶתוֹ
 הרשע) mortalium sceleratissimum , quo
 Deus vindice usus & in vastando Templo.
 Sed fuit Imperatorum unus omnium cle-
 mentissimus & ingenii admodum benigni.
 Docent hoc omnes & mire consentiunt , qui
 vitam & gesta Titi enarrarunt , ex iis au-
 tem eleganter TILLEMONTIVS *Histoire*
des Empereurs in Tito , Tom. II. P. I. art.
 p. m. 73. edit. Bruxell. JOSEPHVS hoc
 suo confirmat testimonio. TILLEMON-
 TIVS ex eo refert. „On voit par tout le
 „caractere de Tite, actif, vigilant, coura-
 „geux, *plein de bontè & compassion.*“ Neque
 conciliari hæc possunt cum Genio Romano-
 rum , qui nunquam religioni gentium de-
 victarum illudebant. Imo cum hæc spolia
 triumpho destinasset , noluit ea ullo modo
 contaminare. Nam ipsi Talmudici scri-
 bunt , composuisse vela ex sacris desumta
 in formam facci & vasa pretiosa (quidni &
 librum legis ablatum?) eis commisisse , ut
 ea ostentaret בעירו in civitate sua , Romæ
 scilicet. JOSEPHVS etiam , ubi trium-
 phum Titi & Vespasiani magnificum , ejus-
 que pompam prolixè enarrat de B. J. L. VII.
 c. XII.

c. XII. p. m. 979. disertis verbis ait : post alia spolia præcipue Lychnuchum & mensam auream ultimo loco ostentatam fuisse legem. ὅτε ΝΟΜΟΣ, ὁ τῶν Ἰσραήλων ἐπὶ τῇ τοῖς ἐφέρετο τῶν λαφύρων τελευταῖος. Hæc demum spolia, populo per triumphum ostensa deposuit in Templo Pacis, ubi de novo NOMOS expressis verbis mentionem facit. Fata horum spoliorum & varias eorum migrationes docte exponit Relandus l. c. sed transeant. Quamvis igitur Romani ebræam linguam non intelligerent, librum tamen, quem adeo venerari sciebant Judæos, pretiosi instar cimelii loco sibi sacro destinabant. Fieri tamen potuit, ut hæ calamitates à Romanis acceptæ, hæ urbis & templi devastatio, & incolarum in omnem orbem dispersio, sine spe redeundi ad patrios lares, hæ solennis sanctissimi voluminis in pompa triumphali gestatio, quæ omnem populum in moestissimum dolorem conjecit, Judæos impulerit ad diligentius sacri codicis scrutinium, ut solet angustia animos ad sacra investiganda pertrahere. In Babylonica captivitate Judæos diligenter evolvisse divinos vates, & temporibus Maccabæorum collectos fuisse & in formam Bibliothecæ constitutos scimus. Habebant præter monita salvatoris scripturas scrutandi ante oculos exempla legatorum & discipulorum Christi. Profelyti
etiam

etiam Christianorum , qui cives & hospites suos deferuerant & sacros fontes cum fructu evolvebant, calcar iis addiderunt sine dubio, ut legi magis operam darent quam olim. Priscam igitur consuetudinem evolvendi & legendi Mosen & Prophetas non solum profecuti sunt, sed & divisionem legis & Prophetarum susceperunt atque in Synagogas introduxerunt , ut lectio totius Mosis & multa Prophetarum capita intra anni spatium absolverentur.

III.) XXII. Sed redeundum est in viam , & quæ Harmoniæ sacræ & interpretationi variorum novi foederis locorum subsidia ex stabilitis Pericopis quærat vir beatus, disquirendum est. Excerpti supra §. II. quædam ex *ordine temporum*. Uberius mentem suam exponit in *Harmonia* , §. 28. 29. n. 2. p. 179 sq. „Wir müssen vorher et-
 „was überhaupt melden von der Weise, wie
 „der Herr und seine Apostel die H. Schrift
 „öfters angezogen. Die Juden hatten von
 „uralten Zeiten her an ihren Sabbathen
 „Mosen gelesen , Ap. Gesch. XV. 21. Als
 „aber Antiochus ihnen solches verwehret,
 „haben sie etliche denen Mosaischen Le-
 „ctionen ähnliche Stücke aus den Prophe-
 „ten dafür ausgezeichnet; und da die Ver-
 „folgung vorbey war , haben sie Mosen,
 „und die Stücke aus den Propheten zusam-
 men“

„men genommen. Wenn nun Moses und
 „die Propheten gelesen wurden, so wurde
 „bey solchen Texten in den Schulen Anlas
 „zur Rede genommen, wie Ap.Gesch.XIII.
 „17 - 20. - - Mit eben denen Worten, die
 „bey denen LXX Dollmetschern stehen
 „Deut. I. 31. und 38. und Jef. I. 2. 26.
 „welche beyde Texte noch auf diesen Tag
 „zugleich auf einen Sabbat fallen. Solcher
 „gestalt hat der Heiland *selbst* an den Sab-
 „baten und Festen sich auf die *damals* übli-
 „che Texte auf das *allerzierlichste* bezogen,
 „wie wir bald mehrere auf die oben (§. 12.)
 „angeführte sich *eigentlich schickende* Exem-
 „pel bemercken werden. Woraus abzu-
 „nehmen ist, das nicht ohne *sonderbahre*
 „*Schickung*, diese und jene sich auf gewisse
 „Umstände so *eigentlich-reimende Texte* zu-
 „vor verordnet seyn. Was sich bey denen
 „in den Text *deutlich* angezeigten heiligen
 „Tagen findet, das findet sich auch bey
 „andern, die so deutlich nicht gemeldet
 „sind.“ Adde Præfationem Harmoniæ §. 2.

XXIII. Quam tutam planamque viam
 hic sibi elegisse putaverit B. B. quilibet vi-
 det. 1) Divinam providentiam invenire
 sibi visus est, quæ operam inventorum isti-
 us divisionis & pericoparum utrarumque
 direxerit. 2.) Nullum autem sibi vel scrupulum
 vel dubium movet de traditione
 apud

apud Judæos recepta, tam quoad Pericopas Mosaicas, quam Pericopas Propheticas tempore persecutionis ab Antiocho excitatæ additas. De quibus in antecedentibus mentem meam exposui. 3.) Occasione istarum pericoparum sermones in Synagogis fuisse habitos. 4.) Ipsum inprimis Salvatorem hanc occasionem arripuisse, atque diebus sabbatorum & festorum ad receptos istorum dierum Textus respexisse. 5.) Fecisse hoc Servatorem elegantissime, (auf das allerzierlichste,) habere etiam exempla in promptu. 6.) Non casu hoc aut sine singulari directione has pericopas antea ita fuisse dispositas, ut hunc usum præstare potuerint, arbitrat. (daß nicht ohne sonderbahre Schickung diese und jene auf gewisse Umstände sich so eigentlich reimende Texte zuvor verordnet worden.) 7.) Cum hæc omnia certissimè definiri possint de textibus & diebus variis, merito hanc hypothesin valere in reliquis, ubi vestigia occurrunt magis obscura. 8.) Hunc porro morem non observasse solum Christum sed & Apostolos. 9.) Persvasum sibi denique habet, invenisse se in loco Actuum XIII. 17 sq. easdem Pericopas, quas hodie ex Mose & Prophetis in Sabbatis conjungunt, apostolorum tempore fuisse conjunctas & prælectas: quod aliter fieri non potuerit, si istarum sectionum usus in Synagogis & ordo ad eam ætatem non assurgat.

XXIV.

XXIV. Sed rogo, velit Lector æquus & bonus hæc mecum perpendere. 1.) Anne huic hypothefi à fe inventæ, certe à nullo, quantum fcio, adeo ornata nimis tribuerit vir optimus, & certissimis, quibus chronotaxis Evangelica nititur, fundamentis, lubricam hanc conjecturam assuat, qua nullo modo indiget. 2.) Anne hanc suam Helenam nimium exornet, cum non originem solum ei tribuat venerabilem & venustatem plane incomparabilem, sed quod magis est Θεοῦ τι, & singulari fato hæc ita per anni circulum disposita fuisse, quod inventori- bus Pericoparum laudi ad invidiam usque cedit. Hæc ab ipsis Judæis statui non me legere memini. 3.) Conjungit porro pericopas festorum & Sabbatorum hodie receptas. Sed plane diversa mihi videtur esse ratio pensorum festivalium & sabbaticorum. Nam in festis quidem historiam & memoriam divini instituti magnorumque beneficiorum recolere & dignum & necessarium erat, quod sine repetitione historiarum & gestorum antiquissimorum fieri non poterat; pericopas tamen certas, fixas, statas supponit, quod extra dubium non est positum. Sed de Pericopis sabbaticis certis, & ea, quam Judæi observant, forma dispositis nec volam nec vestigium in sacris N. T. scriptis inveniri judico. 4.) Elegantissime omnia à Christo tradita esse, quæcunque proposuit, cer-

certissimum est. An autem facunda, elegans, & tempori locoque & auditoribus accommodata oratio inventioni doctorum antiquorum aliquid debeat, de eo valde dubito: Ego vero omnem divini sermonis sublimitatem unice Christo tribuo, non dispositionem, ordinem solum & argumentorum pondus, sed & inventionem. 5.)

Certissima quædam hypotheseos suæ indicia se invenisse putat in quibusdam locis, in aliis incerta sibi dari optat, quod plane ipsi concedi non posse judico, cum certitudo quam locis illis tribuit, admodum vacillet.

Invertendum erat argumentum. 6.) Omne denique robur argumento & probandi rationi decedit, cum ex mera allusione ad vocem aliquam aut paucissima verba in pericopis etiam prolixis occurrentia fundamenta interpretationis suæ petat, quæ non isto solum in loco aut raro occurrunt, sed decies, vicies, centies. Conf. observata ad Joh. V. 1. VII. 1. de lege, de aquis & aquis vivis, & fundamentum impositum citatis Christi, nonne legistis? &c. de quibus deinceps agam. 7.) Cum vero ea, quæ pro

certissimis habentur, non tuta sint aut certa, reliqua, quæ pro incertis agnoscuntur, & ad hanc normam dijudicanda sunt, plane corruent. Sed conferenda jam nobis sunt exempla & loca, quibus opitulari & subsidium imo lucem afferre judicat B. B. eaque

certa

certa ex mente viri beati & adeo certa , ut incertis clavem addant & præsidium afferant , & facile se animis Lectorum insinuent,

XXV. Vellem ven. D. HAUBERUM in arenam hanc descendisse, qui pro ingenii acumine & dexteritate, asserta sua contra eruditum adversarium vindicandi hoc in negotio viam mihi aut monstrasset aut controversiam hanc composuisset. Sed quantum mihi animadvertere licuit, ne verbum quidem de hac B. B. hypothese habet. Id vero non sine voluptate vidi, ut hi duumviri, in re non parvi momenti amice & cordate hanc ferram reciprocarent. Admodum autem sibi proficuum judicat B. B. hoc pericoparum subsidium. Nam Christum, ait, sæpissime (gar oft) provocasse ad has festorum & sabbatorum prælectiones publicas & receptas, & ita omnia clara & perspicua esse censet, ut in dubium vocari non possit, idque modo decentissimo (unlaugbar, und mit einer höchstgeziemenden manier). Omni vero hoc subsidio destitui, qui Transpositiones in historia Evangelistarum & harmonia sacrorum scriptorum non admittunt, sed opera & verba Christi, quæ alii pro iisdem habent, repetita fuisse, statuunt.

D

XXVI.

Nov. Bibl. Lub. Vol. II.

XXVI. Examina- bimus jam ea, quæ Beatus vir de diversis locis attulit, in quibus vestigia pericoparum a Christo in usum auditorum suorum adhibitarum deprehendisse sibi visus est. In ordine temporum, p. 250. s. ea loca colligit, ex quibus demonstrationem §. XXI. format, in qua de annis & serie annorum, quam antea disposuerat, statuit. “ Comprobari eos ex sapientissima „ Salvatoris in sabbatis & festis diebus allu- „ sione ad lectiones Mo- sis & Prophetarum. „ Illustria loca cernemus. “ Multa hinc dicta cumulat secundum seriem temporum, quæ huc plane non spectant & quæ jure prætermitti possunt. Matth. IV. 1. docet: Christum in deserto Satanam repulisse iisdem verbis, quæ Moses Israeli in deserto proposuerat, Deut. VIII. 3. VI. 10. 13. Porro Joh. II. 19. 20. triduum resuscitandi templi corporis Christi analogiam habere putat cum tribus trium annorum diebus Paschalibus: argumentum ut mihi videtur in re, & quæstione tanti momenti plane ficulneum. Locus Joh. IV. 3. plane huc non facit, nam nihil hic de Haphtharah occurrit. De Lucæ capite VI. 1. deinceps videbimus. Reliqua etiam loca Matth. XVII. 24. de didrachmate, Luc. XIII. 8. de tribus annis, quibus Christus venit, & de triduo, ibid. v. 32 & 33. de agno ad celebrandum Pascha delecto, Joh. XII. 7. Matth.

Matth. XXIV. 24. Marc. XIV. 12, & reliqua nihil de pericopis ex Mose aut Prophetis continent. Elegantissimas tamen observationes suppeditant, quas ingeniosus autor larga manu porrigit. Videatur imprimis p. 131-138. Sed alii etiam viri pii & eruditi admiranda multa temporum, eorumque vicissitudines & aurea ænigmata pandunt.

XXVII. Accedimus jam ad ea loca, in quibus Christus ad libros V. T. tam Moïsaicos quam Propheticos provocavit. Et quidni provocasset ad ea, quorum autoritas tanta & Judæis venerabilis erat? Nemo enim Doctorum unquam fuit, qui, quæ loqui, & quomodo sua confirmare debuerit, melius intellexerit quam Doctor noster divinus, summus, infallibilis, qui autor est omnis divinæ revelationis, & rerum atque verborum, tanquam suorum optimus interpres. Contemplabor ea, quæ a Christo in festis prolata sunt. Occurrit hic primo locus Joh. V. 1 sq. de celebrato a Salvatore nostro Festo Hierosolymis & divina illa apologia, v. 19 sq. Magna circa hunc locum controversia enata est inter maximos exegetas, quodnam hoc loco festum sit intelligendum. Elegit B. B. partes eorum, qui Pentecosten intelligunt, obviam ivit difficultatibus, quæ moventur ab iis, qui

de festo Paschatis hoc Johanni memoratum festum intelligunt, sed restant aliæ, quas in medium protulit ad hoc caput Johannis in commentario suo LAMPIVS P. II. p. 5. in not. (b) add. D. HAVBERVS l.c. Sed neminem scio eorum, qui Pentecosten hic invenire sibi visi sunt, & in Pericopis Judæorum festivalibus præsidium quænaverint præter Bengelium. Certissima ait hic vestigia deprehendi temporis Pentecostalis in sermone Christi. (deutliche Spuren, daß es damals Pfingsten gewesen,) Harmoniæ §. 28. 29. n. 2. p. 179. & in ordine temporum scribit: "Pentecosten tum fuisse, ipsa Domini verba docent, in quibus respicit ad Haphtharam Propheticam Ezech. l. v. 1. it. 28. & confert vers. 37. 38. capitis hujus quinti. "Non sic locutus est alibi Jesus, addit, sed qui allusionem ad lectionem Propheticam expenderit, facile eam locutionem intelliget." Itaque hoc in tempus proprie convenit Exod. XX. 19. XXIV. 10. & de accusatione Mosis in loco hoc Johanneo cap. V. 45.

XXIIX. Sed credo ego, pertinacem adversarium hoc argumento non moveri, ut festum suum derelinquat, sive Pascha elegerit, sive Pentecosten, sive aliud, (Nam omnia festa Judæorum, tam ea quæ in Mose præscripta sunt, quam festa etiam iis addita Encæniorum & Purim habent suos defen-

fensores. Pro Paschate multa profecto militant, quæ huic objectioni non cedent, hæc autem mea non faciam. Id vero meorum esse partium puto, ut inquiram, an ex allatis observationibus ad liquidum constet: Christum ad loca ex Ezechiele & Exodo allata respexisse, & prælecta fuisse in isto festi articulo. Nemini hoc in mentem venit, qui magnifica hæc Christi verba Joh. V. 37. 38. illustravit, etsi alii ad hæc vel illa verba referant, aut apparitiones olim visas. Difficile tamen quisquam sibi persuaferit, respicere potuisse Christum ad hæc præcise Ezechielis verba, cum Prophetæ multi variis in locis referant, quæ oculis & auribus suis fidelibus commissa fuerunt; quod vero maximum est non ad visionem respicit divinus orator, quæ Prophetæ soli alicubi contigerit, sed populo. Propheta l. c. reverenter excepit quæ viderat & audiverat, flexis genibus & prostrato in terram vultu; hic vero incredulos & immorigeros carpit: non hic specialem aliquam revelationem innuit, sed varias. *πῶποτε* ait, etsi multoties audiverint & viderint revelationes a tempore promulgatæ legis ad eum usque diem: apparitiones Mosaicas, & Messianam etiam a tempore Baptismi, & mirabili isto testimonio addito, revelationes circa tempora & initium revelatæ Legis & Evangelii a Domino ipso

prædicati, eas tamen animo placido, & morigero non accepisse. Nemini hæc verba a Christo non maxime opportune prolata esse videbuntur, etsi animum non adverterit ad Pericopam Ezechielis. Nam jam antea sub initium ministerii scripsit Johannes hisce plane similia, cap. I. 18. conf. cap. VI. 46. VIII. 38. XV. 15. sed *subinde* hanc sectionem Ezech. ויהי בשלושים שנה lectam docet Bartolocci tabula l. c. p. 669. Paraschah vero Mosaica, cui titulus יתרה. Exod. XVIII. & quidem a cap. XIX. בחרש השלישי לצאת, usque ad finem capitis XX. Celebrant etiam solenni ritu memoriam revelatæ legis, sed versum 45. de accusatore Mose ad hanc pericopam respicere, longe petatum est. Quod si volupe esset alicui, ex sectionibus hodie in festo Paschatos aut Pentecostis receptis verba Christi illustrare, aut monstrare allusionem Christi ad Paschales sectiones, non difficile esset viro docto & ingenio pollenti, si hæc una salus esset sententiæ de Paschate hoc loco descripto. Propositum mihi erat ex Parascha Exod. XII. & Haphtharah Jos. XII. 5. sq. periculum facere, sed consulto abstineo.

XXIX. De festo Scenopegiaë a Christo Hierosolymis celebrato agit Johannes cap. VII. 2. 14 sq. In hoc festo, quod maxima cum lætitia celebrabatur, sæpius de Lege Mosis

Mosis est locutus. v. 19. 23. 49. 51. Hic digitum intendisse putat Dominum ad Parascham XXXIII. quam die 23 Tifri, ubi festum **תורה שמחה** celebratur, proponere solent. Hic dies ultimum seu octavum diem tabernaculorum festi excipiebat, quem aliqui festo annumerant, alii vero pro festo peculiari habent. Jam vero Salvator noster in ipsis festi solennitatibus ad festum aliquod novum, licet proxime sequens, digitum intendisse dixeris? nisi præjudicio occupatus pro stabilienda hypothesi semel recepta. Propius subsidium invenire potuisset B. si in memoriam sibi revocasset lectiones, exacto primo die festi inunte novo septennio heptaeridos sabbaticæ, Deut. XXXI. 10. observatas. Prælegebantur pericopæ ex Deut. V. 4. & cap. XI. 13. XIV. 22. XXVI. 22. addito capite XVII. 24. quæ de Rege Parascha agit, subjunctis diris & votis ex Deut. XXVII. XXVIII. & invenisset diras & judicia legis Mosaicæ in v. 49. & 51. expressas. Confer, quæ ex Sota recenset RELANDVS *Antiqu.* P. IV. c. V. §. XI. Nescio quamobrem ad Parascham **תורה שמחה** potius provocet, quam ad Pericopas **הסוכות**. Sed demus, in Paraschis festi tabernaculorum mentionem fieri Legis, nonne etiam Dominus noster, occasione hac Legis non data ejusdem mentionem facere poterat, & populum a Mo-

saica disciplina recedentem, mentione Legis & Legislatoris revocare, quod sapissime in sacris suis sermonibus fecit. Ipse etiam sibi parum confidit, & difficultatem sua hæc observata secum vehere animadvertit. vid. *ordinem temporis*, p. 261. Certe aptius verba, quæ Christus profert, repetuntur ex Zachar. XIV. & in Haphthara diei primi hujus Festi occurrunt, cui titulus **הנה בא** **יום לה** & ad finem usque Prophetiæ se extendit. An **נסוך מים** libamen aquæ, recens inventum Judaicum, huic Paraschæ, festo destinatæ, an Paraschah libamini occasionem dederit, parum quidem mea refert, etsi nesciam, multos Judæos ex temporibus Prophetarum, imo Davidis (2 Sam. XXIII. 16.) repetere. Illud autem scio, non indignuisse Dominum hisce Hodogetis ad proponendas cœlestes suas veritates. Similia occurrunt in *Harmonia* §. 92. n. 2. ubi alia addit de Lychnuchis in hoc festo, quod in longam noctem protrahere solebant, inter faces ardentes, quas tripudian-tes manibus tenebant, & ad illuminationem per Christum datam trahit, collato Zachariæ capite XIV. 8. & 14. Quæ prope indigna mihi videtur rei omnium sanctissimæ, cum indignis homine pio & sapiente, & profusis gaudiis inter accensas tædas, strepitumque tubarum atque choreas collatio. Implorat citharas cantatricesque choreas.

XXX.

XXX. Inter Festa Judæorum a majoribus instituta & divinis addita celebre est חנוכה seu ἐγκαίνια, de quo Joh. X. 22. agitur. vid. 1 Maccab. IV. 59. Celebravit istud aliquando Christus Hierosolymis & illustre fecit sanctissimis suis sermonibus & monitis salutaribus. Invenit etiam hic aliquid Bengelius, quod suo inservire scopo iudicavit. In verbis nimirum versiculi 26. ubi eum se esse profitetur, quem Pater in mundum miserit. In ordine temporum, p. 267. & in Harmonia §. 98. unicum hoc verbum sufficit pro stabilienda & confirmanda sua hypothese, inter quam plurima alia, quæ pro summa sua sapientia largissime protulit Christus, absque ulla ex Paraschis sumpta occasione. Hæc autem verba ex Zach. II. 15. aucupatur. Legitur quidem hæc Haphtharah, sed non in omnibus Synagogis. Hispani legunt hanc ex Zacharia Haphtharam, Zach. II. רַנִּי וְשִׁמְתִּי, Germani contra usurpant aliam ex 1 Reg. VII. וַיַּעַשׂ הַיְרוּם. Alias plures occasione festi prælegi docet BARTOLOCCIUS l. c. Mirum non est, in tam longa sermonum serie vocem aut phrasin occurrere, quæ in Haphtharis legitur. Quod si vero Germani suam esse authenticam & vetustate commendatam evincent, hæc Zachariana exulabit. Componendæ inter Judæos prius erunt hæ tantæque lites, quam provocare ad Parascham

fcham controversam. Res enim controversa est & plena dissensionis inter ipsos Judæorum Magistros. Idem etiam observandum ad Matth. XXI. 42. Ad magnum Hallel digitum intendisse putat in sermone habito in templo. vid. *Harmoniam*, p. 462. §. 159. Sed cum inter Haphtharas non extet, ne quidem huc conferendum est. Hic vero rogo, ea repetere, quæ supra contra hanc de Haphtharis hypothesein generatim dixi, §. XXIII. Nam potuit facile accidere, ut Salvator occasione festorum quædam dixerit, quæ tum in recente memoria erant apud Judæos, qui sacra & solennia festorum piis suis meditationibus ex sacro fonte petitis celebrabant, & beneficia ipsa istis diebus decantata, eorumque recordatio ansam Christo dabat differendi opportunissimam, etsi Haphthararum manuuctione destitueretur.

XXXI. Addam etiam quædam de pericopis Sabbaticis, quarum passim mentionem facit, ut hypothesein suam ornet. Locus, quem pro Palladio suo habet vir doctissimus, legitur Luc. IV. 16. 21. Ait *ordine temporum* p. 253: Magni momenti locus est, & in *Harmonia*: sehr wichtig ist die Stelle. Magnam operam & doctam industriam impendit, ut hunc in suos usus locum convertat. SVRENHVSIVM in suas partes vocat, qui

qui ad hunc locum docet : Jesum non solum Lectoris munus obiisse sed etiam Doctorem. Liturgiam quidem Ebræorum hodiernam & praxin legendi Pericopas Mosaicas & Propheticas ab istis temporibus remotissimis repetit , p. 340. contra vero arbitratur, Christum tanquam Doctorem, propter nominis celebritatem pro arbitrio egisse, & conversis in se omnium oculis non ordinariam, sed aliam sectionem Propheticam tractasse, quæ isti Sabbato non fuerit destinata, p. 341. Si enim Christus isti consuetudini morem gesisset, non versiculum unum ex Cap. XLII. septimum prælegisset, sed integram sectionem. Pertractasse vero locum maxime sibi convenientem atque usui suo infervientem. De consensu potius STEPH. LE MOINE sibi gratulari potuisset, si auctoritate fulcire voluisset suam sententiam Bengelius. Invenitur ea in *variis sacris, in notis ad Hippolyti sermonem*, p. m. 954. Nam postquam asseruisset, Lectiones Mosis fuisse præcipuas, nec cuivis Lectori permissum fuisse eas legere, cui permissum tamen erat legere pericopam Propheticam, addit: "Hinc est, quod Christus Luc. IV. legit sed non " Paraschot, sive sectionem Legis: hoc cui- " libet non concedebatur, sed legit unam ex " הפטרות ex sectionibus Prophetarum, quæ " isto Sabbato cum tali Paraschah legi solebat. " Non enim casu contigit ad aperturam li- " bri "

„bri, quod Christus in istam sectionem in-
 „cideret. Erat sectio diei, & si alius quam
 „Jesús legisset, eandem etiam sectionem
 „Jesaia debuisse prælegere.“ Sed videa-
 mus, quæ spe opem in hoc palladio quære-
 re, & quæle præsidium in hoc loco causa
 Bengeliana invenire possit. Certum est,
 verba Christi ex Jesaia desumpta esse, sed
 verba, quæ sibi interpretanda sumit, in nul-
 la hodiernarum Haphthararum, sive à Ger-
 manis sive Hispanis observatarum occurrere.
 Haphthara quæ præcedit, initium sumit cum
 principio capitis sexagesimi & ad finem
 fere capitis pertingit, & dicitur Paraschah
 אורי קומי. Quæ vero ex capite LXI. legi
 solet Haphthara, incipit à versiculo decimo
 cui titulus שוש אטיש. Christus vero in
 Synagoga proponens, versiculum primum
 & secundum capitis LXI in compendium
 mittit, addito commate septimo capitis XLII.
 Docte hæc persequitur SVRENHVSIVS, &
 quam eleganter & solide hæc conjungantur
 & luce majori perfundantur à Doctore no-
 stro divino, monstrat, p. 352. 353. *Benge-
 lius* addit: inserta esse verba ex Jes. LVIII.6.
 quæ in die expiationis prælegi moris fuerit.
 Solent enim לשחרית יום כפור in ma-
 tutina lectione diei expiationis protrahere
 Haphtharam ex Jes. LVIII. quæ vocatur
 נאמר סולו סולו. Quicquid sit de Haph-
 tharah hac in die expiationis prælecta, ob-
 serva-

servationem viri in rebus sacris peritissimi, magni facere debemus. Initium tum fuisse *annum gratiae* à Jesaia prædictum in isto loco, cum Christus annum integrum in Galilæa transegerit, & in eadem publice versaretur, & verbis factisque potentissimum se ostenderet. Nam Galilæa erat regio, in qua lux magna & dudum promissa oriebatur, & longe lateque se conspiciendam dabat. Conf. *ordinem temporum*, p. 256. & *Harmoniam*, §. 32. p. 188. Merito igitur hanc inscriptionem Anni gratiae Harmoniae suae parti non exiguae tribuit, usque ad paragraphum 89. p. 347. Huic autem invento nihil decedit neque accedit ex subsidio ab Haphtharah petito, & tamen præter necessitatem mirum in modum se cruciat vir optimus, & in omnes partes vertit, ut nihil dixisse videatur, & Haphtharam suam salvet. Locum Jes. LXI. 1. qui primarius erat textus Christi, & quorum verborum interpretationem aggreditur, nunquam solitum fuisse legi, neque legi hodie fatetur, (ergo non pro palladio in hac causa habendus, aut pro loco maximi momenti,) ordinariam tamen diei lectionem ex Jesaia petitam fuisse, ex eo conspicuum esse statuit, quod liber Jesaiae Domino in Synagoga lecturo, exhibitus fuerit. At si non fuit lecta hæc Pericopa, auditores etiam hunc locum neque offerre, neque explicationem ejus expectare pote-

poterant. Fuerat igitur paulo ante lecta, ergo lecta fuit, licet legi non debuerit, aut præcedentia forte eo die lecta fuisse judicat, ergo non ad diei lectionem alludit Christus sed aliam. Provocat ad formam veterum voluminum, de qua ad h. l. B. WOLFIVS & alii videantur. Ergo non ex lege Synagogæ recitavit Christus Haphtharam & exposuit, sed casu aut fato, aut pro evolvendis lubitu sive beneplacito, aut, quod hoc loco certissimum est, pro divina sua sapientia. Sciebat enim maximus hic Doct̃or optime, quæ auditoribus suis consulere possent. Magnam hoc, ita porro arbitratur, Christo opportunitatem dedisse textum antecedentem, deinde proxime sequentem legendi. Hæc vero Lucas non habet. Neque prodest B. B. quod diei expiationis Haphtharah pellere debuerit Lectionem Sabbaticam, quod libri rituales & liturgici doceant. Concedo hoc, sed nihil inde pro Haphtharis lucratur, quarum causam agit. Man käme üm die deutliche allusion Jesaiæ, ait in Harmonia, nisi hoc observetur. Esto, pereat hæc allusio ad Haphtharam, modo non excidamus savorissimo concentu Prophetæ, sive isto Sabbato lecta fuerit hæc pericopa in Synagoga, sive non fuerit lecta, & applicatione hac magni momenti & verè aurea: ὅτι σήμερον πεπλήρωνται ἡ γραφή αὕτη. v. 21. ΣΗΜΕΡΟΝ ait, ut cognoscerent auditores, promissionem

nem

nem gratiæ isto die & temporis articulo complementum suum esse naſtam. BARO-TOLOCCIVM video aliam viam ingredi, qui alias ne latum quidem ungvem à Pericopis Judæorum recedit, nec ullum dubium prodit circa concordiam hodiernarum Synagogæ pericoparum cum priscis, aut ætatem receptarum Haphthararum. Hoc vero loco addit: „Forſan eo tempore incipiebat“ Haphtharah (cujus initium eſt à v. 10.) à“ verſiculo primo.“ Sed bene eſt, quod auceps hæreat & *forſan* addat. Hodie vero nulla eſt Haphtharah, quæ à verſiculo primo incipiat. Magis mihi videtur ſtringere argumentum B. LOESCHERI, qui ipſum hunc locum diviſioni pericoparum & ad certa Sabbata adſtrictarum opponit. Nam cum Chriſtus hoc die partem Jeſaiæ elegerit, quam vellet, Haphtharam certam non obtinuiſſe locum, merito judicat. Si enim legibus fuiſſet contrarium, ipſe vitandæ offenſionis gratia non feciſſet, aut ſine Judæorum obmurmuratione facere non potuiſſet. vide loco ſupra citato.

XXXII. Elegantiffime differit de loco Lucæ VI. 1 ſq. ubi Chriſtus diſcipulos defendit, quos accuſabant Phariſæi, cum Sabbato ariſtas colligerent & manducarent, & quidem exemplo Davidis, qui etiam urgente neceſſitate panes propoſitionis comedit.
Hoc

Hoc igitur contigisse scribit Sabbato deuteroproto, quod pridie Neomeniæ inciderit. Hoc vero cum septimo quolibet mense contingeret, & Haphthara fixa istis diebus prælegeretur, non potuit non quilibet facile recordari panum sanctorum, quos Davides comesse legitur. Quilibet enim mensis cævus XXIX dierum, à Sabbato incipiens, habebat ista duo Sabbata. Alterum horum dictum fuisse *πρῶτον*, alterum vero *δευτερόπρωτον*. Hæc est viri docti de hoc Sabbati deuteroproti nomine conjectura. Hunc igitur diem fuisse Neomeniam, mensis Nisan, & quidem dimidio ante instans Pascha mense, quod negari non potest, cum aliud Sabbatum inter hoc *δευτερόπρωτον* & Pascha intercesserit, Luc. VI. 6. & aristas agri maturas ostentarint. Differebant igitur (si veteres licet componere cum novis) textus in Synagogis prælecti. Nam alia legebatur pericopa, cum in Sabbatum incideret Neomenia, alia autem cum antecederet. Uterque etiam dies Sabbatum dicebatur: hoc appellabant *שבת מחר חרש*, illud vero *שבת ורש חרש*. In Sabbato Neomeniæ à Sabbato diverso legunt hodie Haphtharam 1. Sam. XX. 13 - 42. ubi dicere possunt, cras est Neomenia, ut David & Jonathan, nam fuit Sabbatum, cum hæc loquerentur amicorum optimi. 1. Sam. XX. 19. v. *ordo temporum*, p. 255. sq. Meretur hæc

hæc observatio referri inter varias de hoc die & nomine sententias. Sed transigant hæc, qui B. B. opinioni accedunt, cum aliis viris doctis, qui aliter sentiunt, nam de Sabbato hoc deuteroproto mirum quantum disident, quod ad Neomenias latinas fiet. Hunc vero etiam locum pro antiquitate Haphthararum militare nego. Quidni enim Christus opportune adversus Phariseorum accusationes pro defendendis discipulis ad Historiam Davidis provocare potuisset, & ex scrinio sapientiæ suæ perfectissimæ argumentum hoc desumere & ad exemplum Davidis provocare, etiamsi Historia ista in Sabbato non fuisset recitata. Quam parum vero præsidii sit in verbis Christi, nonne legistis (scilicet Haphtharam hujus diei,) supra monui. Videtur præterea B. B. inverso ordine in hoc argumento versari. Legerat, Christum provocare ad historiam Davidicam, evolvit tabulam pericoparum: invenit Haphtharam למחר חרש ex 1. Sam. XX. arripit & in usum suum convertit, & illico concludit, Christum digitum intendisse ad istam Haphtharam, cum contra initium fieri debuisset à die & tempore, si accurate definire liceret, quo sermonem habuit Christus cum Phariseis. Sed magis est incertum, de quo nequicquam dubitat: græcos illud Sabbatum

tum *πρῶτον*, hoc *δευτερόπρωτον* dixisse, quod ex prædicatione Petri à J. E. GRABIO protracta commonstrat. Citat hanc prædicationis Petri particulam tam in ordine temporum, quam in harmonia l. l. c. c. Nam nihil lucratur hoc testimonio, etsi ex scripto antiquissimo protracto à GRABIO proferatur. Inspiciat, si cui res tanti videatur, *spicilegium Patrum*, JOH. ERNESTI GRABII P. I. p. 64. Pari passu ambulant, quæ deinceps addit ex Matth. XII. 5. ubi iterum Christus dicit: nonne legistis? Sacerdotes in templo Sabbatum sine culpa profanare. Nam nec hunc locum sibi vult eripi, neque ut è manibus elabatur, permittere. Sed non tamen potuit Haphtharam elicere, quam tuto producat. Sufficit ipsi addidisse: eadem anni tempestate lectas fuisse in Synagogis Paraschas ex Levitico, in quibus de sacrificiis etiam Sabbato faciendis, agitur. Cap. VI. 12. II X. 32. XVI. 20. XXIII. 38.


XXXIII. Apostolos eundem morem observasse docet in Harmonia, §. 28. p. 180. quod eum præterea usum sibi præstare pollicetur, ut pateat, apostolorum tempore iisdem Paraschis easdem quas hodie legunt Haphtharas subjunctas fuisse. Unicum hujus rei exemplum invenire sibi visus est in Actis Apostolorum, Cap. XIII. 17-20.
Ad

Ad pauca redigam, quæ hic monenda videntur. Nam etsi Sabbati mentio fiat, nulla tamen temporis aut septimanæ determinatio à Luca additur, ut Paraschah XLIV. in Synagogis prælecta dici aut ominari lector eam possit. Huic subjungitur in pericopis hodie receptis Haphtharah Jes. I. 1 sq. cujus initium est חַזֵּן יְשַׁעְיָהוּ. Nam necessitas nulla nobis imperat, ut credamus, eo anni tempore hæc dicta fuisse, quo pericopæ istæ solent prælegi, & respici ad hæc præcise verba Mosis & Prophetæ. Neque etiam Paulus vel verbulo indicat, se in animo habuisse hæc Deuteronomii & Jesaia verba, cum omnis historia factorum Israelis hæc testetur, & compendium fere sit mirandæ divinæ providentiæ, qua populum Deus persecutus est. Potuisset vir doctissimus provocare ad CASAVBONVM, qui manifeste hoc loco alludi putat ad Deuter. I. 31. qui tamen non addit, ex Paraschah istius diei desumta esse verba, nam Casaubono hoc in mentem non venit. Sed ut melius conspirarent Moses & Paulus, τροποφορεῖν mutat in τροφοφορεῖν, ut π à librariis positum sit loco φ. quarum literarum sonus prope coincidit. Sed B. WOLFIVS receptam merito lectionem defendit h. l. in *curis*. p. 1185. & in *notis ad Casauboniana*, p. 294. Nec concessisset B. Vir hanc conjecturam Bengelio, qui versio-

E 2

nem

nem LXX viralem citat. Nam ne quidem ad verba Mosis Paulum respicere iudicat, de quibus hoc loco disceptatur. Addit enim : „Quod si vero dissentienti hæc
 „minus placeant, persuaso forte, τὴς LXX
 „omnino scripsisse ἐτροφοφόρησεν, id. minimum ipsi certo probandum fuerit, quod
 „Paulus ad illa verba Mosis hîc alluserit. Si ne hoc quidem certo probari posse iudicat WOLFIVS, multo minus calculum ei addidisset, qui statueret, voluisse Paulum auditoribus Pericopas isto Sabbato prælectas in memoriam revocare.



II.

ANDR. GOTTL. MASCH.

V. D. M. A.

ad *Matth.* XXIV, 36. & *Marc.* XIII, 32.

COMMENTATIO.

§. I.

Quæ præstantissimis non minus quam portentosis ingeniis feracissima est, *Anglia* hoc seculo duplicem & cum infidelibus seu *Deistis* & *Naturalistis*, & cum Mysterii S. S. Trinitatis æternæque Deitatis filii Dei, Servatoris nostri, hostibus, aluit controversiam. Illi, quemadmodum religionem non ex ipsis rationis fontibus haustam respiciunt; sic & hi religionem ita purificare volunt, ut examurcata limites rationis non transcendat. Mysterium quidem Trinitatis admittere plerumque videri cupiunt, sibi que injuriam illatam esse, si albo *Antitrinitariorum* nomina illorum adscribere velles, contendunt: sed non Deum agnoscetes, nisi Patrem altissimum, cui longe inferior sit Filius J. C. revera ad *Arianismum* nimis sunt proclives, ipsamque æterni mysterii indolem naturamque evertunt.

plex adversariorum genus, divinas veritates vel ludibrio exponens vel detorquens, quamvis multis parasangis a se invicem distare videatur; perfacilis tamen ab his ad illos datur transitus, ita ut qui paulo antec-

- (a) Primus, quo orbi erudito famosus ille *Tolandus* potissimum innotuit, foetus est liber iste flammis ultatricibus traditus: *Christianity not mysterious: or a treatise shewing, that there is nothing in the Gospel contrary to reason, nor above it*: qui bis 1696 & tertio 1702. 8. prodiit. In præfatione secundæ & tertiæ editioni præmissa, se non destruere, sed tantum a tricis apinisque terminologia scholasticæ purgare velle religionem, declarat auctor sibi ipsi apologiam scribens, bonumque *Socini* asseclam agit. Sed famosus auctor tandem sublatis primo mysteriis, omnem religionem revelatam tollere ausus est. Conf. *Nachrichten von einer Hall biblioth.* vol. 3 p. 311. & de vita auctoris Ven. *de Mosheim* comment. de vita fati & scriptis *Joannis Tolandi* præmissa vindiciis antiquæ christ. disciplinæ, Hamb. 1722. 8. *Niceronii memoires pour servir a l'hist. des hommes illustr.* tom. I. p. 256 sq. *Some Memoirs of the life and Writings of Mr. John Toland* apud *Collection of Several pieces of J. Toland* Londin. 1726. Vol. I. nec non *historical account of the life and Writings of the late eminently famous Mr J. Toland, by one of his most intimate Friends*, Lond. 1722. 8. cujus auctor est *Curl*, Bibliopola Londinensis, & denique de adversariis, quos nactus est *Tolandus*, *Joh. Alb. Fabricii*, syllab. script. qui veritat. R. C. asseruerunt, p. 479-481. nec non appendicem ad tractatum meum *von der Religion der Heiden und der Christen*. p. 156 sq. *Chubb* vir felicitis quidem

certamen cum orthodoxis de Trinitate inirent, mox castra infidelium sequantur. Quem enim exempla *Joh. Tolandi*, *Thomæ Chubbii* & *Thomæ Morgani* prætereunt? (a)

E 4

§. II.

quidem ingenii, at indoctus, cujus vitam exponit *some account of the author, written by himself, apud the posthumous Works of Mr. Thomas Chubb, Lond. 1748. 8. vol. 1.* unde sua hausit, quæ de hoc viro retulit Ven. D. *Frid. Wilh. Kraftius theolog. biblioth. vol. 3. p. 840* primo, quod eruditis communicavit scripto: *the supremacy of the Father asserted, or eight arguments on the supremacy of the Father*, quod famosus ille *W. Whistonius* ut ipse fatetur in *memoirs of his life written by himself vol. 1. p. 276.* anno 1714 primo edidit, & deinde in *Collection of tracts on various subjects, Written by Thomas Chubb, Lond. 1730. 4. p. 1-45* recusum datum est, nihil omnino egit, quam ut purum putumque defendat *Arianismum*. Paulo post quadriennio fere transmissio ad *Socinianismum* transiit, sed a *Whistonio* revocatus, ut ipse gloriatur *l. c. p. 277. scepticum* egit. Quæ vero insequentibus edidit scripta temporibus, quorum catalogum exhibet appendix citata *p. 29 sq.* scepticum nostrum & Naturalistas crassiores inter non fuisse opinionum dissensionem, fidem nobis faciunt. Nec ipse *Whistonius* hoc negare audet, sed potius addit. *p. 278. But as to Mr. Chubb's later Writings, I perceive they are so wild and extravagant, that I shall say nothing more about them.* *Thomas Morganus* denique, malevolus ille obtrektor, qui omnem ingenii sui laudem in vituperanda religione positam putavit, & sub larva *Philosophi Moralis* (the moral Philosopher) latens Clarissimis
viris

§. II.

Mittamus prioris generis adversarios, homines infelices, quorum ingens turba malefana & nostras ecclesias jam per aliquot annos turbavit, contra novos *Arianos*, seu ut nominari malunt, *Eusebianos* vel *Anti-Athanasianos*, veritatem propugnaturi (b). Qui, quamvis a *Socinianis* in multis discedant, iisdem tamen telis armati pro tuendis erroribus suis in arenam descendunt. Effato Servatoris nostri, quo se diem judicii ignorare enunciat, quod *Matthæus* c. XXIV. c. 36. & *Marcus* c. XIII. c. 32 nobis servarunt, *Sociniani* sæpissime usi sunt ad placita sua
pro-

viris *Sam. Chandlero*, *B. A. Atkinsonio*, *J. Chapmano*, *Mos. Lowmanno*, *Lelando* aliisque pro veritate sanctissimæ religionis nostræ apologias scribendi ansam dedit, antequam maledico dente sacras carpere coepit paginas, *Arianus* fuit, ut sequentibus testatur *Whistonius* p. 318 who (nimirum *Morganus*) was then a Dissenting Minister there; but soon left off that Employment, and, so far as appeared, because he was become one of us that are called *Arians*. - - - When he came to London Things did not succeed with him, tho' he turned Infidel. Quin & ipse ad *Arianismum* stabiliendum edidit *Collection of Tracts relating to the judging for himself in matters of religion*. Lond. 1726. 1737. 8.

(b) *Eusebianos* se suosque appellat *Whistonius*, nomine non ab *Eusebio Nicomediensi*, cum *Theognide* ob *Arianismum* in exilium misso, sed ab *Eusebio Casariensi* deducto. Sed ab utraque parte adhuc disputatur, an *Eusebius Arianus* fuerit, scriptisque
suis

probanda. Exacte sequuntur illorum vestigia *Neo-Ariani*, eodem ex effato, *J. C.* Patre longe esse inferiorem colligentes. Quo vero illorum objectionibus obviam ire possumus, tum effatum illud explicaturi, tum commenta adversariorum confutaturi sumus. Non enim levisimum est, quod ex hoc effato contra æternam *J. C.* Deitatem, adversarii construunt argumentum, observante *J. Bernardo* (c).

§. III.

Verba Servatoris nostri, quibus adversarii abuti solent, apud *Matthæum*, cap.
E 5 XXIV.

suis ejusmodi errorum sese rerum fecerit. Conf. *Guil. Cave* Diff. 3. de *Eusebii Cesar. arianismo* ad hist. litt. script. eccles. Vol. 2. p. 61. edit. Lond. *Joh. Clerici* epist. crit. & eccles. epist. 2. 3. vol. 3. art. crit. p. 28-95. edit. *Amstelod* 1730. *Joh. Alb. Fabricii* bibl. græc. lib. 5. c. 4. vol. 6. p. 32. *Cl. Nath. Lardneri* Glaubwürdt. der evangel. Geschichte vol. 4. c. 72. p. 57 sq.

(c) C' est là, sans doute, un des passages les plus forts, que les Sociniens puissent alleguer pour leur opinion. *Bern. Nouvelles de la republ. des lettres. l' an 1707.* p. 138. Mirum sane est, quantum virium eidem argumento tribuat *Whistonius*? Celeberrimum *Peirceum* nimirum fuisse fortissimum *Athanasianum*; at hoc argumento, quod ipse in *Essay on the Revelation* uberius exposuerit, eum eo redactum esse, ut ad Unitarios, seu *Eusebianos* sese contulerit, refert in *memoirs of his life and Writings*, tom. I. p. 143.

XXIV. c. 36. sic leguntur : Περι δὲ τῆς ἡμέρας ἐκείνης καὶ τῆς ὥρας ἔδει οἶδεν , ἔδει οἱ ἀγγελοὶ τῶν οὐρανῶν , εἰμὴ ὁ Πατὴρ μὲν ὁ μόνος ; & apud *Marcum* cap. XIII. c. 32. Περι δὲ τῆς ἡμέρας ἐκείνης καὶ τῆς ὥρας ἔδει οἶδεν , ἔδει οἱ ἀγγελοὶ , οἱ ἐν οὐρανῷ ἔδει ὁ υἱός , εἰμὴ ὁ Πατὴρ. Sequimur lectionem pluribus codicibus communem ; diversæ enim , quæ hic occurrunt lectiones , ex commixtione utriusque loci ortæ esse videntur (d). Ad nexum verborum cum antecedentibus spectantia , ad duo capita , in quas eruditi abiere diversas sententias , revocari possunt. Alii statuunt integra , tum *Matthæi* XXIV. tum *Marci* XIII. , capita de iudicio divino super

(d) Variæ lectiones apud *Matthæum* sunt : (1) ἔδει ὁ υἱός. quæ verba apud *Matthæum* olim lecta , sed a nonnullis subtracta fuisse , ne *Arianis* esset ansa confirmandi , Filium esse Patre minorem , qui nobiscum aliquid ignoraret ; nam cum *Marcus* ἐπισημην *Matthæi* scripserit , consentaneum esse , illum hæc non addidisse de suo , suspicatur *Erasmus* in loc. nonnullosque Patres habet sibi consentientes , nec non MS. *Cantabrigiense* lat. græc. & *Casaubonum* in l. Verum & sat exiguus est codicum numerus , qui eandem lectionem servant , & Patres sibi ipsis non sunt constantes , memoriæ nimis in citandis scripturæ locis confidentes , & frustra- neum fuisset hæc verba e *Matthæo* eradere ; cum *Marcus* illa satis clare exhibeat. Majori itaque jure ut spuria rejicitur lectio a *Rich. Simonio nouv. Observ. sur le texte du N. T. ch. 21. p. 445. Job. Clerico* art. crit. part. 3 sect. 1. c. 15. §. 15. vol. 2. p. 228. *Grotio* in loc. *Lud. de Dieu* crit. sacr. p. 373. edit.

super *Judaos* agere, ita tamen ut *Christus* phrasas formulasque loquendi a consummatione seculi mutuo sumserit: quorum ex mente verba exscripta de die, quo Deus de gente duræ cervicis supplicium sumere gravissimum statuerit, sunt exponenda. Alii vero contendunt, post annunciatam *Judæorum* cladem *Matth.* XXIV. com. 1-28. *Marc.* XIII. com. 1-23, *Christum* de totius mundi interitu seculique consummatione verba facere, atque inde verba citata de adventu *Christi* ultimo accipiunt. Quælibet sententia gravissimis gaudet defensoribus (e). Litem vero istam dirimere aliis relinquimus. Sufficit nobis sermonem esse de

edit. *Amst.* 1693. & *Luca Brugens.* notat. in biblia in loc. (2) $\mu\chi$ deest quibusdam codicibus aut lapsu librarii aut licentia cujusdam, cui hanc vocem sensum nimis durum reddere visum est. Apud *Marcum* legitur 1) loco $\kappa\alpha\iota$ $\text{I}\eta\varsigma$ $\omega\pi\alpha\varsigma$ a quibusdam η $\text{I}\eta\varsigma$ $\omega\pi\alpha\varsigma$, ut in *New Testament in greek and English*, *Lond.* 1729. 8. sed perinde est utrum $\kappa\alpha\iota$, an η legatur. $\kappa\alpha\iota$ per compendium exscriptum non dissimile est græcorum η rudi penicillo exaratum, atque ita, ut quidem suspicor, altera lectio ex altera originem traxit. 2) $\text{I}\omega\upsilon$ $\text{-}\epsilon\pi\alpha\upsilon\omega\upsilon$, quod aperte e *Matthæo* transcriptum est, sicuti 3) $\mu\omicron\nu\omicron\varsigma$, quod a quibusdam *Marco* additur.

(e) Studiose auctores varios collegit *J. C. Wolfius* in curis. tom. 1. p. 349. & *Mich. Lilienthalius* archivar. bibl. p. 112. 160. 244.

de statuto tempore judiciorum a summo Numine exercendorum : sive omnes in universum homines, sive *Judæi* tantum judicandi puniendive sint, alii disquirant.

§. IV.

Auctorem verborum, in quorum genuinum sensum inquirimus, esse J. C. Servatorem nostrum, nemo unquam negabit. Adversarii hoc quoque non solum non negant, verum & fundamentum errorum maxime in eo quærent, quod *Christus* de se ipso ista professus sit. Statuimus secundum effata S. Scripturæ, *Christum* esse Θεον-
 ὄντων, verum Deum ejusdem cum Patre essentia, & verum hominem. Hinc quærendum est, quomodo *Christus* hic se ipsum consideret? Utrum hic loquatur tanquam purus homo, an tanquam Deus & homo in una persona? Utrum in statu exinanitionis, an vero in statu exaltationis & plenarii usus omnium divinorum idiomatum? Loquitur hic omnino *Christus* ut verus homo, seque ipsum considerat in statu exinanitionis, atque de se ipso confitetur, se in statu exinanitionis ignorare diem judicii a Deo constitutum. Adversarii vero sibi imaginantur, *Christum* hic loqui ut merum hominem, adeoque illum non esse verum Deum, sed Patre inferiorem : & hoc quidem ex hisce verbis probatum dare volunt. Quodsi itaque.

que quæ hic *Christus* confessus est de se ipso. commodè cum dogmate, eum esse θεαν-
 ὄρωπον, conciliari possunt, ficulneis adver-
 sariorum argumentum stabit talis.

§. V.

Duas loca ista continent propositiones, quarum altera est negativa, altera affirma-
 tiva.

I. Prior eos nominat, qui diem iudicii ignorant, quibus non competit tempora ex-
 sequendorum iudiciorum divinatorum nosse.

1) Subjectum ejus a *Matthæo* duplex no-
 minatur:

a) ἄνθρωποι, nemo, nullus. Respicit om-
 nino ad homines, ad quos *Christus* loqueba-
 tur: nemo itaque est mortalium, qui ista
 scire possit.

b) ἄνθρωποι οἱ ἀγγελοὶ τῶν οὐρανῶν. Adscen-
 dit per gradationem sermo: ne quis sibi per-
 svadeat, quamvis hominibus hoc sit abscon-
 ditum, angelis tamen ista, etiam absque
 revelatione peculiari nota esse, expresse an-
 gelos nominat, qui sunt in coelo, ut mi-
 nistri & servi Dei. Obviam it hæc assertio
 errori *Judæorum*, statuentium, Deum nihil
 facere antequam ad consilium dandum con-
 vocarit domum suam, seu angelos (f).
 Addit *Marcus*

c) ἄνθρωποι

(f) Vid, *Salom, Jarchi* ad Genes. I, 26.

c) ὁ δὲ ὁ υἱός. *Neque filius.* Non expresse hic *Christus* declarat, quonam respectu sibi hoc nomen imponat, utrum, quæ est Filius Dei, an, quæ est Filius hominis. Verum eum hic de se, quatenus homo est, loqui, ex nexu verborum apparet. Sæpius enim, ut iuste observavit *Dan. Heinsius* (g) multa ἀτελώς efferri solent, quæ aliis in locis ἐντελώς dicuntur. Dominus, quoties oeconomiam humiliationem suam commendat, υἱὸν Ἰσραὴλ se vocat; sed hic se solummodo υἱὸν *Filium* appellat, quia in præcedentibus apud *Matth. com. 30. & Marc. com. 26.* jam indicarat, se esse filium hominis. Eodem ergo respectu, quo se appellarat *Filium hominis* se hic vocat *filium*, sc. hominis, seque tanquam hominem hic vult considerari. Ven. *J. A. Bengelius*, qui multa erudite ad hunc locum disputat, (h) *Christum* non ab humana natura adpellari hic iudicat. *Christum* itaque se filium Dei hic appellare autumat. Addit: *Cur appellatur h. l. Filius, non sumpta denominatione a natura humana?* Resp. In enunciatis de Salvatore cum prædicato glorioso copulari solet subiectum demissum, cum prædicato demisso subiectum gloriosum. Verum, quod pace huius Viri eruditissimi observare mihi liceat, si *Christus* hic se *Filium Dei* appellat, etiam qua

(g) Exercit. sacr. ad N. T. lib. 2. c. 8. p. 112. edit. *Cambrig.* 1640. 4.

qua Filius Dei nesciret iudicii tempus determinatum. Quod si in immediate præcedentibus & proxime cum dictis nostris connexis, se non filium hominis expresse nominasset, quam lubentissime huic sententiæ subscriberem. Nec obstat *Christum* statim Patris mentionem injicere. Non opponitur enim, ut verbis *Jac. Cappelli* (i) utar, *persona Patris personæ Filii, sed humana Filii natura Divina*. Verba *Pater & Filius* hic non ὑποστατικῶς sed. ἁπλοῶς sumenda sunt. Quin & *Christus*, quatenus erat homo, Deum Patrem omni jure appellare poterat, quippe qui in terris nullum patrem agnoscebat, opera Spiritus S. conceptus & in utero matris formatus. Nomen itaque Filii, non quatenus erat Filius ex essentia Patris genitus, sed quatenus homo, gerit.

2) Prædicatum : Περὶ τῆς ἡμέρας ἐκείνης καὶ τῆς ὥρας οἶδε. Ubi

a) Verbum οἶδε, scit, novit, ab εἶδω. Scimus, si de aliqua re claram vel distinctam habemus ideam, ita ut ab aliis discernere queamus. Diversimode hæc vox ab eruditis exponitur, (k) quatenus de Filio prædicatur.

a) Patres

(b) Gnom. in N. T. ad I. Marc. p. 193.

(i) in Loc. Marci.

(k) vid. J. C. Wolfii cur, in loc. p. 517 sq.

α) Patres permulti Christum de humana natura affirmare, illam nescire diem judicii, asseruerunt. Hoc per ambages respondere visum est *Rich. Simonio* (1). Considerat itaque Christum tanquam legatum Patris, qui hominibus legem novam annuntiaret. *Il a pu dire*, (ita mentem suam explicat audax ille Criticus) *en cette qualité, qu'il ne savoit point tout ce, qui n'appartenoit pas à sa Charge, & c'est en ce sens, qu'il dit que la connoissance de l'heure du Jugement dernier luy est inconnüe, n'étant point venu au monde pour l'apprendre aux hommes.* In *Augustini* defensionem hæc dicta sunt, sed duplici premuntur difficultate. Primo interpretatio quam longissime a proprio verbi significatu recedit; simpliciter dixit: ignorare filium diem; non vero, se quidem scire, sed non muneris sui esse, ista revelare. Provocat quidem *Camero* (m), qui *Simonio* præivit, ad 1 Cor. II. com. 2. ubi scire idem fit ac docere; sed exinde non sequitur, & hic eandem vocem simili modo esse interpretandam. Secundo prædicatum non alium admittit significatum, quam qui triplici subjecto applicari possit. Sed quis unquam alios homines & angelos legatos Dei, qui multa quidem scirent, at illa, quæ ipsis mandata non essent, quamvis scirent, tamen

(1) Hist. crit. des Comment. du N. T. ch. 19. p. 272.

(m) in loc. *Marc.*

tamen ita ignorarent , ut aliis non annuntient , appellare audebit ? Bonus sane hic Criticus dormitavit.

β) Plurimi eruditorum ignorantiam ad humanam Servatoris referunt naturam , ita ut se abdicaverit omniscientia , atque qua homo ignorarit diem , sicut & reliqui homines & angeli. Huic sententiæ nihil opponimus, verum illam

γ) aliquo modo restringendam esse censemus. Monstrarat Servator noster in præcedentibus, esse quidem signa , e quibus , diem judicii appropinquare , conjici queat ; ex quo apparet, eum hic nos docere, hominibus & creaturis licere quidem augurari & ex signis conjicere tempus judicii, sed diem istum digito quasi monstrare, certo definire, non esse creaturarum, nisi prævia divina revelatione iis hoc manifestatum sit. Nullam ergo creaturam hoc a priori scire , sed tantum a posteriori per revelationem divinam. Quodsi hic, quemadmodum nonnulli volunt, de divina *Christi* natura sermo esset , & verba ita exponi possent , quod *Christus* etiam qua divinam naturam non sciret diem istum, nisi per intellectum Patris, a quo & essentiam & intellectum communicatum receperit. Verum, ut lubens confiteor, ejus-

F modi

Bibl. Nov. Lub. Vol. II,

modi interpretatio nexui verborum respondere mihi haud videtur.

b) Id quod ignoratur, duplici modo exprimitur

α) Περι της ημερας εκείνης. ημερα vel spatium duodecim vel viginti quatuor horarum temporis denotat. Posteriori sensu hic accipiendum esse, per se patet, ut certum quidem & statutum, at tamen latius aliquanto definitum hic intelligatur. Ad-
ditur enim

β) και της ωρας, ut strictius articulus temporis seu punctum ejus specialissimum determinetur. Non enim sine ratione dies & hora conjunguntur; ignorata enim hora non statim ignoratur dies, & ignorato die scire tamen quis horam certam potest (n). GROTIUS (o) quidem hic non diei particulam sed latius sumpti temporis ambitum intelligit, sed sine fundamento; priori enim temporis designationi subjungitur altera, quæ priorem arctius limitet & restringat, quemadmodum pars magis est determinata ac totum. Εκείνης quidem respicit ad omnia quæ a com. 30. prædicta, inprimis vero ad com. 35. ubi de συντελεια 78 αιωνος dictum erat.

Serva-

(n) V. Ven. Bengelii gnom. in loc.

(o) in loc. Matth.

Servator noster hac propositione docet, 1) fore certissime, ut illa omnia eveniant, de quibus vaticinatus erat, 2) certum tempus destinatum esse istis eventibus, atque illo tempore omnia esse exsequenda quæ seculi consummationem concernunt; 3) tempus illud neque prolongari neque minui, ut adventus judicis vel differatur vel acceleretur; 4) nihilo tamen secius neminem creaturarum, neque homines neque angelos, neque Filium hominis, quamvis ob unionem cum λογῷ Dei dignitate angelos longe superet, per se & absque revelatione divina certissime definire posse illud tempus a Deo statutum; 5) e signis quibusdam conjici posse, diem istum non longe abesse.

II. Posterior propositio indicat quisnam ille sit, qui tempus hoc sciat: nimirum Pater scit diem & horam. Ubi

1) Copula εἰ μὴ, nisi: sæpissime ponitur pro ἀλλὰ, atque indicat, nominari hac enunciatione aliquem, de quo omnia sint affirmanda, quæ de subjectis prioris propositionis negata sunt.

2) Subjectum est ὁ πατήρ μὲν μόνος. Vox πατήρ hic haud designat speciatim primam Deitatis personam, sed est nomen Dei (p). Opponuntur enim sibi creaturæ

F 2

&

(p) Matth. VI, 4. 6. 8. 9. 26.

& Pater, hinc entia creata & ens increatum, quod est Deus. Accedit, iudicium esse opus divinum ad extra, omnibus tribus personis commune: Hinc Pater non ὑποστατικῶς nominari hic potuit. Particulæ exclusivæ denique non excludunt personas Deitatis, quæ ejusdem cum Patre sunt essentia, atque ab illo quidem abstractione mentali separari at nunquam a prærogativis, in essentia divina fundatis excludi possunt. *Arianum* itaque jam esse oportet, qui *arianismum* ex hoc loco demonstrare vellet. Duplici determinatur subiectum ratione:

a) *μονος*, auget hic exclusionem, atque indicat Deum esse illum unicum, cujus sit hæc scientia, cum illa careant creaturæ. Opponitur ergo ὁ πατήρ *μονος* creaturis in priori propositione nominatis, iis enim, de quibus sermo non fuerat, λογῶ & spiritui s. opponi non potest. Duplicem excludendi particulam, hic omnes, præter solum Patrem primam Deitatis personam, excludere crepant adversarii, neque alium in finem CASP. ERNEST. TRILLERVS focianianizans in Versione N. T. german. duplicem exclusionem sic expressit: *ohne nur allein mein Vater allein*. Sed falsam vocis *πατήρ* explicationem præsupponunt.

b) *μὴ*

b) *μυ*, *meus*. Quemadmodum Deus sapissime in sacris litteris dicitur *πατηρ ἡμῶν*, sic & Christus Deum hic vocat Patrem suum, quia se ut creaturam confidebat.

2) Prædicatum: *οἶδε κ. γ. λ.* Non repetam quæ de hac phrasi commentatus sum, sed pauca de ZEGERI (7) explicatione observabo. Interpretatur ille hoc comma, *neque Filius sciret, nisi Pater sciat*, ut *Christus* non dicat, se revera nescire, sed fore ut nesciret, nisi sciret Pater. Quod si vero nexum verborum consideramus, idem etiam de angelis & hominibus dicendum esset, cum quibus *Christus* se ipsum conjungit. Angeli itaque & homines diem nescirent, nisi sciret Pater, hoc est revera scirent, quod tamen falsum, hinc interpretatio ZEGERI non locum habet.

Docemur hac propositione : 1) Solius Dei proprium esse scire tempus definitum & statutum exequendis judiciis ; 2) Deum ex se ipso per intellectum infinitum habere istam scientiam ; 3) Personis in Deo istam scientiam esse communem ; 4) Deum diem & horam quam certissime nosse ; & 5) Deum solum hominibus & angelis hoc posse revelare,

F 3

§. VI.

(7) in loc. *Matth.*

§. VI.

Quæ adversarii æternæ Deitatis *Christi* Servatoris nostri huic dicto superstruunt, plerumque in assertione: *quod non filius sed solus Pater sciat diem & horam judicii* fundata sunt. Concludunt inde *Christum* esse Patre minorem. Concedimus, *Christum*, eo respectu, quo hic loquitur, i. e. secundum humanam naturam esse Patre inferiorem, sed eum quoque quoad divinam naturam Patre esse minorem negamus, & ex hoc loco probari non potest. Nec obstat, quod *Christus*, si fuerit θεανθρώπος, fuerit omni-scius Deus; adeoque & illa, quæ ignorare dicit, non ignoraverit. Intercesserat omnino inter divinam & humanam naturam idiomatum κοινωνία, atque omniscientia communicata erat humanæ. Vidimus sæpe Servatorem nostrum καρδιόγνωστην, qui va-fras & callidissimas adversariorum percipit cogitationes. Sed non omni tempore *Christus* in statu exinanitionis, in quo divina attributa non occultabat, aut dissimulabat, sed se evacuaverat, attributis divinis usus est, sed se ab illorum usu abstinuit. In isto itaque statu evacuationis & exinanitionis,

(r) *Vindication of the holy and everblest Trinity, and the incarnation of the Son of God. Lond. 1690. 4.* Infinitas auctor excitavit turbas, quippe qui *Tritheismum* aperte docuit; ejusque a D. Southo accusatus in *Tritheism charged upon Dr. Sherloks book*:
Vin-

nititionis, absque læsione veritatis, dicere poterat, se ignorare illa, quæ divinis attributis utens, non ignorabat. Nihil itaque, quod dogmati, *Christum* esse θεανθρωπον, contradicat, hic adseritur.

§. VII.

Cum sub finem seculi superioris *Arianorum* placita in *Anglia* renascerentur, Vir quidam eruditus W. SHERLOCKIUS, ecclesiæ Paulinæ *Londinensis* Decanus se iis fortissime, quamvis haud felici successu, opposuit (r). Neque argumentum adversariorum, de quo nobis agendum, intactum reliquit. Quæ profert, ad sequentia capita reduci possunt: I. *Christum* habere propter unionem personalem duplicem intellectum, divinum & humanum, quorum ille omnia sciat, hic multa ignorare possit. II. *Christum* opponere in locis *Matth.* & *Marc.* cognitionem creaturarum cognitioni Patris. III. Sermonem esse de *Christi* humana natura, non de divina. Quæ quamvis vera sint, addit tamen nonnulla, quæ potius excusanda quam imitanda sunt.

F 4

Dicit:

Vindication &c. Lond. 1695. 4. ab Ed. Stillingfleet tamen in *discourse in vindication of the doctrine of the Trinity: Lond. 1697. 8. excusatus est. Conf. Ven. C. M. Pfaffii* introd. in hist. theol. litt. lib. 2. p. 313 sq. Ven. J G Walchii, *Einleit. in die religions-streit*, tom. 4. p. 206 sq.

Dicit : “ Aliquid ignorare , cum perfecta
 „cognitione conciliari nequit. . . . quod
 „si (Filius) esset verus ac perfectus Deus ,
 „ejusdem cum Patre substantiæ , nullius
 „rei ignarus esse posset. “ (s) Paucis inter-
 jectis addit : “ Durum sane est dictu , Fili-
 „um , qui unica tantum est persona , quam-
 „vis duas habeat naturas , non id cogno-
 „scere , quod cognovit sive ut Deus sive ut
 „homo. Sed vera tamen vel hæc respon-
 „sio esse debet , vel meliorem invenire
 „ignoro. “ (t). Quæ non ita intelligenda
 sunt , ac si auctor negaret Filium esse ve-
 rum

(s) *To be ignorant of any thing , cannot be reconcil'd
 with a perfect Knowledge , - - - at were he true
 and perfect God , of the same substance with his Fa-
 ther , he could be ignorant of nothing. lib. cit. p. 198.*

(t) *'Tis very hard , that the Son , who is but one
 person , tho he have two natures , should be said
 not to know , what he did know , whether he knew
 it as God or as man. But this must be the true
 answer , or I know not , how we shal find a
 better. Ibid. p. 199.*

(u) Non desunt inter nostrates , qui quamlibet in
 Deo personam substantiam vocant , quorum ver-
 ba mitiganda esse videntur. Minime probatur
 mihi ratiocinium , quo Polyc. Lyserus in amoenit.
 literar. reliquiis , spec. 12. p. 212, adstruere cona-
 tur , mysterium Trinitatis esse contra rationem ;
 interim ansam præbuit ei condendi demonstratio-
 nem suam , assertio , quamlibet personam esse
 substantiam. Cl. C. A. Büttnerus Sedinensis est u-
 nus ex iis , qui personam in Deo vocat substan-
 tiam

rum Deum. Statuit enim, in Trinitate esse tres infinitas mentes, & tres distinctos Spiritus; quorum singuli sunt substantia; hinc, quamvis hoc sit error *Trintheistarum*, secundum mentem auctoris, Pater alia est substantia ac Filius, sed Filius est ejusdem essentiae, seu cum Patre & Spiritu sancto constituit Deum Trinunum (u). Porro in subsumptione auctor vitium commisit. Subsumendum fuisset: si *Christus* verus Deus, & non homo simul in una persona esset, nullius rei ignarus esse posset. Nam quatenus est Deus, est omniscius, sed quate-

F 5

nus

tiam completam incommunicabilem, nihilo tamen minus Deo unicam adscribit substantiam. Quæ si vera essent, mysterium hoc omnino contra rationem esset. Uberiori sane disquisitione opus esset, nisi demonstratio hujus theorematis, quam suppeditavit *curf. theol. tom. 1. §. 136. p. 172.* aliquo laboraret vitio. Sunt verba ejus: „Pater est Deus, F est Deus, & Sp. S. est Deus, „Deus vero est substantia; Ergo Pater est substantia, Filius est substantia, & Spiritus S. est „substantia.“ Quæ si in formam syllogismi redigimus, Major erit: Deus est substantia, ubi vox *Deus* non personam sed Deum trinunum, ens summum trinum denotat. Minor erit: Pater est Deus. Hic vox *Deus* alium habet conceptum; non amplius ens summum trinum, sed personam, quæ est in Deo trinuno indicat: In majori ergo alium ac in minori habet conceptum, hinc insunt syllogismo quatuor termini. Conf. *Tractat. Abhandl. von der Relig. der H. u. d. C. part. 2. §. 31. p. 93sq.*

nus homo, ens limitatum, ergo nec omniscius. Ultimū denique quod attinet, in responsione, quam adversariis dedit, parum fiduciæ collocare auctor videtur. Sed quare durum sit dictu, *Christum* qua hominem quædam nescire, quæ ipsi, cum communicatis sibi divinis utitur attributis, nota sunt, nullus video. *Christum*, qui Deus est, qua hominem crevisse sapientia, eumque, qui Deus est omnipotens, ab hominibus captivum ductum & morti traditum esse, dicerene licet?

§. VIII.

Inter adversarios SHERLOCKII fuit vir eruditione & scriptis clarus THOMAS EMLYNVS, apud Dissidentes, qui *Dublino* sunt, verbi quondam divini minister, sed ab officio ecclesiastico remotus (w). Hic illi peculiarem librum de supremo Deo Patre (x) opposuit, in quo & in ea, quæ
SHER-

(w) Ob librum editum *Arianismo* faventem: *An Humble Inquiry into the scripture-account of I. C. or a short Argument concerning his Deity and Glory, according to the Gospel.* 1702. 8. & tom I. opp. p. 81. sq. Vitam hujus Viri exponit Filius Sollom Emlyn, in *memoirs of the Life and Writings of Mr. Thomas Emlyn.* nec non ipse auctor in *narrative of the proceedings of the Dissenting Ministers of Dublin against Mr. Th. Emlyn* 1719. 8. & Vol. I. opp. p. 1 sq. quæ 1746. quarta vice recusa sunt.

SHERLOCKIVS de locis *Matth. & Marci* supra explicatis, commentatus est, inquit. Ambabus arripit manibus, quæ ille aliquo modo concessit, Filium nimirum cum Patre non esse ejusdem substantiæ, sed sensum verborum detorquet. Longe enim alio modo SHERLOCKIVS *Tritheista*, verba sua vult intelligi, ac EMLYNVS *Arianus* illa exponit. §. 7. Ad caput I. regerit EMLYNVS: “ Quodsi nobis licet, affirmare de „ persona Christi, quod unius tantum na- „ turæ est proprium, quare non potius dica- „ mus, Filium novisse diem, quia una ejus „ natura illum scivit? “ (y) Verum concedimus, & nos & Christum dicere potuisse, se scire diem. Cum vero contrarium affirmavit, & hoc veritati consentit. Utrumque verum est. Quemadmodum enim de persona prædicari possunt, quæ alteram tantum naturam concernunt proprie; sic &

(x) The supreme Deity of God the Father demonstrated, 1707. 8. & tom. I. opp. 333 sq.

(y) If we may affirm of the Person what belongs to one nature only, why should it not rather be said, that the son also Knew of that day, if he Knew it in one nature? l. c. p. 358. Format nimirum argumentum καὶ ἀνθρώπων, siquidem Sherlockius l. c. p. 201. asseruerat: the incarnate Word being but one person, whatever belongs to either nature, may truly be affirmed of his person, tho it be not true with respect to more than one nature.

& de persona negari possunt, quæ de altera natura tantum neganda sunt. Si diceretur Filius hominis scire diem, denominata persona ab humana natura, explicandum hoc foret per κοινωνίαν τῶν Θεῶν, quæ ad primum genus communicationis idiomatum refertur. Cum vero contrarium dicitur, explicandum hoc e natura & indole status exinanitionis, in quo idiomatum divinorum non est perpetuus usus. Cum itaque *Christus* filius hominis a divina natura communicata omniscientia non uteretur, verissime dixit se nescire diem: alias enim se non usu perfectionum divinarum abdicasset, sed illas tantum occultasset.

§. IX.

Contra caput II. (§. 7.) objicit (z): si *Christus* Creaturas Patri opponit, & Filius Dei Patris est unus ex illis, qui Patri opponuntur, Filius Dei Patris est Creatura. Ergo non verus Deus. Meris autem fallaciis

(z) Ibid. p. 356.

(a) Vindication of the Deity of J. C. Dublin. 4. p. 99sq.

(b) Sermons p. 133. E controversia quam cum S. *Clarckio* aluit notissimus est, quo demortuo adversarium nactus est, qui se Clericum nominat, qui *Jacksonius* esse putatur. Non longe is abest ab *Arianismo*, siquidem ita cruciavit, ut ministri Ecclesiæ eum ad communionem sacrorum admittere recusarint. Conf. *A narrative of the Case of the*

ciis superstructum est argumentum. 1) Non largimur auctori, per Patrem intelligi Patrem ὑποστατικῶς; sed est nomen summi Dei. 2) Neque concedimus, per υἱον intelligendum esse Filium Patris ὑποστατικόν, sed Filium hominis, seu concretum personæ ab humana natura denominatum. 3) Denique argumentum hoc modo limitandum est: Si *Christus* creaturas Deo Trinuni opponit, & Filius hominis est unus ex illis, qui Patri opponuntur; Filius hominis seu humana natura est creatura, quod concedimus.

§. X.

IOH. BOYSENIUS Dublinensium V. D. minister, variis contra *Arianos* scriptis celebris, in vindiciis Deitatis Christi EMLYNNO sese opposuit, (a) cui sese adjunxit celebris ille in controversia de S. S. Trinitate propugnator D. WATERLANDVS (b), qui sua a *Boysenio* mutuo sumsit. Hoc par
VIRO-

the Rev. Mr. Jackson, being refused the sacrament of the Lord's supper, by Dr. Coney, quam relationem Jacksonius in defensionem opinionum suarum edidit. Prodiit 1736 biographia Waterlandii: s. t. Memoirs of the life and Writings of Dr. Waterland. by a Clergyman. Sed de eo, quod titulus mentitur, ne γὰρ quidem legitur. Est foetus ejusdem Jacksonii, qui librum Christian liberty asserted, and the scripture doctrine of the Trinity vindicated, defendit contra animadversiones Waterlandii.

virorum præstantissimorum in eo cum SHERLOCKIO consentit, servatorem nostrum de humana sua natura loqui. Addunt vero, terminos *ἐι μὴ* & *μὲν* non strictissime omnes alios, qui sunt cum Patre ejusdem essentiae, excludere. Opposuit EMLYNVS examen eorum, quæ BOYSENIUS & WATERLANDVS docuerunt. (c) Objicit primo, Filium hominis & Filium Dei esse unam personam, unum subjectum sub duplici nomine (d). Quæ quidem verba verum sensum habere possunt; sed auctor noster illa suo more intelligit; nimirum Christum esse Dei Filium secundum humanam naturam, quia patrem in terris non habet, secundum eandem naturam esse quoque Filium hominis, quia e matre natus est; & ne sine fundamento ista

(c) *An examination of Mr. Boyse's answer to the objection* qui Tractatus octo paginarum post annum 1707 scriptus, adhæret alteri s. t. *general Remarks on Mr. Boyse's vindication of the true Deity of our blessed savior.* 1704. prima vice edito.

(d) *The Son of man and Son of God are not two, but one and the same subject on person under two names; as the Son of Joseph and the Son of Mary, bey the Jews opinion of him, did not mean two Sons, but one and the same.* Vol. I. opp. p. 189.

(e) Referri huc meretur Thomas Bennetus, qui in *discourse of the everblessed Trinity in unity* Lond. 1718. 8. cum Arianis quidem congressus est, attamen non semel exorbitavit. Plane singularia sunt, quæ cap. 9. p. 128. de quiete verbi Dei in Christo

ista asserere videatur, provocat ad Luc. I. 30. Verum locus iste demonstrat, tum generationem humanæ naturæ fore non secundum naturæ cursum, sed supernaturalem & miraculosam, tum Filium *Mariæ* non solum esse sanctum, sed & fore ut pro filio Dei haberetur, fore ut ab hominibus agnosceretur non solum pro filio *Mariæ*, hoc est, vero homine, sed & pro Filio Dei, h. e. vero Deo. Tantum abest itaque, ut auctor assertionem suam probaverit, ut potius contra illum militet, ad quem provocavit, *Lucæ* locus. Interim plures esse in ecclesia Anglicana, qui cum auctore consentiunt, *Christum* secundum humanam naturam esse filium Dei, negari haud potest (e).

§. XI.

Christo differit. Quanam ratione *Christum* pro Filio Dei habeat, sequentibus declarat. pag. 109. *Christ is God's only begotten Son, as to his humane nature, because as truly begotten by God, as we are by our natural fathers. nec non p. 217. The eternal generation of the world is not found in scripture, nor is he called the son of God upon any account antecedent to the incarnation. In aliam quidem, sed tamen parum diversam deflectit viam vir cel. Georg. Bensonius qui de Filio Dei differit in the reasonableness of the Christian Religion as delivered in the scriptures, pag. 295. edit. 1746. the scripture doth veri clearly call J. C. the son of God, upon these three accounts, his miraculous conception, his resurrection from the dead on the third day, and his being the Messiah.*
Upon

§. XI.

Secundo objicit *Emlynus*, (f) locum *Marci* non de Filio hominis, sed de Filio Patris intelligendum esse, quia *Christus* se tum simpliciter appellet υἱον, tum statim Patris injiciat mentionem. Quid autem respondendum sit, jam in explicatione hujus dicti §. 5. ostensum est. Quod si nexus habuisset auctor rationem, argumentum suum nihil fundamenti habere perspicere potuisset. Idem *Christus*, qui in præcedentibus se υἱον ἀνθρώπων bis nominarat, & hic loquitur, & in eodem respectu, ergo & hic υἱος per terminum compositum υἱος ἀνθρώπων explicandum est.

§. XII.

Tertio & in particulis exclusivis aliquid fundamenti sibi quærit, atque tum
parti-

Upon the lost of these accounts he is most frequently stiled the son of God. Nec abs re erit, hic eorum nonnulla legere, quæ olim *Socinianis* visa sunt. *Fauslus Socinus*, quemadmodum in Dissertatione de unigeniti Filii Dei existentia, qua *Erasmio Johannis* respondit, tom. 2. opp. p. 489. inquit, an *Christus* ante nativitatem a *Maria* fuerit unigenitus Dei Filius, sic in *Relig. Christ. breviss. institutione* tom. 1. opp. p. 654. declarat, quam ratione *Christum* pro Filio Dei agnoscat: *Divina ista*, inquit, *Christi Filiatio* eatenus tantum ad ejus naturam aliquo modo referri potest, quatenus id respicit, quod *Christus* divini Spiritus vi, sine viri ope in virginis utero conceptus

particulis exclusivas *ἐἰ μὴ* & *μονος* esse universales, & duplicem exclusionem omnes, præter unum Deum Patrem, excludere; tum per Patrem significari primam Deitatis personam, hinc, si Filius & Spiritus S. essent in Deo, a summo Deo tamen Patre distingui & excludi, adeoque Patre esse inferiores, contendit (g). Ad primum quod attinet, particulis istis omnes in universum excludi, qui non sunt verus Deus, seu divinæ essentiae, non nego. Sed verbum Dei, seu divina *Christi* natura est divinæ essentiae. Ergo non excluditur. Quodsi negatur minor: jamne demonstrandum præsupponitur? Ad alterum respondeo, nos supra jam, per Patrem hic Deum Trinunum significari demonstrasse §. 5. Sunt

ceptus & formatus sit. Nam hujusce rei causa cum Dei filium vocatum iri, ipsius Dei Angelus ipsimet virgini, ex qua natus est, prædixit, & quidem consequenter Dei filium proprium & unigenitum. Ejusdem fere commatis sunt quæ leguntur apud J. L. Wolzogenium comment. in Evangel. Matth. tom. I. opp. p. 393. & in declarat. duar. contrar. sentent. de nat. & essent. Dei, cap. I. tom. 2. opp. p. 17. Quæ si sibi invicem comparantur, novos esse quidem adversarios, sed antiqua tela, omnino apparet.

(f) pag. 191.

(g) Ibid.

G

Nov. Bibl. Lub. Vol. II.

Sunt quidem inter Anglos, qui hic per Patrem primam personam intelligunt, ut BOYSENIVS (b) & WATERLANDVS (i); sed hi aufugiunt ad abstractionem aliquam, ut Pater hic abstractive citra respectum ad Filium & Spiritum S. hoc nomen gerat; sed amplum adversariis spatiosumque excursandi campum aperiunt, distinctione ista nimis subtili.

§. XIII.

Non absque animadversione dimitendus, cujus supra mentionem feci, JACKSONIVS, qui sub larva alicujus *Country-Clergyman* latere voluit; qui nos docet, verba ista esse validissimum testimonium falsitatis, nec non confutationem totius systematis, quod WATERLANDVS orthodoxiam appellavit; Filiumque, ipsum Dominum nostrum, unicum veritatis doctorem, hic declarare, patrem, qui est super omnia,
&

(b) L. c. p. 100.

(i) Sermons p. 133.

(k) *These Texts therefore are an irrefragable testimony against, and Confutation of the whole scheme of what he calls Orthodoxy; the Son, our Lord himself, the only teacher of Truth declaring - - that the Father, who is above all, and greater than the Son, is superior in Knowledge also. Memoir of the life of D. W. by a Clergyman, p. 94.*

(l) Sta-

& major filio, esse superiorem in cognitione (k). Non aliam nisi humanam in *Christo* agnoscit naturam, atque distinctionem inter humanam & divinam naturam errorem *Cerinthianum* vocat. Non est, quod multa huic adversario, cui sua probare moris haud est, regeramus. Concedimus *Christum* Patre esse inferiorem cognitione humanæ naturæ propria. Non dari vero in *Christo* divinam naturam, auctor neque probavit, neque per assertionem, quod sit dogma *Cerinthianum*, probatur. Quo vindictam suam exerceat, WATERLANDVM, qui ipsum *Arianismi* reum fecerat, *Cerinthianismi* accusat; sed infausto fidere, nam vel errores *Cerinthianorum*, vel dogmata orthodoxorum ignorare eum oportet, qui ita eruât (l).

G 2

§. XIV.

(l) Statuerunt *Cerinthiani*, sub finem seculi primi nati, *Jesum* esse filium *Josephi* & *Mariæ* naturalem; *Christum* vero in eum descendisse in baptismo, atque miracula fecisse, postea vero a *Jesu* iterum avolasse. Ejusmodi vero somnia, quicquid doctrina de unione naturarum in *Christo*, comparare audet, si permagnæ aut proterviæ aut ignorantiae accusetur, haud ægre ferat. Conf. Ven. D. Baumgartenii *Kirchengesch.* tom. 1. §. 99. p. 456. *Thomæ Ittigii* Diss. de hæresiarch, sect. 1. cap. 5. p. 60. edit. 1703. 4.

§. XIV.

Viros in *Anglia* eruditissimos magnique nominis & auctoritatis eo delabi, ut fere ad *Arianorum* castra transeant, sane est dolendum. Libertatem sentiendi esse præstantissimum bonum, non diffiteor, quam lubentissime potius cl. JOH. LELANDO (*m*) adfensum præbeo. Sed ubi libertas in licentiam degenerat, eaque ad defendendos errores libertatis amatores abutuntur, malum hoc esse judico, quod malorum fere est pessimum. Quænam sunt veritates, quæ a libere cogitantibus non in discrimen vocatæ sunt? Alii hoc modo libere cogitant, & omnem revelatam religionem rejiciunt; alii alio modo, & negant mysterium Trinitatis atque in libertate cogitandi patrocinium quærunt. Referunt huc licentiam sacras litteras pro lubitu interpretandi, neque alias loquendi formulas, quam quæ in scriptura expresse leguntur, adhiberi volunt (*n*). Quo eo deducuntur, ut dum dogmata sua defendunt, arma ab ipsis Judæis

(*m*) Præf. ad *divine authority of the O. and N. T.*
Lond. 1742. 8.

(*n*) Poscit *Jacksonius* l. c. p. 103: *let the scripture declare their own doctrine in their own Words, and not in the Words of either Dr. W. or of the Country*

dæis mutuo fumant (o). Habeant Angli
suam, de qua glorianur, cogitandi liberta-
 tem; nam si illorum vestigia premere vel-
 lemus, vel omnem religionem, vel Deita-
 tem Servatoris nostri æternam brevi tempo-
 ris spatio amissuri essemus: quod malum
 D. T. O. avertat!



G 3

III.

try Clergyman: and let this doctrine be the only
receiv'd Doctrine of the Church. Sed anguis latet
 sub herba. Verba scripturæ, sed placita sua pro-
 ferunt adversarii.

(o) Vid. Chissuck Emunah R. *Isaaci* in *Wagensæilii*
 telis ign. Satanæ, p. 423.



III.

LVDOVICI CHRISTIANI STIEGEHAVSII,

Corbaccensis Valdecci

S P E C I M E N

Observationum philologicarum
in sacros Novi Foederis libros. (*)

Ευαγγέλιον κατὰ Ματθαῖον.

Non satis constituere possum, quæ sit eorum sententia, aut quid sibi velint, qui interpretantur: secundum, vel iuxta Matthæum, & cum erudito Elsnero Observat. in N. T. p. i. ingenue fateor, me horum nihil intelligere. Contendunt videlicet

(*) Specimen hoc *bibliothecae Lubecensis* auctoribus inferendum miserat auctor V. cl. Gymnasii Slesuicensis Con-Rector hodie meritissimus, quorum ex manibus acceptum, quod grato agnoscimus animo, *bibliothecae huic lubecensi novae* inferere minime dubitauimus. Siue enim huius ornandae, siue auctoris ipsius eiusque eruditionis minime vulgaris, siue etiam speciminis huius haberemus rationem, nihil, quo consilium hoc impediretur, inuenire potuimus. O.

licet, singularem quandam vim huic circui-
tioni inesse : sed si rem ex vero æstimabi-
mus, egregie falluntur, nam grauiorem
significationem ibi quærere, vbi nulla est,
æque vitiosum duco, ac eam temere ne-
gligere vbi habetur. Præterea id, quod
obscurius dictum putant, longe obscurius
explicant, quando plane præpostere lucem
obscuritati, quam sibi fingunt, afferre stu-
dert, vel potius luci tenebras offundunt.
Vt vera saltem aliqua ex parte perspicue
loquantur, & inconcinnam istam interpre-
tationem emolliant, vertendum censent :
Prout scripsit Matthæus, in quibus est
ALEXANDER MORVS in *Notis* ad quæ-
dam loca N. T. p. 6. Num, quæso, ora-
tiones Ciceronis aliæ sunt, ac prout Cicero
scriptas nobis reliquit ? Cuiusvis alius po-
tius erunt quam Ciceronis, si non ita nobis
traditæ sunt, quam ipse litteris mandauit.
Merito hæc repudiauit DRVSIUS, & ut
Hebraice erat peritissimus, conuenientiam
præpositionis *κατά*, & Hebræorum ל sibi
deprehendisse visus est. *Præteritorum Lib.*
I. p. I. ל nempe interdum possessionem
tribuere ei de quo vsurpatur, & per gene-
randi casum exprimendum. Verbi causa
לחם מזור *cantio Asaphi Psalm LXXIII.*
vel Ps. LXXXVI. תפלה לרור *precatio Da-*
uidis. Huic occurrit MAIVS Exam. Hist.
Crit. N. T. p. 24: Qui cum DRVSI O He-
brais-

braismum asserunt, vel ideo assensum non merentur, quia LXX interpretes, quos Hebraismi vel Hellenismi auctores vulgo faciunt, eam loquendi formulam ignorarunt, quum nuspiam habeant, *Ψαλμὸς κατὰ τὸν Δαβίδ*. Nec propterea *λ* cum *κατα* conferri potest, quia illud, vt plenior sit constructio, requirit *אשר*. Ita enim habet inscriptio cantici: *שיר השירים אשר לשלמה* *Canticum canticorum Salomonis.* 2 *Samuel.* XXIII. 8. *אלה שמות הגבורים אשר לדוד*. *Hac sunt nomina Heroum Davidis.* 2 *Sam.* II. 8. *שר-צבא אשר לשאול*. *dux exercitus Saulis.* Sed quid opus est aliunde auxilia accersere, quum domi satis copiarum sit? Certe diligentissimus ille Thessalonicensium Archiepiscopus, qui iamdudum suo exemplo ostendit & probavit, exactam litterarum, quæ ab humanitate nomen habent, peritiam, vitæ probitati, & sacrorum mysteriorum cognitioni nullum detrimentum afferre: contra quam quidam perverse sibi persuadent, qui diligentissime cauendum censent, ne scriptorem Græcum, vel Latinum, a nostris sacris alienum, attingant, ne forte istius lectione vitium contrahant, & aliquid de perfectione rerum diuinarum scientiæ, a qua tamen longe absunt, diminuant: Ille inquam EVSTATHIUS, quum plurimos scriptores in egregiis suis in Homerum com-

men-

mentariis citat; sæpe numero præpositio-
nem κατὰ accusandi casui iunctam, pro se-
cundo casu adhibet. Cuius auctoritate eo
libentius vtor, quod neminem ex omni an-
tiquitate novi, qui maiorem Græcarum lit-
terarum habuerit intelligentiam. Ita vero
ille: Iliad. K p. 720. lin. 2. Πανσανίας ἐν
ΤΩ ΚΑΤ ΑΥΤΟΝ ΡΗΤΟΡΙΚΩ ΛΕΞΙΚΩ. *Pau-
sanias in suo Lexico rhetorico. Iliad. E p. 967.
lin. 9. Καὶ τίς Αἰσχύλος, ἔγ' ὁ ἐξ Αῤῥηνῶν,
ἀλλ' ὁ Ἀλεξανδρεὺς, ὡς ἡ ΚΑΤΑ ΑῤῥΗΝΑΙΟΝ
ΙΣΤΟΡΙΑ δηλοῖ. Et Aeschylus quidam, non ille
Atheniensis, sed Alexandrinus, ut Athenaei
historia testatur. Iliad. B. p. 181. lin. 30.
Αἰλῖος Διονύσιος ἐν ΤΩ ΚΑΤ ΑΥΤΟΝ ΡΗΤΟ-
ΡΙΚΩ ΛΕΞΙΚΩ. *Aelius Dionysius in Lexico
suo rhetorico. Iliad. B. p. 259. lin. 35. Οὐ
μνεία καὶ ἐν ΤΟΙΣ ΚΑΤΑ ΛΥΚΟΦΡΟΝΑ. Cu-
ius ὅτι fit mentio in scriptis Lycophronis. Iliad.
M. p. 858. lin. 30. ο κείσθαι λέγει Αῤῥήναι-
ος ἐν Τῇ ΚΑΤΑ ΗΣΙΟΔΟΝ ΜΕΛΑΜΠΟΔΙΑΙ.
quod occurrit, teste Athenæo, in Hesiodi Me-
lampodia. vid. Athen. Lib. XI. p. 498. Α.
nempe σκύφος & σκύπφος, inserto π, dixe-
runt veteres. Iliad. Ψ. pag. 1447. lin. 22.
Τιμοκρείων ἐν ΤΟΙΣ ΚΑΘ ΕΑΥΤΟΝ. ut habet
Timocreon in suis libris. Iliad. N. p. 891.
lin. 43. ὡς δηλοῖ Ξενοφῶν ἐν ΤΟΙΣ ΚΑΤ
ΑΥΤΟΝ ΥΠΟΜΝΗΜΟΝΕΥΜΑΣΙ. Ut ostendit
Xenophon in suis de vita ὅτι factis Socratis
commentariis. Iliad. Ψ. p. 1397. lin. 45. ὁ**

καὶ ΗΣΙΟΔΟΣ δηλοῖ ἐν ΤΟΙΣ ΚΑΘ' ΕΑΥΤΟΝ.
*quod declarat Hesiodus in suis libris. Iliad. Ω.
 pag. 1501. lin. 46. Ο ΚΑΤΑ ΤΟΝ ΔΙΟΓΕΝΗ
 ΠΙΘΟΣ. Dolum Diogenis. Diodorus Siculus
 scriptor & elegans & copiosus, Lib. XVII.
 p. 645. Περδίκκας δὲ πυθόμενος ΤΗΝ ΚΑΤΑ
 ΤΟΝ ΕΥΜΕΝΗ ΝΙΚΗΝ πολλῶ θρασύτερος ἐ-
 γένετο πρὸς τὴν εἰς Αἴγυπτον στρατείαν. Per-
 diccas accepto nuncio de victoria Eumenis,
 longe cupidius expeditionem in Aegyptum susce-
 pit. Lib. III. p. 141. subfinem. Διελθόντι
 τὴν εἴσοδον θεωρεῖσθαι μὲν ἄνθρωπον ἀναπεπλα-
 μένον, καὶ τὴν ΚΑΤΑ ΤΟΝ ΗΛΙΟΝ Αἴθρην
 περιλαμπόμενον. Per ostium ingresso, aperit se-
 aurum latum habens aditum & solis splendore
 undique collustratum. Quis quæso intellige-
 ret, si verteres, victoria secundum Eume-
 nem, splendor secundum vel iuxta solem?
 Nihil obscurius, & ab indole Latinæ linguæ
 magis alienum. In procliui esset ostende-
 re, Græcos & aliis particulis περί, ἐκ, ἀπό,
 παρὰ, vti ad secundum casum exprimen-
 dum, sed hæc commodiori loco & tempori
 reseruabimus.*

Matth. II. 10.

Ἐχάρησαν χαρὰν μεγάλην σφόδρα.

VORSTIUS Philolog. Sacr. Part. II. p.
 194. contra PFOCHENIVM disputans con-
 tendit, hanc phrasin in Hebraïsmis nume-
 randam

randam esse. Concedit quidem, nomen, si verbo, vnde deductum est, iungatur, Atticorum more fieri: quod confirmat EV-
 STATHIUS Iliad. I. p. 630. lin. 38. Iliad.
 B. p. 263. lin. 49. Sed μέγα vel σφόδρα
 addi, id ab Atticis fieri negat. Enim vero
 Adiectivum, in hac constructione, apud
 Græcos, augendæ significationis gratia ad-
 di, inusitatum non est. LIBANIVS epist.
 LXXX. centuriæ, quam omni genere lau-
 dis excellens VOLFIVS edidit, pag. 259.
 βοηθεῖν μείζους βοηθείας, *maiore auxilio tue-
 ri.* ALCIPHHRON. Lib. I. epist. 28. p. 116.
 πῶς ἔν τακερὸν βλέπεις βλέμμα, *cur igitur
 molliter me intueris.* Lib. II. ep. 3. pag. 226.
 δεῖταιί με πάσας δεήσεις, *omnibus modis a
 me petiit.* ARISTOT. Polit. III. cap. XI. p.
 284. μεγίστας ἀρχὰς ἀρχουσιν *maximos ma-
 gistratus gerunt.* PLATO in Axiocho p. 732.
 Α. πᾶσαν αἰκίαν αἰκίζομενοι *omnium poena-
 rum afflicti cruciatibus.* Apolog. Socrat. p.
 367. Α. εὐεργεθεῖν τὴν μεγίστην εὐεργεσίαν,
maximum beneficium præstare. ARISTOTEL.
 Lib. II. de coelo cap. XII. pag. 241. κινεῖται
 πλείους κινήσεις *pluribus modis movetur.* paulo
 post: ἐλαχίστας κινεῖσθαι κινήσεις, *minimis
 modis moveri.* PLVT. Cat. min. p. 790. F.
 δεινὸς πόνος ἐπόνει, *maximos labores exantla-
 vit.* XENOPHON EPHESIUS scriptor e-
 legans & festivus, suavitæ sermonis Atti-
 tico fere par, Lib. II. p. 33. Ερᾷ ὁ Κόρυμβος
 τῶ

ὁ Ἀβροκομὸς σφοδρὸν ἔρωτα. *Corumbus A-*
brocomen mirifice amat. Cuius generis infi-
 nita vbivis sunt obvia. Sic & Latini dicunt
magnam pugnare pugnam, capitale fraudem
frausi. Vid. VECHNER. Hellenolex. Lib.
 I. cap. 22. p. 152. Sic vindicatam ab He-
 braismi suspicione puto phrasin καὶ ἐχάρη-
 σαν χαρὰν μεγάλην. vt occurrit: 1 Paralip.
 XXIX, 9. וְגַם דָּוִד הַמֶּלֶךְ שִׂמַּח שִׂמְחָה
 גְּדוֹלָה. Et David rex gavisus est gaudium ma-
 gnum. Restat, vt additum σφοδρὰ Græcum
 esse demonstremus. Quem enim locum
 produxit LEVSDENIVS in clave N. T. p.
 17. Gen. XXVII. 33. וַיַּחֲרַד יִצְחָק חֲרָדָה
 מְאֹד עַד גְּדֻלָּהּ. Et tremuit Isaac tremorem
 magnum usque valde, huc referendus non
 est. Sic enim scribendum fuisset ἕως σφο-
 δρὰ. Melius congruunt, quæ leguntur Ios.
 X. 20. וַיְהִי כִכְלַת יְהוֹשֻׁעַ וּבְנֵי יִשְׂרָאֵל
 לַחֲכַת מַכָּה גְּדוֹלָה מְאֹד. Et factum est,
 quum absolvisset Josua & Filii Israel percutere
 eos clade magna valde. Vnus locus ex scri-
 ptore Græco allatus rem conficiet, siquidem
 semel in toto codice novi instrumenti hæc
 locutio reperitur. ARISTOPHANES, Co-
 micus non minus facetus quam elegans, &
 Attici leporis plenus, *Pluto* Act. II, Scen. IV.
 Καὶ μὲν λέγω ΔΕΙΝΟΤΑΤΟΝ ΕΡΓΟΝ ΠΑΡΑ
 ΠΟΛΥ
 Εργων ἀπάντων ΕΡΓΑΖΟΜΕΘ' εἰς τὸν Θεόν
 Ερημον ἀπολιπόντες ποί φευξέμεθα.

Ego

*Ego vero dico turpissimum facinus præ cæteris
Facinoribus omnibus facimus, si Deum
Solum relinquentes fugam adornabimus.*

παρὰ πολὺ & σφύδρα idem significare ne-
mo ambiget. ἐργάζεσθαι postpositum esse
ab Aristoph. quilibet exigente carminis
lege factum videt.

Matth. IV. 16.

Τοῖς καθήμενοις ἐν σκιά θανάτου φῶς ἀνέ-
τειλεν αὐτοῖς.

Hebræorum verbum ישב & sedere & ha-
bitare significat. Ezech. XXXVII. 25.
ויושבו על הארץ אשר נתתי לעבדיו
ליעקב אשר ישבו אבותיהם. *Et habitabunt
in terra quam dedi servo meo Jacobo, in qua
habitarunt Patres eorum.* Sed inde non se-
quitur, Hebraïsmum esse, si verbo καθήσ-
θαι Græci easdem significationes tribuunt,
sed potius existimandum, in hac locutione
Græcam linguam cum Hebræa convenire.
LIBANIVS epist. XVI. centuriæ quam sum-
mus VOLFIUS illustravit, p. 37. Σὺ μὲν
γὰρ ἤδεις, ὅτι καθήμενοις ἐπέτελλες, ἡ-
μῖν δὲ ἔκ ἦν ταυτὸ πρὸς ἄνδρα ὁδῶ χρώμε-
νον. *Tibi constabat, ubi habitabat, ad quem
scriberes, mihi vero ignotum erat de viro iter
faciente.* Idem epist. C. p. 297. ἀλλὰ τοι γὰρ
μὲν ἄλλος κινῶ, καὶ πέμπω, ΚΑΘΗΜΑΙ δὲ
ὑπὲρ

ὑπ' ἀνάγκης ἐνθάδε τοιαῦτα ἀπολαύων τῆς κεφαλῆς. *Insuper vero alios excito, ὅς μιντο, quamvis ipse heic commorer, necessitate coactus quum ex capite laborem. Idem Epist LV. p. 164.* Μάλιστα μὲν γὰρ ἔδει καὶ οἱκοι ΚΑΘΗΜΕΝΩι Μικάλω προσελθεῖν τι τῶν τοιούτοις πρεπόντων. *Siquidem Micalo domi remanenti aliquid eorum obtingere debebat, quibus digni sunt eius similis. Pindar. Olymp. I, epod. 3.*

Θανεῖν δ' οἷσιν ἀνάγκη
τί κε τις ἀνώνυμον γῆρας ΕΝ ΣΚΟΤΩι
ΚΑΘΗΜΕΝΟΣ ἄψοι μάταν, ἀπάντων
καλῶν ἄμμορος.

*Mori autem quibus necesse est
Cur aliquis ignobile senium in tenebris
Sedens transfigat frustra, omnium
honestarum actionum expers.*

PHALARIS Epist. CIX. Εξὸν σχολὴν ἄγειν ΚΑΘΕΖΟΜΕΝΟΝ, καὶ μὴ θερμολέρων ἀπτεσθαι πραγμάτων, ἢ ποιηταῖς πρέπει. *Nunc otio frui poteris, ὅς domi te continens cave graviora negotia suspicias, quam quae poetam decent. ALCIPHR. epist. XXV. Lib. I. p. 102.* Κρεῖττον γὰρ ἐπανήκειν ἐκ Βοσπόρου καὶ Προποντίδος νεόπλετον, ἢ ΚΑΘΗΜΕΝΟΝ ἐπὶ ταῖς Ἀττικαῖς ἐσχατιαῖς λιμῶδες, καὶ αὐχμηρὸν ἐρυγγάνειν. *Melius est ex Bosporo ὅς Propontide novis divitiis auctum redire, quam in Attico littore commorantem famelicum ὅς siccum ruετα-
re.*

re. XIPHILINVS in Iulio p. 21. ΚΑΘΗΜΕ-
 ΝΟΥ δὲ αὐτοῦ ἐν τῇ Ρώμῃ, ἄραντες ἐκ Καρ-
 πανίας οἱ στρατιῶται, ἐπήεσαν τῇ Ρώμῃ μη-
 δὲν Φειδόμενοι. *Quum Romae esset, milites*
sublatis ancoris versus Romam vela dederunt,
et impetu facto nemini pepercerunt. Præterea
αὐτοῖς videtur more Hebræorum abundare.
 ולרן וכפר שמים מי ולרן Iob. XXXVIII. 29.
pruinam coeli, quis generavit eam. Sed & Græ-
cos ita loqui ostendit doctissimus RAPHE-
LIVS in notis Xenophonteis p. 14. Adde
Sophocl. Oed. Tyr. vf. 287.

Καὶ ταῦτα ΤΟΙΣ μὴ ΔΡΩΣΙΝ ἔυχομαι θεὸς
 Μητ' ἄροσον ΑΥΤΟΙΣ γῆν ἀνιέναι τινά

Et haec non exsequentibus a Diis imprecor
Ne iis unquam terra fruges ferat.

LIVIVS Lib. I. cap. 58. *Cultrum QVEM sub*
veste abditum habebat, EVM in corde defigit.

Apocal. XVII. 14.

Βασιλεὺς βασιλέων.

Ita Hebræi sæpissime. Ezech. XVI. 7.
 עררים ותכתי בערי עררים et pervenisti in orna-
 mentum ornamentorum. Cantic. I. 1. שיר
 השירים canticum canticorum. Gen. IX. 25.
 ארור כנען עבד עבדים יהיה לאחיו
Maledictus Canaan servus servorum erit fratri-
bus suis. Similiter Græci, DIODORVS Lib.
 I.

I. pag. 31. ἐπιγεγράφθαι δ' ἐπ' αὐτῷ ΒΑΣΙ-
 ΛΕΥΣ ΒΑΣΙΛΕΩΝ Οσυμανδύας εἰμί. *Inscriptum*
esse tradunt statua sum rex regum Osymandyas.
 ibid. pag. 35. τὴνδε τὴν χώραν ὅπλοις κατε-
 σρέψατο τοῖς ἑαυτῷ ΒΑΣΙΛΕΥΣ ΒΑΣΙΛΕΩΝ
 καὶ ΔΕΣΠΟΤΗΣ ΔΕΣΠΟΤΩΝ Σεσόωσις. *Hanc*
regionem armis suis occupavit rex regum, &
Dominus Dominorum Sesostris. PLVT. de con-
 solat. ad Apollonium p. 115. Α. τοιαῦτα θνη-
 τοῖσι ΚΑΚΑ ΚΑΚΩΝ ἀμφὶ θε καὶ κῆρες εἰλεῦνται,
 κενεὴ δ' εἰσδύσις ἔδ' αἰθέρι, *talia mala malo-*
rum Parca mortalibus immittunt, neque in
hanc lucem redire licet. THEOPHYLACTVS
 SIMOCATAS epist. LXXV. διαπαίζει γὰρ
 θεὸς ἀνθρώπους, ὥσπερ καὶ βέβηται. εἰδῶλα
 γὰρ εἰδῶλων τὰ τῶν ἀνθρώπων, τέλῃ χηκε πράγ-
 ματα. *Fortuna illudit hominibus, omnia enim*
humana sunt umbrae umbrarum. PLATO in
 Critia sub finem p. 564. Ε. ΘΕΟΣ δὲ ΘΕΩΝ
 Ζεὺς. *Deus vero Deorum Iupiter.* NICEPHO-
 RVS BLEMMIDES in epitome Logica p. 30.
 habet Aristotelis definitionem philosophiæ
 Φιλοσοφία ἐστὶ ΤΕΧΝΗ ΤΕΧΝΩΝ καὶ ΕΠΙΣΤΗ-
 ΜΗ ΕΠΙΣΤΗΜΩΝ. *Aristoph.* Nub. Act. IV.
 Sc. II. vs. 10.

Βοάσομι ἄρα τὰν ὑπέρβονον
 Βοᾶν. ἰὼ κλάει' ὦ βολοσάται
 Αὐτοῖτε, καὶ τὰρχεῖα,
 καὶ τόκοι τόκων.
Exclamabo ergo altissime
Io io, vae vobis nummulariis

Per-

*Pereatis & vos, & vestra tabularia,
Et usura usurarum.*

Ita vertit FRISCHLINVS. SENECAE A-
gamemn. vs. 39.

Rex ille regum, ductor Agamemnon
Ducum.

VIRGIL. Aeneid. XI. vs. 294.

*Et responsa simul quae sit REX optime
REGVM*

Audisti, & quae sit magno sententia bello.

PLAVT. trinum. Aët. II. scen. 2. v. 28.

Dum viuit VICTOR VICTORVM cluet.

Idem Captiv. Act. IV. scen. 2. v. 55. *O mihi
Quantum, est hominum OPTVMORVM
OPTVME.*

Iac. III. 7.

Πᾶσα φύσις θηρίων τε καὶ πτερίνων, ἑρπετίων
τε καὶ ἐναλίων δαμάζεται καὶ δεδάμασαι
τῇ φύσει τῇ ἀνθρωπίνῃ.

His similia habet SOPHOCLES in Anti-
gone vs. 342

Πολλὰ γὰρ δεινὰ, καὶ δὲν ἄν-
θρώπων δεινότερον πέλει
τὸ καὶ πολὺ πέραν
πόντος χειμερίῳ νότῳ

χωρεῖ

Nov. Bibl. Lub. Vol. II.

H

χωρεῖ περιβρυχίοισι
 περῶν ὑπ' οἰδμασι
 θεῶν γε τὰν ὑπερτάταν γὰν
 ἄφθιτον ἀκαμάτων
 ἀπόρρύεται εἰλομένων
 ἀρότρων ἔτχς εἰς ἔτος,
 ἱππείῳ γένει πολεύων.
 κρφονέων τε φῦλον ὀρνίθων
 ἀμφιβαλὼν ἄγει,
 θηρίων τ' ἀγρίων ἔθνη,
 πόντχ τ' εἰναλίαν φύσιν
 σπείραισι δικτυοκλώστοις
 περιφραδῆς ἀνὴρ.
 κραλεῖ δὲ μηχαναῖς ἀγραύχ
 θηρὸς ὀρεσσιβάτα.
 λασιαύχενάθ' ἵππον ἔλων
 ἄγειτ' ἀμφιλόφον ζυγόν
 ἔρειοντ' ἀδμηλα ταῦρον.
 καὶ φθέγμα, καὶ ἠνεμόεν
 φρόνημα, καὶ ἀσυνόμχς ὀργὰς
 ἐδιδάξατο καὶ
 δυσαύλων παγῶν αἴθρια καὶ
 δύσομβρα φεύγειν βέλη.

*Multa sunt magna, sed homine
 Nihil maius est,
 Homo trans glaucum*

mare

mare hyberno vento

traicit sonoros

vadens per fluctus.

Et summam deorum terram

Immortalem, indefessam

proscindit circumactis aratris,

singulis annis

equorum genere exercens.

Et leuium genus avium,

Circumdans ducit,

et bestiarum ferarum gentes,

Ducit & marinos pisces

funibus retium

callidus homo.

Capit autem machinis siluestrem

bestiam montanam,

Et hirsutum equum ducit

sub iugum,

& montanum indomitum taurum.

Et eloquentiam, & ventosa

Consilia, & civiles rixas

docuit, & fugere malas

habitationes subdiales & pluuiosas.

Igitur OPPIANVS Lib. I. Cyneg. v. 330. de
equis agens exclamat:

ὦ πόσση κραδίη, πόσση μερόπεςσι πέλει Φρήν
Ερξάν ὅπως ἐθέλουσιν.

*Prob quantum ingenium, quanta hominibus
inest solertia!*

Faciunt quomodocumque volunt.

H 2

QVINT.

QVINT. SMYRNAEVVS L. V. vs. 243.

Καὶ γὰρ τ' ἠλίβατον πέτρην, ἄρρηκτον ἔσαν
 μήτι ὑπομήγυσιν ἐν ἔρεσι λαλόμοι ἄνδρες
 ρηιδίως, μήτι δὲ μέγαν βαρυηχέα πόντον
 ναῦται ὑπεκπερόωσιν, ὅτ' ἄσπελα κυμαίνηται.
 τέχνησι δ' ἀγρόται κρατερὸς δαμόωσι λέον-
 τας,

Παρδάλιας τε σύας τε, καὶ ἄλλων ἔθνεα
 θηρῶν,

ταῦροι δ' ὀμβρεμόθυμα ὑπὸ ζεύγλης δα-
 μόωνται

ἀνθρώπων ἰότητι νόῳ δὲ τε πάντα τελεῖται.

*Etenim excelsam petram, quae alias frangi
 nequit,*

*Ingenio succidunt in montibus lapidum secto-
 res,*

*Non magno negotio. Industria etiam fluctuo-
 sum mare*

*Nautae transmittunt, quum magno aestu
 fluctuat.*

Arte venatores validos domant leones

*Pardalesque, & apros, & aliarum bestiarum
 genera*

Ad haec fortes tauri subiiciuntur iugo

*Hominum sollertia. Ratione denique omnia
 perficiuntur.*

Illud δαμάζειν καὶ δεδάμασαι indicat sem-
 piternam continuationem sollertiæ & poten-
 tiæ

tiæ humanæ. Sic de iis quæ quotidie fiunt
PLVT. de consolat. ad Apollon. p. 111. D.
Πολλα δὲ καὶ ἄλλα, ἐφ' ὧν ἂν τις ἔποι, ἔκ
ἔδειπραχθῆναι, πέπραχται καὶ πράττειται καὶ
νῦν, καὶ πραχθήσεται πολλάκις. *Ei multa
alia, de quibus dicere possis, non ita fieri oportuisse, facta sunt, ὅ fiunt, ὅ fient postea
multa.*

Rom. II. 5.

Θησαυρίζεις σεαυτῷ ὀργήν.

Hebraei verbum **צן** non tantum de
opibus vsurpant, sed & de quavis re alia.
Amos III. 10. **ולא ידעו יושבי כנח**
במחציתיהם **יהוה** **במחציתיהם** *Attamen non cognoverunt face-
re recta, inquit Jehova, qui thesaurizant vim
ὅ vastationem in palatiis suis. Sed inde non
sequitur, si in N. T. Θησαυρίζειν aliis rebus
quam pecuniis vel frugibus tribuatur, He-
braismum esse; quin, idem a Graecis fieri,
dubitari non potest. DIOD. Lib. XX. p. 751.
de Appio. Ἐδωκε δὲ καὶ τοῖς πολίταις ἐξ-
σίαν ἐν ὁποία τις βέλεται φυλῇ τάττεσθαι,
καὶ τὴν ἐξουσίαν ὅποι προαροῖται τιμήσασθαι.
τό δ' ὅλον, ὁρῶν **ΤΕΘΗΣΑΥΡΙΣΜΕΝΟΝ** κατ'
αὐτῶ παρα' τοῖς ἐπιφανεσάτοισι τὸν **ΦΘΟΝΟΝ**,
ἐξέκλινε τὸ προκόπειν τισι τῶν ἄλλων πολι-
τῶν. *Dedit civibus libertatem, ut in qua vel-**

lent tribum possint adscribi, ὧ, quos vellent honores obtinere. Verum videns se nobilium invidiam suscepisse, desiit reliquos cives offendere. Idem Lib. I. pag. 57. Δῆλον γὰρ εἶναι, διότι πάντες πρὸς εὐεργεσίαν ὁρμήσῃσι ἰσχύων μάλιστα, παρ' οἷς αὖ ὁρῶσι ΘΗΣΑΥΡΙΖΟΜΕΝΑΣ τὰς ΧΑΡΙΤΑΣ κάλλιστα. Manifestum enim est, omnes his maxime benefacere velle, apud quos sibi maximam gratiam colligunt. PHILO in Flaccum. p. 990. C. Διὰ ἵνας ὑπερβολὰς ἀνηκέστων ΚΑΚΩΝ Α καὶ ἐμὲ ΘΗΣΑΥΡΙΖΟΜΕΝΟΣ χαρίζεται τοῖς δολοφονηθεῖσι. Propter intolerabilia mala, quæ mihi reservat, tradit me percussoribus.

Luc. XIII. 9.

Καὶ νὺν μὲν ποιήσῃ καρπὸν.

Omissum est, recte est, vel eiusmodi quid, quo ostenditur, sic patri familias satisfactum fore, vid. summi WOLFFII Curas philologicas p. 675. Eadem ellipsi usus est HOMERVS Iliad. v. 135.

Αλλ' εἰ μὲν δώσῃσι γέρας μεγάθυμοι Ἀχαιοὶ
 Ἀρσάνῃες καλὰ θυμὸν, ὅπως ἀντάξιον ἔσται.
 Εἰ δέ κε μὴ δώσῃσιν, ἐγὼ δέ κεν αὐτὸς
 ἔλωμαι.

Quod si dabunt mihi donum fortes Achiui
 Ex animi mei sententiâ exornatum, ut me
 dignum sit,

sub-

subintellige: *recte est, acquiescam.*

Sin minus, ego ipse tibi eripiam.

Operæ pretium videtur adscribere, quæ ad hunc locum commentatus est princeps Grammaticorum EVSTATHIUS p. 50. lin. 8. edit. Basil. Ὅτι σχῆμα ἐλλειπτικόν. χω-
λεύει γὰρ ἡ σύνταξις, καὶ μένυστα ἐκκρεμῆς,
ἐκ ἀπῆρσις. λείπει γὰρ τὸ ΕΦΗΣΤΧΑΣΩ
ἢ ΠΑΤΣΟΜΑΙ, ἢ τοιῶντι. Ἴνα λέγῃ, ὅτι
ἐὰν δώσῃσι, ἡσυχάσω. Εἰσι δὲ καὶ ἄλλα
τοιαῦτα σχήματα ἐλλείψεως παρὰ τοῖς πα-
λαιῖς, ὡς παρὰ τῷ Κωμικῷ. Εὰν μὲν ἀπο-
φῆνω πάντων αἰτίαν ἐμὴν, εἰ δὲ μὴ, ποιεῖτε
ὑπὲρ αὐτῆς δοκῇ ὑμῖν. Καὶ Μένανδρος ὁ Κωμικός.
Εἰ μὲν δὴ τίνα πόρον ἔχεις. εἰ δὲ μὴ νενοηκ
ἐγώ. Καὶ Πλάτων ὁ Κωμικός. Εἰ μὲν μοι
τὴν θάλασσαν ἀποδώσει ἐκὼν. εἰ δὲ μὴ
ταῦτα συντριανῶν ἀπολέσω. Ellipsis heic est,
syntaxis enim non constat, sed imperfecta re-
lieta non suppletur. Deest enim, *acquiescam,*
facile patiar, vel eiusmodi quid, ut sit sensus,
si dederint mihi præmium acquiescam. Sed ve-
terum more imperfecta est oratio, quia senten-
tia sic satis manifesta, & ex superioribus plana
est. Sic apud Aristophanem. Si ostendero,
me omnium bonorum vobis auctorem esse; bene
est, sin minus facite ut vobis videbitur, & Me-
nander Comicus, si quaestum habes, recte est,
sin minus intelligo omnem rem. Plato Comicus.
Si imperium maris mihi concedet, cessabo, sin
secus fecerit, haec omnia tridente concussa sub-
uertam.

vertam. Neque Hebræis hæc ellipsis ignota est. 1 Sam. XII. 14. **אֲנִי תִירְאוּ אֶת יְהוָה וְעִבְדֶתֶם אֹתוֹ וְשָׁמַעְתֶּם בְּקוֹלִי וְלֹא תִמְרוּ אֶת פִּי יְהוָה וְהִיתֶם גַּם אַתֶּם וְגַם הַמֶּלֶךְ אֲשֶׁר מֶלֶךְ עֲלֵיכֶם אַחֲרֵי יְהוָה אֱלֹהֵיכֶם וְאַתֶּם לֹא** *Si*

timueritis modo Iehovam, & servieritis ipsi, ac servieritis voci ipsius nec rebellaveritis contra os Iehovæ, & eritis tam vos, quam rex, qui regnat super vos, post Iehovam Deum vestrum, subintelligendum est, vivetis, bene habet. Quod si non obtemperaveritis. Hinc si contendere vellem, Hebræos istum loquendi modum a Græcis acceptum suum fecisse, quia apud hos aliquando frequentius occurrit, nonne omnibus me ludificandum & deridendum exponerem? Quid iis agendum? qui vel litterarum græcarum ignorantia, vel linguæ Hebrææ intempestivo studio stilum N. T. eo quod nonnulla sunt, quæ cum Hebræa dictione V. T. affinitatem habere videntur, pleno ore clamant N. T. dictionem Hebraïsmis scaterere. Si rationes ita instituere liceat, optimi quique Græci scriptores, quos linguam Hebræam plane ignorasse certum est, plurimos Hebraïsmos adhibuisse deprehenduntur. Sic perfacile possem, si id nunc ageretur, vni Sophocli centum Hebraïsmos tribuere, si scilicet ea locutio pro Hebraïsmo

mo habenda est, quæ vtrique linguæ communis est. Quo iure MARTINVS de ROA in singularibus scripturæ pro Hispanismis habet, quæ non minus ab Hispanis quam Hebræis vsurpantur, eadem ratione phrasæ quæ apud Græcos & Hebræos communiter reperiuntur falso pro Hebraismis venditantur. Sed alibi, si Deus voluerit, plenius de hac re agendi locus erit.

ACT. XII. 18.

τί ἄρα ὁ Πέτρος ἐγένετο.

Minus vsitata locutio. Videretur ex vulgari scribendi consuetudine, dicendum τί τῷ Πέτρῳ ἐγένετο. Sed satis Græce. XENOPHON EPHESIVS, cuius tanta in scribendo est suauitas, vt nullius maior esse possit. Lib. III. p. 42. καὶ γὰρ μὲν ἐξέφυγον ἡ δὲ ἄνθρωπος οἶδα ὅτι ἐγένετο. Ego effugi, illa quod factum sit ignoro. ALCIPHR. lib. I. epist. 21. p. 84. τί εἰη ὁ τρεφῆσθαι ὁ Φείλων, quid fiet illo? qui ali debet. AELIAN V. H. Lib. II. 11. μήτι σοι μελαμέλει, ὅτι μέγα, καὶ σεμνὸν ἔδεν ἐγενόμεθα ἐν τῷ βίῳ; Numquid te poenitet, quod in vita nihil magnum, neque spectabile facti sumus? magis Latine dicas, consecuti sumus. Ibid. 23. Πολὺ γὰρ ἦν τὸ τῷ Σωκράτῃ ὄνομα, διὰ δὲ τὰ ἄλλα, καὶ ὅτι τὸς σοφιστὰς ἤλεγχεν, ἔδεν ὑγιᾶς

H 5

ὑγιὲς ὄψας. *Nam magnum erat Socratis nomen, cum propter alia, tum propterea, quod Sophistas arguebat vanitatis, in quibus nihil sani esset. —*

Αἰ. VIII. 18.

Δεήθητι τῷ Θεῷ, εἰ ἄρα ἀφεθήσεται σοι ἡ ἐπίνοια τῆς καρδίας σου.

ATHANASIVS T. IV. anecdot. viri in omni litteratura summi WOLFII, pag. 54. Οὐχ ὡς ἀμφιβάλλων (λέγει) ἀλλ' ὅτι δυσίατα πάθη, ἐκ ἀνίατα μέντοι, ἀλλὰ δυσίατα. εἰ γὰρ ἦν ἀνίατον περισσὸν ἦν τὸ μετάνοησον ἀπὸ τῆς κακίας ταύτης, καὶ δεήθητι τῷ κυρίῳ. ἀλλ' ὅτι ἡ μετάνοια ἰσχύει διὰ τῶν. *Quae verba non dubie proferuntur, sed ideo, quia affectus difficulter sanabiles, insanabiles quidem non sunt, sed aegre sanantur. Si enim prorsus emendari non potuisset, superfluum fuisset dicere, poenitentiam age de malitia tua, & precare Dominum. Sed, quod poenitentia per preces efficax sit. Eodem tendit IOANNES scholasticus, qui vulgo CLIMAX appellatur grad. V. pag. 130. πολλὰ τῷ χρόνῳ ἀνίατα, παρὰ δὲ τῷ Θεῷ πάντα δυνατά. Longo tempore in usum deducta mala insanabilia sunt, sed a Deo, qui omnia efficere potest, curari possunt. Humanarum certe virium non est, effrenatis cupiditatibus resistere,*

&

& adversus teterrimum illum draconem, qui nostro exitio imminet, arma sumere, & sumpta feliciter gerere. Altiore vi, ex coelo deducta heic opus est, humanis conatibus nihil efficitur, quin e contrario omnia in deterius relabuntur. Haec quidem omnia recte, neque heic in quaestionem veniunt, sed τὸ εἰ heic explicatu difficile videtur. MEISNERVS Anthropol. Dec. III. disp. XXX. §. 13. p. 468, ait, ἀγαθὴ *heic non dubitare sed affirmare*, & confert cum Hebr. וְלֹא יִדְבָּקֶנּוּ *Exod. XXXII. 30.* quod bene sperantis videtur. Summa disputationis huc redit, age poenitentiam, & tum remittentur tibi peccata. Neque Petrum dubitasse de Dei bonitate, ad quam omnibus de malefactis serio dolentibus aditum patere sciverit, sed de poenitentia Simonis, cuius animum ad omnes admonitiones obduratum noverit. Hoc certum est, εἰ dubitandi significationem heic non admittere. Nam quum eum, qui dubitanter a Deo petit, nec certo persuasum habet, supremo rerum patri, propter Iesum Christum, precationem suam acceptam esse, Iacobus repellit, cap. I. 6. manifestum est Petrum Simonem non auctorem fuisse ut peccaret, alias eum in vanam spem coniecisset, idque ei faciendum suasset, quod eum non perficere posse videret. Imo potius Petrus impostori huic fideliter consilium dedit, ut depo-

deposita omni malitia, Dei misericordiam imploraret, summaque cum fiducia ab eo veniam perpetratorum scelerum exspectaret. Sic fore ut Spiritus sancti gratiam obtineret, & numero Christianorum adscribe-
retur. Sic εἰ idem hoc loco valet, quod ὅπως. Si apud Hebræos præfidia quærenda sint, malim εἰ cum אֵן conferre, quod nonnunquam pro ὅπως ponitur. 2 Sam. XX. 29. חֲלִילָהּ לִי אֵן אֲכַלֵּעַ וְאֵן אֲשַׁחִית
Absit a me ut absorberem aut ut perderem. Job. XXVII. 5. חֲלִילָהּ לִי אֵן אֲצַדִּיק אֲתֶכֶם
absit a me ut iustificem vos. Sed his non opus est, HOMER. Iliad. B. v. 98.

Εννέα δὲ σφέας
Κήρυκες βοόωντες ἐρήτυον, εἰ ποτ' αὐτῆς
Σχοῖαί, ἀκασειαν δὲ διόλρεφέων βασιλῆων.

*Novem populum
Praecones detinebant, UT turbas
Cohiberent, & a love datos reges audirent.*

Hi certe non dubitarunt, se silentium turbulentæ concioni imposituros esse, nam si verbis admoniti tumultuari non desisterent, fustibus linguæ procacitatem coercere, & refrenari parati erant, ut paulo post ab Vlyssæ factum legitur. Iliad. K. v. 17.

Ἦδε, δὲ οἱ κατὰ θυμὸν ἀρίστη φαίνετο βελή,
Νέστορ' ἐπὶ πρῶτον Νηληϊῶν ἐλθέμεν ἀνδρῶν
Εἰ ἵνα οἱ συν μῆτιν ἀνύμονα τεκλῆναιτο.

Hæc

*Haec vero ei cogitandi optima sententia visa est,
Nestora Neleum, hominem prudentissimum
convenire,*

VT cum illo consilium inveniret.

Vbi EVSTATIUS p. 699. lin. 41.
Εν δὲ τῷ εἰ τινα, σύνδεσμος κεῖται ἀντὶ
συνδέσμου, εἰληπταὶ γὰρ τὸ εἰ ἀντὶ τῆς ὅπως
ἢ τοιούτου τινὸς αἰτιολογικῆς συνδέσμου, ἵνα λέγῃ,
ὅτι ἐπισκέψατο ἐπὶ τὸν Νέστορα ἐλθεῖν ὡς ἀν
σὺν αὐτῷ βελέουσι. In illo εἰ τινα coniunctio
pro alia coniunctione posita est, nam εἰ SI pro
ὅπως VT, vel alia eiusmodi causali coniunctio-
ne sumitur, ut sit sententia, Agamemnonem si-
bi proposuisse ad Nestorem adire, ut cum illo
consilium de summa rerum ineat. Certus erat
rex, se, adhibito in consilium Nestore, ra-
tionem indagare posse, quomodo calami-
tatem istam, qua tunc premebatur, effuge-
ret, siquidem prudentia huius senis num-
quam suam expectationem fefellerat. Idem
ad Iliad. ψ p. 1394. lin. 40. Οὐρα δὲ καὶ
τὸν εἰ σύνδεσμον ἀντὶ τῆς ὅπως ληφθέντα,
καὶ γέγονε σύνηδες ἔτω γράφειν καὶ τοῖς
μετ' Ομηρον. οἷον, σπεύδω εἰπὼς ἀνύω λόδε.
Observa ὅ hoc loco coniunctionem εἰ pro ὅπως
accipi, quod ὅ aliis scriptoribus usitatum est,
qui post Homerum vixerunt, v. c. festinabo ut
illud conficiam. CAMARIOTA, scriptor li-
cet recentior, tamen proxime ad veterum
gravitatem & nitorem accedit, Orat. I. in
Ple-

Plethonem pag. 52. Ἡμεῖς δὲ τῆς ἐκείνης
καθαρεύοντες λύμης, θύωμην τῷ Θεῷ θυσί-
αν αἰνέσεως, καὶ τῷ ὑψίστῳ τὰς εὐχὰς ἀπο-
δῶμεν, Εἰ πῶς ἐφ' αἷς αἰὲν πλεμμηλόμεν
ἴλεως ἡμῖν γένοιτο. *Nos autem eius purgati
sordibus offeramus Deo sacrificium laudis, &
eundem imploremus VT eorum, quæ perpetuo
delinquimus gratiam nobis faciat. Non au-
tem dubitat an Deus pie precantibus veniam
delictorum concessurus sit, nam ita pergit,
Χρηστὸς γὰρ αἰὲν, καὶ χρηστὰ βεβλόμενος πᾶσι
καὶ μετὰ χρηστότητος ἀνακαλούμενος εἰς μέγα-
νοιαν, καὶ τῷ μασίζειν ὡς πατὴρ υἱός, τῶν
πατρικῶν ὑπεξαγομένους ἐπιταγμάτων, εἰς
ἐπίγνωσιν αὐτῶν ἀνακλῶμενος. *Semper enim
benignus est, beneque omnibus cupit, & cum
bonitate revocat ad frugem, nosque ubi pater-
nis eius præceptis nos subtraximus, castigans ut
liberos Pater, ad sui agnitionem reducit. In
fabulis; quæ sub Aesopi nomine circumfe-
runtur, usurpatur ei de re jam facta adeo-
que extra omnem dubitationem posita. fab.
CXXVIII. edit. Oxon. Τῇ δὲ δεινὸν ποιησα-
μένῃ, Εἰ τις ἴδῃ τολμήσειε. *Illæ aegre fe-
rente tanta quemquam esse audacia. Fabula
agit de aquila irata, quod scarabeus ova
sua e nido in terram deiecta
fregisset.***





IV.

Selecta

Epistolica Fechtiana (*)

e museo

b. GOTTFRIEDI KOHLREIFFII.

I.

Morali Philosophiae nosti, optime **SCHROEDERE**, à recentissimis scriptoribus duplex accessisse momentum, quorum alterum in eiusdem consistit augmento, alterum in principiorum, quibus nititur moralis virtutum bonitas & obligatio ad eas.

(*) Excerptimus illa ex epistolis, quas ad **M. GVSTAV. SCHROEDTERVM** dedit magnus ille Theologus **IOH. FECHTIVS**, omisis tum iis, quae ad res spectant domesticas, tum aliis, quibus carere orbis eruditus commode potest. De **SCHROEDTERO** nostro, legationis Danicae in aulis regiis, Madritensi & Parisiensi, primum concionatore, postea adsessore tribunalis ecclesiastici in Holsatia gravissimo, & Pastore ecclesiae Tychopolitanae fidelissimo legantur, quae annotavit vir admodum reuer. **I. H. a SEELEN**, praeceptor quondam noster meritissimus, nunc fautor & amicus omni honore prosequendus, in *Jubilaeo Schabbel, Lubezensi* pag. 56. S.

easdem , indagine. In priore facem præcipue VINC. PLACCIVS, in posteriori SAM. PUFENDORFIVS praeluxere. Quamquam verò non exiguas inde enatas esse contentiones noverimus, id tamen negandum non est, eximiam prorsus & inæstimabilem morali Philosophiæ ex iis lucem accessisse, quam in anterioribus eiusdem doctoribus, qui generali ferè tritaque virtutum & descriptione & distributione, quam *Aristoteles* tradidit, contenti erant, frustra quæras. Eaqve se in Theologiam, præcipuè moralem & quæ conscientiam vulgò informare dicitur, ita diffundit, ut ea vix nos ad eiusdem accuratiorem tractationem carere posse, omnes sint citra dubium iudicaturi. Habes eius rei specimen in doctissimis SCHOMERI nostri, quas circa argumenta nonnulla moralia edidit, disputationibus, quæ & famem legentis extinguere & excitare plura sciendi desiderium possint. Quare Pufendorfiana scripta & quæ ad horum imitationem composita sunt, commendare non vereor, ut tamen, quæ in iisdem monuerunt Theologi, subinde conferantur, oculusque perpetuo ad Christianam Philosophiam, id est, Ethicam, quæ cum rationis principiis sacratissimam Christianorum doctrinam & sacrarum literarum oracula conjungat, dirigatur. Quantacunque enim inter isthaec duo permittatur esse

esse differentia, hoc tamen homini Christiano certum esse debet, nunquam animum vere probum, nisi ad indubitata ista principia perveniatur, acquiescere vel posse vel debere. Rostochii d. 1. Mai. 1691.

Clariss. Nom. T.

addictiss. cultor

IO. FECHT, D.

Nobilissimo atque Clarissimo viro
Dn. G. SCHROEDTERO, SS. Theol.
Studioso. Amico meo optimo

Wittebergam.

II.

Cum epistolarum mearum apographa non retineam, denūo ignoro, quid de indubitatis principiis, de quibus aliquis Tibi obortus est scrupulus, ego in prioribus meis scripserim. Coniicio itaque me scripsisse, potuisse utique gentiles ad maiorem in morali Philosophia perfectionem, quam quo Aristotelica cum primis Philosophia deducta est, ex indubitatis principiis pervenire. Quod verum esse omnino credo. Suppono autem I. Ethicam Aristotelicam, quemadmodum & Philosophiam eius in univ-
sum, ea præcipue ex ratione cæterorum Philosophorum scriptis a maioribus nostris præ-

praelatam esse & a plerisque adhuc hodie, me iudice, merito praeferrī, quia primus fuit, qui disciplinas iusto, iisdemque per naturam conveniente, ordine tractavit, cum ante ipsum vaga quadam de singulis differendi ratione uterentur. Negari tamen II. nequit, Aristotelicam Philosophiam duplici cum primis in moralibus defectu laborare; primo quod scientiam tantum virtutum generet, παραίνεσις omittat. Cum practici Philosophi, qua ille a Theoretico differt, proprium officium sit, non docere tantum virtutes, sed implantare. Qua in parte & Pythagorae & Stoici Aristotele incomparabiliter fuere meliores. Legatur *Seneca*, ut ille de virtutibus disputat? ut ad easdem adhortatur & invitos etiam bene agere cogit? Quem defectum, etiam in Christianorum Ethicis comparentem, & hodie supplere nonnulli, quos inter GUILIELMVS MECHOVIVS Tibi ignotus non est, conati fuerunt. Deinde quod *Aristoteles* in Ethicis suis plurimarum virtutum, earumque praecipuarum, nominatim quod Tute agnoscis, pietatis prorsus obliviscatur; cum e contra vetutissimi Pythagoraei, deinde Socratici, Stoici, Platonici, de tanta virtute haut aliter ac Christiani philosophentur? Lege, optime Schrödere, meo obsequens monito, *Hieroclis Pythagoraei* in aurea Pythagorae carmina commentario-

tariolum, ipsa brevitate sua amabilem. Proh Deum immortalem, quantum ibi deprehendes Christianismi nostri! Quam ille ardet pro pietate plantanda & promovenda! Ausim asserere plus inde Te sanctitatis, quam ex multis Christianorum scriptis haustum esse. Hi si beneficio luminis naturalis eo penetrare potuerunt, cur non potuerit *Aristotelis*, cuius rarus est de Deo sermo, ut aliquis dixit antiquorum. III. Cur vero ad huius aliarumque virtutum cognitionem veteres illi philosophi non potuerint ex indubitatis, rationis ipsis congenitae, principiis pervenire? Cum ipse *Aristoteles* το γνωστον τῶ θεῷ φανερον ἐν τοῖς εἰρησὶ τῇ φύσει fuisse asseveret. Si autem principia τῆς γνώσεως non fuerunt evidentia & indubitata, quomodo γνώσις inde deduci φανερα potuit? Credo ego, Pythagoraeos Philosophiam suam ex natura, cum revelatione fuerint destituti, hausisse, donec luculentis argumentis mihi probetur contrarium. IV. Non ideo, quod ex Scriptura seu revelatione perfectior & certior mihi obtingit rerum moralium scientia, ea, quæ ex ratione est, imperfecta & incerta censerī debet. Nam & ea scientia, quam ex revelatione habemus, si eandem ad futurae vitae notitiam comparemus, imperfectior est, non tamen ideo perfectionem sui generis amittit. Divina certitudo,

quæ ex revelatione oritur, certitudinem humanam & apodicticam, quæ ex rationis usu descendit, non tollit, sed aliquo tantum gradu perficit. Qua itaque rerum moralium scientia scripturae auctoritate nititur, eaque addit, quæ nonnisi fidei sunt, Theologia moralis est, quæ intra rationis metas versatur, philosophia morum. Deum unice colendum, amandum, ei confidendum, ex immotis principiis ratio demonstrat; & hoc hætenus ad Ethicam seu philosophiam pertinet: eundem Deum, quæ est trinus in personis, unice esse colendum, eidemque ob Christum, nos ei reconcilians, confidendum esse, scriptura demonstrat: & hoc hætenus ad Theologiam pertinet. Nec inde ideo nascitur aliquid mixtum, quia ubi principia cognitionis manent diversa, diversas & ipsas disciplinas manere necesse est.

Controversiam de *Sabbatho* quod concernit, edidi ao. MDCLXXXI. ex voluntate celeberrimi sanctissimique Theologi D. SEB. SCHMIDII disputationem, quæ ante quadriennium a me aucta & schediasmatibus meis, quæ publice prostant, inserta est. Quæstio est: an sabbathum nostrum, quæ est intra septem dierum spatium conclusum, otiumque sabbathicum, sit mere adiaphorum, an quocunque modo morale?

Hoc

Hoc asseruerat paulo ante peculiari de hoc argumento libro D. I. A. OSIANDER, quæ quidem in re communem defendit Theologorum nostrorum sententiam. Ego libertatem Sabbathi hebdomadalis, ad eum modum, quo D. DORSCHÉVS in *Theologia Morali*, Anno MDLXXXII. a D. MEIERO in Academia vestra loco disputationum publicarum producta, fecit, defendi. Longum esset, huius rei historiam texere; quod tamen libentissime faciam, si primo legisse Te disputationem meam adeoque qualemcunque de hoc argumento acquisivisse notitiam, comperero. Nunc vale & honores Philosophicos, de quibus tibi ex toto animo gratulor, viam Tibi ad honestissimos quosvis ausus paraturos, feliciter suscipe. Rostochii d. 7. Octobr. 1691.

III.

De Sabbatho, fervente Augustanos inter ministros dissidio, prolixè scripsit D. IO. AD. OSIANDER & IO. CONR. ZELLERS, latino ille, hic vernaculo sermone. Sed nondum tum palam fuerat, quinam esset controversiæ status? Quare non desunt in tractatibus istis, quæ & pars adversa pro se allegare queat. Post dissertationem vero meam quidquam vel pro sententia mea, quam defendo, vel contra eandem,

dem, prodiisse in lucem, plane ignoro. D. RVDRAVFIVS enim, qui Germanico pariter scripto pro Sabbathi moralitate adversus collegas suos, D. *Mislerum*, nunc beatum, & D. *Hannekenium*, zelo, qui non erat secundum scientiam, certavit, disputationem meam, ut vel ex prima statim lectione apparet, nunquam vidit. Idem quoque dicendum de duabus disputationibus est, quarum una de hoc argumento, Præsides D. QVENSTEDTIO, altera pro gradu, Gryphiswaldiæ Præsides D. HENNINGIO habita est, cuius utriusque respondens ne quidem scivit, aliquid hac de re hodie inter Theologos controversiæ esse. Quid D. SPENERO nostro regesserit D. MEIERVS, vehementer scire aveo. Nec enim adhuc videre licuit scriptum. Rostoch. d. 10 Aug. 1692.

IV.

Schedam Dni WINCKLERI de *Sabbatho*, cuius in ultimis Tuis mentionem facis, nunquam vidi, nuper vero ab eo partem accepi *Meditationum Germanicarum*, ad quædam scripturæ loca; in quibus secundum caput huic argumento impendit, tractans multo labore locum Hebr. IV. de Sabbathismo. Non diffiteor, ut est peritus scripturæ interpres, ita longe jucundissime & in-

incredibili cum verisimilitudine sententiam suam de moralitate Sabbathi hebdomadalis & proponit & prosequitur. Sed I. Opinio isthaec plane contraria est Augustanae Confessioni. Quod me quidem iudice rectius fecisset, si ingenue fuisset fassus, quam ut qualemcunque conciliationem quæreret pag. 103. Cum quot fere verba aliquot Confessionis paginae completuntur, tot argumentis & sententiis moralitati isti contradicant. II. Nova plane est & in Ecclesia sive antiqua sive recentiori inaudita. Quod quidem in interpretatione alicuius loci Biblici ferri posset, nisi eadem, ita noviter explicato, res maximi prorsus momenti, quaeque ignorata haud parum periculi salutis adfert, superstrueretur. Nam III. prorsus credo, hoc solum esse Dno WINCKLERO moralitatis illius fundamentum, neque aliud ullum in tota reliqua scriptura reperiri. Quemadmodum revera cætera omnia ruinosa esse, puto me passim dilucide demonstrasse. Incredibile est, ipsummet Apostolum longo ordine probasse, diem solis Sabbatho V. T. eadem immutabilitate, imo eodem omnino rigore celebrandum, ex mandato divino succedere. Et tamen neminem veterum, qui Apostolis vel statim vel post aliquot secula successerunt, vel rem ipsam vel rei argumenta vidisse. Quis enim priscorum haec

ita exponit? V. Quis illius loci sensum vnquam, nisi præeunte WINCKLERO, vidisset? Imo quis lecta Dn. WINCKLERI interpretatione oculosque iterum in nudum textum convertens, eandem sententiam ex se hauriet unquam? Quomodo vero res tanti ponderis & ad praxin Christianismi tam necessaria potuit a Spiritu, nos in omnem veritatem ducente, tam obscuris verborum ambagibus involvi? Mihi eqvidem adhuc perdifficile est, eidem assentiri, cum præcipue innumera adhuc alia, siue in ipso textu siue in ipsius sententiæ consideratione animum cohibeant, quæ omnia removenda prius essent, nisi perpetuis velimus cum dubitationibus luctari. Jam quod & ipse iis, qui libertatem, non quidem sabbathi in se, sed quæ illud hebdomadali circulo inclusum est, propugnant, imputat, ac si & illi sabbathi profanationi ansam præbeant, aperiantque portam pag. 35. id ego toties in exercitatione mea dilui, iisque argumentis, quæ ne conculgi mihi posse nedum labefactari videntur. Proposueram mihi ea de re cum optimo WINCKLERO conferre, sed nec mihi tantum est otii, nec illi inter tot negotia, imo turbas vacat, vel mea legere, vel ad mea, si quid dicerem, respondere.

Accepi nuper epistolam a plusquam octogenario sene & Theologo D. SEBAST. SCHMI-

SCHMIDIO, sed *iis*, qui *Pietistae* dicuntur, minus propitiam. Parum eorum Argentoratū deferri ait, sed optat, ut plane nihil. Monetque me, ne manum rixis istis immisceam, sed studia tractem meliora. Nempe quicquid exosæ novitatis hic illeve spargit in publicum, id Pietistis sine discrimine omnibus attribuitur. Quare eos, qui amici mihi sunt, jam ab aliquot annis moneo rogoque, ne opiniunculis illis aut nomen suum præbeant aut defensionem, sed Christiana Theologoque digna severitate dissensum suum ab earum auctoribus publicè testentur. — Rostochii d. XX. Aug. 1693.

V.

GRÜNENBERGIO D. HABICHHORSTIVS quæstionem Doctorem hanc enodandam dederat: an notabilis aliqua Judæorum conversio sit quærenda? Et an illa in Osea fundamentum habeat? Respondit in solenni oratione, se quidem antehac affirmantem defendisse, nunc re rectius considerata adhærere neganti sententiæ, locumque Oseanum de ea Israëlitarum parte agere, quæ adducta sit in Assyriam, cumque longo tempore fuerit sine rege & cultu Divino, tempore Christi ad Deum suum, Christiana facta, redierit. Rostoch. d. 16. Jul. 1698.

VI.

Bone Deus, quam felix futurus es, si rariores in Hispania in omni eruditionis genere libros, quorum ne videndi nobis unquam copia est, Tibi comparatos ad nos adduxeris? Nec enim credibile est, in tot tantisque regnis non residere præclara ingenia, quæ subinde aliquid proferant in lucem, quod ætatem ferat & aliorum mereatur applausum. De cætero de *MVTHESII in N.T. notis* ne fando quidem unquam quicquam audivi, nedum hoc hominis uspiam a quoquam vidi allegatum. Præterea plus habet chartæ, quam libro compingendo conveniret.

In absolutione privata, quod ad personas principes spectabat, memor regulæ vulgaris: Evangelium non abolet politias, prima allocutione communi titulo usus sum: Serenissime Princeps, non addendo: clementissime Domine. Id enim simul operam dedi, ut personam me Dei in tam sacro negotio sustinere appareret. Quare habito brevi de vera & sincera poenitentia sermone, applicationem quoque sine ulla tituli repetitione feci, hunc similemve in modum: Wann nun aus der abgelegten Beicht und Bekänntniß ich wahrgenommen, daß dieses auch Ihre Sünden . . . als verhängige ich Deroselben &c. Video hic loci etiam

etiam erga vulgares Professorum personas multam exerceri pompam, laudes quoque nonnunquam admisceri, sed id mihi quidem à tali loco planè videtur alienum. Nobiles aulicos cæteros omnes non alio titulo sum allocutus quam vulgari: *Andächtige Gott ergebene Seele*, aut simili. *Primarium* tamen *Ministrum*, *Baronem*: *Hochwohlgebohrner Freyherr*. Refero Tibi, optime *Schrædere*, quid ego fecerim. Interea si morem potius seqvi, qui hic ubique usitatus est, velis, non ullo Tibi consilio opus est. Quod enim facis in quotidiana ad tales personas allocutione, id & in confessione fuerit faciendum.

Madriti scio ea Te cum Pontificiis prudentia versaturum esse, quæ a Te & odium & periculum omne amoveat. Audio enim tam delicatos esse, ut ne quidem exercitii causa contra ipsorum religionem disputari patienter audire possint. Nec etiam solus ad quemcunque locum accedes, nisi stipatus amicorum comitatu. Si vero occasio est, aliquid literarum huc mittendum veteris amici ne obliviscere, sed me de statu cum Tuo tum rei literariæ & quæ ad Ecclesiam pertinent diligenter informa. Scr. Rostochii d. 23 Octob. 1698.

VII.

Regis quidem Poloniæ mandato prohibi-
tum est, ne contentiones illæ contra D.
SPENERVM & D. THOMASIVM
continuantur. Subinde tamen aliquid ad-
huc in ipsa Saxonia in hoc argumento edi-
tur in lucem. Wittebergæ de auctoritate
librorum symbolicorum tersissimam equi-
dem disputationem WERNSDORFIVS,
Fac. Philos. Adj. Præside D. NEVMANNO
exhibuit, THOMASIO vnice oppositam.
Qvidam SCHROERVS, Præpositus & Su-
perintendens Cloedenfis edidit *Ehrenrettung*
der Symbolischen Glaubens-Bücher contra
D. SPENERVM & LVTHERVM Redivi-
vum. In quo fuse considerantur omnes
illæ quæstiones, quas & privatissimo nostro
quasi in compendio exhibui. Ultimo SPE-
NERI scripto contra D. SCHELGVIGIVM
D. SCHELGVIGIVS statim respondit,
satis moderate & ut ego puto, plane solide.
Edidit & recentissime Dn. BVCHERVS
Hauptgründe des Fanaticismi. Nimis sub-
tiliter videtur incedere, suaque longe petere.
Wittebergæ inauguralem de *Iustificatione*
proposuit Disputationem D. NEVMAN-
NVS, in qua nonnulla nec nostri omnino
probare velle videntur. Nimium emun-
gendo sanguinem elicere dicitur. Scripsit
contra illum D. ANTONIVS, Halensis,
sup-

suppresso tamen nomine suo. In hac Aca-
 demia M. SCHROEDERVS Anclamenfis,
 disputationem proposuit, de iis, in quibus
 Disputatio THOMASII de *Hæresi* in Philo-
 sophiam peccare videatur. Salse pro me-
 rito professum librorum nostrorum Symbo-
 licorum hostem perstringit. Quia jussus
 erat, aculeata nonnulla verba delere, nec
 fecerat SCHROEDERVS, Philosophi nostri
 Panico terrore correpti, ne a THOMASIO
 male haberentur, a nullo aut rogati aut jussi
 ad THOMASIVM scripserunt, invitis ipsis
 a SCHROEDERO hoc factum testati.
 THOMASIVS igitur in publici cujusdam
 scripti præfatione publicas egit Philosophis
 nostris gratias & in me impotentissime in-
 vehitur, a quo instigatum SCHROEDE-
 RVM autumat. Me quidem non nominat,
 sed ita describit: man wisse wohl, aus was
 vor einer Sechschul diese Pfeile geflogen. Idem
 multis me convitiis infamat. Inprimis cum
 & KRACKEWIZIVS, cum pro gradu Bac-
 calaureatus præfide D. QVISTORPIO dispu-
 tasset, duriter tractasse D. SPENERVM &
 THOMASIVM videretur. Quod & mihi
 omne adscribit, cum ne verbum quidem
 ullum de istis disputationibus vnquam per-
 mutaverim. Respondebit ei pro merito
 SCHROEDERVS, vir in scribendo adeo
 argutus, ut nemo Satyras Thomasianas ipso
 pulcrius imitari possit. Quod unicum
 mordet

mordet THOMASIVM. Scripsit & paucas ante hebdomadas D. GRVNENBERGIVS noster Disputationem, Thomasio oppositam, cui titulus est: *DEI minister impius*. In qua sententiam Thomasianam in hac materia planam ad atheismum viam sternere luculentissime probavit. Hanc quomodo excepturus sit sanctissimus Sycophanta, dies docebit. Longe enim aliter de GRVNENBERGIO persuasus fuerat, quem in præfatione supra nominata haud obscure dixerat, jam multum de auctoritate mea (quam nullam unquam mihi arrogavi) detraxisse. Sed vero canis ille, universum mundum invadens, sperni facile potest. Alteri quoque cani illi rabioso, quem non ignoras & in meam famam grassari coepisse, M. GVMMIO, Holfato, capistrum iniecerunt Theologi Havnienses, hominis monstrum tetro carceri includentes, in quo jam per aliquot menses jacet, donec resipiat & promittat, se non amplius bonos viros allatrare velle. Quod facere hætenus constanter recusavit, crucem suam, ob hæretificationem universalem ipsi impositam, patienter potius toleraturus. Editum est his nundinis *Theologiae Systema*, D. W. LYSERI, XI. Alphatis constans, a D. NEVMANNO, eum præcipue in finem, ut constare possit, plerasque quæ hodie circumferantur, novitates
jam

jam olim ab hoc viro damnatos esse. D.
BECHMANNI *Theologia Polemica* lucem
vidit, anteqvam a nobis abires.

Accepi variarum disputationum fascicu-
lum Argentorato, in quibus video, Theo-
logos adhuc hodie magna libertate Ponti-
ficia dogmata impugnare. Ego nunc pu-
blice, quousque me vita manet & corporis
vires, controversias recentiores summa bre-
vitate sine omni elencho nominali pro-
pono. Privatim Pastorale officium in
omnibus partibus delineo & pastorem in-
formo, magna auditorum frequentia.
Disputatorium quoque & Examinatorium
habeo collegium. His omnibus absolutis
circa Michaelis festum ab omni me onere
liberabo & tota hyeme Collegium meum
Thetico - Antitheticum, olim habitum, in
compendium Theologiæ transformabo, de-
tracturus, additurus, mutaturus, ubi ne-
cessum fuerit. Nisi tamen consveti cor-
poris mei hostes vitam mihi ademmerint.
Scr. Rostoch. d. VI. Iul. 1699.



V. MAR.

V.
MARTINI RVARI
 ET
IOHANNIS KIRCHMANNI
EPISTOLAE.

Ex musaeo

OLAI HENRICI MOLLERI,
 Hist. litter. in Vniv. Reg. Hafniensi Professoris &
 Scholæ Flensburgensis Rectoris.

I.

IOANNI KIRCHMANNO

V. Cl. S. P. D.

Sicut illi, qui modulatam hominum vocem, aut auium cantum, aut tiliarum flatum, aut fidium pulsum auribus cum voluptate quadam acceperunt, phantasma retinent & memoria quoque soni diu oblectantur; ita mihi, postquam a vobis discessi, nulla dies haëtenus effluxit, qua non recorder & quasi ruminem sermones tuos, quos & publice & priuatim nobis ferere solebas, tum insignis eruditionis notis, tum humanita-

nitatis sparsos sale. In qua cogitatione cum mirifica dulcedine perfundor, quod ea mihi felicitas obuenerit, ut & inter auditores tuos esse potuerim & inter amicos: tum vero non paulo illud acerbius accidit, quod altero nunc frui tantum liceat, altero carere necesse sit, cum vtrique pariter assueuerim. *λύπη δὲ ἔχῃ ὧν ἂν τις μὴ πειρασάμενος ἀγαθῶν σερίσκηται, ἀλλ' οὐ ἂν εἰδὼς γενόμενος ἀφαιρεθείη*: atque tum demum homines nostra intelligimus bona, cum quæ in potestate nostra habuimus, ea amisimus. Beatum fuisse *Aristotelem* iudico, quod ipsos viginti annos in *Platonis* Lyceo contriuerit, unde etiam non immerito titulum retulit, ut *ἀληθείας φιλόσοφος καὶ νῆς* ab illo vocaretur: mihi bimestre spatium, quid bimestre dico? biduum vix indultum fuit, siquidem non longius visum est biennium, quod apud vos exegi. Nunc e coelo decidi, postquam in rus abstractus sum, de quo non satis mihi conuenit cum iis, qui secessum hunc inprimis commendant. Ego vero, si quis ita se abdat, ut ab hominum societate veluti *Timon* quidam *μισάνθρωπος* exulet, quod in agro sit (neque enim rusticos satis philosophice homines appellare possum), eum non tam fortunatum, quod illi faciunt, censeo, quam miserum potius, assentiorque *Aristo-*

K teli,

τελῇ, qui τὸν ἀπολιν διὰ φύσιν, ἢ καὶ
 ἔτι διὰ τυχὴν ἤτοι φαυλὸν ἢ ἀνθρώπου
 κρείττονα existimat. Placet ille se-
 cessus, qui fit a multis ad sapientes, quo-
 rum in urbe exiguus est numerus, heic
 longe minor, pene dicam nullus. Hospite
 quidem meo familiarissime utor, & est ille
 cum in iuris studio, tum in ciuili scientia
 non indoctus, imo multum in ambobus,
 in hac autem maxime diuque versatus. Sed,
 quod tu non ignoras, quemadmodum ab
 uno fonte fluit & diuersis riuulis augetur
 magnum flumen; ita ab uno incipiendum
 quidem & pendendum est, ut ideam eru-
 ditionis recte concipiamus, nihilo minus
 tamen plures quoque adhibendum, ut eo
 locupletius sit bonum, si variis quasi nu-
 meris conflatum summam eorum comple-
 ctatur. Intelligis proculdubio, quantopere
 ad vos vicissim adspirem, quod quando fu-
 turum sit, θεῶν ἐν γένεσι κεῖται: ego cer-
 te adhuc cum ignarissimis scio. In quo
 enim maxime olim acquiescebam, fore, ut
 post annum ad vos reverterer, in eo num-
 quid spem ita tuto collocare possim, quam
 Bvssii mihi persuadebant, nescio: neque
 tamen fidem optimorum iuuenum, mihi-
 que suo merito dilectissimorum, in du-
 bium vocare audeo: sed eo dico, quod
 nihil haecenus istius promissi appareat,
 neque videntur ipsi mentionem rei, quam
 ego

ego potissimum specto, apud WEDEMEIERVM meum iniecisse, sed consulto in reditum suum reservasse. Quod cum haud obscuris vestigiis odoratus sim, neque ipse palam καὶ ἀνεὺ προφάσεως poscere ausus fui, ne verbis meis inopinato percussus neget, quod fortassis BVSSIORVM intercessionem aut admonitionem, quæ inter amicos quandam imperii vim obtinet, postea largiatur. Sed cum nuper tale quid dicere visus essem, me tamen non nominato, paulo alieniorem ab hac mente, quam putaveram, inveni: præ se enim ferebat, quasi non constituisset filium vicenario minorem in Academiis ablegare, qui nunc est primum duodecim circiter annos natus. Si in ea sententia perstiterit, de qua tamen melius spero, satis infeliciter hanc profectiorem tentavi, videsque ipse, quam parum e re mea sit abiisse ex conditione mediocri & certa, qualem Rostochii possidebam, ad splendidam hanc & incertam, immo nullam; & non absimilis videor cani Aesopico, qui cum offæ in aqua inhiaret, alteram mittebat ex ore. Hoc profecto illud est, quod dicunt, lupum auribus tenere. Nunc autem valde te rogo, mi KIRCHMANNE, ut, si occasio aliqua offeratur melius & certius spem meam constituendi, mihi eam reservare velis, ne, si ab hac excidam, illam quoque amittam, coniungam potius, etiam-

etiamsi hæc firmissima sit : non enim me-
tuo, ne nimis profuse, etiam ad necessa-
ria, sumtum suppeditet hospes hic meus,
si eius forte liberalitate usus sum, ut est
ad rem suam attentus.

Habebam Wismariaë in itinere sermo-
nem cum IOACHIMO MORRIO, cum
quo multa mihi necessitudinis officia Ham-
burgi primum intercesserunt, postea etiam
literis confirmata sunt: delectabar enim in-
genio adolescentis & discendi studio, quod
in illo præcipue flagrat. Is a me petebat,
neque dissuadebat reverendus & doctissi-
mus Theologus, EILHARDVS LVBINVS
vester, apud quem nunc ille, ut credo,
vivit, ut exacto anno hoc in consuetudi-
nem meam iterum atque etiam disciplinam
recipi posset, & offerebat minerval sane
non poenitendum. Hunc mihi summa
contentione retineri discipulum vellem,
neque quoquo modo abalienari, quod per
LVBINVM commode caveri posset, cuius
exorandi onus libens tibi imponerem.
Clam tamen hæc omnia etiam popularibus
meis haberi fortasse melius sit, ne, si quid
sequius acciderit, inter invidos lætitiæ
excitem, inter amicos dolorem, simul quia
etiam per hos ad parentes meos emanare
posset, qui cum omnia mihi nunc ex voto
succedere putent, libenter eos in hac per-
suasione errare patior.

Atque

Atque hæc hæctenus : nunc illud te honestissimæ matronæ ELISAE STEINBRINKIAE, matris BVSSIORVM, nomine rogatum volo, vt si centum illos Ioachimicos, qui tibi hinc debentur, in Kalendario scribere velis, patiaris eos apud se foe-nebres esse per hunc annum. Cum enim nunc multa simul in iter filiorum erogare cogatur, proinde argentum *ὀίχεται* : quod si tamen omnino tibi relegere certum est, ipsa quacunque ut ratione expediat videbit, qua de re certiores a te fieri velimus.

Si quid novi de RITTERSHVSIO & SITZMANNO, libenter sciam: huic enim istinc abiens scripseram.

Principis nostri iunioris adventus ex Anglia propediem expectatur. Pater Princeps adhuc Pragæ est; qua spe, coniectari facile potest: quo eventu non liquet. Rumor heic percrebuit, eum una cum Landgrauio Hasliæ electum esse, qui Saxo-nem & Brandenburgensem, reliquosque Principes de Iuliaco controversantes inter se componat.

BVSSII nostri Lugduno Batavorum iam abierunt, & fortassis in Anglia sunt cum hæc scribo, quod nuperis ipsorum li-teris ita compertum habemus.

Carmen in obitum HANNIELIS, quod in coram tibi reddere oblitus fui, nunc transmittō καλόπιν τῆς ἐορτῆς : sed, quoni-

am tu ita vis, fiat, cui ego me & omnia mea probare volo, utinam possim.

Vale, amice magne. a. d. XI. Kal. Aug. clo loc x. *Eldagiae* in ædibus præstantissimi viri *Conradi Wedemeieri*.

M. RVARVS.

II.

S. P.

Quod rarius scribo, RVARE ornatissime, facit inopia eorum hominum, quibus litterae tuto committi queant. Has ut ad te darem, summopere a me contendit humanissimus iuuenis IOACHIMVS VARENHOLTVS, Hamburgensis, qui cum perspectam & exploratam habeat eruditionem ac modestiam tuam, Achatem te suum desiderat ac moderatorem studiorum, ad quæ continuanda primo vere Altorphium cogitat. Quod si tuam ipsi operam locare voles, & honeste a præstantissimo WEDEMEIERO discedere poteris, fac ut proximo mercatu verno cum suppellectile libraria Lipsiam te conferas, & ibi VARENHOLTVM, qui cum nostris mercatoribus eo proficisci in animo habet, opperiaris. Sumptus in iter factos tibi bona fide refundet & omnia, quæ ad victum necessaria erunt, abunde suppeditabit. Nollem sane hanc provinciam tibi offerre, nisi ad nos, nescio quibus autoribus, allatum esset, te in unum tantum

tantum annum operam tuam Dn. WED-
MEIERO addixisse: quod si ita est, recta
poteris Hildesia Lipsiam proficisci; sin mi-
nus, non is ero, qui tibi suadere velim, vt
stationem illam, in qua iam es, temere de-
seras, & alteram illam amplectare: tu vide-
deris, quid ex re tua futurum sit. Velim
autem, ut quid tibi super hac re animi sit,
primo quoque tempore ad nos perscribas:
auide enim responsum flagitat VAREN-
HOLTVS, qui ad XIV. diem April. Deo
volente Lipsiæ erit, ubi illum apud nostros
vel Hamburgenses mercatores facile inue-
nies. D. CLINGIVS ante septem septi-
manas diem suum obiit, cuius mors D.
THEODORO BVSSIO procul dubio valde
luctuosa accidet, ubi de ea certior factus
fuerit. Vale, mi RVARE, & responsum
non diu differ. Dabam Rostochii XXVI.
Jan. anni 1611. quem tibi felicem precor.
T. A. JOH. KIRCHMANNVS.

III.

S. P.

Quod literis tuis serius respondeo, Cl.
Domine, non per socordiam meam stetit,
sed aurigæ, qui quas a. d. VII. Kal. Febr.
acceperat, pridie Kal. Mart. primum reddi-
dit, quæ causa etiam fuit, ut tabellarium
hunc, quem vides, unice conduxerim, ne
videlicet eadem nostras fortuna, quæ ve-
stras,

stras retardavit, litteras affligat: neutrum grauius, ut spero, feretis. Ad rem. Per mihi gratum accidit, quod scribis de conditione ab elegantissimo iuvene oblata, neque dubito quin commoda rationibus meis futura sit, cum per te innotescat, quem scio studiis meis ex animo bene velle, neque, si quid sequius opinareris, verbum in hanc rem facturum, immo summopere potius dissuasurum. Sed quia tamen non id agitur, quod in faba pueri quærunt & prosperitatis meæ cardo pæne ibi vertitur, nemo profecto æquior vitio mihi dabit, si paulo attentius rem omnem prius putavero, expensis iis, quæ nutantem animi mei, ut ita dicam, lancem, in diuersas sæpe partes dubio examine inclinant. Video itaque iuuenem in lauto quidem patrimonio, sed ætatis lubrico flexu, tum statura eminenti: quæ omnia istuc apta sunt, ut liberiores vivendi consuetudinem velint, nec iis continentiae legibus adstringi patiantur, quas mihi (præfiscine dixerim) imperavi, præsertim si foris accedant magistri improbi, quorum incentiuis quam pauci satis firmas mentes opponunt, qui vacillantes animos in deteriore plerumque partem applicant & a sanctis optimorum præceptorum monitis in quævis potius divortia abducunt & propellunt. Neque eo dico, quod de Joachimo nostro non satis recte sentiam, eum enim deprehendi hætenus indole ad
mode-

modestiam nata & a Musis egregie factum : sed , quia rebus suis nemo nimium cavet , deterrima quæque mihi propono , ut meliora in lucro habeam , & periculosum alias videretur , si quietem studiorum , quâ nunc exoptatissima fruor , temere sollicitem. Illud etiam susque deque putandum mihi non videtur , quod parentibus fato suo functis destitutus , quorum auctoritas forte iuvenantis ingenii fluctus compescere potuisset , sub curatorum multitudine vivat , quorum , etiam si cetera recte procedant , cum tot sint sensus , quot capita ; quis singulis operam se suam ita probare postulet , ut omnium applausum sine pastoritia fistula nanciscatur ? Præterea salarii nulla est a te iniecta mentio , sine quo angustiis meis explicandis vix par esse videar. Denique unus restat nodus , cui nisi cuneus aliquis inveniatur , hæret valde tota res. Non dimittet bona me cum gratia hospes , fane , si verum fateri volo , optime meritis , nisi successorem prius nominavero. cuius in his locis ex improvviso rara omnino sit copia , præsertim qualem ipse describit , non de trivio diobolarem pædagogum , sed qui virtutibus sit instructissimus , quas in alios obfiturum se profiteatur , nominatim vero innocentis vitæ exemplo & peritia Græcæ latinæque lingvæ utilem pueris operam navare possit. Scripsi de eadem hac re ad VOGELERVUM , amicum meum non e multis ex vestris civibus , cui familia-

K 5

rius

rius apertos existimo, ut inter æquales fere solet, quinam notas nostras habeant, quibus ipso quis raro insignitior erit. Sed tui tamen iudicii & auctoritatis præcipuæ partes requiruntur, ut pondus habeat negotium & quam citissime expediatur. Nam omnino maturato opus est, optandumque foret, ut aut vestrarum iter litterarum adeo lentum non fuisset, aut protolleretur nostrum; quod qua ratione fieri possit, non video. Sed si detur aliqua, eam utique exosculer, ut omnia rectius interim constituentur, præsertim quod loci mei de quo dixi infessorem attinet, absque illo enim si discefferim, ingens certe damnum discipulorum meorum evitari non poterit, qui plus uno mense dediscent, quam vix anni spatio magna fide denuo inculcetur. Sed omnia sedulitati tuæ reliqua facimus, neque enim, qui ceteras res meas toties tua sponte promovisti, precibus meis impræsentiarum deeris: & ipsa quoque mercimonii nostri probitas emtorem spero facile inuitabit. Veniet enim quisquis erit, cuiatis erit, in messem, cuius alii sementem fecerunt, quam sine rivali non possideret, nisi tam diu inde iam abfuisset, unde ipse nunc primum movet: hospitem habebit, in quo cum eruditione certet humanitas: discipulos morigeros & literaturæ amantissimos, sed & mediocriter scientes: bibliothecam omni librorum genere instructam: stipendium,

dium, si invigilaverit, præter quam vulgo solet honestissimum, &, quod caput est, otium studiorum, nisi quatenus ipse sibi turbaverit, profundum. In hæc fidem illi dare meam possem: sed si fortassis Epicharmeum illud nimium alte imbiberit, potius erit, ut in rem præsentem veniat nostris sumtibus quam expedite. Postea, si locus hic arriserit, de suppellectile transferenda per amicos facile curabitur. Satis iam longos sero, clarissime domine KIRCHMANNE, quos in fasciculum ut colligam, illud a te summopere peto aut, si licet, contendo: primum, ut contra eum, qui me torquet, metum instruas præceptis salubribus VARENHOLTIVM nostrum: deinde, ut de honorario aliquo mihi caveatur: tandem, ut egregius & me ipso quoque melior successor vices meas suscipiat. Quæ tria si impetro, tum me quidem Lipsiæ statò condicito tempore, nisi vadimonium differri poterit, futurum spondeo. Sin in aliquo claudicabitur, ne tum quidem emanendum videtur, nec temporis aut locorum ratio permittit, ut de singulis per mutuas disceptationes conveniatur. Illud tamen submoneo, eam sperare me domini WEDEMEIERI erga me affectionem, ut aliquando tam facilis huc regressus patere possit fortassean, quanto cum dolore inuicem nunc discedimus. Ceterum tibi, amicissime domine KIRCHMANNE, pro hac, quam nunc imposui, & aliis innumeris operis,

ris, quas mea causa sumfisti, tam obstrictum me esse fateor, quam exploratum habeo, Deum, cum ego conturbavero, de sorte simul & fœnore in assem aliquando satisfacturum. Quin ecce, ne quid summæ defit, commendatitias etiam literas istuc a te adscribi vellem, quarum interuentu non ad Altorfins modo, sed & Lipsienses & quacunque transiverimus (neque enim eos nunc, ut olim in transitu salutare vetamur) accessum faciliorem struamus: aut si de tot literis nimium est, viaticam certe salutem non negabis, qua priuste nunc impertior & longum valere iubeo. Eldagiæ in ædibus præstantissimi WEDEMEIERI, a. d. VI. Non. Mart. A. 1611. (Ms. aliud 1610.) T. T.

MART. RVARVS.

P. S. Cum hoc tabellario pacti sumus in grossis Marianis in millaria, id est vestratis monetæ octo solidis Lubecensibus in tria millaria. Repræsentavimus autem hic quasi legativi nomine tres nostrates, quorum unusquisque valet XVIII. solidis Lubecensibus: reliquum Joachimus ibi, si volet, adnumerato, quod non credo tantundem fore. Jussi enim, ut recta Danneburgum iret, atque deinde Gustroviam & ad vos, quod iter, nisi tabularum fides male ambulat, ultra XXXV. circiter millaria nostratia non porrigitur. Vale & clarissimum Theologum LVBINVM, nisi grave sit, meo nomine quamplurimum saluta.

✱ o ✱

VI.



VI.

VITA

ALBERTI MENONIS
VERPOORTEN

SS. Theol. D. Athenaei Gedanensis Rectoris & ad
S. Triados Pastoris Sereniss. Ducis Salfeld-Coburg.
a Consil. Eccl. (*)

Quum caetera multa lectoribus suis gratissima fecerunt Conditores *Bibliothecae Lubecensis*, quam, ut possumus, imitamur, tum hoc quoque, quod virorum vitas eruditione ac meritis insignium, qui orbis quondam arctoi oras illustrauerant, aliis com-

(*) Vitam hanc damus e biographia, quae hoc titulo prodiit: *Inspector & Professores ciuibus Athenaei Gedanensis s. p. d. eosque ad exequias A. M. V. - Viri meritis, honoribus & senio venerabilis a. d. 22. Jun. A. cl. 1802 LII. frequentandas amanter inuitant.* Gedani typis Th. J. Schreiberi 4. pl. fol. Cuius auctorem scripti accepimus CEL. GOTTL. WERNSDORFFIVM esse, Gymnas. Ged. P. P. beati VERPOORTENI generum dignissimum. Nec omisit VERPOORTENII memoriam is, qui vitarum colligendarum hominum eruditorum nostro tempore in Europa viuentium auctor exstitit Vir summe venerab. GABRIEL GVILIELMVS GOETTENIVS *im itztlebenden Gelehrten Europa* P. II. p. 333 sq.

O.

commentationibus suis quandoque miscerent, eorumque memoriam hac etiam ratione posteritati commendarent. Qua & ipsa nos in re quod tam laudabile exemplum conamur sequi, id, ut speramus, minime poterit iis displicere, qui intelligunt, quanti in historia literaria momenti sit, nosse vitas hominum eruditorum. Is vero, de quo nunc ad idonei auctoris fidem commentabimur, certe dignissimus est, cuius rerum notitia paullo plenior ad omnes redundet, quorum non ab omni doctrinae cultu animus abhorret.

Natus fuit ALBERTVS MENO VERPOORTEN ad. XII. Oct. A.P.C.N. MDCLXXII. Gothae, ubi gens vna Ducum Saxoniae, quod notissimum est, sedem suam fixit. Pater eius, WILHELMVS VERPOORTEN, Lubecensis, S. Theol. D. quum filius iste nasceretur, praeco primarius fuit verbi diuini in aula ERNESTI PII, Saxoniae tum Ducis Gothani, post ad Superintendentis dignitatem Generalis in Ducatu Coburgensi euectus, cuius e Belgio ductum genus GROTIOS PAVWIOSque sanguinis propinquitate attigit. Mater vero LVCIA ELEONORA HANNEKENII, Praefulis quondam Lubecensium celeberrimi, filia, proauum habuit GERHARDVM D' HANNEKEN, illum, qui emendatis a
LV.

LVTHERO sacris moram nullam fecit, quin e patria, Campania Galliae, vna cum gente sua emigraret inque tractu Oldenburgenfi consideret, vbi primus fuit sacrorum praeco **LVTHERI** partibus, hoc est, veritatis, addictus.

His aliisque maioribus effulgens **ALBERTVS MENO**, educatus primum in Schola Coburgenfi, in qua peregregiis ingenii dotibus & liberalitate animi adeo eluxit, vt publico praeceptores testimonio declararent, neminem vnquam vidisse eum aequalem, quem non scientia & ardore studiorum superasset. Multum hunc praeclara indoles, multum etiam illud, quod mirere forsan, adiuvit, quod pater eius tam mature decesserat, quem annum agens tertium & decimum amisit, parum liberis, praeter gentis splendorem & memoriam meritorum, relinquentem. Etenim post eius demum mortem se agnovisse fassus est, in vnus **DEI** tutela ac patrocinio sibi acquiescendum fore, laboreque & virtute paranda in posterum, quae fortuna sibi negaret. In hac mente, quam & orbitas ipsi sua & angustia rei familiaris inspirabat, mater filium omni studio firmavit, *virilis animi & consilii femina*. Ita enim ipse in vitae suae commentario, quem manu sua exaratum reliquit,

quit, eam appellavit. Quae quidem ea solertia ac sapientia mores filiorum & studia direxit, ut plura nec a patre expectari potuissent. Itaque hunc, ut olim philosophum suum (*) Graecia, sic nostra aetas Theologum, vidit *μνηροδιδάκτορ*.

Traditus ab hac post patris excessum illustri, quod Coburgi floret, Casimiriano, breui quum praeceptoribus caeteris, tum IO. SCHVBARTO, profecit usque adeo, ut praecocis ingenii iuuenis nondum annos natus sedecim in academiam euolaret Gieffensem, ubi disciplinae se dabat HERTII, BALTHASARIS MENZERI, BALTH. nep. SCHLOSSERI, HANNEKENII auunculi sui, RVDRAVFFII, viri supra quam vulgo credebatur docti, de quo dicere est solitus, famam quam alii haberent, hunc mereri. Quinque ibidem annos quum exegisset bisque auunculo praeside in cathedra pulcre stetit, primum *adversus MARESLIVM*, iterum suo Marte *de elapsu regentorum e statu gratiae* dissertans, peragrata utraque Saxonia visebat Ienam Lipsiamque
aca-

(*) ARISTIPPVM iuniorem prisci illius ex ARETE filia nepotem. Vid. DIOG. LAERTIVS in vita ARISTIPPI. h. e. Lib. II. c. VIII. n. 7. ex edit. PAVLLI, DAN. LONGOLII, Curiae Regnit, 1739. 8 mai.

academias ac salutatis Hamburgi cognatis, Lubecae tandem NIC. HANNEKENII, alterius auunculi, liberis praeerat. Profectus Wittebergam annos natus tres & viginti, socius idem fuit & moderator studiorum, quum HANNEKENIORVM NIC. filiorum, tum PHILIPPI THEODORI fratris, qui ante ipsum est mortuus. Domum vero receptus ac conuictu vsus est HANNEKENII eiusdem, quem Gießae praeceptorem habuerat, qui- que Wittebergam paullo ante venerat, a factione eorum, quos *Pietistas* vocant, vna cum gente MENZERORVM NITZSCHIORVMque ex Hasfia deturbatus. Velut tum primum adiret academiam, ita diligenter munia quaeuis obiit discantis, scholas frequentans non modo auunculi, CASP. LOESCHERI, DEVTSCHMANNI, NEVMANNI, Theologorum, sed eorum quoque, qui humaniores docebant literas, DASSOVII in primis & SCHVRTZFLEISCHII. Quorum altero duce in Rabbinicis & antiquitate Hebraica, altero in historia graecisque & romanis antiquitatibus & literatura qualibet elegantiori tantum profecit, quantum ex eo, quod vterque vir in suo studiorum genere summus, ipse ingenio &

& industria valentissimus esset, vel coniectura assequi licet. Hic in amicitiam influxit GOTTL. WERNSDORFFII patris, VAL. ERN. LOESCHERI, KLAUSINGII, IO. GOTTL. CARPZOVII, magnorum virorum, sed quorum praeter postremum superstes est nullus. Hic vero vir longe lateque celeberrimus, rerum apud nos sacrarum Superintendens hodie meritissimus & exoptatissimus, ut diutissime laetus intersit coetui diuiniori Lubecensi, immo praesit, quis non ex animo nobiscum precatur?

His autem, quae diximus, studiis addebat VERPOORTENIVS Wittebergae disputandi publice duplex, priuatim multo crebrius exercitium, auunculo eodem, quem saepe nominauimus, certamina moderante. Addebat praeterea diligentiam domesticam, qua graeca potissimum historiamque sacram tractauit patresque, quos vocant, Christiani coetus, eo, quo quisque vixit, ordine non percurrit, sed perlegit. Satis his aliisque laboribus ad eam consuetudinem adductus, quae propria est hominis eruditi inque scientiis probe subacti, vicenario maior quadrienio, quum honores petiisset, qui summi in academiis tribuuntur a philosophis, a
V. Cl.

V. CL. WICHMANNSHAVSIO creatus est philosophiae magister. Quibus honoribus facultatem docendi alios vt adderet , C. S. SCHVRTZFLEISCHIO praefide disputavit *de vrbe Nino* primum. Tum ipse praeses iterum *de vrbe Nino* dissertauit ac bis praeterea *de MARTINO BVCERO*. Inter haec scholas non modo aperuit , sed habuit quoque frequentes.

Maluit tamen suafore auunculo patriae se vsibus offerre , quam Wittebergae vitam sequi academicam. Neque vero prius muneri fuit publico admotus , quam is , in quo tantum ille ad hanc rem spei , nec leuibus de causis , posuerat , ALBERTVS , princeps Coburgensis , viuus esset ereptus ; vt videatur exemplo eius docere voluisse prouidum Numen , a se muneri quemque suo praefici , non ab hominibus. Eo mortuo A. P. C. N. MDCLXXXVIII. Pastor gregis sacri Sonnebergensis in tractu Coburgensi , simulque Adiunctus Ephoralis , quae est ibi paullo etiam superior dignitas , constituebatur. Sonneberga A. MDCCVIII. Neostadium transiit , ad Superintendentis ibi munus suscipiendum. Inde A. MDCCXXIII. Coburgum euocatus , Gymnasii Casimiriani regimen , vna cum potestate Theologiam Logicamque &

naturae ius docendi, passus est ad se de-
 ferri. Ibi IOHANNES ERNESTVS
 princeps, ERNESTI PII filius, eum
 in primis dilexit saepiusque in societatem
 adsciuit conuietus, itinerum, oblectatio-
 num, consiliorum, cultus denique diui-
 ni, nec laudari in funere ab alio, quam
 ab eo ipso, voluit. Itaque factum est.
 Huius iussu principis & reliquorum, qui-
 bus seruiebat, illius etiam, quem diximus,
 accedente munificentia, ad petendos, ex
 legibus Casimiriani, summos Theologiae
 honores, acceptis quum ab eodem illo
 principe, tum a FRIDERICO II. Duce
 Gothanorum, literis commendatitiis, Wit-
 tebergam est profectus, vbi ita se virum
 praestitit, ita disputauit publice *de fermento*
Herodis, vt Praeses WERNSDORFFIVS
 finito conflictu feratur dixisse, nunquam
 eruditionis copia VERPOORTENIO
 parem repugnatum in arenam se modera-
 tore prodiisse, nec vllus in mora esset
 Theologorum eius academiae, quin mox
 illi priuilegia sui doctoris conferrentur.
 Ad felicitates caeteras, quibus Coburgi
 fruebatur, hoc etiam accesit, quod, quum
 IOHANNES ERNESTVS, princeps erga
 eum indulgentissimus, A. MDCCXXVIII.
 multum eo dolente diem obiisset supre-
 mum, filius eiusdem & successor FRAN-
 CIS-

CISCVS IOSIAS eodem erat, quo Pater, erga VERPOORTENIVM animo affectus, a quo ipse non minus multa benignitatis & amoris documenta retulit.

Tandem quum suafore, vt creditum est, V. E. LOESCHERO esset ab amplissimis reipublicae Gedanensis ordinibus ad implenda Professoris in Athenaeo suo eiusdemque Reſtoris & ad S. Triados Paſtoris munia euocatus, audientibus Sere-
nissimo Principe eiusque vniuerſa domo & comitatu vtriusque ſexus, patrio ſermone vale Coburgenfibus dicto iter aggreſſus eſt Dantiſcum ſalutatisque in itinere Gothae veteri amico E. D. CYPRIANO, Erfurti ac Wittebergae cognatis, peruenit, quo intenderat, A. MDCCXXXII prope ſexagenarius. Eodem, quo alibi, fauore hic exceptus eandem oſtendit eruditionem, fidem, dexteritatem, induſtriam, vigilantiam; valetudine autem benigniore vti ſibi viſus eſt ipſeque beatior ad mare balticum, quam in patria, eſſe. Quare nec Goettingam demigrare voluit, vbi ampliffimae ſpes fortunae affulgebat, nec ſereniſſimi Principis, de quo diximus, IOHANNIS IOSIAE optatis reſpondere, qui eum annos natum duos & ſeptuaginta lautiffimis recuperare conditionibus fruſtra quum

quaesivisset, consiliarium tamen dixit per diploma. Neque vero minus Gedanenses illum honorare, amare, beneficiis tractare. Filio namque WILHELMO PAVLLO ingenii paterni felici aemulo, in academias proficiscenti praesidia studiorum liberaliter repraesentarunt, posteaque anno ante, quam ipse mortuus est, paroeciam pagi Stublauensis in agro Dantiscano contulerunt.

Mortuus est apoplexiae miseris, quibus anno ante obitum nono primum correptus fuerat, quaeque tertio ante eundem obitum anno muneribus eum valedicere coegerant. His se iunxerunt tandem marasmus senilis, colica, febris, quibus ingrauescentibus placide expiravit a. d. III. Iun. A. MDCCCLII. Vixit annos LXXVIII. menses fere VIII. grandaeuitate maiores suos, quin & cognatos omnes, supergressus.

Matrimonio iunctus fuit suadente matre ALBERTINAE ELISABETHAE, IO. BVRC. ROESLERI, Icti, Principum Coburgensium Cancellarii & Consilarii intimi filiae, Coburgi A. MDCCI. a. d. XXVI. Jan. quam viduam reliquit exactis cum illa annis vno & quinquaginta, mensibus quatuor,

tuor, quamquam solemnitatem saecularem impediuit mariti senis augescens quotidie imbecillitas, susceptis autem ex eadem vxore liberis nouem, quorum priores septem in ipsa extincti pueritia, at superstites sunt filius ille, de quo modo dictum est, & nata, vxor GOTTL. WERNSDORFFII, GOTTL. fil. Gymnas. Gedanens. P. P. V. Cl. quo auctore qualiacunque haec scripsimus, ex qua VERPOORTENIVS nepotes vidit quatuor.

Calluit vir eruditissimus non eruditas modo linguas, sed eas quoque, quae politiores hodie sunt totius Europae. Graecae, quam tota vita amauit, vixit omnes ad Criticen vsque. Noui foeditis corpus multosque veterum poetarum versus memoriter tenuit. Delectatus est plurimum stili latini elegantia versusque condidit, etiam senex, si quando opus fuit, quum latinos, tum germanicos. Hebraicis Rabbinicisque literis tribuerat multum & temporis & diligentiae. In philosophia autem & Theologia historiaque quum sacra tum profana quam versatus fuerit vir tantum memoria pollens, quantum iudicio & rerum vsu subactus, lectorum est nosse, non nostrum exponere. Hanc vero eruditionem tam vastam atque

variā non modo sine taedio cum audientibus communicabat, ut qui esset in primis disertus ac facundus, sed ardebat quasi, quae magna est in doctore felicitas, discendi cupidus impertire, ut ne summis quidem molestiis posset a docendi negotio auocari.

Idem sine fūco fuit, sine simulatione, sine dolo; amicus integer & constans; prudens in consulendo ac taciturnus; inter familiares urbanus, cum gravitate facetus, morositatis expers; mitissimus natura sua, tum ratione quoque, ac facile placabilis; a vindicta arrogantiaque alienissimus; cupidus semper laudandi alios, se ipsum nunquam; in sentiendo iudicandoque cautus & continens; amicitiarum collocationumque, quantam studia seueriora negotiaque paterentur, in senectute in primis, appetentissimus; erga auditores aliosque sibi commissos animatus, ut pater.

Domi suae visus est sine sordibus frugalis, contemtor lucri, liberalis, non prodigus, sorte sua contentus, sereniori semper animo, non querulus, non temporis acti laudator, non saeculi biliosus censor. Bibliothecam habuit forma ac numero medio-

diocreur, vtilitate eximiam, in qua quidem libros ita ordinatos habebat cognitosque, vt numerum cuiuslibet locumque & ordinem posset memoriter recensere.

Sed ad producenda, quae vir meritis-
simus reliquit, scripta properandum est,
quorum coronidis loco addemus indicem.

SCRIPTA
ALBERTI MENONIS
VERPOORTEN.

DISSERTATIONES.

Gieffae prodiit

Dissert. de lapsu regnitorum.

Wittebergae

Dissert. prima de vrbe Nino.

— altera eiusdem argumenti.

De MARTINO BVCERO.

— altera eiusdem argumenti.

Gedani

De Apostolica Theologiae definitione.

De nomine Theologiae.

De scriptura.

De fide ministri ecclesiae duris temporibus
probata.

L 5

De

De *δοξολογία* orationi dominicae subiuncta.
 De bello Domini in Amalec.
 De iustitia fidei ad Habac. II. 3.
 De scripturae S. auctoritate.
 Theses de quarto decalogi praecepto.
 De altera tertiaque epistola Joannea.
 Hypomnemata de Theologia naturali ad
 reuelatam comparata.

Copulatae prodierunt eiusdem argumenti

Dissertt. his titulis :

Analeceta ad libros Symbolicos.

Positiones Theologicae ex posterioribus A.C.
 articulis *cum Praef. filii* de veritatibus
 fundamentalibus.

PROGRAMMATA

*Quae Coburgi scripta sunt , praecipua
 comprehendit*

Fasciculus dissertationum ad Theologiam,
 maxime exegeticam & philologiam
 sacram pertinentium , quem ERN.
 RVD. FISCHERVS edidit. Coburgi
 1738. 8.

Gedanensia aliquot Primitiis Gedanensibus
 inserta sunt. Duo, quae adiecit, sepa-
 ratim lucem adspexerunt, nempe :

De

De significatu τῆ διευρίσεως.
De Inspectorum apud veteres dignitate.

PRAEFATIONES.

De eclogis maiorum librorum *ad librum THOMAE SCHMIDTI* Merckwürdige Geschichte, so sich mit dem N. T. begeben, Altenb. 1720. 8.

De origine & progressu Christianae religionis in Franconia, *ad librum IO. CHR. THOMAE* Histor. Beschreibung des heilsamen Reformations-Werckes des Coburgischen Fürstenthums, Cob. 1722. 8.

De homiliis *ad C. L. HOHEISELII* quatuor selectas orationes sacras. Gedan. 1733. 4to.

De celebrioribus hymnorum sacrorum auctoribus *ad poemata sacra WILH. LUD. NITZSCHII* Geistl. Seiten-Spiel auf die Sonn- und Festtags Evangelia. Gedan. 1734. 8.

CONCIONES SACRAE.

Concio funebris in J. A. EYRINGVM. Coburgi 1724.

Alia duae leguntur in *Collectione Prussica concionum sacrarum.*

ALIAE

ALIAE LVCVBRATIONES.

Sacra superioris aevi analeſta. Coburgi
1708. 8.

Commentatio hiſtorica de MARTINO BV-
CERO eiusque de coena Domini ſen-
tentia, Coburgi 1709. 4

Oratio parentalis in funere Ill. CHRISTII,
ab huius filio I. F. CHRISTIO Lipſ. Prof.
Lipſiae cum caeteris epicediis edita.

D. GOTTFRIDI LVDWIGII hiſtoria Gym-
naſii Caſimiriani, Pars altera. Coburgi
1729. 8. *ἀναγόμεως ὁ Germanice.*


Primitiae Gedanenſes. Gedani 1736. 4.

Commentatio de G. L. SEIDENBECHERI,
vita & iſtitutis cum hypomnematē
de origine opinionis Chiliaſticae. Ged.
1739. 4.

Annotationes in N. T. *ſingulis verſibus Bi-
bliorum Vinarienſium, quae auſpiciis FRI-
DERICI II Ducis Gothanorum ſunt re-
cuſa, eiſdem iuſſu Ducis inſperſae.*



NOVA
BIBLIOTHECA
LVBECENSIS.



VOLVMEN III.

LVBECAE
SVMTV IONAE SCHMIDII
A. MDCCLIII.

CONTINENTVR

Vol. III.

- I. Disquisitio, num serpens aeneus, a Mose in deserto erectus, ex disciplina Aegyptiorum hieroglyphica sit arcessendus?
- II. D. IOH. HERM. BECKER de coeco in via ductore, ignorante & heterodoxo ad Matth. XV. 14.
- III. M. IOACH. HENR. OSTERMEYER de fidei & reuelationis brachii Jehouae defectu ad Ies. LIII. 1. dissertatio.
- IV. Oraculum Hebr. IX. 11. 12. illustratum, auctore A. G. MASCH.
- V. M. ERICI SIM. HENR. à SEELEN de Sale, catechumenorum commentatio.





I.
D. Jo. Gottlobi Carpzovii (*)
Brevis disquisitio:

Num serpens æneus, a
Mose in deserto erectus,
ex disciplina

Ægyptiorum hieroglyphica,
sit arcessendus?

Jo. Geo. Wachtlero opposita.

§. I.

VIR apprime doctus, & admirabili
mentis acumine pollens, qui supe-
riori anno, *Natura & scriptura Con-
cordiam*, erudito commentario illustravit,
(a) multa, nec poenitenda, ex ultima & re-
condita eruit antiquitate, nonnulla vero
pro sagacitate ingenii supponit, quæ sub
examen & censuram vocari, in sinistram
non interpretabitur partem. In his est,
quod de Mose (b) tradit, eum, dum jussu
divino serpentem æneum, de pertica su-
spensum, faucibus & ex presterum morfu de-
cumbentibus Israelitis, ne mortem oppe-

(*) Hæst. *J. W. Kraft* in *der Hist. Bibl. Part. 87. pag. 346.* terent,

(a) Lipsiæ, A. 1752. in 4. v. *Krafts Hist. Bibl. Part. 75. p. 411.*

(b) Pag. marg. 116 sq.

Nov. Bibl. Lub. Vol. III.

A

terent, signum salutare ob oculos posuit, *Ægyptiorum more, symbolo fuisse usum*, eo-
que conficere nititur exemplo, ipsum ar-
tem per symbola docendi novis inventis auxisse
& sanctificasse. Præclarum autem istud re-
ligionis Israeliticæ documentum, nec ex
Mosis ingenio, nec ex magistrorum, qui-
bus in Ægypto usus fuerat, præceptis, sed
ex deserto sanctissimi Numinis instituto,
ortum traxisse arbitramur, eoque nomine
ad hieroglyphica Ægyptiaca minime esse
referendum.

§. II.

Ut carceres definiamus, intra quos no-
stra decurrat oratio, non historiam serpen-
tis ænei texemus, quam post interpretes ad
Num. XXI, 9. JOH. BUXTORFFIUS fil.
(a) ex Hebræorum mente, & SAM. BO-
CHARTVS (b) ex omni lingvarum orien-
tis penu, copiose exposuerunt; ut eos ta-
ceamus, qui disquisitionibus Academicis
illam discutere aggressi sunt: nec typicam
cum Christo, de cruce suspenso, collatio-
nem instituemus, qua novissime LAMPIVS
qui ad BOCHARTI ductum, typum &
antitypum solícite mutuo contendit, &
com-

(a) Exercit. VI. p. 457.

(b) Hieroz. lib. III. c. 13. p. 421.

commentatores alii ad Ioh. III, 14. 15. qvin & ii, qvi data opera in typos, eorumque rationes inqvifiverunt (c), fcite funt defuncti; fed veltigiis viri docti infiftentes, in id cumprimis inqviremus: *num ferpens æneus ad hieroglyphicam Ægyptiorum disciplinam pertineat? & num hoc indicio valide evincatur, magnam fcriptorum Mofis partem hieroglyphicam effe, quam in Ægypto inclutus ille hauferrat legislator?*

§. III.

Facile largimur, quod urget, fuæque præftruit fententiæ, omni Ægyptiorum doctrina probe imbutum, fubactumque fuiffe Mofen, qvoad Stephanus divino comprobatur testimonio Aët. VII. 22. Nec dubium, qvin qvem filia Pharaonis, five

A 2

Merris

(c) *Petr. Dan. Huetius* Demonftr. Evangel. Propof. IX. cap. 170. §. XI. *Io. Henr. Urfinus* in Paffionali; Symbolo VII, p. 296. *Marckius* fcriptur. Exercit. VIII. *Fr. Turretinus*, Diff. de ferpente æneo, quæ in decade ultima eft, *Io. Sigism. Kirchmaier*, Difqv. Academ. Marburgi, A. 1715. *Biermannus* in Mofe & Chrifto Lib. V. cap. VII. p. 777. edit. Belg. *Wilh. Momma* Oeconom. tempor. Lib. II. cap. XIII. §. 5. p. 244. &, qvî primo loco nominari merebatur, Vir doctrinæ excellentia, meritorum gloria, munerum & fœnii gravitate Venerabilis, *Sal. Deylingius* P. II facrar. Obferv. XV. p. 156.

Merris illa (*a*), sive Termuthis (*b*) vocaretur, sibi asseruerat, & in spem regni educabat, summa cura bonis literis imbuere curaret. Quæ autem ista fuerit Ægyptiorum sapientia, tot veterum fabulis involutum, tot auctorum commentis obrutum est, ut ex isto Democriti puteo veritatem protrahere vix liceat. Quæ enim Coelius RHODIGINVS (*c*) fide antiquorum scriptorum de illa tradit, quæ MARSHAMVS (*d*) in medium profert, ita vacillant, parumque sibi constant, nihil solidi ut inde elicias. PLUTARCHVS certe, qui alias in ornanda & pingenda Ægyptiorum Theologia, multum operæ locavit, tamen fatetur: (*e*): *πρὸ τῶν ἱερῶν τὰς σφίγγας ἐπιεικῶς ἱστᾶσι, ὡς αἰνιγματώδη σοφίαν τῆς θεολογίας αὐτῶν ἐχέσης. ante templa Sphinges plerumque collocant: quo innuunt, suam rerum sacrarum doctrinam constare perplexa, & sub involucris latente sapientia.* Demus AVRELIO MACROBIO, matrem artium fuisse Aegyptum; & Apuleio, ut sicut olim Iudæi superstitiosi, Nabathæi mercatores, frugum pauperes Scythæ, odorum divites Arabes, ita Ægyptii eruditi appel-

(*a*) Iuxta *Artapanum*, apud *Euseb.* lib. IV. de præparat. Evang. cap. XVIII. XXIII. XXVII.

(*b*) Apud *Iosephum* lib. II. *Antiqv.* cap. IX. §. 5.

(*c*) Lib. XVI. *lect. antiqv.* cap. 3. p. 836. F. G.

(*d*) Canon. Chron. Sec. IX. p. 142 sq. edit. Lips.

(*e*) lib. de *Iside & Osiride.*

appellarentur; demus porro, vetustissimos sapientes, Thaletem, Pythagoram, Platonem, alios, Ægyptum adiisse, ut ex illo velut scientiarum mercatu, copias suas locupletarent, nondum tamen vel verum inde intelliges, vel quæ artes ac disciplinæ, præ ceteris, Ægyptum ea tempestate colustrarint, cognosces. Tanto nimirum temporum hiatu, ab ætate Mosis scriptores isti disjuncti sunt, tantum etiam vel amoris gentis suæ, vel ingenio suo dederunt, ut, quæ explorata satis essent, nec a maioribus acceperint, nec ad posteros propagarent. Ut fraudes taceam primorum a nato servatore seculorum, in supponendis spuris & hypobolimæis veterum nomine scriptis, alii ut bene multi, at incauti, in errorem iis inducerentur. Et ut ad Mosis revertamur institutionem, exemplum cape a Philone, qui Ægyptiis non contentus, externos præterea magistros, formando Mosis accitos, tradit (f): διδάσκαλοι δ' εὐθὺς ἀλλοχόθεν ἄλλοι παρῆσαν. οἱ μὲν ἀπὸ τῶν πλησιοχώρων καὶ τῶν κατ' Αἴγυπτον νόμων αὐτοκέλευστοι. οἱ δὲ ἀπὸ τῆς ἐλλάδος ἐπὶ μεγάλας δωρεάς μεταπεμφθέντες. *Confestim aliunde acceperunt præceptores, quidam ultro venientes e præfecturis Ægypti proximis, alii magnis præmiis invitati e Græcia.* Paulo

A 3

post

(f) lib. I. de vita Mosis p. 470.

post ita pergit: ἀριθμὸς μὲν ἔν, καὶ γεω-
μετρίαν, τὴν τε ῥυθμικὴν καὶ ἀρμονικὴν, καὶ
μετρικὴν θεωρίαν, καὶ μεστικὴν τὴν σύμπα-
σαν, διὰ τὴν χρήσεως ὀργάνων, καὶ λόγων τῶν
ἐν ταῖς τέχναις, καὶ διεξόδοις τοπικωτέροις,
Αἰγυπτίων οἱ λόγιοι παρέδωσαν. καὶ προσέτι
τὴν διὰ συμβόλων φιλοσοφίαν, ἣν ἐν τοῖς λεγο-
μένοις ἱεροῖς γράμμασιν, ἐπιδείκνυνται, καὶ διὰ
τῆς τῶν ζώων ἀποδοχῆς, ἃ καὶ θεῶν τιμαῖς
γεραίρουσι. τὴν δὲ ἄλλην ἐγκύκλιον παι-
δείαν Ἕλληνες ἐδίδασκον, οἱ δὲ κ τῶν πλησιο-
χώρων, τὰ τε Ἀσσύρια γράμματα, καὶ τὴν
τῶν ἑβραίων χαλδαϊκὴν ἐπιστήμην. κ. τ. λ.
*Itaque numeros & Geometriam, universamque
Musica, rhythmicam, harmonicam, metri-
cam, sive contemplativam, sive per instrumenta
vocesque prominentem se variis modis, accepit
ab Aegyptiis doctoribus: & insuper occultam
Philosophiam, descriptam literis hieroglyphicis,
hoc est, notis animalium, quæ ipsi veneraren-
tur etiam pro numinibus. Reliquas liberales
artes Græci docebant: ex propinquis autem
regionibus evocati Assyrii suas literas, Chaldæi
fideralem scientiam &c. Eadem ex Philone
hausit ac repetiit CLEMENS ALEXANDRINVS
(g). Attamen liquido falsitatem produnt,
cum ea tempestate Græcia literis adeo ex-
culta nondum fuerit, ut idoneos exteris
dare posset magistros. Ad fabulas quoque
spe-*

(g) Lib. I. Stromat. p. 343. edit. Sylburgii.

ſpectat, quod recentiores nonnulli, Moſen Chemiæ apprime peritum inde colligunt, quod Exod. XXXII, 20. vitulum aureum arte Chemica in tenuiſſimam ſcobem, quæ aquis innataret, & ab Iſraelitis potando hauriri poſſet, redegiſſe memoratur. EDMUNDVS DICKINSON (*b*) hoc ita demonſtrare operoſe nititur, quod, quando idolum igne combuſſiſſe, & in tenuiſſimam contriviſſe ſcobem legitur, id aliter fieri non potuiſſe contendat, quam ut igne Chemico in valde ſubtilem atque ſolubilem calcem conſlaret aurum, adeo ut in aqua diſſolvi, & ad bibendum propinari potuerit. Ut autem calx auri ſolubilis reddatur, arcando quodam pulvere, vel liqvore injecto opus eſſe, qui artem viri ſapientiſſimi, reſerandæque naturæ peritiſſimi requirat, quæ ſi in Moſe fuerit, Alchemiæ perquam fuiſſe peritum eum, evictum erit. Quæ eadem, qua aſſeruntur, facilitate exploduntur. Censendum potius eſt, Moſen vitulum iſtum in ignem coniectum, in rudem informemque redegiſſe auri maſſam, ut vitulus igne aboleretur & vitulus eſſe deſineret; hanc porro maſſam illum elimaſſe & in tenuiſſimam attriviſſe ſcobem, qualem IOSEPHVS (*i*) memorat, Salomonis eqvites capillis ſuis in-

A 4

ſper-

(*b*) In Phyſica Vet. & nov. cap. XX, §. 4. p. 317ſqq.

(*i*) Antiqu. lib. V. cap. 2.

spersisse, ut solis percussu illuminati splenderent. Hujus furfuris reliquæ sunt gerræ ficulæ, quæ de vetustissimorum Ægyptiorum sapientia sparsæ in vulgus passim leguntur. Istud autem alienum ab instituto non fuerit, inquirere, unde Moses notitiam veri Dei, fidemque hauserit salutarem & adeo firmam, ut Paulo teste Hebr. XI, 24. renueret amplius vocari filius natæ Pharaonis, ampliores ratus divitias probrum Christi, quam temporariam peccatorum fruitionem? A matre, cui lactandus traditus fuerat, pusionem religionis præcepta imbibisse, quod aliqui perhibent, vix crediderim, quod illa finito lactationis tempore, triennem forte aut circiter, in aulam deduxerit, & matri adoptatrici reddiderit, quæ regio more eum educari, avita superstitione imbui, & ad vitam aulicam ac principe dignam formari curavit, ubi Israelitarum, in summo contemptu & opprobrio agentium, nullus sana & divina ipsi dogmata instillaret. Verum, ut taceam, quæ de Iosephi studio, instruendi proceres regni, David Ps. CV, 22. prædicat, cum non tam ad religionem & sacra, quam ad gubernationem regni, prudentiamque civi-

(k) Cum viro de ecclesia Lubecensi meritissimo,
 b. GOETZIO in disqv. sacra, *num Pharaos
 opera Iosephi, ad veram ecclesiam perductus fue-
 rit?*

civilem, quicquid est istius institutionis, referamus (k): haud dubie tamen ante dudum, quam annos natus XL. gentem suam inviseret, aulaeque nuncium mittere constitueret, cum popularibus suis colloquia eum miscuisse, & avitæ, patriæque religionis momenta probe hausisse, persvasum habemus. Crebra illa, at secreta, institutione ad tantam profecit sanioris Theologiae cognitionem, ut gratiosa Spiritus S. operatione, heroicam illam adipisceretur fidem, quam Stephanus in Actis, & Paulus ad Hebræos, digna effert laude. Velut enim peregrina latere ipsum non poterat origo, quam etiam Ægyptii probe habebant compertam, sic hætenus vivendi rationem ita composuerat, ut aulae uteretur præfidiis, suorum tamen insigni tangeretur cura, eorumque cum misertus fortunam, tum magni faciens doctrinam, & cum Deo Abrahami familiaritatem, consilia de mutando domicilio vitæque genere serio secum volveret, donec expleto annorum XL. spatio, in eam adolevisset παρρησίαν, ut de relinqvendo abominationum Ægyptiacarum commercio, serio cogitaret,

A 5

&

rit? §. XIV. p. 15 sq. & celeberrimo Hildesien-
sium Præsule, IO. DIETER. WINCKLERO,
Animadversion. Philolog. & Criticar. P. II. loc.
XXII. p. 209 sqq.

& sanctissimo instigante Numine tanti rem perficeret momenti.

§. III.

Sed ut propius ad rem accedamus, urget vir doctus, quocum nobis disceptatio est (a), *artem symbolicam ab Ægyptiis didicisse Moſen*. Ut vero iſtud dederim, eximiam tamen ſublimemque inde retuliſſe ſapientiam, perſvaderi mihi non patior. Quia ſymbolicæ ſciētiæ ſummum ſtatuebant pretium Ægyptiorum myſtæ, eamque velut ad diſciplinam arcani referebant, excellentibus tantum & ſelectis tradendam ingeniis, facile inducor ut credam, principem regium eadem probe fuiſſe imbutum. Nimirum, quod laudatus ſupra CLEMENS ALEXANDR. alio loco (b) perhibet, Ægyptii triplicem adhibebant inſtituendi methodum, *ἐπιſολογραφικὴν*, quæ literarum Ægyptiarum vim ac rationem docet, *τὴν ἱερατικὴν*, quæ utebantur ſacerdotes, & *ἱερογλυφικὴν*, quæ rurfus gemina, *κυριολογικὴ*, quæ per prima elementa proprie loquitur, & *ſυμβολικὴ*, quæ per ſignâ ſignificat. Iſtam velut encyclopædiam Ægyptiacam hauſerit licet Moſes, tanti tamen poſthæc etiam feciſſe, ut in codicem divi-

(a) pag. 116.

(b) Stromat. lib. V. p. 555. edit. Sylburg.

divinum illam transferret, credendus non est. NICOL. CAUSSINUS (c) ut quam ornandam sibi sumserat Junonem, majori longe instrueret autoritate, ultimam ei antiquitatem conciliare nititur, quando symbolicae Theologiae originem ad Abrahamum, & tempora ipso priora refert. Velut autem ex ingenio solum & conjectura, absque idoneo antiquitatis teste, istud asserit, ita pari respuitur quoque facilitate. Quicquid demum ejus rei sit, exiguum ei pretium jure meritoque statuit WITSIVS (d), primam quam habemus Ægyptiorum Theologiam, mere historicam fuisse censens, qua hominum de republica bene meritorum memoriam coelo intulerint, multis in eam congestis fabulis, quarum cum pueret posteros, sensim coepisse mysticos iis significatus affingere, quod ex Eusebio, Osiridis atque Isis exemplo, probat: hinc non altius enisam esse, quam ad rerum naturalium & corporalium elucidationem; quam quidem rationem novissime, doctissimus Gallus, PLUCHE (e) prolixè edisseruit, & scripturam symbolicam a primis arcessens Originibus, scita pariter verborum explanatione, ac iconum repræsentatione,

(c) *de symbolica Ægyptiorum sapientia*, statim in limine * 3 b sq.

(d) *Ægyptiacor.* lib. II. cap. IV. §. 19 sq.

(e) *In historia coeli* P. I, edit. Gall. p. 25 sqq.

tione, illustravit. In hoc autem studio, in naturalibus quippe adumbrandis, figurandisque, omnem Ægyptiorum hieroglyphicam sapientiam, infra Græcanicarum solertiam fabularum longissime subsedisse WITSIVS (f), probe & ex vero observat, universam demum tractationem istam hoc demum epiphonemate obsignans: *quicquid sit, adeo perplexa, obscura, atque incerta sunt, sæpe etiam inepta Ægyptiacæ Theologiæ ænigmata, nihil ut inde solidi, & in quo operæ pretium sit, extundi queat. Nam quæ magno volumine in Oedipo suo Kircherus congerit, ea prudentiores inania plerumque commenta esse, hominis ingenio atque otio abutentis, vident & rident.* Etsi vero IOH. BAPT. CASALIUS (g) magnum KIRCHERO statuit pretium, eumque cum sacrorum mysteriorum, sub hieroglyphicis disciplinis latentium investigationem, tum idiomatis Ægyptiaci antiqui, quod Coptum vocamus, restorationem, totius orbis admiratione, suppeditasse contendit: secus tamen viris doctis & visum, & documentis demonstratum est, velut πολυμαθέςαρον WAGENSEILIVM, plus vice simplici edixisse memini, se KIRCHERVUM insignem censere impostorem. Ista vero in symbolicam doctrinam ἐγκλήματα, adeo certa sunt & explorata, ut

(f) cit. loc. §. 21. 22.

(g) de veter. Ægypti ritibus cap. X, p. 21.

ut exemplis, si opus foret, ea figillatim demonstrare, in proclivi esset. Obscuritatem & ambiguitatem scripturæ huic symbolicæ ipse Vir doctus (b) ultro largitur, ut non sufficeret ad certam & determinatam cognitionem cum altero communicandam, vel ex symbolis hauriendam. Et unde est, quod hieroglyphica scriptura nulla, in continua serie & integro contextu, certum hætenus & indubium nata sit interpretem, licet singulis notis vel iconismis, aliquam, sed variam & fluctuantem tribuerint significationem?

§. IV.

Jam quod ex superiori asserto elicere contendit naturæ & scripturæ conciliator, *magnam scriptorum Mosi partem hieroglyphicam esse, h. e. symbolis, typis, & umbris rerum præsentium & futurarum refertam, & quod denuo (a) inculcat, Mosem artem per symbola docendi, non damnassee, sed novis inventis auxisse & sanctificasse, istud haud dubie e KIRCHERO hausit, qui (b) Mosem omnia per symbola tradidisse, omnemque scripturam s. nil aliud, quam mysticam rerum doctrinam pandere, unde Christus*
qvo-

(b) Pag. marg. 43.

(a) Pag. 118.

(b) In Obelisci Pamphili lib. II. cap. V. p. 115 sq.

quoque pleraque sub parabolis tradiderit, affirmat. Hoc autem est quod negamus, & in sanctissima Dei oracula injurium pronunciamus. Symbola quippe profana & superstitiosa distinxisse oportebat a castissimis mysteriorum divinorum sive typis, sive vaticiniis: utraque enim immane quantum distant. Est nimirum typus, persona, vel actio, vel res Vet. Testamenti, quæ aut Christum, aut mysterium Novi Test. in imagine sistit & repræsentat. Curate hanc docendi methodum solertissimus scripturæ interpres, b. GLASSIUS, tradidit (c) dignus, qui præ ceteris hic evolvatur. Cum primis ad typum requiritur, notante DANHAVERO (d) ut Spiritus s. eum liquido alicubi indicet, absque quo criterio vel nulla, vel incerta ejus sit explicatio. Quod SIXTIVS AB AMAMA (e) uberius inculcat, Candidatos sollicitè monens, ne pro concione, ex qualibet persona, vel re veteris Instrumenti, typum sive Christi fabricent, sive ecclesiæ, sive aliorum mysteriorum. *Sit aliquid, pergit, in utroque simile, hoc typo constituendo neutiquam satis est. Nunquam enim evinces, esse typum, nisi ex pagina sacra ostenderis, illud a Spiritu S. huc fuisse destinatum, & ad hanc repræsentationem ordi-*

(c) Philol. S. lib. II. Part. II. Tr. 2. sect. 4.

(d) In Idea boni interpr. p. 239.

(e) In Anti-Barbaro Bibl. lib. I. p. 168 sq.

ordinatum. Quæ eo fine allego, ne in Mo-
 fis & Prophetarum volumina nimii intru-
 dantur typi, stylusque ut plurimum, & tan-
 tum non ubique, fingatur ænigmaticus aut
 figuratus. Veræ autem adumbrationes ac
 figuræ in veteri codice, divinam agnoscunt
 originem, calculum ferunt in reliquis vo-
 luminibus sacris, & consensum divinum,
 divinam præterea, & humana augustio-
 rem, in attentis lectoribus operationem e-
 dunt ac virtutem; non profanos auctorum
 fallacium & infidelium spirant conatus,
 non humani ingenii lusus, qui in hiero-
 glyphicis rerum potiuntur. Quæ ex san-
 ctissimi Numinis, vel imperio, vel in-
 stinctu gesta, dicta, & literis consignata
 sunt, ea absit, ut aut ex impura Ægyptio-
 rum institutione derivare, aut cum mon-
 strosis eorum simulachris conferre, ausi-
 mus. Id non negaverim, quod *αἰσχροψία*
 docet, dicendi genus in Scriptura S. ad
 gentium Orientalium morem attempera-
 tum esse, & similitudinibus, allegoriis, a-
 pologis, & figuris rhetoricis refertum, ve-
 lut ex libro Iobi, ex Iud. IX. ex Ezechie-
 lis, Zachariæ, ceterorumque vatum san-
 ctorum oraculis, maxime ex docendi me-
 thodo, Salvatori optimo recepta Matth.
 XIII. & alias passim obvia, ad oculum pa-
 tet: inter ista tamen, & inter Ægyptiaca
 symbola insigne intercedit discrimen. Quid
 enim

enim vel personis humanis, vel actionibus Propheticis, aut typicis commercii aut paritatis est, cum absurdis istis, & hinc spurcis, hinc ab omni naturæ lege abhorrentibus hieroglyphicorum figuris, quæ humano corpori taurinum, asininum, aut lupinum caput, vel accipitris rostrum præfigunt, vel capiti & figuræ humanæ avium corpus, pedes & ungulas subjiciunt, vel mammosam sive Isidem, sive Cererem, vel Sphyngis monstrum, repræsentant? Plane juxta Lyrici Poëtæ delineationem:

Humano capiti cervicem pictor eqvinam
Jungere si velit, & varias inducere plumas,

Undiqve collatis membris, ut turpiter
atrum

Desinat in piscem mulier formosa superne.

Evolvatur quis, & attente contempletur iconismos istos hieroglyphicos, quos laudatus PLUCHE in *historia coeli* P. I. edit. Gall. p. 48. de Anubi, p. 66. de Serapide. p. 72. de magna Dea Syriæ & Ephesi, maxime n. 2. & 3. p. 84. 86. & 274. de Horo, p. 90. de Harpocrate, p. 186. de Iside armata n. 4. rursus p. 308. n. 2. de Iside, & n. 3. de Osiride cum capite lupino, oculis subjicit: adjiciat ex KIRCHERI *Obelisco Pamphil. lib. II. cap. 6. p. 130. alphabetum Ægyptiacum, lib. III. cap. 9. p. 212. imaginem Horii,*

ri, p. 213. Osiridis, cap. 10. p. 222. Iovis, five Panos, ceterasque pag. 284. 294. 327. 418. 447sq. 450. 454. 481. 520. obvias: demum apud Io. PIERIVM VALERIANVM *hieroglyphic. lib. XXI. cap. 3. pag. 210.* indignum divina maiestate, sub accipitris specie, cum effigiem intueatur, tum sub-iunctam legat interpretationem, qvin & per ciconiam *lib. XVII. c. 13. p. 172.* & per crocodilum *lib. XXIX. c. 2. p. 291.* repræ-sentatum intelligat Deum, ideo, *quod so-lus inter animalia elingvis esse deprehensus est, quod divinitatis munus esse perhibent Ægyptii:* quam male etiam dignitati principum con-suluerint, ediscat ex *cap. XVI. cit. lib. p. 295.* ubi insignia ipsis, in suprema parte plu-matum ciconiæ caput referentia, inferne autem in hippopotami ungulam desinen-tia, assignant. Addat ulterius ex Casälio, monstrosas vel ineptas, animæ p. 25. Ca-nopi p. 30. Isidis p. 38. Anubis cum cyno-cephalo p. 41. rursusque Isidis p. 48. n. 14. figuras. Hinc itaqve sententiam dicat at-tentus spectator & lector, num Moses ab-sonam istam, & monstrosis refertam symbo-lorum disciplinam in sacrum codicem in-tulerit, novisque inventis auxerit & am-plificarit? Qvin et, cum hieroglyphica Ægyptiaca de naturæ quibusdam eventis, de exundatione Nili, de caritate annonæ, de

Bibl. Nov. Lub. Vol. III.

B

de tempestatum vicissitudine, aliisque mortales, signorum ejusmodi peritos, instruerent; nihil plane divini, nihil religiosi, nihil quod ad æternam animarum conducatur felicitatem, in iis deprehendes, quo tamen universa sacri codicis in solidum spectat institutio: nec virtutum studium aut vitiorum & criminum fuga, quæ in divinis literis proram ac puppim constituunt, illis inculcatur, nisi quod sequiorum temporum scriptores nonnulli, moralia figuris istis affinixerint præcepta, de quibus veteres Ægyptii ne per somnium cogitarunt. Ut incestuosam, spurcam, & honestis auribus intolerabilem taceamus Theogonian, symbolis istis pariter comprehensam, ad quam pia mens horret & obstupescit: hanc cum castis, purisque Mosis præceptis conferant hieroglyphicorum basiatores & amassii, & videant, num quid paganorum impuris figmentis simile eruere ex illis queant? Num acerbius aliud in sanctissimam fidem nostram conjici scomma queat, quam illud auctoris: *nam his* (symbolis hieroglyphicis) *universe sublatis, præcipuum Christianæ religionis fundamentum evertitur.* Licet itaque CYRILLVS ALEXANDRINVS (f) ab Auctore in partes citatus, diserte affirmet, legem in umbris versari & ænigmatis, quæ

(f) lib. IX. contra Iulian. Opp. Iuliani p. 299 sq.
at Opp. Cyrilli T. VI. p. 289. edit. Paris, A. 1638.

quæ aliud præferunt, quam quod ipsamet esse credantur, & exemplo ἱερογλύφων, s. artificum illorum declaret, qui in templis & obeliscis literas incidentes, notis, tritisque non utebantur, sed aliis figuris rerum naturas efformantes, abstrusam quandam scientiam sapientioribus ingerebant: id tamen nunquam voluit aut asseruit strenuus ille veritatis adversus τὸν παραβάτην vindex, quod libri Mosaici pari, cum hieroglyphicis figuris, obscuritate laborent, aut quod universe sublatis e sacro codice symbolis, præcipuum Christianæ religionis fundamentum evertatur. Anne contrarium plane Moses affirmat Deut. XXX. 22. adstipulante Paulo Rom. X. 6sq. anne decantata, & a Theologis nostris solide vindicata Scripturæ s. claritas & evidentia aliud longe evincit? Explicat solummodo Cyrillus contra Φλυσίας Iuliani en. περὶ τῆς, typum hirci apopompæi, eumque figuram Christi portasse demonstrat, cujus mysterium ex luculentis novi foederis testimoniis illustrat; tantum abest, ut Mosen paria cum ἱερογλύφοις fecisse pronunciet,

§. V.

Nunc ad id, quod caput rei est, devolvimur: num serpens æneus, a Mose erectus, ex arte hieroglyphica, in Ægypto

a Mose hausta, promanaverit, *quia serpens est symbolum vitæ & salutis apud omnes gentes?* Hunc in finem ad nummōs provocat Auctor, quorum aliqui Græcorum, baculo Æsculapii serpentem circumvolutum exhibent, quia Medicina maxime est ars salutaris, alii vero Romanorum, in quibus Dea SALVS plerumque sit figura stans vel sedens, serpentem manu tenens, vel e patera pascens, unde æneus quoque serpens *signum salutare* Sap. XVI. 5. 6. 7. dicatur. Fallor, an Auctori prælusit memoratus supra PIERIVS VALERIAN. (a) ubi de Æsculapio verba faciens, satis frigide de æneo serpente in hunc modum differit: *Inesse quidem angui remedia multa, experimento compertum est, neque ullum esse ajunt apud Medicos volumen, quod angvium in ægritudinibus beneficia non latissime demonstret: ut minus miremur, serpentis effigiem ex ære in contum surrectam a Mose, in quam populus oculos intendens, ab incommodis, quæ se in itinere tam longo oggerere potuissent, divino spirante præsidio, liberarentur.* Quæ verba, uno plura opinionum monstra alunt, curatius examinanda & explodenda, si cum ipso nunc nobis concertatio esset. Sufficiat inde cognovisse, Pierium ex serpente æneo signum hieroglyphicum exsculpsisse. Ad hæc observamus N. serpentis Hieroglyphici

(a) Lib. XVI. cap. I. p. 158.

ci tam variam ac ancipitem, tam sibi ipsi quoque adversam fuisse significationem, Oedipo ut opus fuerit, qui ubicunque delineatus ille occurrit, genuinam ejus mentem hariolando assequatur. Nil nisi magnificum ac salutare ei attribuit KIRCHERVS (b), divinitatis symbolum, mundi totius indicem, quatuor elementorum designationem, & ἀγασθαίμνος directionem & auspicia, serpentis effigiem referre, Græcorum & Ægyptiorum fide, ex Eusebio cum primis testatus. Nec inficias ire licet, Æsculapio illum dicatum, cujus insigne serpens erat baculo circumvolutus, & lubricis amplexibus inhærens, VOSSIO (c) docente; unde ὕγεια salus, quæ Æsculapii filia fuisse fingitur, angvis symbolo (d) instruebatur. Quin & per serpentem, totum hoc universum Ægyptios delineasse, quod KIRCHERVS mox referebat (e), WITSIVS ex Hori hieroglyphicis edocet, imo divinitatem aliquam, draconis serpentiumque naturæ Tautes apud Eusebium largitur, unde ALEXANDER M. summique heroës alii, serpente se natos gloriabantur,

B 3

ut

(b) c. l. lib. IV. cap. XVII. toto. p. 347.

(c) lib. IX. de Theol. gent. cap. 32. p. 282.

(d) Voss. ib. cap. 36. p. 293.

(e) Ægyptiac. lib. II. cap. IV. §. 23. cui Vossius adstipulatur ex Philone Biblio, c. l. cap. 2. extr. pag. 236.

ut augustiorem humana sibi assererent originem. Hinc etiam pro Deo cultum fuisse ab Ægyptiis (f) prisca ætate, recentiore autem ac seqviore, a Borussis, Samogithis, & Calecutensibus, Vossius probat, quin & Babyloniiis (b) ac Peruanis (i) Dei symbolum præbuisse demonstrat. Ægyptios æque ac Phoenices, serpentes ἀγαθοδαίμονας, bonos ac felices genios appellasse, Eusebius autor est (k). Idque non adeo mirum, cum serpentium nonnullos, innoxios, quosdam etiam φιλανθρώπους, laudatus toties Vossius (l) commemoret. Hinc TRISTANVS (m) eos, ceu genios felicitatis, magnitudinis, potentiae, victoriarum, salutis, tutelae, prudentiae, fidelitatis, philanthropiae, concordiae, vigilantiae, castitatis & divinitatis, celebrat. Haecenus quidem notiones hujus signi benignae. Sed tot etiam præsto sunt infestae, quando CASPAR GEVANTIVS (n) serpentem hostilitatis, dissidii, seditionis, bellique signum

(f) Voss. lib. IX. cap. II. init. p. 235. & cap. 14.

(g) lib. IV. c. 63. p. 163.

(b) lib. IX. cap. 10. p. 233.

(i) lib. III. cap. 13. extrem.

(k) lib. I. de præpar. Evang. cap. VII.

(l) lib. IV. p. 112.

(m) ap. LAURENT. BEGERUM de nummis Cretensium serpentiferis p. 11.

(n) In triumpho Austriaco Ferdinandi, in urbem Antwerpiam, apud cit. BEGERUM p. 8.

gnum esse late probat, ac velut in Mercurii caduceo, pacis insigni, angves gemini, virga media divisi, hostes sejunctos, pacemque factam esse designant, ita & in nummo AVGVSTI GEVANTIVS arbitrat, per geminos angves, geminas & exitiales Romani imperii factiones designari, quæ victoria media dirimantur, Antonio scilicet Augusti armis ad Actium superato, adeoque *Asia*, cui Antonius præfuerat, recepta, ut nummi habet epigraphe. Istud vero, quod de caduceo Mercurii afferebatur, in quo serpentes hostium divisorum gerunt figuram, Plinii quoque confirmari testimonio (o) potest. Hinc ἐρις, discordia, viperis capite redimita (p) pingebatur: fraus pariter, hominis justæ imagine, reliquo corpore serpentino, cauda in scorpii aculeum abeunte (q) repræsentabatur. In tanta jam rerum adumbratarum confusione & turba, viso serpentis symbolo, lector vel spectator, dispiciat, num inveniatur, quo pedem figat? 2. Nihil autem ambiguitatis vel tricarum in æneo, quem de pertica suspendit in castris Moses, apprehendet. Nihil hic ex arbitrio Mosis, nihil ex superstitionum magistrorum institutione, nihil ad imitationem Ægyptiorum, sed

B 4

divi-

(o) Lib. XXIX. H. N. cap. III.

(p) VOSS. lib. IX. c. 38. p. 300.

(q) VOSS. c. I. c. 37. p. 299.

divinis gesta omnia auspiciis, divino jussu peracta, reperies. Habes occasionem, immissos in tumultuantem, & contra Deum rebellem populum presteres, magnam in populo stragem edentes v. 5. 6. habes disertum supremi Numinis mandatum, de conflando, & in sublime erigendo ænei serpentis signo, ejusque aspectu & usu v. 7. 8. ubi cave, vim quandam magicam, æneo serpenti, ad exemplum Ægyptiacorum formato symbolorum, cum MARS-HAMO tribuas, quod viri docti commentum, post WITSIVM (r) et BASNAGIVM (s), laudatus supra DEYLINGIVS (t) solide profligavit. Ac ne, cum JEAN D'ESPAGNE, BURMANNO & VITRINGA hæsites, num Christus ipse signo æneo isthoc adumbratus fuerit, cum presteres simulacra gesserint Diaboli? idem vir doctissimus dextre expedit. Habes denique significationem mysticam, a Servatore ipso luculenter expositam, Io. III. 14. 15. quæ Israelitarum simul edocet piam, fiducialemque recodationem, qua salutem non modo corporis icti & ardentis, sed conscientia cumprimis faucia requiem & medelam, in Mesia adipiscebantur. Age ergo & edissere, quæ vola, quod vestigium, ex impura Ægyptiorum


(r) In Ægyptiac. p. 114.

(s) Hist. Judaic. To. II. Lib. II. c. 19. §. 27. p. 933.

(t) c. I. §. XIX. p. 165.

rum doctrina, vel profana ceterarum gentium superstitione, circa sanctum hoc ac divinum animadverti queat symbolum? WITSIO potius adstipulamur, cujus verbis dicendi facimus finem: *quis non indignetur, tantum religionis nostræ sacramentum, tam foetum mysticis significationibus, tam plenum salutaris doctrinæ, cum impiis vanissimæ artis præstigiis, quocunque demum modo, comparari?* Coronidem adhuc imponere liceat, ex ARINGHI *Roma Subterr. T. II. Lib. V. c. 4. §. 3. f. 453.* qui, fragmina serpentis ænei, quem in pulverem contudisse & abolevisse Hiskiam, regem Judæ, sacra pagina 2 Reg. XIX, 4. memorat, ab ARNVLPHO Mediolanensi Archiepiscopo, ex dono NICEPHORI Constantinopolitani, templo s. AMBROSII ibidem illata hodie prostare refert. Qvin & superstitionem feminarum Mediolanensium, quæ ægrotantes infantes suos fer. II. Paschatis ad hunc serpentem, spe restitutionis sistunt; notatum a MABILLONIO vide *Musei Italici* p. 16.

TANTVM.



B 5

II. Coe.

II.
Coecus in Via ductor
Ignorans & Heterodoxus.

ad
 Matth. XV. 14.

IOH. HERMAN. BECKER.
 Doct. & Past.

§. I.

Reviviscit in vicinia, sopita aliquamdiu, de efficacia ministerii impiorum, controversia, quae olim non minus, quam ab his quinquaginta annis, ecclesiae purioris doctoribus copiosissimam tribuit ansam, imo praecepit necessitatem contra *Donatistas*, *Quackeros*, & *Fanaticos* quosvis, *Dippelium* praesertim, ut & *Pietistas*, veritatem explicandi tuendique. Numeramus, alios interfere innumeros, praesertim *BAIERVM de efficacia ministerii per malos administrati*, *HANNECKENIVM ad A.C. art. V. n. 6. pag. 185.* *FECHTIVM Thes. Moral. 7. § de oratoris ecclesiastici virtutibus*, nec non *de falsa irrogenitorum circa res sacras notitia.* *QVISTORPIVM, colleg. disp.* *NEVMANNVM, de*

de audiendis doctoribus, etiam hypocritis.
 GRÜNENBERGIUM *de Dei ministro impio,*
 & ex recentissimis BAVMGARTEN *de pietate*
ministri ecclesiae ab auditore caute examinanda,
 & alios bene multos. Quibus omnibus
 curae cordique fuit Separatissimum cavere,
 conscientias piorum consolari, & id maxi-
 me cavere, ne quis suam salutem ex docto-
 rum pietate suspenderet. Novimus qui-
 dem, quod convitiandi libido hosve illos-
 ve permoverit pugnantes, pro efficacia mi-
 nisterii impiorum, puriores Theologos a-
 cerbissime calumniari, quasi statum suum
 impium & carnalem legere solummodo an-
 nitantur, metuque, ne quid ipsi ex sua
 perdant auctoritate, impiorum doctorum
 existant defensores. Sed sunt ferendae pia
 patientia & vincendae haec cum aliis iniuriae,
 quas contra dissentientes fortissimas allega-
 re poteris testes, non amore Christi, sed
 fastu suo regi eosdem atque impelli. Gra-
 vissimae enim adsunt causae tuendi doctri-
 nam, non, quod ministerium impii docto-
 ris effectum eundem semper & ubique actu
 producat, quem pii doctoris producit mi-
 nisterium; quis enim de effectum, qui per
 innumera impedimenta, non minus ex
 parte auditoris, quam ex parte docentis fa-
 cile prohibetur, statuet? sed quod mini-
 sterium impii, doctrinae coelestis gnari,
 non heterodoxi, nec studio veritatem ever-
 tentis

tentis aut celantis, efficacia polleat eadem, qua officium pii ministri, nimirum non-conversos convertendi, conversos in fide roborandi & spirituale incrementum promovendi. Ecquis enim de fide sua aut gratiæ statu certus erit, si impii ministri ministerium ad fidem perducere nequit omnino. Vtimur omnes ministerio aliorum. Quis vero ita audax, ut tuto pro doctore vel uno spondeat eundem vere pium & conversum? Nemo certe nisi Deus virtute pollet hypocritas a vere fidelibus secernendi. Fallitur homo non minus in iudicio amoris, quam in iudicio cautelæ. Fluctuans igitur & incertus de statu suo gratiæ relinquitur, qui thesi subscribit: impium ministrum convertere non posse & ad Christum perducere.

§. II.

Controversiam quidem ipsam sub incudem revocare nec operæ pretium esse opinamur, nec huius fori, ubi prolixioribus disputationibus locus non relinquitur. Abundant bibliothecæ solidissimis iisque eruditissimis, hujus quæstionis discussionibus. Vnum solum, ad quod provocare dissentientes sedulo solent, scripturæ testimonium illustrabimus, inquisituri: *utrum Christo teste fieri nequeat ut impius minister impium*

pium alium convertat, & ministerialiter ad salutem perducatur. Hac enim de re quaestio solummodo existit. Neutiquam de eo: utrumne impius per scandala vitae destruat plerumque quod doctrina struit. Neutiquam de eo: utrumne in vulgus nota ministri impietas obicem ponat assensui auditorum. Nec de eo, utrumne impius, cui conscientiae nulla cura, dolose doctrinam dispensandi ansam ex propria turpitudine, aut aliis causis desumere queat. Etenim, qui inter disputandum ad has exceptiones refugiunt, statum controversiae deferunt, & studio emolliendi, quae durius ab his vel illis prolata erant, fucum solum vendunt. De sola possibilitate quaeritur, utrum per ministerium impii possit converti alius, adeoque ministerium impii efficax sit in se & sua natura.

§. III.

Non aliud quoddam scripturae testimonium fortius contra hanc efficaciam ministerii impiorum, & quidem ratione possibilitatis convertendi, pugnare videtur, illo Christi effato Matth. XV. 14. ἀφετε αὐτους. ὁδοὶ εἰσι τυφλοὶ τυφλῶν. τυφλὸς δὲ τυφλὸν εἰάν ὁδηγῇ, ἀμφοτεροὶ εἰς βοθυνὸν πρὸς θανάτου. Dissidentibus igitur idem illud semper in ore esse solet. Equidem a partium studio

studio alieni, facile largimur, quod non omnibus, in substrata causa hoc dictum allegantibus, propositum sit simpliciter efficaciam omnem ministerio impiorum denegare, tamen strenuo adfirmamus, quod omnis ad hoc dictum in substrata causa provocans, necessario teneatur impossibilitatem convertendi asserere, ni surda ratione se hoc dictum allegasse confiteri voluerit. Vti enim sumus proni, ut quemvis, suas hypotheses explicantem & emollientem, tanquam optimum priorum verborum interpretem audiamus, ita, si quis solam difficultatem & impedimenta, ex ministerio impii oriunda, asserere se profiteatur, non possumus non eundem praesumere vel callide sese tegentem, vel de re differentem, quam non intelligit ipse, quoties ad allegatum dictum in hac causa provocat. Haec enim est emphasis hujus ef-fati, ut, supposito quod de impiis impiorum doctoribus hic agatur, simpliciter ipsa possibilitas negetur, quod impius impium ducere possit ad salutem.

§. IV.

Adagium est allegatum nostrum dictum, scriptoribus etiam profanis non insolens, ut habent SCHOTTVS *de adagiis N. T.* TERTULLIANUM allegans *adversus haereticos* c. 14.

c. 14. *adversus Marcionem* l. 3. c. 7. & l. 4. c. 46. FABRICIUS *ad sex. Emp.* p. 732. GATACKERUS *de Antonini l. V.* 29. p. 154. RAPHELIUS *annot. Xenoph.* quos excitat WOLFIVS *in curis Phil.* ad h. l. Adagiorum autem, vere talium iste est usus, ut axiomatum vices expleant, recte observante SCHOTTO l. c. *praef. de adagiorum nomine & usu.* Est enim adagium non quodvis populari sermone tritum, sed quod antiquitate pariter & eruditione commendatur, inde maiestatem & pondus addit sermoni, fatente ERASMO *in proleg. in suas chiliades proverb.* Sicuti etiam DRVSIUS in admonitione ad lectorem, proverbiiis praemissa bene monet: *proverbia esse alia vere talia, alia proverbiiis solum similia.* Et cum classem suam primam proverbiiis vere talibus destinat, dictum nostrum ad hanc classem refert. l. III. n. 12. Ex his consequitur, cum omne axioma de re non nisi certa, indubia, necessario vera, non vero de re aliquando solum & ex accidente affirmanda vel neganda, probabili & dubia agat & agere possit, ut ea res quæ per proverbium nostrum insinuatur, ex mente loquentis non ut contingens, probabilis tantum & ex accidente vera, sed de re indubia, semper & necessario vera intelligi debeat. Afferit igitur Salvator ducem in via coecum, alium coecum ducere simpliciter non posse, quia
semper

semper & necessario uterque in foveam delabitur. Hoc si de impio ministro explicaretur, veritatem introducit: impius impium alium in via salutis simpliciter ducere nequit, quia semper & necessario perire uterque debet, ducens nimirum coecus, una cum eo, qui alio duce non usus est. Axiomaticus ille allegati proverbii usus manifesto intelligitur, ex propositione universali, qua Christus utitur: coecus coecum si quando ducit, uterque in foveam delabitur. Sic & interrogatio *μητι δυναται τυφλος τυφλον ὁδηγειν; ἔχι ἀμφοτεροι εἰς βοθυνον πεσυνται.* Luc. VI. 39. necessitatem hujus eventus & impossibilitatem auxilii a coeco expectandi inculcat. Et hæc est causa, quare missos facere iubet salvator Phariseos, nimirum quia usus ad salutem plane nullus ab iis est expectandus.

§. V.

Nolunt autem dissentientes concedere, quod simpliciter efficaciam omnem deneigent impiorum ministerio. Vt ut enim SPENERVS, confessus in dem thätigen Christenthum pr. II. p. 166: quod minister verbo virtutem non porrigat vel addat, sed quod habeat verbum virtutem suam in se ipso, dein addat: es könne derjenige, so selbst den Weg zur Seligkeit nicht versteht

het im Geist, selben anderen nicht nach Noth,
 durst zeigen; es sey so viel als unmöglich, daß
 er bey dem Sinn der Worte der Schrift sollte
 bleiben können, adeoque justissimam an-
 ipse præbeat venerabili Theologo ERDMAN-
 NO NEVMEISTERO in dem Auszug der Spe-
 nerischen Irrthümer p. 166. de Donatismo
 SPENERI conquerendi; siquidem qui im-
 possibile dicit, ut impius vero sensui ver-
 borum scripturæ adhæreat, recte præsumi-
 tur omnem efficaciam ministerio impiorum
 eripere; seduli tamen fuerunt complures
 ut hanc maculam SPENERO abstergerent.
 Dabimus igitur KOPKENIO in der reinen
 Lehre und Unschuld Speners, SCHWEN-
 TZELIO in Luther Speners Vorgänger,
 und Spener Luthers Nachfolger, quod
 mens hæc SPENERO non fuerit; fidem
 præbebimus omnibus, qui unquam asserue-
 re, quod sola obstacula & impedimenta ab
 impiorum ministrorum impietate timenda
 esse adfirment: tunc vero penes omnes
 iudicium esto, quo iure hoc effatum Salva-
 toris in causa sua allegare possint. Aut
 enim de ministerio impiorum loquitur
 Christus, aut non. Si prius, quare pudet
 eos omnem efficaciam ministerio impio-
 rum denegare, quare Donatismum decli-
 nare seduli allaborant. Christo enim teste
 usus plane nullus a coeco in via duce,
 C quem

Nov. Bibl. Lub. Vol. III.

quem illi volunt ministrum impium, expectandus est, sed animæ certum periculum. Sin posteriorus, quare obtorto collo rapiunt effatum salvatoris ad suas hypothes. Fidi simus scripturæ interpretes, nec scripturæ sensum ut nasum cereum fingamus, ne obtrectatoribus & anti-scripturariis veritatem coelestem eludendi præbeamus occasionem.

§. VI.

Quantum quidem ad significatum coecitatis, fatemur omnino, quod ille in translatione ad statum hominis spirituales intellectus non minus quam voluntatis caliginem insinuet & quidem usu biblico. Ita recte DRUSIVS l. c. "*Coecus est omnis improbus, nam improbitas nihil aliud est quam coecitas mentis, ex quo illud: via improborum quasi caligo - - Rursus coecus est imprudens. Hoc probandum venit. Ergo Salomon ait sapientem oculos gestare in capite, unde sequitur stultum hominem oculos non gestare in capite, hoc est captum oculis, plane coecum esse, videlicet propter imprudentiam. Nam oculus symbolum prudentia. Coecus præterea appellatur indoctus & ignorans, quod primo loco dictum oportuit, quia coecitas in animo est error & ignorantia, principium & radix omnis peccati.*" Addimus his, quod coecus

cus dicatur, qui non illuminatus est sensu scripturæ, id est emphatice, & quod perverſio voluntatis cum ignorantia in ſcriptura permutetur. Provocamus *ad 2 Petr. I. 9.* ubi qui cognitione Ieſu ſalutifera, id eſt vera & viva fide præditus non eſt, vocatur coecus, pariter atque *Apoc. III. 18.* *Eſaiæ XLII. 19.* De errore intellectus, & mentis perverſione legimus hoc vocabulum *Eſ. XLIII. 8.* ubi gentes idololatricæ & idolorum oraculis fidem præbentes provocantur. *Eſaiæ XXIX. 10, 14.* ubi inſipientia ſapientiæ carnalis, quæ repugnat ſapientiæ revelatæ, eamque ut verbum fatuum retrudit, caſtigatur. Porro *2 Cor. IV. 4.* ubi infideles arguuntur, quod propter inſignia præiudicia mentis, quibus a Satana imbuti, non poſſint perſpicuum lumen evangelii percipere. De errore vero intellectus & malitia voluntatis ſimul adhibetur locutio cæcitatſ *Ephes. IV. 18.* ubi ignorantia & coecitas mentem obſcans, & a vita, quæ eſt ex Deo, alienans coniunguntur, *Rom. II. 25.* ubi de induratione Iudæorum ſermo. Voluntatis perverſionem coecitatem appellat Iohannes I Epist. II, 11. Ignorantiam & ſtultitiam, Chriſtus *Matth. XXIII. 17. 19. 26.* FLACIVM quidem ſi audire cupis in *Clave ſcr.* ita ille: Coeci, qui carent vera, „viva & præctica notitia Dei, utcunque aliquam „ſpeculativam & ſemimortuam habeant. Sic

„*Christus dicit de seductoribus Phariseis Matth. XV. coeci sunt, id est ignari veritatis coelestis.* Respondent hæc iis, quæ supra de non illuminatis sensu scripturæ monuimus, sed applicatio ad Matth. XV. non quadrat. Præterea non unicus hic est, quem FLACIUS allegat, significatus, nimis igitur angustus est coecitatis conceptus. A RAVANELLO autem in *Bibliotheca* multa quidem congesta, pauca vero ordine distributa hic expectabis. In adeo diverso usu huius vocis translatae, idem subiectum, diversis in locis diverso respectu coecum dici potest. Habito nimirum respectu modo ad intellectum, & ejus vel perversiorem, vel præiudicia, vel ignorantiam vel imprudentiam; modo ad voluntatem, eiusque malitiam; modo ad intellectum & voluntatem simul. Nulla autem est consequentia, quod aliquod subiectum, quod omni in respectu coecum dici potest, toties tanquam omni respectu tale notetur aut excitetur, quoties coecum appellatur. Potius pro substrata materia iudicium est instituendum, quoniam sensu & respectu hoc, & quoniam alio loco eodem nomine idem subiectum insigniatur.

§. VII.

De Phariseis ad quos Christus digitum intendit, dubium est nullum, quin omni
re-

respectu coeci iidem, quoad spiritualia, dici possint. Illi enim profus ἀπιστοι Ioh. VII. 48, malitiosi hostes Iesu Io. IX 22, & gratiæ ipsius contemtores Io. III. 19, legis divinæ frivoli transgressores Matth. XV. 3, hypocritæ pessimi Matth. XXIII. 27, omnem religionem in ἐθελοθησκειαν convertentes Matth. XV. 8. 9, Matth. V. 10. & opus operatum Luc. XI. 46, scripturæ male fidi interpretes, & verum eius sensum partim ignorantes Matth. XXV. 46. partim studio corrumpentes Luc. XI. 52. Concurrent itaque in ipsis mentis præiudicia gravissima, ἀπιστία, ignorantia tam vera quam affectata, animi malitia, hypocrisis, & quidquid ad excoecatum a diabolo & intellectum & voluntatem referri potest. Inde consequentia, quod semper in illos quadret translatum coecorum nomen, quali etiam in respectu de iis prædicetur. Vehementer autem erraret, qui ex usu huius vocabuli ad Phariseos applicati affirmaret, toties eosdem omni in respectu dicier coecos, quoties hoc nomine laudantur. Obstat fortissime effatum Salvatoris ab operum imitatione, non vero a præceptorum & agendorum inculcatione cavere docens Matth. XXIII. 2. 3. Quæ sane adhortatio prorsus esset intempestiva, si in omnibus tanquam coeci, id est inidonei doctores essent considerandi. Est potius coecorum no-

men, Pharifæis tributum, ſemper reſpectivum, modo ad errores mentis, modo ad ignorantiam, modo ad malitiam redarguendam iis impreſſum. Imo ſi certo reſpectu vel doctrinæ, vel notitiæ, vel malitiæ iis adſcribitur, non tamen ad omnem doctrinam coeleſtem, ſed certa hujus doctrinæ capita; non ad omnimodam & univerſalem, ſed ad ſpecialem harum illarumve veritatum ignorantiam; non ad omnes hypotheſes, ſed ad præjudicatas, non ad omnem omnis generis malitiam, ſed pro re nata, modo ad hanc modo ad illam conceptus coecitatis eſt reſtringendus.

§. VIII.

Suadent hætenus dicta, ut diligenter inquiramus in locum noſtrum explicandum, inveſtigaturi, quo igitur ſenſu coecos in via coecorum duces Pharifæos appellet Chriſtus. Totus nexus capitis XV docet, motam fuiſſe Chriſto a Pharifæis controverſiam de diſcipulis placita maiorum eludentibus, illotis manibus comedendo. Regerit Ieſus duplicem reſponſionem, alteram ad Pharifæos directam, eamque epanorthoticam, alteram ad circumſtantes, eamque doctrinalem. Prior ſermo epanorthoticus a crimine imputato ſolum liberat diſcipulos, monſtraturus: non adeo accuſandos

fandos esse qui placita maiorum non observant, quam qui praecepta Dei, propter placita maiorum susque deque habent. Atque ita iniquitatem censuræ Pharisaïs exprobrat, qui rectius se ipsos, quam alios vocare sub censuram debuissent a versu 3. 6. Accusat eosdem proinde hypocriseos v. 7. & evincit quod laudata hæc placita maiorum nil sint nisi ἐτελοθησκεια v. 9. Alter Salvatoris nostri sermo doctrinalis v. 10 & 11. restituit conceptum verum de iis, quæ reddunt hominem immundum. Corrigit hac doctrina errorem & præiudicium, quibus laborabant Pharisaï; quasi per res externas homo reddi possit coram Deo immundus, & contra, quod per lotiones externas conscientiae puritas restituatur. Errorem, inquam, ex interpretatione perversa legis Leviticæ, hasve illasve res prohibentis, ne contrahatur immundities, hasve illasve lotiones & ablutiones exposcentis ut restituatur mundities, oriundum. Siquidem immundities levitica non erat nisi symbolica, animam per se non contaminans, sed de immunditie conscientiae cavenda, veraque puritate procuranda subinde monens. Id quod nec Talmudicis doctoribus fuit ignotum vid. LEIDECKERVM de republ. Hebr. l. V. c. V. n. V. pag. 234. & l. XII. n. IX. n. III. p. 687 seq. Corrigitur itaque hac doctrina Christi Pharisaëorum error in expli-

canda lege commissus, ignorantia veri sensus legalis superstructus. Quod enim Pharisei in externis desudarent & interna negligenter, manifesto testatur ignorantiam legis vel veram vel affectatam, & ex hac ignorantia prodeuntem heterodoxiam. Siquidem ea quæ aliena prorsus erant a mente divina, quæ spuria, erronea, & verbo Dei non consentanea, tanquam veritates divinas & doctrinas cœlestes obtrudere plebi conabantur.

§. IX.

Ad hanc legis divinæ ignorantiam, & inde redundantem heterodoxiam respicit citato loco salvator, non ad malitiam aut statum incredulitatis. Neque enim de malitia aut incredulitate ullum verbum in toto colloquio, sed solum de errore illo, quod traditiones præceptis Dei æquiparare imo anteferre non dubitent, & legis verum sensum ignorent. Hanc propter ignorantiam coecos eosdem vocat, & quia heterodoxa sua doctrina alios instruere & erudire audebant, ipsi nescientes veritatem, coecos coecorum hodegos appellat. Imo vero, quia scandalum accipiebant Pharisei ex doctrina Christi, & ita obstinatos & morosos in sua ignorantia & heterodoxia sese gerebant, discipulos conquerentes, quod
tanto-

tantorum virorum auctoritatem destruere, & doctrina sua dare eos in pudorem non dubitaverit Iesus & ad iram commovere, avocat salvator ab omni erga Phariseos & eorum doctrinam de puritate acquirenda & impuritate vitanda, æstimio. Vult, ut nihili faciant eos quoad hanc rem; siquidem nil nisi seductio ab his, præiudicio ita crasso sciënter & morose laborantibus, possit expectari. Insuper oratio illa Iesu contra Phariseos Matth. XXIII. testimonium perhibet optimum quo sensu coecos in via duces eosdem dicat. Frivolam nimirum viæ salutis everfionem & occultationem castigat v. 13. hypocrisin in orando, ut tegant nequitias v. 14. e mentitum studium alios convertendi v. 15. In his omnibus autem coecitatem non exprobrat. Sed cum de legis explicatione absurda v. 16-26. & traditionibus loquitur, *coecos in via duces, stultos & coecos* eosdem subinde nominat. Ad ignorantiam itaque hoc titulo potissimum respicit. Forte non sine allusione ad Phariseos *coecutientes* dictos, qui, ne prava adspicerent præter opinionem, mulierem forte aut virginem in via obviam, oculis clausis incedebant, ubique impingentes stultorum more, & frontem ad parietes allisam cruentam reddebant & fauciam. Conf. LEVSDENII *Phil. Hebr. mist. disp.* 18. p. 129. Nec hoc negligendum

existimo, quod Iesus Sadducæos incredulos & malitiosos corrigens subinde, nunquam coecos eosdem dicat, sed coecorum nomen Phariseis solum tanquam distinctivum & proprium tribuat. Hi enim Pharisei sibi potissimum datum credebant traditionibus viam aperire, & placitis maiorum, *ut legi faciant sepem*. Hi, arcana coelestis doctrinæ suæ potissimum fidei concredita existimantes, hac arrogantia capti, eo magis temerarios in detorquendo legem secundum placita maiorum sese gerebant, verum eius sensum negligentes & ignorantes. Et hoc ipsum per etymon vocis Pharisei subindicari existimo. Vt enim non satis tuto affirmaveris פרושי dictos eos in significatione *exponendi & explicandi* quam habet פרו quasi sese ipsos κατ' ἐξοχην legis vocaverint *explanatores*, sed rectius a *separatione*; tamen, pro mea quidem sententia, non tam *separatistae* aut *separati*, quam *separantes* aut *separatores* dici voluerunt. Separatistarum nomen enim aliquomodo mihi videtur ignominiosum & plus contemptum quam honorem, saltem ex sententia vulgi, indicans. Honoris autem nomen erat quo vehementer superbiebant huic sectæ addicti. Qua propter, salva auctoritate virorum eruditorum, quibus me parem nullatenus iudico, *non ob separationem sui ab aliis, sed ob separationem legis*

gis per septem traditionum, ne licentiosius in eandem involet hic & ille; ob studium legem custodiendi, *Pharisæos* eosdem honoris causa dici voluisse, existimo. Sed nil quidquam aliter sentientibus oppono. Adeat lector I. F. BVDDEI *Hist. Eccles. V. T. Tom. II. P. II. S. 7. p. 1201 sq.* LEVSENIUM *l.c. p. 127.* & quem primo loco nominasse debebam *summe venerabilem Lubecensium Præsulem D. I. G. CARPZOVIVM in App. Antiqu. Hist. Crit. p. 173 sq.* ubi collectas inveniet & examinatas variorum sententias.

§. X.

Fluit ex adlatis prona consequentia, quod eo solum respectu, quo Christus Phariseos coecos in via ductores dicit, efficaciam alios in via ducendi iisdem deneget. Sed vero respicit ad ignorantiam & heterodoxiam tantum. Igitur in quantum sunt ignorantes & heterodoxi, omnis iis denegetur efficacia alios in via ducendi. Removendus igitur hoc loco erit conceptus malitiæ & impietatis, cuius cæteroquin recte arguebantur Pharisei. Hi enim impii non quatenus impii, sed quatenus coeci ex mente Salvatoris, id est, quatenus ignorantes & heterodoxi, inidonei sunt duces. Fert ita natura ignorantia. Con-
cipe

cipe tibi ignorantem & heterodoxum, sed virum cæteroquin non flagitiosum, quid ex eo usus erit expectandum? nisi forte quod modestia vitæ suæ ad modestiam incitet & adsuefaciat alium. Ast docens & ductor in via salutis non erit. Ipse enim veritates necessarias non novit. Fac alium scientem & orthodoxum, sed impium & flagitiosum, viam salutis non calcantem. Hic forte flagitioso exemplo alios trahere poterit ad consortium vitiorum: forte in gratiam vitiorum propriorum reticebit aut evertet veritatem coelestem; sed non sequitur quod non possit non celare aut evertere. Contra instuere recte & consilium de salute, licet non sequatur ipse, rite aliis proponere poterit omnino. Potest ergo ducere alium, modo voluerit, hic, sed non potest, etsi voluerit, ille. Itaque prior, ignorans, coecus est & inidoneus dux simpliciter, alter vero non inidoneus simpliciter, sed tunc demum, quando fraudulenter agens, veritatem tegit ob propria vitia. Atque hac ratione minister impius non ex mente Salvatoris in allegato dicto dicitur coecus, nec eidem ex mente Salvatoris omnis efficacia alios convertendi eripitur. Sed doctori ignorantem & heterodoxo efficacia omnis in via salutis alios ducendi denegetur.

§. XI.

Plura ut in præfenti themate adferamus necessitas exigit nulla. Scopo præstituto nos satisfacisse opinamur. Erat ille sola probatio, quod in laudata de efficacia ministerii impiorum controversia, hoc dictum allegari nec possit nec debeat. Exceptiones iam de illuminatione irrogenitorum occupare, & in thesin inquirere: utrumne omnis irrogenitus sit ignorans? ab instituto nostro alienum iudicamus. Hoc enim thema toties in ecclesia excussum est & explicatum, ut in iis, quæ adtulerunt NEVMANNVS, LOESCHERVS, WERNSDORFFIVS, KRACKEVITZIVS & alii, a LILIENTHALIO in *Archiv. Theol. Hom.* p. 291 sq. excitati, acquiescere possimus. Reliquum, ut omnes ecclesiæ doctores sint tales, qui viam salutis & cognoscant & sequantur ipsi, gregemque commissum una cum se ipsis ad salutem perducant, hoc est quod ardentissimis precibus a Deo rogamus.

F A X I T.



III.

M. IOACH. HENR. OSTERMEIER,

V. D. M. in Ecclesia Travemundana,

DISSERTATIO
EXEGETICO - THEOLOGICAad querelam Prophetica
de fidei & revelationis Brachii
Iehovae defectu.

Ies. LIII. 1.

CONSPECTVS DISSERTATIONIS.

- §. I. *Nexus dicti ostenditur.*
- §. II. *Dictum ex fonte & Versionibus FRANC. IVNI τῶν ᾧ & paraphrasi Chaldaica allegatur.*
- §. III. *Objectum querelæ indicatur & PHIL. LIMBORCHIVS notatur.*
- §. IV. *Idem argumentum continuatur & personæ loquentes significantur.*
- §. V. *Ad Iehovam hanc querelam dirigi observatur.*

§. VI.

- §. VI. Significatio figuratae interrogationis in dicto obvia declaratur.
- §. VII. Argumentum dicti proponitur, ejusque hemistichium primum explicatur.
- §. VIII. Notantur interpretes, qui vocem מַעֲבִיר ad Apostolos audientes, quid in se Dominus loqueretur retulerunt.
- §. IX. Verbi מַעֲבִיר significatio traditur.
- §. X. Demonstratur vocationem refractariorum Iudaeorum praeconio Evangelii ad eosdem directam fuisse sufficientem.
- §. XI. Demonstratur eandem fuisse seriam.
- §. XII. Demonstratur eandem fuisse efficacem.
- §. XIII. Accessus fit ad considerationem posterioris hemistichii, & variae interpretum sententiae de expositione dictionis Brachii Iehovae proferuntur, ac simul IO. MARCKIVS ex hac phrasi irresistibilem gratiae convertentis agendi modum inferens refellitur.
- §. XIV. Epicrasis interpretationum haecenus allatarum instituitur.
- §. XV. Dictionem Brachii Iehovae simul hoc loco esse περίφρασις personae Filii Dei probatur.
- §. XVI. Totius posterioris hemistichii expositio subiungitur.

Cum constitutum nobis sit, hanc illustrem & arduam querelam propheti-
cam considerare, id nobis negotii primum
datum esse credidimus, ut nexum ejus in-
dicaremus. Ediderat nimirum sanctissi-
mus Propheta capite præcedente LII ejus-
que v. 10. 11. 12. de præconii evangelici
incrementis inter gentes magnificum vati-
cinium, ac nomen Christi ubique divul-
gandum gentibusque longe lateque diffitis
manifestandum esse dixerat. Sub finem
autem hujus capitis v. 13. 14. 15. Deum
Patrem introducit loquentem de obedien-
tia Messiae in statu exinanitionis declarata,
eamque exceptura exaltatione, ceu funda-
mentis regni Christi inter Iudæos & gentes
erigendi. Hac itaque opportunitate Pro-
phetam ὑπο πνεύματος ἁγίου φερόμενον usum
animadvertimus sequente capite LIII vati-
cinari de humili & afflictissimo Messiae sta-
tu, addita tamen v. 8. assumptionis Messiae
in gloriam & v. 10. gloriosæ ejus post mor-
tem resurrectionis & regni successus men-
tione, & adjunctis v. 11. 12. nobilissimis
passionis Messiae sequelis & fructibus inde
tam ipsius personæ Messiae quam hominum
credentium respectu promanaturis. Quia
vero hujus loci non est sollicitos nos esse
de inanibus & levissimis recutitorum eo-
rum

rumque vestigia prementium detorquendi rationibus, quibus insigni prophetiae toto Cap. LIII. traditae post tantam lucem tenebras offundere temere moliti sunt, dum nonnulli eius subiectum ad gentem Iudaeorum, alii ad Iosiam, alii ad Ieremiam, alii ad Zorobabelem, alii ad Moſen, alii ad quemlibet pium iustumque obtorto, quod ajunt, collo trahere conati sunt; praestantes quosdam auctores hic laudasse sufficiat, qui nebulas hasce feliciter discusserunt. Praeclare hanc provinciam administrarunt: IO. MULLERVS in *Iudaismo detecto* p. 800 sqq. IO. THILO in *medulla Theolog. V. T.* p. 937. CONSTANT. L'EMPEREUR in *tractatu ad h. cap. contra Abarbinelem & Moſen Alschech.* AVG. VARENIUS *Comment. in Iesaiam P. III. p. 294 sqq.* ANT. HULSIUS *Theol. Iud. l. I. p. II. p. 318 sqq.* ABRAH. CALOVIVS in *Bibliis illustratis ad h. cap.* CAMP. VITRINGA *Tom. II. Comment. in Ies.* p. 658 sqq. & cel. TH. CHRIST. LILIEN-THAL, qui nuper in praecclaro opere, cui nomen: *die gute Sache der in der heiligen Schrift A. und N. Testaments enthaltenen göttlichen Offenbarung*, P. II. cap. VI. p. 734 sqq. optimam causam optime contra ANT. COLLINVM & SAM. PARVISIVM defendit. Quibus facili negotio plures addere possemus,

D

Nov. Bibl. Lub. Vol. III.

mus, nisi hac opera jam perfunctus esset
 AVG. PFEIFFERVS in *Dub. Vex.* p. 723.

§. II.

His igitur præmissis, ad præfationem
 pericopes propheticae cap. LIII. propositae
 propius considerandam nos convertimus,
 quae in fonte hebræo sic legitur: מִי הָאֵמִין
 לְשִׁמְעָתֵנוּ וְרוּעַ יְהוָה עַל־מִי נִגְלָתָהּ:
 h. e. interprete FR. IVNIO: *Quis credit*
prædicationi nostræ: & brachium Iehovae in
quo revelatur? Textui authentico subjun-
 gimus translationem τῶν ὁ: κυριε τις ἐπιστευ-
 σε τη ἀκοῇ ἡμῶν; καὶ ὁ βραχίων κυρίου τινὶ
 ἀπεκαλύφθη; & IONATHANEM UZIE-
 LIDEM paraphrasten Chaldaëum: מִן הַיָּמִין
 לְבִסּוּרְתָנָא דֵּא וְתִקּוּף דְּרַע גְּבוּרְתָּא דֵּי
 הוּא כִּדְּרֵי דְעַל מִן אֲתַגְלִיאוּתָּא h. e. *Quis credit*
huic annunciationi nostræ, & robur brachii
potentiae Domini super quem jam revelatur?

§. III.

Verbis hisce Propheta non queritur de
 sui temporis hominibus, quod nonnullis
 interpretibus & PHIL. LIMBORCHIO per-
 suasum est 1), sed vaticinium hic extat de
 incredulitate temporibus Messiae jam præ-
 sentis & sub oeconomia N. T. detegenda.
 In-

Indicat enim Propheta v. 2. occasionem huius incredulitatis, humilem scilicet & contemptum Messiae adspectum: *Non est forma ei neque decor: & quando intuemur eum, non inest species, cur desideremus eum.* Cum igitur tam antecedentia, quam consequentia illa respiciant, quæ temporibus N. T. usu venerunt, hæc quoque verba in sensu genuino ad futura N. T. tempora spectabunt. Quamvis interim Propheta verbis præteriti temporis utatur, non tamen hinc colligas, illum res suo tempore existentes & transactas indicare. Notum enim est, Prophetas propter certitudinem eventus res futuras verbis præteriti temporis efferre 2).

1) Comment. in Epist. ad Rom. Cap. X. 16. p. 422 & 428.

2) Vid. GLASSII Phil. S. L. I. Tract. IV. Sect. I. cap. IV. pag. 318. & Io. GERHARDI Harmon. Evang. Cap. CXLVII. p. m. 151.

§. IV.

Querulam hanc & admirabundam exclamationem prophetica respicere incredulitatem magnæ partis Iudæicæ gentis ex tota orationis serie constat. Cum enim v. 14. cap. præced. LII. de Messia exinanito asseratur, quod objectum stuporis magnæ Iudæorum partis futurus sit, & v. 15. Messias exaltatus & ad gloriosum statum erectus dicatur *aspergere multas gentes*, virtutem sci-

licet sanguinis a se fusi ad purificationem animarum multarum gentium a civitate Israelis alienarum applicare 1 Petr. I. 2. Hebr. X. 22, ut adeo gentes, quod ipsis narratum non fuit, visuræ, & quod non audiverant, intellecturæ essent 1): v. 1. cap. LIII. fidei gentium opponitur incredulitas & pervicacia magnæ Iudæorum partis, quibus ex statuto divino primo Evangelium annuncian- dum erat Act. XIII. 46. Clarissime hoc li- quet ex immediate seq. v. 1 & 2, in quibus pravam Iudæorum de humili Messia statu ejusque gravissimis passionibus præjudici- um ceu præcipua incredulitatis eorum cau- sa allegatur. 2) Observandum præterea est, hanc Iudæorum incredulitatem hic impri- mis argui, quam Apostoli & primi Evange- lii præcones peracto jam a Christo redem- tionis opere eoque exaltato experti sunt. Horum enim ore Propheta queritur, quod & ex mentione præconii, & ex nexu hujus querelæ cum proxime sequente sermone innotescit. Immo Apostolorum & primo- rum Evangelii ministrorum partes susci- piens Propheta Iudæorum incredulitatem fidei gentilium opponit, cuius paulo ante Cap. LII, 15. meminerat 3). Cum vero jam tempore Ministerii Christi, quo inter Iudæos functus est, clarissima incredulita- tis Iudaicæ indicia, & futuræ renitentia præludia extarent, S. Iohannes Cap. XII,

38. hæc verba prophetica apposite etiam ad illorum Iudæorum incredulitatem applicat, quæ tempore ministerii ipsius Salvatoris detecta est. Accedit quod hoc ipso auditus Evangelii, & revelatio brachii Jehovæ jam tum inciperet, quia omnium Evangelii præconum coryphæus, isque summa miraculorum gloria fulgens, doctoris munia obibat 4).

- 1) Conf. VITRINGA l. c. p. 654.
- 2) Addi hisce possunt, quæ CALOV. Bibl. illustr. ad h. l. & ALEX. MORVS cit. POLO ad h. l. recte monuerunt.
- 3) Leg. quæ de scena prophetiæ Cap. LIII. tradi-
tæ constituenda VITRINGA docet l. c. p. 657.
Observavit quoque dudum LVCAS OSIAN-
DER in Paraphr. ad h. l., Prophetam hic Apo-
stolorum personam sustinere, quod etiam ex
antiquissimis interpretibus ORIGENI placuit
cit. ESTIO ad Rom. X. 16.
- 4) vid. VITRINGA l. c. & LAMPE Comment. in
Ev. Ioh. ad h. l. Tom. II. p. 897.

§. V.

Dirigi hanc Apostolorum & Evangeli-
starum querelam ad Iehovam, indubia & di-
vina auctoritate munita interpretatio duo-
rum Apostolorum IOHANNIS & PAVLI probat,
qui in illis locis, in quibus hæc ex Iesaja
proferunt, Io. XII. 38. Rom. X. 16. vocem
αυγης præponunt, quam, sicubi de Deo ser-
mo est, hebræo nomini divino יְהוָה in Ver-

fione LXX & N. T. respondere notum est
 1). Quamvis autem nomen יהוה in textu
 hebræo querelæ non præmittatur, sed tan-
 tum apud LXX legatur, quorum interpre-
 tationem hic ratam habuere divi Apostoli,
 textui tamen apprime convenit, Prophetam
 Apostolorum loco loquentem compellare
 Deum Patrem, quem verbis proxime ante-
 cedentibus Cap. LII, 13. 14. 15. loquentem
 introduxerat. Docent nos tabulæ N. T.
 Apostolis solenne esse, invocationem Dei
 interdum dirigere ad Patrem Gal. I. 5. Hebr.
 XIII. 20. interdum ad Spiritum S. 1 Petr. V.
 11. Notandum autem est, hanc invocatio-
 nem unius Personæ S. S. Trinitatis non ita
 fieri, ut una persona citra vel extra reli-
 quas invocetur, quod scripturæ s. contra-
 rium est, qui enim *non honorat Filium, non
 honorat Patrem.* Io. V. 23; sed ita, ut omnes
 Trinitatis personæ includantur, cum ad
 unam Personam oratio vertitur. Quæ au-
 reis incomparabilis Theologi MARTIN.
 CHEMNITII verbis illustrabimus: *Eccle-
 sia in invocatione aliquando diserte mentionem
 facit trium personarum, aliquando duarum,
 aliquando unius: & tamen semper invocatio-
 nem dirigit ad unicam veram divinam essenti-
 am, & simul ad omnes personas. Quia re-
 spectu nostri tres personæ simul, & unaquæque
 seorsim, est unicus, verus & indivisus Deus:
 ut, cum columba descendit, vere dixeris: Hic
 est*

est unus verus Deus, & extra hunc non est alius juxta dictum: Io. XIV. 10. Hinc intelligitur, quomodo Ecclesia orationem dirigat aliquando ad Filium, aliquando ad Spiritum S. Quia credit & in invocatione proficitur, non tantum, quod tres illæ Personæ sint unus verus Deus, sed quod unaquæque Persona non sit pars illius unice divinæ essentiae, sed sit tota essentia divina: id est unus ille verus Deus, extra quem non sit alius Deus. Nam qui unam personam citra vel extra reliquas velut separatam & divisam invocatur aberrat a vero Deo juxta dictum Iob. V. 23. & Iob. VIII. 54 55. 2) Apud Iehovam Dominum messis Matth. X. 38. sanctissimi viri querelas effundunt, & apud illum de incredulitate potioris Judæorum partis conqueruntur, de cujus sententia ac auctoritate suas partes summa fide egerant, cujus æquisimis & justissimis iudiciis omnia committenda erant. Testatum vero simul reddunt ad Iehovam querelam dirigentes Apostoli, eorum animis flagrantissimo amore inhærere populares pertinacis pervicaciæ homines, quorum vices miserantur Rom. IX. 1. 2. 3, ac simul ardentissimum demonstrant zelum, quo toti ad Numinis gloriam hominumque salutem flagrabant.

1) ED. LEIGH Crit. S. & I. C. DIETERICI
Ant. Bibl. N. T. ad voc. *κρυπτος*.

2) L. L. Comm. de tribus Personis p. 39.

§. VI.

Constat exclamatio hæc in utroque hemistichio interrogatione, quam sæpe absolute negare ex inductione locorum S. S. discimus Ps. XCIV, 16. Ps. CVI. 2. Ps. CXIII. 5. Ies. LI, 19. Ies. LIII. 8. Hebr. I. 5. Rom. VIII. 31. eandem tamen sæpe paucitatem & raritatem indicare, ut pronomini *quotus quisque* conveniat, sequentia exempla evincunt Ps. CVII. 43. Ies. L. 10. Prov. XX. 6. Ps. XL. 11. Hof. XIV. 20. Luc. XVIII. 1. 1) Hoc vero sensu exclamationem interrogationis forma propositam in nostro loco intelligendam esse, ut & paucitas & raritas Judæorum, qui Christo nomina dederint, indicetur, si comparate respectu majoris Judaicæ gentis partis considerentur, quæ in incredulitatis vitio obstinata malitia perstitit, & res ipsa & Propheta luculenter docet. Multos enim Judæos sub initium solennis præconii N. T. Hierosolymis & in circumjacentibus regionibus, immo etiam in dissitis provinciis ad fidem Christi perductos esse, Historia Apostolica & epistolæ Apostolicæ multis locis comprobant. Quamobrem animadvertas, ipsum Prophetam chororum converforum Judæorum proxime, commate scilicet 2sq. loquentem introducendam veram eorum in Messiam fidei documenta proferre. Quod si vero hæc con-

verso.

verforum Judæorum multitudo cum majore gentis parte in Judæa vicinisque regionibus commorante, & in plurimas orbis provincias dispersa conferatur, quæ veritati coelesti morem gerere detrectavit, ad paucitatem oppido referenda erat. Perhibuerunt Scriptores sacri N. T. tristissimæ incredulitatis potioris Judæorum partis multis in locis testimonia, & EVSEBIUS potiorem Judæorum partem intelligit, dum memorat, omnes ubique Judæos pariter & uno consensu christianæ doctrinæ contradixisse 2).

1) Vid. GLASS. l. c. p. 20. 28 sq.

2) Comment. in Iesaiam, quem BERNH. de MONTFAUCON in Collect. nova Patrum & scriptor. Græc. Tom. II. p. 357. edidit cit. S. R. I. G. WALCHIO H. Eccl. N. T. Sec. I. Cap. IV. p. 533. Add. CHRIST. KORTHOLT Dissert. de Christo crucifixo Judæis scandalo.

§. VII.

Continet exclamatio hæc querelam de defectu fidei ex pervicacia Judæorum oriundo, quæ ita constructa est, ut defectus ille in priori hemistichio proponatur, & in altero uberius amplificetur. Querela de defectu fidei his verbis in priori hemistichio constat: מי האמין לשמענו *Quis credidit præconio nostro?* שמיעה phrasi hebræa omnem sermonem notat, qui auri-

D 5

bus

bus percipi potest. Sic 2 Reg. XVI. 7. Ier. X. 22. significat nuntium seu rumorem de hostium irruptione, & 1 Sam. IV. 19. rumorem de arca foederis capta, Ps. CXII. 7. nuntium seu famam malam 1). Hoc vero loco שמעא *áxon* sermo, qui credendi obiectum statuitur, doctrinam Evangelii prædicatam auribusque perceptam notat, quod Apostolus Rom. X, 16. disertis verbis declarat: *At non omnes obedierunt Evangelio, Iesaias enim dicit: Domine, quis credidit τη άxon ημων*; Recenset insignis quondam Vitembergensis Philologus ERASM. SCHMIDVS ad Matth. IV. 24. septem vocis *άxon* significationes, e quibus quarta significatio, qua rem seu doctrinam auditam ipsumque auditus obiectum denotat, hic in censum venit, ac ab Apostolo l. c. Rom. X. 16. locisque parallelis Gal. III. 2. 5. Hebr. IV. 2. Ioh. XII. 38, innuitur. Ceterum istam significationem recipere vocem *άxon* ex phrasi hebræa, & modo loquendi Græcis scriptoribus incognito recte observavit Io. VORSTIVS 2). Quamvis enim SEB. PFOCHENIVS 3) ex PLATONE, THUCYDIDE ac SVIDA recte ostendat, hanc vocem apud optimæ notæ Scriptores Græcos *famam* ac *rumorem* significare, nemo non tamen videt distare inter se *famam*, & *doctrinam prædicatam*, licet in hoc tertio conveniant, quod sint res, quæ auribus percipiuntur.

A

A vero quoque hic non abludit *Paraphra-*
stes Chaldaus, qui effatum propheticum:
 Quis credidit לשמעתי praconio nostro
 לבסורתנא *annunciationi nostrae παραφραζει*.
 Respondet enim Chaldaicum בסר *nuncia-*
vit, unde בסורא & בסורתא *nuncium* seu
annunciatio derivatur, hebræorum illi בשר,
 quod excepto uno loco 1 Sam. IV. 17. in
 omnibus aliis SS. locis læta, grata & salu-
 taria nunciare significat 4), & hinc etiam
 vox hebræa בשורה 2 Sam. XVIII. 20. 22. 25.
latum nuncium notat. Spectat huc impri-
 mis & שמועה seu *praconium*, cujus A-
 postoli ore Iesaiæ mentionem faciunt, egre-
 gie illustrat, quod Prophetæ Hebræo בשר
 συνηχομαι utantur pro ipsa prædicatione
 Evangelii sive beneficiorum Christi annun-
 ciatione Ps. LXVIII. 12. Ies. XL. 9. Cap.
 LII. 7.

- 1) Conf. GVSSET. Comment. Ling. Hebr. ad ra-
 dicem שמע, & LEIGH Crit. Sac. ad voc.
 שמועה.
- 2) Phil. S. de Hebraïsmis N. T. Cap. III. p. 63sq.
- 3) De Græc. Ling. in N. T. puritate Diatr. XLIV.
 pag 21.
- 4) Vid. GVSSET l. c. ad vocem בשר & FLAC.
 Clavis ad vocem Evangelium.

§. VIII.

Patet igitur ex hac genuina interpreta-
 tione vocis שמועה hunc auditum non ad
 ipsos

ipsos Apostolos audientes, quid in se Do-
 minus loqueretur, referendum esse. Pla-
 cuit hæc sententia nonnullis interpretibus,
 e quibus ex antiquioribus AMBROSIVM
 seu potius Auctorem Commentariorum in
 Epistolas Paulinas, qui Operibus AMBROSII
 inserti sunt 1) producimus, qui ad Rom. X.
 16. notat: *Hoc est, quis credidit, quæ au-*
divimus abs te, & NONNUM in Paraphr.
Evang. Ioh. canentem: Κοιρανε τις μετα
τοσσα τη πιστευεν ακχη Domine, quis post
tanta tuo credidit auditui 2). Ex sententia
 quidem ALEX. MORI & IO. MARCKII 3)
 SYRUS interpres videtur hanc interpreta-
 tionem comprobasse, quia ad Rom. X. 16.
 verba *τη ακχη ημων* reddidit *לברת קלן*
filia vocis nostræ, adeoque ad coelestem il-
 lam vocem, qua Deus se patefecerit, post-
 quam Prophetæ esse desierant, allusisse vi-
 detur. Verum iudice LAMPPIO 4) Syri
 verba commode etiam ita intelligi possunt,
 ut doctrinam Apostolorum ore prolatam *fi-*
liam vocis appellet. Licet autem vox *שמעה*
 in loco nostro prophetico prædicationem
 Evangelii notet, quod probavimus, res
 tamen ipsa longe verissima est, Apostolos
 illud, quod in præconio Evangelii propo-
 suere, a Deo per internam inspirationem, &
 interdum per loquelam externam prius au-
 divisse, nec sua figmenta, sed veritates di-
 vinitus revelatas prædicasse. Hinc videas,
 Pau.

Paulum protestari, se Evangelium non accepisse ab homine, sed per revelationem Dei & Iesu Christi. Gal. I. 12. 15.

- 1) Vid. AMBROS. Opp. Tom. V. p. 219. Adhuc autem sub iudice lis est, an hi Commentarii genuinis Ambrosii scriptis, utrum quod multis placet supposititiis annumerandi sint. Vid. A. RIVETI Crit. S. L. III. Cap. XVIII. Tom. II. OPP. p. 1115. & DU PIN Biblioth. Nov. Auct. Eccles. Tom. II. P. II. p. 507.
- 2) p. m. 117 coll. DAN. HEINS. Aristarch. S. p. 923.
- 3) Vid. POLI Synops. Crit. ad h. I. & I. MARKII Analysis Cap. LIII. Icf. p. 6.
- 4) l. c. p. 894.

§. IX.

Verbi **יִמְנֶה** nota est significatio, qua recumbentiam in alicujus veritate, benevolentia & potentia designat, adeoque acquiescentiam in promissis, certitudinem & *πληροφορίαν* omnem dubitationem excludentem complectitur Gen. XV. 6. Deut. IX. 23. Ies. XXVI. 19. 1). Objectum igitur credendi, quod est Evangelium, cujus modo mentionem fecerat Propheta, clare indicat, de fide per verbum Evangelii excitanda hic agi, qua homo ex agnitione unius veri Dei, & missi ab eo Salvatoris humani generis promissis divinis assensum præbet, ac certa & explorata fiducia confidit, quod propter Christum gratis habeat remis-

remissionem peccatorum, justus reputetur in judicio Dei ac haeres sit æternæ salutis Io. XVII. 3. 6. 8. Io. VI. 40. Ephes. I. 13. 14.

1) Conf. COCCEIUS in Ps. LXXVIII. 32. p. 337.

§. X.

Quantumvis autem Apostoli eorumque cooperarii omnem moverent lapidem, ut omnium animis veritatem Evangelii commendarent: præconium tamen Evangelii apud potiore partem Iudæorum salutari fructu caruisse Propheta docet, Apostolorum & Evangelistarum nomine ingemiscens: *Quis credidit præconio nostro?* Verbis hisce paucitatem eorum significari, qui veritati locum dedere, & ad fidem perducti sunt, supra observavimus, quibus addimus, iisdem verbis Prophetam clarissime indicare, causam incredulitatis culpamque inde redundantem ipsis & solis refractariis Iudæis tribuendam esse. Cum enim hoc præconio Evangelii Deus refractariis Iudæis benignam suam & propitiam voluntatem de eorum salute vera in Christum fide obtinenda manifestaret, eosque ad fruitionem tantorum beneficiorum invitaret, vocationem hanc ad Iudæos per præconium Evangelii directam, & sufficientem, & seriam & efficacem fuisse constat. Illa autem

voca-

vocatio dicitur sufficiens, quæ ad finem obtinendum idonea est. Sufficientia igitur divinæ vocationis, quæ contumacibus Judæis obtigit, inde elucet, quia per præconium Evangelii facta est, quia nitebatur universali merito Christi Ies. LIII. 6. 1 Ioh. II, 2. & simul enarrationem omnis consilii Dei de salute hominibus conferenda complexu suo continebat Aët. XX. 21. 26. 27. Aët. XIII. 46. Aët. III. 26; immo quia præconium Evangelii præditum erat efficacia divina supernaturali ad producendam illuminationem regenerationem & sanctificationem apta. Cum enim verbum Dei sit medium salutis universale, & ad omnes homines ex serâ Dei voluntate omnium mortalium salutis cupida pertineat 1 Tim. II. 4. 2 Pet. III. 9. Ezech. XVIII. 23. 32. Ioh. XX. 31, cujus seu præconio seu lectione Deus omnium auditorum & lectorum illuminationem & conversionem serio intendit Aët. XVII. 30. Apoc. III. 20. semper quoque vehiculum est gratiosæ potentiae Dei, quæ ad producendam conversionem adeoque ad accendendam fidem apta & sufficiens est, nisi libera & malitiosa contumacia ab homine obex ponatur. Vis enim illa infinita & supernaturalis ad mutationes supernaturales in hominum animis producendas apta ex liberrima Dei ordinatione ita communicata est verbo, ut semper &

& indivulso nexu eidem juncta fit Io. VI. 63. 68. Rom. I. 16. Hebr. IV. 12. 1 Pet. I. 23. Pf. CXIX. 105. 1), nec unquam ab eo separata fit, sed una actione cum verbo ad illas concurrat 2). Hæc igitur vis divina & efficacia supernaturalis verbo non ambulatorie & ex prævisione temporis congrui competit, quo Deus verbum electis proponit non reprobis & morose resistentibus, sed omni tempore etiam tempore minus congruo, quo prævidit, eos illud esse repudiaturus, nam & illud tempus, quo reprobi vocantur, opportunum appellatur 2 Cor. VI. 2. Hebr. III. 7. Luc. XIX. 44. 3). Quoniam vero Deus ex lege infinitæ sapientiæ semper rebus convenienter agit, nec proinde operationibus gratiæ libertatem humanam infringit, ac voluntatem ineluctabili modo ad unum oppositorum determinat, vis illa divina & supernaturalis verbo Dei intime communicata non agit absolute, neque eo modo, ut nemo ei resistere queat. Ies. LXV. 2. 3. Luc. VII. 30. Act. VII. 51. sed ordinate operatur, & ita, ut natura mentis humanæ permittit, ac condiciones quasdam nimirum actiones pædagogicas exigit, quæ viribus naturalibus præstari possunt, quales sunt e. g. auditus verbi & externum studium illud expendendi 4): id quod moralis hominum conditio requirit, sine qua nullus imputationi locus foret.

Cum

Cum igitur vis divina verbi sit ordinata, sequitur ejus operationem ab hominibus impediri posse, adeoque resistibilem esse. Resistit autem homo vi supernaturali verbi Dei non tantum, cum verbum Dei audire, ejusque argumentum percipere plane detrectat, & hoc modo medium, cui se vis divina alligavit, plane respuit; sed hac quoque ratione, cum illud quidem legit & audit, præjudiciis tamen intellectus & inordinatis voluntatis motibus indulgens obicem obvertit, ac impedit, quo minus vis divina verbo connexa sese in ejus animo cum fructu exserat. Licet enim requisitis pædagogicis admissis verbum insita hac supernaturali vi hominis animum commoveat, adeoque ratione primorum motuum vis illa irresistibilis seu inevitabilis sit, cujus luculentum exemplum in Agrippa Iudæorum Rege conspicitur Act. XXVI. 28. 5): potest tamen homo motibus ab efficacia verbi supernaturali oriundis obicem ponere, eorumque ulteriorem progressum & fructum impedire. Hæc etenim animæ humanæ conditio est, ut & aliæ per alias heterogeneous ideas majori claritatis gradu gaudentes possint obscurari & extinguï, cum vel habitus admissa negligentia & oscitantia pedetentim excuti queant. Quod respectu divinæ efficacæ per verbum in

E

animo

animo hominis se exferentis accidit, si homo mox præjudiciis mundique illecebris captus sua culpa salutari operationis divinæ progressu caret.

- 1) vid. HULSEMANNUS *Prælect. in Form. Conc.* Art. VIII. Sect. I. Part. II. p. 436. & cel. S. Iac. BAUMGARTEN *de Efficacia Scriptura Naturali & supernaturali* §. XLVI. p. 37.
- 2) vid. IO. MEISNERI *Examen Catech. Palatini* Quæst. XIX. p. 234sq. & quæ adversus Jurieum monuit ZACH, GRAPUS in *Dissert. de verbi divini influxu in Conversione* §. 17.
- 3) vid. WILH. LYSERI *Comment. in Iob.* ad Cap. 6. §. LXX.
- 4) vid. *Declarat. F. C.* p. 671. & ÆGID. HUNN. Tom. I. Opp. p. 481.
- 5) vid. FECHT, *de ordine & modo gratia divina* Aphor. VIII.

§. XI.

Nec minus hanc vocationem Iudæorum seriam fuisse patet. Seriam appellamus vocationem, cum externa declaratio voluntatis cum intentione consentit. Fingas igitur declarationem externam voluntatis divinæ, qua Iudæis promissiones Evangelii obtulit, eosque ad fidem salutemque vocavit, non consentire cum ejus intentione: sic sequeretur, eum externe quidem significasse, se fore beneyolum, interne autem & vera voluntate nunquam voluisse illis fidem ac salutem largiri. Contrariæ autem hoc modo in summo Numine statue-

statuerentur voluntates, si in promissione & oblatione salutis eidem objecto externe significaret, se fore benevolum; interna vero voluntate contrarium vellet, & re ipsa se præstaret malevolum. Immo hac ratione benignæ invitationes & promissiones ad reprobos quoque directæ Matth. XXII. 3sq. merae ludificationes creaturis nocivæ forent, adeoque simulatio mala & hypocritica Deo adscriberetur, quam a natura Dei æternum esse alienam & notionibus divinæ Sanctitatis, Bonitatis, Sapientiæ, Iustitiæ & Æquitatis directe adversari certi sumus, cum exploratum sit, Deum semper justificari in sermonibus suis, & purum esse, cum judicat Ps. 51. 6. 1). Subjungimus hisce, quæ SIMON EPISCOPIVS nerveose contra CAMERONEM urfit: *Hypocrita quin & Tyrannus foret (Deus), si videri vellet serio cupere salutem eorum, quos scientia voluntatis suæ prorsus ex se inefficace donat, cum eos scientiæ istius auxilio non modo non velit juvare ad salutem eorum promovendam, sed contra ea uti velit ad damnationem eorum aggravandam* 2.) Seriam hanc contumacium Iudæorum Evangelii præconio compellatorum vocationem egregie docent insignia & tennerrimi amoris plena Salvatoris verba Matth. XXIII. 37. proposita, quibus Hierosolymitanæ urbis cives, & generatim universum populum Iudaicum, ad quem sub

Oeconomia N. T. Apostolos, & ante illam Prophetas misit, sibi refragantem alloquitur 3): *Ierusalem, Ierusalem, interemptrix Prophetarum, & lapidatrix eorum, qui ad te missi sunt, quoties volui aggregare liberos tuos, quemadmodum gallina aggregat pullos suos sub alas & nolulistis.* Virtutem, quam ad permovendos animos habet hæc optimi Salvatoris alloquutio, elegantissimis hisce verbis SOVTHIVS expresit: *O quam mollis tenera & flexibilis exprobatio! O quam incitata & vibrans communis doloris declaratio! O quam lamentabilis doloris expressio in hac Magni Doctoris, & Salvatoris animorum, elucet vituperatione* 4). Voluntatem Christi Θεω-
 θεώπης refractariis Iudæis declaratam præconio Evangelii, missione Apostolorum, Evangelistarum v. 34, & ante Prophetarum v. 35. 37. sincerum & maxime serium eos congregandi studium involvere, elegantissimum symbolum a naturali σοργή gallinæ, pullos suos non signo solum glocitationis, sed ex intimo affectu congregantis & sub alis protegentis, petitum luce meridiana clarius eloquitur 5). Vis quoque vocis ἐπισυναγαγεῖν hic non exteriori congregatione absolvitur, sed vel maxime congregationem spirituales, cum statu gratiæ conjunctam, quam salus æterna ex seria intentione divina subsequi debebat, indicat, quæ significatio vocis συναγεῖν etiam
 lo.

Io. XI. 52. obtinet 5). Ejusmodi enim congregatio hic intelligitur, quæ instituenta erat sub alis Domini per gratiam Salvatoris, quæ animis securitatem & quietem præstabat, & cum summa necessitudine singularique favore Dei ejusque præsidio, tutela & protectione credentibus propria conjuncta erat 7). Cum vero talis congregatio nemini nisi per fidem obtingat, seria simul voluntas Salvatoris hinc elucet, qua fidem in omnium Judæorum animis verbo gratiæ accendere paratus erat, quos præconio evangelico donabat. Idem etiam ex Petri verbis, quibus Judæos Act. III. 26. alloquitur, clarissime perspicitur: *Vobis primum Deus suscitans Filium suum Iesum, misit eum benedicientem vobis, ut convertat se unusquisque a nequitia sua.* Quodsi igitur Judæis, inter quos plurimi in incredulitate perseverarunt & reprobi fuere, Christus missus est ad benedicendum: ergo etiam missus est ad donationem seu collationem fidei, quæ omnino ad hanc benedictionem pertinet, & salutare illud organum est, quo benedictionem per Christum partam nobis applicamus Gal. III. 9. Notandum denique est in verbis Matth. XXIII. 37. voluntatem humanam Christi a divina minime distinguendam esse. Si enim voluntate humana tantum Judæorum salutem voluisset, eandemque voluntate divina no-

luisset, voluntas humana Christi a divina ejusdem voluntate non tantum diversa ut Matth. XXVI. 39, sed quoque contradictorie ei adversa fuisset, quod & clarissimis Scripturæ sacræ effatis contradicit Ioh. VII. 16. 17. 28. Cap. XII. 49. 50. Cap. XIV. 10. & gloria Salvatoris indignum est, cui hoc modo peccaminosa affingeretur voluntas, quæ scienter voluntati divinæ obstrepuisse, cum tamen Christus optime consilia & decreta Dei noverit 8). His autem observatis ex hoc alloquio Salvatoris legitima & invicta consequentia colligimus: Quicumque præconio Evangelii, quo Apostoli & Evangelistæ functi sunt, serio intendit & voluit eorum etiam Judæorum congregationem spiritualem, cum fide & subsequente salute æterna conjunctam, qui noluerunt congregari & in incredulitate perstiterunt, ille per hoc præconium Evangelii illos etiam, qui noluerunt congregari, & in incredulitate perstiterunt, ad fidem & salutem serio vocavit. Atqui Christus præconio Evangelii, quo Apostoli & Evangelistæ functi sunt, serio intendit & voluit eorum etiam Judæorum congregationem spiritualem, cum fide & subsequente salute æterna conjunctam, qui noluerunt congregari, sed in incredulitate perstiterunt. Ergo Christus per præconium Evangelii, quo Apostoli & Evangelistæ functi sunt, illos

illos etiam Judæos, qui noluerunt congregari, & in incredulitate perstiterunt, ad fidem & subsequentem salutem serio vocavit. Ratio connexi majoris propositionis hinc clara est, quia natura seriæ vocationis ad fidem & salutem in eo consistit, ut externa manifestatio voluntatis divinæ de fide & salute eorum, quibus illa declaratur, (quæ hic Judæis præconio Evangelii obtigerat) cum intentione & voluntate Dei approbante consentiat, quæ sub initium hujus paragraphi docuimus. Minoris propositionis veritas in dicto Christi proxime declarato continetur.

1) Egregie hanc causam contra dissentientes Reformatos plurimi nostratium Theologi persecuti, sunt ex quibus IO. TAUFERER Disp. IV. *Apolog. contra Piscatorem* Thes. 1 sqq. IOH. GERHARDI Disp. Acad. Disp. VI. p. 120. IO. CONR. DANNHAUER. *Hodom. Spir. Calvin. Phantasm.* III. p. 794. IOH. MUSÆI Colleg. *Controv.* p. 247. Theol. Darmstad. *deductionem fundament.* pag. 66 sq. PETR. HABERKORN *Admonit. contra Syncret.* P. II. Disp. XV. sqq. p. 329 sqq. & cel. Theolog. Iulium J. E. SCHUBERT Diss. *de Volunt. Dei contra Wytenbachium* p. 20 sqq. producimus.

2) Vol. I. Opp. P. p. 307.

3) Non enim repetito verbo *ιεργσαλημ* primores tantum Judæorum & honestioris ordinis viros a Christo compellari, sed generatim incolas urbis & omnes alios Judæos, qui ad illam ceu metropolin & sacrorum sedem confluxere, adeoque universum refractariorum Judæorum coetum intelligi IO. GERHARD, solide probavit

bavit *Harm. Evang.* Cap. CLVIII. p. m. 435. Addatur IO. DALLÆUS *Apol. pro duabus Syn.* p. 145 sqq., qui hanc a Franc. Gomaro P. I. Opp. Theol. p. 85. assertam interpretationem merito vocavit novam, nullis exemplis firmatam, nullis rationibus fultam expositionem, & Celeb. nuper Remonstrant. Theologus IOH. DRIEBERGE *de Prædest. & Gratia* cap. X. §. XXIII seq. p. 147.

- 4) *Sermon.* Vol. V. p. 496. cit. ab ANT. BLACKWALL *Crit. S. N. T.* ex edit. cel. Chr. Wolle pag. 169.
- 5) illustravit hoc symbolum præter S. BOCHART, *Hieroz.* P. II. cap. 18. p. 126. & cel. ELSNER *Observ.* S. P. I. pag. 107. ven. H. SCHARBAU rev. Min. Lub. Senior multis meritis & rara eruditione insignis *Obs.* S. p. 50.
- 6) Conf. eruditissimus LAMPE ad h. l. l. cit. p. 813.
- 7) vid. GLASS, l. c. p. 1608.
- 8) vid. DANNHAW. *Hodosoph. Phaen.* VII. p. 279. & *Dissert. IS. FAUSTII* ad Matth. XXIII. 37. quæ extat in vol. *Dissert. Dannhaw.* p. 82 sqq.

§. XII.

Quoniam igitur in clara luce versatur, vocationem divinam præconio verbi gratiæ ad Judæos directam & sufficientem & seriam fuisse, eandem etiam simul efficacem fuisse liquet. Quodsi enim illa quoque voluntas divina merito efficax salutatur, quæ finem serio intendit, & huic obtinendo media idonea & sufficientia adhibet, quamvis simul ordinata sit, ordinem a Deo

a Deo sapientissime constitutum respiciat, a quo libertatis abusu creaturæ rationales recedere possunt: hæc vocatio *χρῖσµατων* Judæorum hoc sensu omnino efficax fuit, quia Deus illa & fidem & æternam beatitatem Judæorum serio intendit (§. XI.), & media ad hunc finem sufficientia adhibuit. (§. X.) Sin autem eo sensu vocationem renitentium Judæorum inefficacem dices, quia finis ille particularis (nimirum conversio & salus eorum) a Deo serio intentus apud plurimos existentiam minime nactus est: equidem largior, hæc sano sensu dici posse, si ita intelligantur, ut ratio inefficiæ minime in Deum derivetur, sed tantum in homine sita sit (Quia Deus in oeconomia gratiæ nihil ad existentiam perducit, quod eius ordini sapientissime constituto adversatur.) Meminimus etiam eodem sensu acutissimum Theologum BALTH. MEISNERVM termino *gratiæ inefficacis* uti, quæ scilicet, cum fortiri posset suum eventum pro innata vi & *ἐνεργείᾳ*, non tamen actu ipso fortitur I). Consultius tamen est ob ambiguitatem termino *vocationis inefficacis* abstinere, quod etiam ex hac ratione maxime decet, quia in omni vocatione divina, quæ præconio verbi gratiæ peragitur, etiam quoad eventum se efficacia gratiæ semper cessante libera & voluntaria resistantia exserit. Liceat nobis hæc con-

E 5

summa-

summatissimi nostri DORSCHII verbis illustrare: *Efficax, inquit, est voluntas decernens, & operans, si de determinatione ultima, & fine immutabili, quem universim in rerum serie posuit omnipotentissimus, accipias. Impediri Dei voluntas proprie nequit. Potest tamen ordinem rerum constituere, & ad illum amplissimas beneplaciti divini significationes alligare, cui dum pertinax malitia refragatur, moraliter impeditur, dum propter illam renitentiam se non applicat subiecto, quod nova excitata pertinacia extra ordinem descriptum moratur. Efficax ergo est voluntas Dei non tantum actu primo sed & actu secundo, dum motibus & suggestionibus excitatis subiectum propositum afficit. Non igitur in officina sua subiectis ordini suo applicandis caret ενεργεια, immo etiam ad ενεργημα quodpiam non raro progreditur, licet malitia αποβλεσμα oriri non permittat.*

1) vid. BALTH. MEISNER *Anthrop. S. Disp. XI.*
§. 40. p. 25.

2) DORSCH. *de Volunt. Dei contra Triglandium* p. 15.

XIII.

Accedimus tandem ad considerationem posterioris hemistichii, quod querela in interrogatione de defectu manifestationis brachii Jehovæ absolvitur. Quærit nimirum Apostolorum personam induens Propheta: וַיִּרְוַע יְהוָה עַל-מִי נִגְלָתָהּ: *Ecce*
bra-

brachium Domini in quo revelatur? Pervulgatum quidem est, brachium in Scriptura S. Deo idcirco translata locutione tribui, ut potentia eius innuatur, cum in hominibus præcipue per brachia corporis robur exferatur: Ex. XV. 16. Iob. XL. 4. Ps. LXXVII. 16. Ier. XXXIII. 17. 1) & observatu imprimis dignum est, frequentioris usus hanc phrasin Jesaiæ esse, eademque sæpe divinam Messiae potentiam notari, Ies. XL. 10. LIX. 16. LXIII. 5. Sed tamen non continuo, ut hæc verba prophetica percipimus, quid proxime iisdem designetur nobis constat. Denotari simul hoc loquendi modo divinam Messiae potentiam tota textus *συμφορα* nos docet, & ex infra dicendis luculentius apparebit. Quæritur autem, an etiam hæc phrasis præterea divinæ Messiae personæ *περιφορά* sit. Prius igitur quam nostram sententiam proferamus, varias eruditorum interpretationes indicabimus. GLASSIUS noster clarissimi nominis Philologus & Theologus *Brachium Iehovæ* hoc loco doctrinam Evangelii notare existimat, quod videlicet *potentia Dei sit ad salutem omni credenti*. Rom. I. 16. 2) Præivit GLASSIUM BEZA in Io. XII. 38. & FR. IVNIVS ad h. l. Commendatur eadem interpretatio ut simplicissima ab AND. RIVETO 5). Doctissimo etiam Reformatæ Ecclesiæ Theologo C. VITRINGÆ eadem placuit sententia.

tia. Cum enim voce שמיעה præconium Evangelii in priori hemistichio significari probasset: *Idem, inquit, hic intelligitur per brachium lehovae. Est enim Evangelium Christi potentia Dei ad salutem cuius credenti Rom. I. 16, hunc ipsum locum ut videri queat respiciens 4).* IO. MARCKIO omnia facilius fluere videntur, *si brachium simpliciter de potentia Domini irresistibili exponatur 5).* Illam autem hic notari potentiam Dei existimat, quæ in conversione hominum ad fidem necessaria est. Cum igitur existimet ex hac phrasi hypothesin gratiæ irresistibilis, infelicis illius absoluti decreti furculi, legitime colligi: in rationes ejus hic disquirere ab instituto nostro alienum non erit. Urget nimirum I. hanc esse primam loquutionis figuratæ *brachii lehovæ* significationem, ut potentiam divinam absolutam & insuperabili modo agentem indicet. II. Allegat dictum Ies. LII, 10. ex quo constare autumat, potentiam, qua Deus in convertendis hominibus utatur, esse insuperabilem. III. Idem ex loco Ephes. I, 19. inferri. IV. Objicit conversionem *vivificationis, generationis, & creationis* nomine venire. Cum vero duabus posterioribus rationibus a nostris Theologis solide satisfactum sit 6), duas priores paucis expendemus. Notamus igitur ad N. I. Quamvis diffitendum non sit, hanc phrasin in-

supe-

superabilem potentiam inferre, cum de ejus generis miraculis, quæ et supernaturalis & simul absolutæ potentiæ opera sunt, usurpatur; falsum tamen est, hanc significationem obtinere, cum ad designandum gratiam convertentem transfertur. Haec enim interpretatio per alia clarissima Scripturæ S. loca pro illegitima habenda est, quæ nos docent, gratiæ in se efficaci resisti posse, eandemque a pertinaci resistantia liberi in malo arbitrii sæpe impediri, ut effectus salutaris ordinato agendi modo produci intentus non obtineat Matth. XXIII, 27. Ioh. V. 34. Luc. VIII, 30. Ierem. VIII, 25. Ezech. XVIII, 31. Est sane conversio solius Dei opus, nec homo quicquam ad eandem ex suis viribus conferre potest. Ier. XXI, 18. 2 Cor. III. 15. Ephes. I. 15, ac a Deo solo & vires poenitendi & credendi donantur, & ab eodem in subiecto convertendo in actum deducuntur Phil. II, 13: immo ipsa cessatio ab exercitio naturalis resistantiæ est effectus gratiæ prævenientis per insitam verbo vim se exferentis, qua homini vires suppeditantur, ut possit non resistere, & actu etiam, quantum ad ineptitudinem naturalem spectat, non resistat. Quia tamen gratia præveniente non habitus tollitur, sed solus actus cohibetur, hinc etiam resistere potest homo post hanc cessationem a gratia profectam, & libera ac volun.

voluntaria contumacia impedire, quo minus conversionis ἀποβλεμμα in actum deducatur 7). Sic Ies. XL. 11. Christus pastor Israël dicitur *brachio suo colligere agnellos*, h. e. providentia & gratia tenellos credentes & infirmos in fide sustentare. Quoniam vero hanc gratiam in regno gratiæ non absolute sed ordinate per organa salutis excercet, admodum perspicuum est, voce *brachii* potentiam etiam ordinatam, talemque, quæ insuperabilem agendi modum non observat, indicari. Præclare ad hunc locum b. LUTHERVS commentatur: *Magna autem hæc consolatio est, quod omnes, qui quoquo modo verbo adhæserint, quantumvis infirmi in regnum Christi recipiantur, & soli increduli excludantur* 8). Fidelissimus scilicet Ecclesiæ pastor ex divitiis gratiæ suæ sufficientia credentibus auxilia præbet, auget, eaque semper augere paratus est; hoc tamen ordine in largiendis gratiæ thesauris progreditur, ut illos per organa salutis, verbum nimirum gratiæ & sacramenta dispense, nec irresistibili agendi modo utatur. *Non enim placuit Deo omnem suam potentiam in hoc negotio adhibere: placuit funibus nos trahere non vitulinis, sed humanis* Hos. XI. 4. 4). Accidere nihilominus potest, ut fidelis organa salutis negligat, & sua culpa denuo sub peccati dominium redigatur, adeoque brachio pastoralis obnitatur.

Moni-

Monita enim divina ad perseverantiam, dehortationes a securitate inania & mera fulgura ex pelvi essent, si credentes gratia excidere non possent 10). Accedit, quod similis loquutio, qua *manus* Deo in Scriptura S. tribuitur, itidem sæpe potentiam Dei absolutam & insuperabili modo agentem indicet, quod præter alia loca sequentia docent: Num. XI. 23. Iob. X. 8. Deut. IX. 26. 29. Act. IV. 30. Sed tamen manibus Domini expansis Judæos restitisse Ies. LXV. 2. 3. edocemur. In hoc enim loco expansione manuum Domini ferium Dei studium Judæos ex miseria status peccati eripiendi denotari, & sufficientem gratiæ oblationem indicari, qua converti & salvari potuissent, sole meridiano clarius apparet. Imprimis igitur in metaphoricis loquutionibus illud observandum est, propter quod & in quo similitudo consistit. Cum ergo miracula divina in Ægypto edita & operationes Spiritus S. in animis peccatoris effecta brachii Dei dicuntur, hunc in modum hæc intelligenda sunt, quod miracula Ægyptiaca absolutæ quidem & irresistibilis potentiæ opera sint, sed operationes Spiritus S. sint ordinatæ & potentiæ non insuperabili modo agentis opera, nihilominus tamen in eo omnia hæc effecta exacte convenire, quod sint supernaturalia. II. Nec quicquam præsidii gratia irresistibilis in verbis propheti-

phetis Ies. LII, 10. invenit: *Iehova nudavit brachium sanctitatis suæ coram oculis omnium gentium, & viderunt omnes fines terræ salutem Dei nostri.* Gravissimo hoc & insigne pondus habente loquendi modo, quo Deus dicitur nudasse brachium sanctitatis suæ in oculis omnium gentium, innumera gratiæ & potentiæ Dei effecta indicari, modo maxime glorioso & illustri patrata, equidem non negaverim. Clarissime enim hisce verbis ad profectus & incrementa Evangelii inter gentes respicitur, & innuuntur simul supernaturales effectus in signis & prodigiis præconium Evangelii comitantibus, ac in ereptione hominum ex potestate Satanæ, superstitionis, erroris & scelerum demonstrati, ut adeo metaphora ducatur a strenue laborantibus, quibus solenne est brachium exferere, illudque interdum ad removenda vestium impedimenta nudare. II). Depingitur ergo magnifica phrasi prophetica ἐνεργεια potentiæ divinæ πολυμερῶς & πολυτροπῶς sub Oeconomia propagationis Evangelii agentis, operantis scilicet *absolute* respectu stupendorum & extraordinariorum miraculorum, & *ordinate* per præconium Evangelii respectu effectuum gratiæ in conversione gentium, quarum animi non irresistibili modo ad credendum flectebantur. Sed de MARCKII sententia, qua τῇ ὑποθέσει δαλεῦειν studuit nobis

nobis dicta sunt. Supereſt, ut hic etiam F. A. LAMPPII, Theologi quondam Ultrajectini & Bremensis doctiſſimi, mentionem injiciamus. Obſervat autem, *brachio Iehovae* reſpici ad Iehovam a Iehova, quem chorus alloquitur, diſtinctum, Filium nempe Dei, cuius potentia divina brachii voce in Scripturis inſigniatur. Ex. XV. 16. Iob. XL. 4. Pſ. LXXI. 18. LXXXIX. 11: illam denique potentiam hic intelligendam eſſe, quam in regno gratiae per operationes Spiritus S. exſerat, & hinc conjicit proxime ſub hoc emblemate Spiritum S. designari 12). Licet autem non eamus inficias, LAMPPIUM ſingulari ſtudio ſententiam ſuam expoliſſe, ex dicendis tamen apparebit, illam emphafi dictionis *brachii Iehovae* in noſtro loco non ſatisfacere. Nec præterea diſſimulandum eſt, eo ſimul ſpectare orationem LAMPPII, ut abſoluti decreti indeque derivatae gratiae irrefiſtibilis paroxyſmi purpurea chlamyde obtegantur.

1) Conf. FLACIUS & RAVANELLUS II. cc. voce brachium.

2) Phil. S. I. V. Tract. 1 Cap. VII. p. 1542.

3) RIVETUS in Cap. LIII. Ief. T. II, Opp. p. 815.

4) VITRINGA I. c.

5) vid. *ejus Analysis* Cap. LIII. Ief. p. 11 ſq.

6) Conf. ad locum Ephes. I. 19. CHRIST, FRANCKII *Exercit. Anti-Wendelin. Exercitat.*

- VI. §. XIV. p. 338, & MOEB. *Dissert. Theol.* p. 484. Quartani Marckii rationem, qua ex nominibus Conversionis, generationis, vivificationis, & creationis ad gratiam irresistibilem temere concluditur, luculenter refellit b. HULSEMANN. *Vindic. SS. Artic. XXII.* p. 80 sqq. cui addatur ccl. CANTZIUS *Consensus Philos. Wolfianae cum Theologia* l. I. Psychol. n. XI. p. 396.
- 7) vid. b. DORSCHER *Pentadecās Diss.* IX. p. 317.
- 8) *Opp. latin. Tom. III.* Jen. p. 5736.
- 9) Sunt verba b. DANNHAWER *Hodof. Phœnom.* IX. p. 433.
- 10) Leg. quæ solidissimus DANNHAW. *Hodom. Sp. Calvin.* Phantasm. IX. p. 2013 sqq. præclare tradidit.
- 11) vid. FLACIUS V. brachium & GLASSIUS l. c.
- 12) l. c. p. 894 sq.

§. XIV.

Subjungamus autem variis hisce phraſeos *brachii lebovae* interpretationibus hucusque a nobis allatis noſtram ἐπικρίσις. Quod igitur eorum attinet ſententiam, qui hanc dictiōnem per Evangelium explicant, nihil quidem incommodi hanc expoſitionem habere fatemur, ſi hypotheſis gratiæ irrefiſtibilis cum illa non conjungatur, quod Reformatiſ interpretibus in more poſitum eſt: illam tamen nec connexioni textus ſatiſfacere nec allegationi S. Iohannis convenire exiſtimamus. Si enim connexionem textus conſulamus, emphatica hæc dictiō hoc loco omnino complectitur diviſam potentiam aſſumptæ humanæ Chriſti naturæ com-

mini-

municatam, qualis videlicet ad opus redemptionis perficiendum necessaria erat. Quamvis enim sponte se abdicaverit Salvator patiens exercitio illius roboris divini, quod expiationem peccatorum impedivisset, non tamen vel in ἀκμῇ dirissimorum dolorum constituti unio personalis soluta, & quæ hinc indivulso nexu sequitur communicatio idiomatum divinorum sublata est; sed tum quoque erat *Dominus gloriæ* I Cor. II, 8. pollens infinita vi, quæ & animam ad sustinendam iræ divinæ molem sustentabat, eamque in summa sanctitate conservabat, ut adeo par esset Messias peccatorum humani generis oneri ferendo, ac sacrificio infiniti valoris iratum Deum placaret. Clarissime hoc ex oratione recens converforum Judæorum immediate sequente, capitis scilicet hujus v. 4. 5. 6. colligitur. His enim eo ipso *brachium lehoræ* manifestatum erat, quia & finem & effectum passionis roburque Messiae in redemptionis opere lucens salutariter intelligebant. Allegatio quoque commatis nostri prophetici, quæ Io. XII, 38 extat, evincit, hac phrasi divinam potentiam assumptæ humanæ Christi naturæ communicatam indicari. Cum enim divus Apostolus commate præcedente 37 dixisset, paucissimos Judæorum post tot divinæ virtutis Christi specimina credidisse, v. 38, affirmat, evenisse ita, quod

Jesaias prædixisset; paucissimos scilicet cognovisse brachium Domini, seu divinam & Messiae propriam virtutem in istis signis se exferentem 1). Ex hisce, quæ modo diximus, patet, interpretationem etiam IOH. MARCKII gratiam convertentem irresistibilem ex hac dictione exsculpentis a vero abludere, nec LAMPPII sententiam, quæ *brachium lehovæ* symbolum hic esse Spiritus S. asseritur, rem acu tangere. Quia emphatica hæc loquutio hic etiam vel maxime indicat potentiam Filii Dei relate consideratam & robur in redemptionis opere quoad acquisitionem spectato, talesque potentiae effectus, qui ab operationibus Spiritus S. oeconomicis distinguendi sunt.

- 1) Conf. IOH. TARNOV. *Comment. in Cap. LIII.* Ies. qui *Comment. ejus in Psalmos passionales* additus est p. 425, W. LYSERI *Disput. in cap. XII. Job. §. LX.* & IO. GERHARDI *Exeges. Loc. IV. de persona & officio Christi §. 250. p. III. 1415. §. XV.*

Haud obscure tamen ex oratione Prophetæ immediate sequente apparet, in querela hac prophetica phrasi *brachii lehovæ* non tantum potentiam divinam sed simul subiectum ipsum seu personam illam indicari, cujus humilis ac miserrimus status & assumptio in gloriam mox describitur. Repetimus hic, quod Propheta in loco nostro Apostolos primosque Evangelii præcones loquentes introducat, qui de Judaicæ gen-
tis

tis incredulitate conqueruntur, & quod inde v. 2. 3. 4. a choro recens converforum Judæorum incredulitatis causa allegetur, quæ erat præjudicium Judæorum de statu humili & dirissimis Christi passionibus, quas augustissimæ Personæ Messia minime convenire opinabantur 1). Sed hanc orationem recens converforum Judæorum hunc in modum decurrere videmus, ut v. 2. usque ad finem v. 10, quo terminatur, subjectum personale non expressis verbis efferatur, verum affectiones Messia, & quæcunque ipsi evenere, enarrentur. Cum vero oratio recens converforum Judæorum querelam Apostolorum excipiat, & ceu responsum ad eandem respiciat, simillimum omnino veri erit, subjecti personalis περι-φρασιν dictione brachii Jehovæ contineri. Aptissime profecto ad *brachium Jehovæ*, cujus v. 1. mentio facta est, verba Prophetæ referuntur, quibus v. 2. orditur: **ויעל כיונק לפניו** *Atqui assurgit ut tenera planta coram ipso &c.* Quamvis enim doctissimus LAMPIVS nihil obstare arbitretur 2), quominus ad *Servum lehovæ*, de quo sub finem Cap. LII, 13. dictum erat, referantur; longe tamen probabilius asseritur **ויעל** ad *brachium lehovæ* spectare, quia oratio hæc cum querela immediate præcedente arctius cohæret, & ceu responsum eandem respicit, quam cum oratione Dei Patris Cap. LII. 13. 14. 15. tradita. Ut

vero prætermittam. minime a magnifico S. Iesaiæ stylo alienum esse, subiectum personale figurata oratione describi; dixerim tamen eodem jure hoc loco phrasin *brachii Iehovæ περιφρασιν* esse Filii Dei, quo Luc. I. 78. ἀνάσσει ἐξ ὕψους & Hebr. I, 3. ἀπαυγασμα ἰης δόξης appellatur. Accedit, Filium Dei in Scriptura S. vocibus aequipollentibus describi. Sic enim Luc. I. 35. δύναμις ὑψίστη. I Cor. I. 24. Θεὸς δύναμις sunt descriptiones Christi 3). In hac denique figurata periphrasi personæ Filii Dei, qua *brachium Iehovæ* vocatur, similitudo sibi satis concinne constat. Sicut enim brachium ex corpore quasi egreditur, sic Christus per æternam nec rationis sibi relictæ decempeda dimetiendam nativitatem a Patre egreditur Mich. V. 1. Quemadmodum homines per brachium opera edunt, sic Deus per Filium omnia operatur Ioh. I. 3. 4). Non igitur ex eo capite ab hac interpretatione alienum nos gerere animum cum ALEX. MORO 5) decet, quia Hæretici Trinitatis mysterium inficientes inde errori suo quæsierunt patrocinium. Nonne enim multa alia sacrarum litterarum effata nobis ex eadem ratione intacta relinquenda essent, quæ errorum promachi præter fas in rem suam vertere solent? Quodsi præterea loquendi modus, quo Filius Dei brachium Iehovæ appellatur, ab

Anti-

Anti-Trinitariis arripiatur, non alia ratione id evenire potest, quam si omnimoda similitudo in translato dicendi genere urgeatur. Insulse autem hoc fieri & invitis justis interpretandi regulis clarissime constat. Hinc AUGUSTINVS, cum aliquando Sabelliani ex hac phrasi inferre stude-
rent, Patrem & Filium non esse distinctas personas, futilem hanc objectionem proponit & solide his verbis refutat: *Ecce videtis, quia solus est Pater, si brachium ejus est Filius. Non enim duæ personæ, sed una Persona est homo & brachium ejus; non intelligentes neque advertentes quomodo verba de rebus aliis ad res alias transferantur propter aliquam similitudinem etiam in loquutionibus quotidianis de visibilibus & notissimis rebus, quanto magis, ut nobis ineffabilia qualitercunque dicantur, quæ dici sicuti sunt omnino non possunt. Nam & homo alterum hominem, per quem solet agere, quicquid agit, brachium suum appellat 6).* Observatu præterea minime indignum est, non hoc tantum loco, sed & in illustri dicto Ies. LI. 9. phrasi *brachii Iehovæ* Filium Dei indicari, de quibus luculentius in proxime sequenti Volumine Fasciculorum horum litterariorum agemus. Ceterum interpretatio nostra, qua dictionem hanc in querela nostra prophetica *περιφρασιν* Filii Dei esse arbitramur, quamque quantum fieri potuit ornare studuimus,

mus, antiqua est, & præstantissimis Ecclesiæ antiquæ Doctores EVSEBIO 7), ATHANASIO 8), AUGUSTINO 9), HIERONYMO 10) aliisque placuit, immo etiam pari incomparabili Ecclesiæ nostræ Theologorum MART. CHEMNITIO 11), & IOH. GERHARDO 12), ac ex Reformatis FR. GOMARO 13) & CAPELLO 14) sese commendavit. Minime vero negandum est, causam hanc satis bonam non semper optime defensam esse. Sic enim CAPELLVS probaturus, Filium Dei quoque alibi *brachium Domini* appellari, minus recte ad Ies. XL. 10. provocat, cum ex connexionione textus constet, Dominum, a quo brachium distinguitur, esse Pastorem Israël seu Messiam, adeoque ibi hanc phrasin non subiectum personale simul indicare, sed tantum potentissimum ejus dominium, quod in regno gratiæ exercet, describere 15).

1) Consentit nobiscum VITRINGA l. c. p. 657.

2) Loc. cit.

3) Diversa quidem dictionis *δυναμὶς ὑψίστης* explicatio est, aliis Spiritum S. aliis in genere omnipotentiam Dei intelligentibus. Conf. b. WOLFII *Cur. Philol. Crit.* ad h. l. Placet autem nobis, Filium Dei hoc loquendi modo describi, quam interpretationem ex antiquioribus suam fecere JUSTINVS MARTYR *Apol.* II. Opp. p. III. 75. edib. Francof. TERTULLIANVS *contra Praxeam* cit. DANNHAW. *Dram. S. Pboen.* VIII. p. 255. DAMASCENVS *de orthodoxa fide*. l. III. cap. II. p. 166, edit. Basileensis, & ex recen-

recentioribus inter alios b. IO. FEURBORN *Fascic. III. Dissert. Disp. VII. n. 7. p. 300.* IO. ERN. GERHARDVS *Diss. ad Luc. I. 35. & VITRINGA Observ. S. l. I. p. 145.* Præferendam hanc esse sententiam hinc patet, quia 1) in Scriptura S. frequens est, filium imprimis primogenitum nomine *virtutis* venire Gen. XLIX. 3. Deut. XX. 17. Act. VIII. 10. 2) Quia alias angelus nec quæstioni Mariæ nec sequenti propositioni, quam ex hac infert, satisfecisset. Prædixerat angelus Mariæ, quod Filium paritura esset, qui esset *filius Altissimi* Luc. I. 32. Commate autem 35 Mariæ nuntium hoc demiranti angelus respondet. Quodsi tantum angelus indicaret, hunc partum supernaturali modo efficiendum esse, nondum quæstioni Mariæ satisfactum esset. Immo etiam exinde non posset inferri, quod angelus hinc colligit, dicens: *διο καὶ το γενόμενον ἅγιον κληθήσεται υἱος Θεοῦ.* Nec enim Isaacus, nec Iohannes Baptista ex hac ratione Filii *υἱος* appellati sunt, quod eorum matres supra ordinem naturæ pepererunt. Ex ipsa igitur coherentia orationis angelicæ conficitur, phrasi *δυναμειως υἱος* Filium Dei indicari.

4) vid. IO. GERHARD Harmon. Evang. Cap. CXLVIII. p. m. 152.

5) *Not. ad Ies. LIII. cit. a WOLFIO in Curis Phil. ad Ioh. XII. 38.*

6) *Tract. LIII. in Ioh. Tom. IX. Opp. p. 470. edit. Lugdunensis.*

7) EVSEB. *Demonstr. Evang. lib. III. cap. 2. cit. Riveto.*

8) *Athanas. Tract. de communi essentia Patris Filii & Sp. S. Tom. I. Opp. fol. 230. edit. Commelin.*

9) *Tom. IX. Opp. p. m. 469. l. c.*

10) *Tom. V. Opp. p. 165. Comment. in Ies. ad h. l.*

F 5

11) De

11) De duabus naturis in Christo c. 28. p. m. 165:

12) l. c.

13) Opp. p. 351.

14) cit. a LAMPPIO l. c.

15) Conf. VITRINGA ad h. l. & LAMPIVS l. c.

§. XVI.

His igitur consideratis, ad ea, quæ in expositione huius hemistichii restant, per-
gimus. Queritur autem Propheta: *על-מי
נגלה* *super quem, sive cui revelatum est.*
Dicitur autem radix *נגלה* in sensu proprio
de revelantibus seu velum alicujus rei de-
volventibus Lev. XVIII, 6. Ies. XLVIII, 3.
& hinc tropice perinde ut Græcorum *ἀπο-
καλυπτειν* & Latinorum *revelare, detegere* ad
quamcunque patefactionem & manifesta-
tionem defertur 1). Sic 1 Sam. III. 7.
Amos III. 7. de divina rerum futurarum re-
velatione, quæ Prophetis obtigit, legitur.
Ies. XL. 5. revelationem gloriæ Iehovæ
cap. LVI, 1. & Ps. XCVIII. 2. revelationem
Iustitiæ divinæ notat. Voces etiam græ-
cas *ἀποκαλυπτειν* & *ἀποκαλυψις* in N. T. ad-
hiberi, cum de viva & salutifera Christi
notitia adeoque illuminatione cum vera
fide connexa sermo est, sequentia loca te-
stantur. Matth. XVI, 17. 1 Corinth II. 10.
Ephes. I. 17. Facili proinde negotio ge-
nuinum posterioris hemistichii sensum per-
spiciemus, si collationem prioris hemisti-
chii *Quis credidit præconio nostro cum poste-
riori Brachium Iehovæ cui revelatum est, insti-
tuamus.* Hinc enim clarissime constat,
Pro-

Prophetam Apostolorum loco loquentem de raritate vivæ notitiæ Christi seu fidei inter Iudæos, in animis eorum mediante *præconio* Evangelii ceu divitus ordinato medio Rom. X. 17. accendendæ queri. Quod enim antea Propheta dixerat: *Quis credidit*, in posteriori commatis hemistichio his verbis explicat: *Cui revelatum est*. Hæc igitur vera posterioris hemistichii sententia est: Quam pauci sunt ex gente Iudæa, a quibus Christus objectum illud fidei primum ac divina ejus & invicta virtus in redemptione generis humani lucens salutariter & ita cognoscitur, ut ex præconio Evangelii ad fidem perducantur. Christus scilicet ejusque virtus ex opere redemptionis conspicua minime vera fide a magna Iudæorum multitudine, qui in incredulitate perseverabant, agnoscebatur, cui propter obedientiam in statu exinanitionis præstitam ex accidenti scandalo erat Ies. LII, 14. I Cor. I. 23. Obstinatæ enim contumaciæ indulgentes, & præjudiciis capti vocationi divinæ non obtemperarunt, nec patientem aurem præconio verbi commodarunt, ordinemque salutis ingressi sunt, ac hinc *brachium Iehovæ* (Christus cum beneficiis iisdem oblatus) non fuit illis revelatum, ut fide nimirum illud amplecterentur. Quemadmodum proinde ratio incredulitatis Iudæorum non in insufficientia gratiæ oblatæ

tæ quærenda est, quod supra occupavimus, cum vocationem ludæorum refractariorum sufficientem, seriam & efficacem fuisse demonstravimus (§. X. XI. XII.); sic quoque ratio non factæ revelationis ex sola Judæorum malitia gratiæ divinæ obstrepenti derivanda est. *De tali enim revelatione* (utor verbis b. GERHARDI, quæ hic extent, longe dignissimis) *hic loquitur Propheta, quæ consideratur non tantum ratione termini a quo, respectu Dei vocantis & invitantis omnes ad Christum Ies. LXV. 2: sed etiam ratione termini ad quem, respectu hominum vocationem illam amplectentium. Ibi vero mira paucitas occurrit eorum, quibus hoc modo brachium Domini est revelatum. Plerique enim oculos suos claudunt, quo minus brachium Domini videant, fide illud amplectantur & ad salutem perducantur. Hoc sensu sumitur, verbum* *הלל* *i Sam. III. 7. Ies. XL. 5. & vox ἀποκαλύψεως Matth. XI. 25. Cap. XVI. 17. Luc. X. 21. I Cor. II. 10. Gal. I. 16. Ephes. III. 2) Verbis igitur cui revelatum est indicatur actionis divinæ universaliter operari intendentis receptio ab ipsa hominum voluntaria, libera ac evitabili pertinacia ad tantum actualiter conversorum paucitatem redacta 3).*

1) Leg. CASP. NEVMANNI Exodus Ling. S. voce

הלל

2) Harmon. Evang. l. c. p. 152.

3) Conf. DANNHAW. l. c. Phantasm. IX. p. 1929, cui add. W. LYSERI Dissert. in Cap. XII. Ioh. §. LX.



IV.

ORACVLVM

Epist. ad Hebr. c. IX. c. 11. 12.
illustratum,

autore

ANDR. GOTTL. MASCH.

P. A.

§. I.

Epistola ad Hebræos perscripta, quamvis & Judæis convincendis & jam convictis in agnita veritate confirmandis maxime inserviat, nec non optimum inter V. & N.T. nexum & harmoniam commonstrans typos V. T. authentica expositione explicet, varios tamen nata est, vel studio novitatis, vel erroribus & præconceptis opinionibus ductos adversarios, qui vel de auctore & auctoritate ejus canonica, vel de lingua authentica, vel de scopo & vero epistolam interpretandi modo, varia disputarunt. Jam olim Patrum ecclesiae tempore, qui de eo, an S. *Paulus* auctor scriptorque sit, dubitarunt, non defuerunt: quorum alii epistolam apocrypham, h. e. cujus auctor incertus

certus sit, nuncuparunt, alii vero eandem ob causam auctoritatem ejus canonicam plane negarunt. a) Lingua hebraica epistolam primo conscriptam fuisse, plures asserunt antiquitatis testes, sibi tamen parum constantes, quos ex recentioribus nonnulli sequuti sunt, qui a plurimis dissentire, & cum pluribus sentire malunt b). Sunt denique, qui Auctorem Epistolæ, non *Christi*

- a) Quæ huc in censum venire possunt, omni studio excusit JOSEPH. HALLETVS, jun. in Dissert. de auctore & lingua authentica Epist. ad *Hebr.* adjuncta IAC. PEIRCEI paraphr. & not. in Epist. Lond. 1724. quam nobis latinam dedit cl. IOH. DAV. MICHAELIS, *Hale Saxon.* 1747. 4. Dissertationem *Halleti* latina veste donatam adjecit I. C. WOLFIUS tom. 4. Curar. Conf. quoque FR. SPANHEMIUS de auctore Epist. ad *Hebr.* tom. 2. op. p. 171. PETR. DAN. HUETII demonstr. evangel. propos. I. pag. 39. edit. 1694. 4. RICH. SIMONII *hist. crit. du T. du N. T.* ch. 16. p. 171. IOH. GEORG. PRITII introd. in N. T. c. 4. p. 37. edit. *Hofmanniana*. Id unicum addam, editorem anonymum N. T. in *greek and English*. Lond. 1729. in notis vol. 2. p. 838-857, eo omnem intendere nervum, ut auctorem Epistolæ Judæum quendam hellenisticum fuisse, evincat, qui dogmata Christianæ religionis secundum morem interpretandi allegoricum Judæorum & inprimis *Philonis* exposuerit: quorsum sequentia tendunt: . . . *the mystical divinity was so much in vogue in his time that the apostles thought it proper to accommodate themselves to the genius of the age; and probably the author of the epistle to the Hebrews, whoever*

si Servatoris nostri meritum & satisfactionem vicariam cum sacrificiis V. T. comparare, sed οἰκονομίαν N. T. per accommodationem, desumptis a cultu levitico formulis loquendi, explicare & ad captum Judæorum accommodare, sibi persuadent c). Sed quidquid adversarii huic epistolæ obver- tant; antiquitatem tamen Iudaicam huic Epistolæ maximam lucem foenerari, nemo unquam negabit.

§. II.

whoever he was, gave into the allegorical way with less reluctance for having read Philo's writings. Quid vero de auctoritate canonica sentiat, ex dictis non difficile est dijudicatu.

- b) Lingua hebraica originalis visa est quibusdam antiquis ecclesiæ doctoribus, ut CLEMENTI ALEXANDRINO, EVSEBIO & HIERONYMO, quos sequitur modo laudatus HALLETVS, cujus vestigiis inhæret CL. MICHAELIS tum in notis ad PEIRCEUM tum in *Einleitung in die göttl. Schrift. des N. T.* §. 145. p. 583.
- c) Spectant huc verba TH. EMLYNI in *Answer to Mr. Leslie on the satisfaction of I. C.* Sect. 4. tom. 2. op. p. 79. . . . *In the Epistle to the Hebrews where there is no such thing, but only some allusions of Christ's oblation to the legal offerings, making the latter to be resemblances, types or figures of the other.* Qui cum negare haud possit, satisfactionem Christi in multis locis comparari typico sacrificiorum V. T. usui, comparisonem voluntati auctoris Epistolæ adscribit, eumque ad sacrificia V. T. alludere contendit, ne ipsi concedendum sit, sacrificia V. T. typice sacrificium a Servatore nostro oblatum adumbrasse.

§. II.

Effatum s. Apostoli *Pauli*, quod legimus capite IX. com. 11. 12. non solum maximas gravissimasque veritates fidei nostræ exponit, adeoque dignum est, in cuius sensum inquiratur, sed & ex antiquitate judaica lucem potissimum suam accipit. Insunt enim huic dicto nonnulla momenta, quæ aliqua difficultate laborare videntur, quamvis per se omnino clarum sit, redemptionem per *Christum* partam cum solemnibus Diei expiationum ecclesiæ judaicæ comparari. Antiquitates itaque sacræ genuinam hujus dicti interpretationem nos docebunt. Præsupponit enim s. Apostolus lectores, qui cultum secundum legem ceremonialem peragendum norunt; scribit ad Christianos e Judaismo conversos, qui legem leviticam non ignorabant. Quo vero illos præmuniret, ne a veritate agnita de-

- d) Exinde, quod *Christus* sacerdos dicitur secundum ordinem *Melchisedeci*, concludit *EMLYNUS* l. c. p. 72. quod *Christus* Deo non satisfecerit pro hominibus: *he was a Priest indeed, but it was of the order of Melchisedec, who did not sacrifice, that we find, only officiated by benediction and intercession.* Verum quomodo unquam *Melchisedec* appellari potuisset sacerdos, nisi munere sacerdotali, adeoque & oblatione sacrificiorum functus esset? Sed sit ita, ut vult *EMLYNUS*, tertia tunc comparationis consulenda sunt, in quibus *Christus* *Melchi-*

desciscentes ad priorem cultum Dei Leviticum redirent, *Christum* & oeconomiam novi foederis præstantia longe antecire sacerdoti summo & oeconomiae V. F. ubique fere demonstrat. Comparat itaque officium sacerdotale Servatoris nostri cum officio sacerdotis summi ecclesiae Judaicae, & quidem 1) *Psalmum* CX. *Christo* applicat, ad demonstrandum, quod sit sacerdos summus secundum ordinem *Melchisedeci* d) longe præstantior sacerdotibus summis ecclesiae judaicae. c. VII - VIII. 13. 2) Gravissimam officii sacerdotalis functionem considerat, ingressum nimirum in sanctissimum ad expianda hominum peccata in die expiationis c. IX - X. 18. Comparat cum hac functione functionem sacerdotalem similem Servatoris nostri, atque a) sacerdotis summi levitici ingressum c. IX. 1 - 10. β) similem Servatoris nostri introitum in sanctissimum c. IX. 11 - X, 18. describit, ita ut N) introitum ipsum

Melchisedeco comparatur: nimirum quod fuerit & Rex ac sacerdos simul, & sine antecessore & successore, unicus ergo in suo genere, & præstantior sacerdotibus leviticis; & denique hominibus solemniori modo benedixerit. In his momentis *Melchisedec* typus fuit *Christi*, sed ita ut, tum non omnia quæ in *Christo* sunt observanda & in typo esse debeant, tum alia in typo esse vel desiderari queant, quæ in antitypo vel sunt vel observari nequeunt.

ipsum v. II. 12. 5) ejus valorem & præstantiam, & 3) fructum ejus uberrimum deinde exponat.

§. III.

Verba, in quorum sensum genuinum nobis inquirendum est, sunt sequentia: Χριστός δε παραγενομένος ἀρχιερεύς τῶν μελλόντων ἀγαθῶν, δια τῆς μείζονος καὶ τελειοτέρας σκηνῆς, & χειροποιήσας, ἡγιασμένον, & ἑαυτοῦ τῆς ἑαυτοῦ κτίσεως, ἡ δὲ δι' αἵματος ἡγιασμένων καὶ μωσχαίων, δια δε ἡ ἰδία αἷματος εἰσηλθὲν ἐφάπαξ εἰς τὰ ἁγία, αἰώνιαν λύτρωσιν ἐυρομένος. Quorum ut sensum ordine eruamus justo, summam dicendorum sequenti scia-graphia delineabimus. Duabus propositiōnibus totum argumentum proponitur. Prior describit actionem Christi sacerdotalem, cujus 1) subiectum α) nominatur, β) describitur, & quidem Ν) ab officio 2) ab adjuncto duplici. 2) Prædicatum sistit α) ipsam functionem sacerdotalem, β) præparationem sacerdotis ad munus fungendum, & γ) rationem quomodo functus sit munere suo, tum negative, tum positive. Posterior propositio finem, scopum & effectum hujus functionis indicat.

Quæ

§. IV.

Quæ Servator noster tanquam summus sacerdos, seu ut summi Pontificis levitici antitypus egit, Apostolus ita exprimit: *Christus intravit in sanctissimum.* Persona, de qua hic sermo, *χριστος* vocatur, nomine, quod tum ab officio desumptum est, ungi enim solebant sacerdotes & imprimis summi pontifices, tum hebræorum *כֹּהֵן* optime respondet. Psalm. II. 2. Dan. IX. 25. 26. Docet itaque D. Auctor hoc nomine, se loqui de persona 1) quæ per ipsum officium ab aliis discerni, adeoque & ab officio denominari possit; 2) quæ per vaticinia V.T. tanquam unctus Dei seu *Messias* & *Christus* designata & descripta sit; 3) quæ viribus sufficientibus instructa sit ad obeundum officium tam sacerdotale quam regium & propheticum, in eundemque finem uncta sit. Psalm XLV. 8.

§. V.

Cum itaque *Christus* ad triplex munus unctus sit, adeoque ex solo nomine discerni non queat, de quonam officio Apostolus loquuturus sit, triplex addit *χριστομε-
νόν*, unde appareat, se non de omni eius officio, sed tantum de sacerdotali, neque de omnibus hujus officii functionibus, sed
G 2 solum.

solummodo de sacrificio expiatorio per solemnia diei expiationis adumbrato, esse acturum. Vocat itaque *Christum* primo *summum sacerdotem*, nomine a functionibus ejus sacerdotalibus desumpto, quo frequentius in hac epistola ac in aliis utitur Apostolus. c. IV. 14. V. 5. VI. 20. VII. 26. 27. VII. 1. & passim. *Ἀρχιερεὺς* principem sacerdotum, seu sacerdotem summum denotat: sed in N. T. non semper hunc servat significatum e). In V. T. vero secundum legem divi-
nam

- e) Etiam si non nisi unus summus sacerdos secundum legem Dei esset, qui officio suo præerat: plures tamen in N. T. sæpius commemorantur summi sacerdotes, ut Matth. II, 4. XVI. 21. XX. 18. XXI. 10. 15. 23. 45. & alibi. Cujus quidem rei triplex potissimum datur ratio. Primo: summi Pontifices adhuc superstites in alios munus suum transferre solebant, vel amicitia & favore in alium ducti, quemadmodum *Hannas* munus suum primo in filium *Eleazarum* & deinde in socerum *Caipham* consentiente Satrapa *Valerio Grato* dignitatem suam transtulisse videtur, Ioh. XVIII. 13. vel cum reges & satrapæ sacerdotem dignitate sua exuerent, cujus exempla suggerit *Josephus* antiquit. Jud. lib. 15. c. 3. p. 744. lib. 18. c. 5. p. 804. lib. 20. c. 9. pag. 978. edit. *Havercamp*. Quo facta dignitate orbati nomen tamen in memoriam pristinae dignitatis gerebant. Secundo quilibet summus sacerdos vicarium aliquem habebat *Sagan* dictum, qui græcis quoque *ἀρχιερεὺς* nuncupabatur, qui vel ægrotante vel maculato sacerdote vices ejus gerebat. vid. *IOSEPHVS* antiquit. lib. 17. c. 6. p. 844. Tertio denique omnes sacerdotes

nam unicus tantum erat summus sacerdos, cujus officii erat, in die expiationis animas hominum coram Deo expiare. Remittit vero Apostolus hac appellatione nos ad comma præcedens 7, ubi de sacerdote summo commemoraverat 1) eum solum in sanctissimum templi vel tabernaculi foederis intrasse; 2) ingressum quotannis fuisse repetendum 3) non sine sanguine sacerdotem in sanctissimum venire licuisse 4) eum peccata & sua ipsius & populi totius expiasse: quippe hæc officia sacerdotis summi sunt in die expiationis f). Gravissimum hoc negotium universum populum expiandi se-

G 3

cun-

dotes in XXIV classes seu custodias erant divisi, quibus singulis præpositus præfuit ἀρχιερεὺς dictus, vid. IOSEPHVS antiquit. lib. 7. c. 15 p. 408 Conf. 10. LEVSDENII philolog. hebr. mixt. Diss. 27. p. 184. GROTIUS ad Matth. II. 4. CL. NATH. LARDNERI Glaubwürdigk. der evangel. Geschichte vol. I. lib. I. c. 7. §. 6. p. 261.

f) Conf. IOMA, codex talmudicus ex versione Rob. SHERINGHAM, Londin 1648. 4. MAIMONIDES hilchot iom Kippur in Jad chaf. vol. 1. JOH. LEUSDENI phil. hebr. mixt. Diss. 40. pag. 281. JOACH. HILDEBRAND antiquit. ex univ. SS. p. 29. edit. 1740. 4. J. H. von BASHUTSEN antiq. hebr. lib. 1. sect. 2. c. 9. JOSEPHI antiquit. lib. 3. c. 10. p. 172. ABARBANEL ad Levit. XVI. fol. 202. edit. BASHUTS. Algem. Welthistorie tom. 3. p. 71. quibus jungi possunt interpretes c. XVI. Levit. nec non SPENCERVS de legib. ritual. hebr. lib. 3. Diss. 7. p. 1425. edit. Lips.

cundum *Maimonidem* sequenti ordine peragebatur: Præmissis solitis præparationibus, ut sacrificio jure, jejuniis sacerdotis, precibus, lotionibus aliisque his similibus ritibus, sacerdos summus ad juvenum mactandum accedebat, manibusque capiti ejus impositis peccata sua confitebatur. Deinde sortes duorum hircorum postquam duxerat, ad juvenum rediens peccata sua, familiæ suæ, sacerdotum & totius populi confitebatur. Mactato juvenco thuribulum igne ex altari repletum & suffimentum in sanctissimum portabat, & inde rediens sanguinem juveni in sanctissimum delatum ibi coram facie Dei adspergebat. Iugulato deinde altero hirco, sanguinem ejus exceptum etiam in sanctissimum detulit adspargendum: alterum vero hircum, postquam impositis manibus peccata populi confessus erat, in desertum emitti jussit. Denique in sanctissimum rediit ad efferendum thuribulum. Quater itaque summus sacerdos in quolibet die expiationis sanctissimum templi intravit. Cum hoc sacerdote Apostolus servatorem nostrum comparat, atque nos docet 1) *Christum* singulari Dei consensu & beneplacito muneri sacerdotali præesse; 2) eum gravissimum munus per solemnities diei expiationis adumbratum suscepisse, 3) muneri suo omni ex parte satisfacisse, eumque esse sacerdotem *πρωτομ.* Hebr.

II. 17. g) 4) eodem animo benevolo, quo sacerdos s. Leviticus ignorantiam populi expiaverat, & nostram expiasse ignorantiam. 5) sacrificium expiatorium Deo obtulisse acceptissimum; 6) officium ejus sacerdotali absolvi functionibus per operationes sacerdotis s. levitici typice repræsentatis.

§. VI.

Non vero solum sacerdotem appellat servatorem nostrum D. Auctor, sed gravissimum & foecundum addit ἐπιθετον, nimirum quod sit summus sacerdos παραγενομενος. Παραγενεσθαι denotat non solum adesse, sed & venire, accedere. Matth. III. 1. Vi compositionis παραγενομενος est, qui præsens factus est, observante BENGELO b). Unde sequitur 1) Christum sibi sacerdotium non sumsisse, sed a Deo muneri fungendo missum esse. c. V. 5. 2) divina operatione eum præsentem factum esse; 3) præsentem esse sacerdotem, a sacerdote levitico ut futurum adumbratum; 4) Judæis non esse rationem, quare de sacerdote levitico gloriantur, aut in illo amplius confidant, eum ille non nisi typus fuerit ejus, qui se omnibus ut præsentem & verum sacerdotem summum præstet. Atque inde 5) sacerdo-

G 4

g) Conf. C. L. SCHLICHTERI decim, sacr, obs. 48. p. 516.

b) Gnom. N. T. in loc.

cerdotem leviticum s. non dici posse *praesentem factum*, integrum cum munus ejus nihil valoris haberet, nisi quatenus futurum sacerdotem summum repraesentabat, omnino apparet. *Christi* ergo munus sacerdotale praestantia superat munus leviticum.

§. VII.

Ultimo subiectum describitur atque determinatur, quod sit sacerdos *μελλοντων αγαθων*. *Αγαθον* quodcunque bonum, tam physicum & temporale quam morale & æternum denotat. Salutatur *Christus* sacerdos s. bonorum, quia tum bona omnia hominibus fungendo munere suo acquisivit, tum bona ipse possidet non sibi ipsi acquisita, eaque suis distribuit; atque hac ratione a sacerdote s. levitico diversus est, qui bona non proprie acquisivit, nec aliis distribuere potuit. Bona vero futura dicuntur 1) ratione temporis Apostoli, tunc temporis enim, cum calamitates sævire inciperent, bona per *Christum* parva tanquam futura exspectanda erant; 2) ratione hominum in hac vita, quibus, dum inter vivos agunt, maxima bona sunt futura; 3) ratione durationis, quia & in futura vita beneficia per *Christum* parva erunt futura, ut in æternum usque nullum omnino finem habere queant; 4) ratione exspectationis
Judæo-

Judæorum, qui sub regno Messia plurima bona futura expectabant; 5) denique ratione bonorum, quæ summus sacerdos leviticus in die expiationis a Deo petere solebat, quæ potissimum præsentia seu hanc vitam concernentia. i) Unde colligimus 1) Christum esse verum sacerdotis s. levitici antitypum; sed 2) sacerdote illo longe præstantiorem, cum sit fons & scaturigo bonorum omnium,
G 5 quæ

- i) Triplicem confessionem sacerdotis summi memorie prodidit *MAIMONIDES* l. cit. c. 4. & codex *JOMA* c. 6. nec non *FAGIVS* ad *Levit. XVI.* Ultimam formulam ita latinis verbis expresit *SHERINGHAMVS* p. 128. *Obsecro Domine, deliquerunt, rebelles fuerunt & peccaverunt coram te populus tuus Israel; obsecro Domine, remitte nunc delicta & rebelliones & peccata, quæ deliquerunt, & in quibus rebelles fuerunt & quæ peccaverunt coram te populus tuus domus Israel, sicut scriptum est in lege Moysis servi tui, dicendo: quia in die hoc expiabit. Cum hac confessione conjunxit sacerdos summus alias preces, referente Maimonide l. c. c. 3. quibus tum pro populo, ut Deus illum salvum & incolumem præstet, neque regem e medio illius auferat, tum pro sacerdotibus, ut sacrorum administrationem benigne acciperet, orabat. Et aliam idem Maimonides c. 4. suppeditat precandi formulam, hujus tenoris: Fac Domine Deus noster, ut annus hic sit pluviosus; & sceptrum in domo Judea permaneat; remove omnem annonæ caritatem, & preces viatorum exaudi. Non alia ergo bona spiritualia sacerdos s. precibus suis efflagitavit a Deo, quam quæ in confessione nominantur; reliqua temporalia & præsentia fuere bona.*

quæ sacerdos leviticus tanquam futura & per meritum *Christi* acquirenda annuntiabat; 3) In Christo Judæis omnia illa bona, in æternum duratura, quæ vel ritibus & ceremoniis sacris, vel vaticiniis V. T. expectare jussi erant, offerri. Quæ cum ita sint, quare usitatioris vocis μελλοντων significatum deferentes, *optimum, spirituale, coeleste*, cum cl. STARCKIO intelligamus, nihil est rationis: omni enim jure beneficia per *Christum* sacerdotem nostrum parta sunt futura. Syrus interpretes addit his verbis, *quæ fecit* ܠܡܕܢܐ, atque ita *Christum* auctorem μελλοντων αγαθων constituit.

§. VIII.

Prædicatum huic subjecto junctum describit ipsam functionem muneris sacerdotalis: *intravit in sanctissimum*. Solius sacerdotis summi erat, in sanctissimum, in quo erat arca foederis & propitiatorium, intrare, & quidem nomine totius ecclesiæ judaicæ, cujus locum occupabat *k)*, non vestibis aureis sed lineis albis indutum *l)*, ad expianda

k) Conf. SPENCERVM l. c. lib. 3. c. 5. p. 1449.

l) Lineæ vestes omnino animum humilem, sicut albedo illorum innocentiam ejus indicare videtur, qui homines cum Deo expiat. Splendidas itaque vestes sacerdos ad sanctissimum accedens exuit.

anda totius populi peccata. Quod negotium tum perdifficile, mors enim violenta sacerdotem summum manebat, si quædam observanda neglexerat, tum summe necessarium fuit ad expiationem faciendam pro animabus hominum. Solus itaque 1) *Christus* in sanctissimum intravit, neque ullum in officio sacerdotali habuit socium; Esai. LXIII. 3. 2) In statu exinanitionis & forma

exuit. Quod si JOSEPHO credendum esset, omnino adfirmandum foret, sacerdotem tunc temporis quoque vestibus aureis indutum fuisse. Postquam enim Vestimenta sacerdotalia descripsit, addit: *Ἰαυῆν μὲν ἐν τῇν ἐσθῆλα ἔκ ἐφορεῖ τὸν ἄλλον χρόνον, λήσσεραν δ' ἀνελαμβάνεν, ὅπως δὲ εἰσίοι εἰς τὸ ἁδύον, εἰσθῆι δ' ἀπαξ καὶ ἐνιαυτὸν μόνος.* De Bell. Jud. l. 5. c. 5. pag. 336. Qui locus, si non depravatus est, & IOSEPHUM aliquid humani passum esse, probat. Octo enim sacerdoti erant vestes, quatuor auratæ, quatuor albæ e lino contextæ, & quidem e lino Pelusiaco, quod candidissimum & omnium pretiosissimum fuit. vid. SHERINGHAM I not. ad Joma. c. 3. §. 7. p. 58. SPENCERUM lib. 3. Diss. I. c. 5. p. 838. BUXTORFII lex. talmud. rabbin. p. 1748. Ultimo vestimentorum genere vestitus fuit sacerdos summus in sanctissimum ingressurus, quod testatur Maimonides l. c. 4. §. 1. *lavatis manibus atque pedibus vestes aureas exuebat, deinde corpus abluebat, & vestes albas induebat, & in Kele Hamickd. c. 8. §. 3. Candida vestimenta fuerunt quatuor, quibus induebatur sacerdos summus munere suo in solemni die expiationum fungens.* Conf. CUNÆUS de rep. hebr. lib. 2. c. 1.

ma fervili & humili, innocens tamen ipse, officio suo functus est: 3) Rem totius humani generis coram Deo egit, atque humanum genus repræsentavit, 4) hominum omnia peccata expiavit; 5) ut sacerdos summus sacrificium expiatorium obtulit; 6) gravissimum & maxime necessarium munus, ut Deo homines reconciliaret, in se suscepit.

§. IX.

Locum quem intravit *Christus*, s. Apostolus nominat *ἡ ἁγία*, sancta, seu sanctissimum, ab *ἁγιαζεν*, segregare aliquid a communi usu, atque ad usum divinum destinare, interdum, & pro sancto agnoscere *m*). Indicatur ergo locus, qui & peculiari modo Deo sacer est, & ab hominibus pro sancto agnoscendus est. Sunt qui hic vel enallagen numeri *n*), vel heterosin *o*) statuunt; sed respondet pluralis numerus hebræorum קדשִׁי הקדשִׁי, summamque sanctitatem & præstantiam denotat *p*). Ad quemnam vero locum Aposto-
lus

m) vid. WOLFBURGII observ. sacr. p. 3. 4.

n) vid. DAN. HEINSII exercit. sacr. l. 17. c. 3. p. 563. edit Cantabr. 4.

o) vid. P. H. FRIEDLIEBII theolog. exeget. tom. 2. pag. 310.

p) vid. FRANC. WOKENII Enall. N.T. exterm. p. 126

lus digitum intendat, definiunt eruditi fere omnes ita, ut per sanctissimum (ἡ ἀγία) coelum, coelum summum, coelum majestatis intelligant q). Non impugno hanc sententiam, quam Apostolus ipse com. 24, comprobat, nam sacrificium Christi Deo, qui est in coelis, est oblatum, neque est terrenum sed spirituale & coeleste; si modo per introitum in coelum non ascensio Christi in coelum post resurrectionem intelligatur r). Sacrificium enim Christus obtulit in

q) Conf. GROTIUS, BENGELIUS, STARCKIUS in loc. Cl. JOH. CHAPMANUS in *Euseb. or the true Christian's defense* Vol. 2. ch. 4. pag. 334. eandem sententiam suo suffragio comprobat: *the Apostle compares the holy of holies in the Jewish temple with the Heavens above, of which, as he says N. 24. the other was the figure or representative Emblem only.*

r) Ejusmodi quid sibi imaginantur Sociniani, in primis JOH. LUD. de WOLZOGEN in *Unterweisung wie die Oerter der heil. Schrift A. und N.T. schriftmässig zu verstehen* 1684. 4. pag. 229. qui locum nostrum ita interpretatur, quod Christus in sanctissimum intraverit, indem er sich selbst in den blutigen tod dahin gegeben, und nach dem tode, als ihn Gott daraus auferwecket, sich selbst in der himlischen Hütte aufgeopffert habe. Nec non CRELLIUS op. exeget. tom. 2. p. 153. Christus non sanguinem suum post mortem, sed se ipsum & quidem jam immortalem depositis carnis & sanguinis exuviis . . . in coelesti illo tabernaculo obtulit. . . manifestum est, pontificis nostri oblationem & sacrificium non in cruce sed in coelo peractum esse &

in statu exinanitionis; adscensio in coelum
verum ad statum exaltationis refertur. Sed
si typum, seu sanctissimum tabernaculi vel
templi consideramus, quid per coelum in-
telligendum sit, sine obscuritate patebit.
Sanctissimum, seu sancta sanctorum locus
erat, in quo Deus non solum specialiori
modo praesentiam suam manifestabat, ac in
sancto templi, sed & in die expiationum
judicium divinum quasi habebatur, ita ut
sacerdos ecclesiam judaicam repraesentans
in foro divino se reum confiteretur, sed
sanguine sacrificii oblato in loco judicii di-
vini absolveretur. Quemadmodum introi-
tus sacerdotis levitici itaque actio erat cum
Deo in sanctissimo praesente de hominum
& reatu & absolutione; sic *Christi* introitus
in sanctum est actio Servatoris nostri cum
omnipraesente Deo de hominum peccato-
rum salute aeterna. *Syrus* itaque interpre-
s optime expressit τα αἷμα per בית קרושׁ
domum sanctam, hoc est locum ubi san-
ctissimus Deus peculiari modo praesens est.).

§. X.

Et adhuc peragi. Conf. ejusd. paraphr. in Epist.
ad Hebr. p. 250. Nec multum ab hisce differt *F.*
Socinus Disp. de I. C. servat. part. 2. c. 2. tom. 2.
op. p. 146. & cap. 14. pag. 164. it. Disp. de Filiis
Dei natura adv. *Volan.* p. 393.

s) *Christum* tum animi tum corporis doloribus &
ipsa morte violenta pro nobis satisfecisse, certis-
simum est. Non opus itaque est, ut servatoris
nostri

§. X.

Triplici porro modo describit Apostolus introitum sacerdotis nostri in sanctissimum, atque præstantiam ejus commonstrat. Primo affirmat, *Christum* transisse in sanctissimum *δια της μειζονος και τελειοτερας σκηνης, & χειροποιητης, & γενηται, & ταυτης της κτισσεως*. Σκηνη proprie notat tabernaculum, vel tugurium, quod levi negotio distrahi & destrui potest. Sæpissime nomen est tabernaculi Foederis, Domicilii summi Numinis, cum Israel in deserto iter faceret. Metaphorice tum in sacris litteris, tum apud auctores profanos corpus humanum designat 1). Quid vero hoc loco per tabernaculum intelligendum sit, de eo non una est eruditorum sententia. Cl. CHAPMANNVS per hoc tabernaculum coelum innui judicat; 2) verum tunc Apostolus dixisset, quod *Christus* per coelum in coelum transierit, quod haud sibi convenit. Alii per

nostri præsentiam in coelo præsupponamus, quo cum Deo agere potuerit. Iram Dei gravissimam sensit tempore passionis; se hominum peccata portare scivit, se pati, ut homines liberarentur, non ignoravit. Cum itaque & peccata hominum & iram divinam sibi repræsentaret Servator noster, poenasque justissimas sentiret, cum præsentem Deo de hominum salute egit. Intravit ergo in sanctissimum, cum poenas peccatorum sentiret.

1) Sapient. IX, 15. 2 Cor. V, 1. Conf. GROTIUM in loc,

2) loc, cit.

per tabernaculum Ecclesiam intelligunt, ut CALOVIVS w). Alii corpus *Christi* hoc nomine designari volunt x). Quæ quidem lites facillime dirimuntur, si antiquitates sequi placet sacras. Sanctum in tabernaculo foederis duplex erat, aliud intra velum, aliud extra velum. Prius sancta sanctorum, s. sanctissimum, *ἡ ἁγία*, posterius sanctum dicebatur y). In posteriori, seu in sancto omnia præparabantur, quæ ad introitum in sanctissimum erant necessaria; sacerdos vestibus lineis induebatur, thus præparabatur, mactabatur juvencus & hircus, exceptus sanguis movebatur, donec sacerdos summus

w) Conf. WOLFII cur. in l.

x) vid. BENGELIUM, STARCKIUM, & GROTIUM in loc. GROTIUS mentem suam ita exponit: “Vollens dicere Christum ingressum esse in summum coelum, per passiones & mortem, ut magis persequeretur coeptam cum sacerdote legali similitudinem, dicere voluit, intrasse eum per corpus suum & per sanguinem suum, quia corpus *μεσσηνικως* recte poni potest, pro doloribus corporis, & sanguinem pro morte sumere frequens est omnibus gentilibus, ideo quod ex copiosa sanguinis profusione mors sequatur. Verum corpus non sua voce expresit, sed circumlocutione quadam mystica apta ad persequendam, ut dixi, similitudinem. Hebræorum mos est corpus vocare *σπληνός*.” Sequitur GROTIUS antiquos ecclesiæ Doctores & imprimis Philoponum. vid. DAN. HEINSII exercit. sacr. lib. 16. c. 6. p. 537

y) vid. DRUSIUM ad Levit. XVI. & scriptor. antiqu. Judaicar.

mus eum in sanctissimum ad adspargendum portaret Denotat itaque σκηνη locum, in quo omnia ad sacrificium expiatorium præparantur, quem sacerdos summus primo, & per quem deinde in sanctissimum ingressus est. De Servatore nostro legimus Io. I. 14. quod tabernaculum suum inter homines fixerit, (ἐσκηνώσε) quo non solum incarnatio, sed omnis in hac terra vita ejus, quæ tempus passionis antecessit, indicatur. Omnis itaque vita *Christi*, quatenus tanquam præparatio ejus ad sacrificium expiatorium consideratur, vocatur hoc loco tabernaculum, per quod in ἁγία introivit: atque vitam Servatoris nostri Apostolus ut locum describit, per quem ad alium sacrificio Deo offerendo aptum transivit. Unde colligendum est, 1) per ipsam incarnationem *Christum* præparatum esse ad officium sacerdotale; 2) in omni vita eum non alio modo vixisse, quam sacerdotem in sancto tabernaculi in die expiationum oportet, præparando sese ad sacrificium expiatorium, 3) Servatorem nostrum peccata hominum poenasque illorum sibi alio modo repræsentasse, cum in tabernaculo s. sancto, & alio modo, cum in sanctissimo degeret. 4) Functiones ejus sacerdotales ante oblationem sacrificii sui ab hominibus non penitus cognosci potuisse,

H donec

donec ipse e mortuis resuscitatus, quasi e sanctissimo rediens, illas manifestaret, sicut oculi hominum velamento obducto impediabantur, quominus functiones præparatorias sacerdotis s. levitici viderent, donec e sanctissimo rediens sese omnium conspectui benedicens sisteret; 5) functiones sacerdotis s. levitici in sancto, seu tabernaculo, adumbrare actiones *Christi* in omni vita ab incarnatione, usque ad initium passionis, functiones vero in sanctissimo repræsentare actiones expiatorias ab initio temporis passionis ad finem status exinanitionis usque.

§. XI.

Facta itaque tabernaculi *Christi* cum tabernaculo, in quo sacerdos s. leviticus ad functiones sacerdotales necessaria præparabat, comparatione, prioris prærogativas D. Apostolus exponit, atque tabernaculum *Christi* *μειζονα και τελειωτεραν* appellat. *Majus* vero seu nobilius dicitur, tum quia ipse Dei filius æternus in eo habitavit gloriam unigeniti Filii Dei patris manifestans: Ioh. I. 14. tum quia omnes functiones *Christi* in hoc tabernaculo non solum præparatoriæ, sed etiam meritoriæ fuerunt, eamque ob causam majoris ponderis ac præparationes sacerdotis s. levitici; tum denique quia
splen.

splendore & maiestate longe tabernaculum *Mosis* superat; quæ enim *Christus* edidit *σημεία καὶ τέρατα*, instar ornamentorum sunt, quæ hoc tabernaculum exornant. *Perfectius* autem vocatur, tum quia tabernaculum *Christi* in se fuit perfectissimum, nullo unquam peccato maculatum, adeoque non opus habuit, ut prius mundaretur, quam sacerdos sanctissimum ingrederetur, cum tabernaculum mosaicum quotannis quoque sanguine mundandum esset in die expiationum; tum quia functiones *Christi* in hoc tabernaculo, i. e. actiones ejus, quibus activam Deo obedientiam præstitit, perfectos reddunt omnes in eum credentes; tum quia omnis typus antitypo perfectior est, quæ enim hic habet *σκιάσας*, ille habet *σωματικώς*.

§. XII.

Alteram prærogativam, quæ originem tabernaculi *Christi* potissimum concernit, Apostolus in eo collocat, quod non sit manufactum, hoc est, non hujus fabricæ, & χειροποίητος, ἡγεσιν, & ταύτης ἡς κτίσεως. ubi posterius est epexegetis prioris. Χειροποίητον non solum est omne, quod manu artificis construitur, Marc. XIV. 58. Act. XVII. 24, sed quidquid viribus naturæ produci-

H 2

tur.

tur 2). *Κτίσις* modo creaturam, modo mundum, modo creaturas rationales, modo structuram & fabricam a), interdum quoque institutum, vel ordinatum b) significat. Tabernaculum *mosaicum*, in quo sacerdos summus in die expiationum se ad ingressum in sanctissimum aptum reddebatur, omnino manufactum erat, atque ab artifice fabricatum & exstructum, certamque structuram habebat, ut omni usui inserviret, actionibusque sacerdotis summi exacte conveniret c). Differt itaque tabernaculum *Christi* a tabernaculo *mosaico*, cum hoc sit manu factum, & e terrena materia confectum, illud vero non ita in sensus incurrat, sed actionibus meritoriis & preparatoriis sacerdotis nostri summi constet.

Taber-

2) vid. *WOLFII* curas in l.

a) vid. *WOLFBURGIVM* l. c. p. 357.

b) vid. *HEINSIVM* l. c. lib. 18. c. 1. p. 567.

c) Qui olim allegorico more sacras litteras exposuerunt, fabricam templi & tabernaculi fabricam mundi repræsentasse fabulati sunt, quo merito referendus est *Philo*, qui in vit. *Mos.* p. 666. 667. structuram templi ita exponit: ἡ ἀδύλα ἡ σκηνῆς ἐστὶ συμβολικῶς νοητὰ, ἡ δὲ ἐκτός - - - ἐστὶν αἰσθητὰ - - - ἦν γὰρ ἀναγκαῖον ἱερὸν κατασκευάζοντάς χειροποιήσας τῷ Πατρὶ, καὶ ἡγεμονίᾳ πάντος, ἡ δὲ ὁμοίαν λαβεῖν ὁσίας, αἷς ἡ ὅλον ἐδημιουργεῖ. Nos meliora edocti ejusmodi fabulas nihili habemus.

Tabernaculum itaque, per quod *Christus* in sanctissimum, seu in locum iudicii divini ingressus est, 1) non est aliquid terreni, quod manibus hominum extrui possit, aut ab humano arbitrio dependeat; animus ergo a tabernaculo typice spiritualia adumbrante est revocandus; 2) non vi humana aut auctoritate est institutum atque ordinatum, 3) neque per cursum naturæ determinatum & ad existentiam productum, sed 4) a solo Deo miraculose & auctoritate divina constitutum; atque 5) perfectos reddit omnes in servatorem nostrum sacerdotem credentes. Longe ergo *Christus* sacerdos præstantior est sacerdote levitico in die expiationum solemnibus.

§. XIII.

Functionem ipsam sacerdotalem Servatoris nostri, qua animas nostras expiavit, describit ita Apostolus, ut primo negative definiat, in quonam illa non ponenda sit. Sacerdos s. leviticus in sanctissimum intrabat cum sanguine sacrificii mactati hirci & juvenci d). *Christus* vero illud ingressus est & δε δι αιματος θηρων και βοσων. Particula *δια* non semper medium per quod

H 3

ali-

d) Conf. SAM. BOCHARTI hieroz. part. 1. lib. 2. c. 33. p. 319. c. 28. pag. 276. c. 43. pag. 422. edit. CLODII.

aliquid efficitur, sed & sine quo aliquid fieri nequit, indicat, *Μασχος* est hebræorum *מֹשֶׁה* & *ἱεραγος* hebræorum *הַיֵּהוָה*. Non sine sanguine sacerdos s. leviticus e sancto in sanctissimum ingressus est, quia nec ipsi sine sanguine venire licuit, nec ingressus ejus sine sanguine populum expiare potuit; hinc sanguinem juveni & hirci jugulati in sanctissimum detulit ibidem adspergendum. Notum vero est, unicum tantum juvenem & hircum eo die mactatum esse ad expiationem, & utriusque sanguinem in sanctissimum esse delatum. Loquitur ergo Apostolus plures juvenes hircosque nominans, vel indeterminate, vel omnes omnium sacerdotum, qui simul sumti multorum sanguinem in sanctissimum intulerunt, typusque *Christi* fuere, ingressus simul complectitur; vel denique observante *BENGELIO* e) plures nominat, quia unicus non erat melior omnibus ejusdem speciei animantibus. Expiatio ergo hominum per *Christum* facta non iisdem mediis, ritibus ac ceremoniis peracta est, ac sub lege; sed longe præferenda est expiationi leviticæ, ipsumque *ωψρον* præstantius est sanguine omnium juvenum & hircorum, qui olim ad propitiatorium adspergebatur. Ingressus enim est sacerdos noster, *δια τῆς ἰδίου αἱματος*,
per

e) Guom. in loc.

per sanguinem proprium. Quemadmodum itaque sacerdos s. leviticus sanguinem sacrificiorum coram Deo ostendebat, ut esset λυτρον, quo animæ redimerentur: sic *Christus* coram omnipræsente Deo, in iudicio divino propter hominum sibi imputata peccata ad gravissimas poenas damnatus, effusum sanguinem, ut esset verum λυτρον, obtulit. Per sanguinem vero hic non intelligimus solum fluidum illud, quod venas corporis permeat, sed profusionem sanguinis copiosam, ex qua mors sequitur, adeoque mortem ipsam cruentam. Ἰδιος hoc loco non, quod optime alicui convenit, & proprium alicui redditur, f) sed quod ita alicujus est; ut sine destructione ejus non separari possit, denotat. Sanguis itaque *Christi* proprius, per quem ingressus est, opponitur sanguini alieno, nimirum juvencorum & hircorum, per quem sacerdos leviticus ingrediebatur, uterque vero sacerdos non sine sanguine officio suo functus est. Hinc 1) mortem & sanguinem *Christi* mors & sanguis sacrificiorum adumbravit; 2) *Christus* non alieno sanguine coram Deo apparuit; 3) sanguinem proprium in iudicio divino irato Deo obtulit; 4) sanguis Filii Dei est λυτρον s. pretium redemptionis nostræ; 5) per sanguinem *Christi*

H 4 sti

f) vid. HEINSIUM l. c. lib. 5. c. 1, p. 246.

ſi Deus cum hominibus reconciliatus eſt. Talis itaque Servator noſter Sacerdos eſt, qui non abſolutam nos ſervandi poteſtatem morte ſua conſequutus eſt, ut ſtatuit ION. SCHLICHTINGIVS g) ſed qui effuſione ſanguinis ſui nos ſervavit atque redemit; & ipſa morte violenta ſeſe verum Meſſiam eſſe, probavit, qui, & ſecundum Judæorum placita, morti obnoxius eſt h).

§. XIV.

Ultimum quod D. Apoſtolus de ingreſſu *Chriſti* in ſanctiſſimum refert, eſt quod ἐφάπαξ, unica tantum vice ingreſſus ſit. Sacerdos ſummus leviticus quolibet feſto Expiationum quater ſanctiſſimum ingreſſus eſt, prima nimirum vice cum thuribulo, ſecunda cum ſanguine juvenci, tertia cum ſanguine hirci, & quarta ad auſſerendum thuribulum coram propitiatorio collocatum. *Chriſtus* vero, cum ſemel tantum ſanctiſſimum intravit, ſingulas ad expiationem hominum ſpectantes functiones peregit, nec opus fuit, e ſanctiſſimo ad expianda propria peccata redire, ſacerdos enim erat ab omnibus peccatis immunis. Hebr. VII. 26. 27. Sacerdos ſ. leviticus, etiamſi peccata hominum expiarat, anno in-

g) de SS. Trinit. adv. MEISNERVM p. 431.

b) vid. HEINSIVM lib. 5. c. 17. p. 318.

insequenti, redeunte die expiationum, iterum in sanctissimum eundem in finem redibat i): *Christus* vero semel tantum in sanctissimum venit, & nunquam eo redire opus fuit. Ex quo sua sponte sequitur, expiationem per sanguinem *Christi* esse 1) majoris valoris quam expiationem leviticam; 2) esse summe sufficientem tam ratione peccatorum præteritorum, quam futurorum; 3) esse completam, nunquam repetitam, nunquam repetendam.

XV.

Ultimum adhuc restat, quid nimirum sacerdos noster summus sanguine suo in sanctissimo oblato effecerit. Inquit Apostolus; *αἰωνίαν λύτρωσιν ἐυχομένος*, inveniens æternam redemptionem, atque scopum totius officii sacerdotalis indicat. Varios

H 5

vocis

i) Non alio tempore sacerdoti licuit in sanctissimum venire. *AUGUSTINUS* quidem & post eum *SIGONIUS*, sacerdotem summum quotidie, ut adoleret, semel vero quotannis cum sanguine sacrificiorum, vel quotidie comitatu sacerdotum stipatum, semel vero solum, in sanctissimum intrasse tradiderunt. Sed absque fundamento hoc asseri probatum dederunt *MAIMONIDES* beth. habbech c. 7. *CUNÆUS* de rep. hebr. lib. 2. c. 4. *DRUSIUS* observat. sacr. lib. 5. c. 2. & Miscell. Cent. 2. c. 78.

vocis *ἐυρίσκειν* significatus recenset WOLF-
BVRGIVS *k)* sed notionem *producendi, pro-*
curandi aliquid omisit. Vertimus itaque
hæc verba: *procurans æternam redemptionem.*
Christus enim redemptionem hominum
non citra opinionem & casu invenit, sed eo
ipse omnibus corporis & animi viribus in-
tensis laboravit, ut eam inveniret, hoc est,
procuraret. Respondet itaque *ἐυρομενος* ob-
servante IAC. CAPELLO *l)* non solum
hebræorum *נצח* sed potius *נצמד*, quod
facientem, ut aliquid existat, designat Ios.
XVII. 16. *Christus* itaque *1)* non casu for-
tunæ nos redemit, sed redemptionem anxie
& cum sensu gravissimorum dolorum quæ-
sitam invenit; *2)* ipse redemptionem no-
stram procuravit & ad existentiam perdu-
xit; *3)* redemptio hominum in effusione
sanguinis *Christi* fundata est; *4)* Jus deni-
que habet Servator noster hominibus be-
neficia e redemptione fluentia impertiendi.
Λυτρωσις redemptionem soluto pretio
factam denotat; pretium vero ipsum *λυ-*
τρον m) dicitur. Redimuntur per *λυτρον*
damna-

k) l. c. p. 246.

l) in loc.

m) Pereruditam de hac voce observationem cum
eruditis communicavit JOH. CHAPMANNUS in
not. ad *Eusebius or the true Christian's defense*. vol.
2. p. 291 &c.


damnati in iudicio a poena, captivi e captivitate, servi e dominio alterius, ut cedant in dominium redimentis. *Christus* ergo hominum redemptionem procurans 1) *λυτρον* interposuit; 2) sanguis ejus *λυτρον* fuit, quo redemit in foro divino damnatos a poena promerita, captivos sub peccato & morte, servos diaboli e servitute, ut serviant redemptori in sanctitate et libertate. *Αἰων* observante VORSTIO n) simpliciter tempus, sed sæpissime universalitatis notam involvens, sempiternum seu omne tempus indicat. Redemptio per *Christum* facta vero æterna & sempiterna vocatur, quia ab æterno decreta, in tempore præstita, & per omne tempus duratura est, opponiturque expiationi per sacerdotem leviticum factæ quotannis repetendæ. Homines itaque per *Christum* in æternum usque redempti sunt, atque omni jure sempiternos redemptionis fructus a Servatore expectant.

§. XVI.

Obligamur denique hoc effato' hætenus explicato, ut 1) *Christum* præstantiorem N. T. sacerdotem summum pro nostro sacerdote & redemptore agnoscamus;
2) in

n) de hebraïsin. tom. 2. p. 293.

2) in redemptione per sanguinem ejus facta
spem, fiduciam vivamque fidem colloce-
mus; 3) Redemptione, ut subditos a servitute
diaboli redemptos decet, digne vivamus,
& 4) æterna bona per unum illum sacer-
dotem nostrum nos consequi posse, quam
certissime credamus.



V.
ERICI SIMONIS HENRICI
A SEELEN
A. M. (*)
DE
SALE CATECHVMENORVM
EX ANTIQVITATE CHRISTIANA
COMMENTATIO.

ΣΥΝΟΨΙΣ.

§. I. *Rituum veteris Ecclesiae Christianae excellentia.* §. II. *De Ritu Salis Catechumenorum generalia.* §. III. *Cur nonnulli scriptores liturgici ritum hunc tacere videantur?* §. IV. *Num ante Baptismum Catechumenorum*

(*) Variis clarissimus auctor scriptis eruditionem & industriam suam dudum dedit probatam, quorum hic deprehendisse indicem lectores nostros, si quid nos iudicamus, non pigebit.

I. *Oratio saecularis de coniungenda e lege illustris Stipendii Schabbeliani Dogmatica cum Polemica Theologia, & a praestantissimis Theologis Rostochiensibus, laudati olim Stipendii alumni, in sanctioris Reipublicae commodum peregre coniecta. Rostochii. 1738. 4.*

II. *De usu Rituum Nuptialium, ab Hebraeis praesertim observatorum, in explicatione et illustratione dicto.*

rum? an vero in eodem? fuerit observatus.

§. V. Num ab eodem diuersum sacramentum Catechumenorum? cuius mentionem facit Augustinus.

§. VI. Aliqui eum commemorantes quidem, sed causas eiusdem vel plane tacentes, vel leuiter modo unam alteramue tangentes, non vero omnes, quae hic dari possunt, paulo plenius declarantes.

§. VII. Emphasis vocis SALIS, & varius eius-

dictorum quorundam Biblicorum Dissertatio Epistolica ad Virum summe reuerendum atque excellentissimum IO. GOTTLÖB CARPZOVIVM, S. S. Theol. Doctorem & Superintendentem Lubecensem longe celeberrimum optimeque meritum. Rostochii. 1740. 4.

III. *De Ieiuniis Sabbathicis ex Antiquitate Hebraea Disputatio. Rostochii. 1741. 4.*

IV. *De Pietate veterum erga Hospites Diss. Lubecae. 1742. 4.*

V. *Paralogismorum IO. SPENCERI in enarratione Rituum Funebrium & Sepulchralium Specimen. Lubecae. 1742. 4.*

VI. *De Ieiuniis Sabbathicis ex Antiquitate Ecclesiastica Disputatio. Rostochii. 1742. 4. Resp. Georg. Godofr. Volland.*

VII. *Dissertatio Exegetico-Theologica de eo, quod in indagando Sensu Mystico nimium est. Rostochii. 1742. 4.*

VIII. *De Natalitiis ad Concilii Laodicensi Can. LII. Observationes. Lubecae. 1742. 4.*

IX. *De varia vocis Rectoris fortuna Commentatio historico-philologica. Lubecae. 1742. 4.*

X. *Bibliothecae Menzianae Pars I. Lipsiae. 1751. Pars II. ibid. 1752. Pars III. ibid. 1753. 8.*

XL

eiusdem in sacris aequae ac profanis usus.

§. VIII. *Meditationes de Sale Catechumenorum ducentes ad Bonum.* §. IX. *Sacrum.* §. X. *Dona Spiritus S.* §. XI. *Verbum divinum* §. XII. *Sapientiam.* §. XIII. *Veritatem Religionis Christianae.* §. XIV. *Legem. Sacrificia.* §. XV. *Poenitentiam* §. XVI. *Euangelium. Fidem.* §. XVII. *Foedus.* §. XVIII. *Amicitiam.* §. XIX. *Utilitatem. Medicinam. Condimenta. Conservationem. Necessitatem.* §. XX. *Praemium.* §. XXI. *Conclusio.*

§. I.

Quemadmodum in Ritibus vetustis Judaicis multa sunt recondita, quae ab Antiquitatum Hebraicarum scrutatoribus inuestigata & inde eruta; sic in Antiquitatibus quoque Christianis, si accurate perpendantur, multa latere egregia, nemo dubitabit, multo minus ille, cuius labor in iisdem

XI. *Varia Diario Theologico, Unschuldige Nachrichten, siue Fortgesetzte Sammlung von A. und N. Theologischen Sachen, dicto, cui aliquandiu operam navavit, inserta.*

Scripta, ad prelum ab ipso parata, sunt: *Tractatus plenior de Sensu Mystico Scripturae S.*, in quo controversiae eo spectantes discutiuntur: *Paralogismorum IO. SPENCERI in Opere de Legibus Hebraeorum ritualibus Examen*, in quo totus liber quartus refutatur: *Vita SIMONIS PORTII, Philosophi Neapolitani*, e variis subsidiis rarioribus consignata.

iisdem perscrutandis cum cura fuit versatus. Quis enim sibi persuaserit, Christianos veteres, superstitionis & vanitatis purros, introduxisse ritus prudentiae, quae pollebant mirifice, repugnantes, & non-nihil saltem continentes, quo noluisent docere utilia, monita suggerere salutaria, in memoriam reuocare per totam vitam observanda. Quare nullus erit apud veteres Christianos usitatus ritus, qui paulo plenius expensus, non suppeditet varia, ad quae illi videntur respexisse, licet plerique historice modo a rerum liturgicarum scriptoribus recenseantur, non autem simul afferantur in medium cuncta, quae in iisdem possunt reperiri ab eo, qui in interiora eorundem studet penetrare. Atque hinc luculentius cognoscuntur ritus in veteri Ecclesia Christiana observati, & pretium, ob praestantiam, iis statuendum esse permagnum, rectius intelligitur. Loquor autem vnice de ritibus, qui erant in Ecclesia Christiana, cum ea esset virgo, nec ullo infecta modo rebus, quae splendorem eius sequentibus temporibus magis semper magisque obscurarunt, pulchritudinem commacularunt, aniles, ineptas, futes ei superstitiones corruptis & deprauatis caeremoniis asperserunt.

§. II.

Ex his ritibus, non historice tantum enarrandis, sed e causis quoque eorundem diiudicandis, vt illorum præstantia magis innotescat, producam hac vice istum, in quo *SALIS Catechumenorum* in monumentis veteribus Christianis fit mentio, & dispicere tentabo, quid sanctioris reipublicae ciues ad vsum istius potuerit impellere, & forte etiam impulerit. Apparebit inde, quod ritus ille contineat varia, quae, ex eodem eruta, & de pulchritudine ipsius, & de veterum Christianorum prudentia, in ritibus quoque ostensa, luculentum præbere possunt testimonium.

§. III.

Salis huius Catechumenis (de quibus Antiquitatum Ecclesiasticarum scriptores, quos magno citare possem numero, si id iudicarem necessarium, tam copiose egerunt, vt de iis vel verbulum addere, opus haud esse arbitrer) dati cur nullam fecerint mentionem aliqui de ritibus ecclesiasticis, & de Catechumenis etiam, commentati, e. g. CASP. CALVOERIUS, in cuius *Rituali Ecclesiastico*, aequè ac in Io. FRIDERICI *Liturgia Veteri & Noua* haud pauca de Catechumenis, nihil vero de Sale
I iis

iis dato inueni, nisi quod CALVOERIUS *P. I. p. 200.* e BELLARMINI Libro *de Baptismo* inter viginti duos ritus Baptismales, in duas classes diuisos, nominet etiam, sed sine vlla expositione & declaratione, *gustum Salis*, ac plures, isthaec forsan dari potest ratio, probabilis saltem, si non sufficiens, quod ritus iste non permanferit semper illibatus, ideoque temporis successu defierit in multis Ecclesiis, cum propius aetas accederet, qua vetus integritas in caeremoniis etiam, quae erant innocuae & a corruptelis liberae, expellebatur, eiusque loco introducebantur, quae a pristina munditie & pulchritudine minime fucata longius recedebant. Obiter licebit hic annotare, quod DOMINICVS atque CAROLVS MACRI etiam in *Hierolexico* ritum Salis Catechumenorum taceant.

§. IV.

Inde vero neutiquam sequitur, quod ille fictus sit, dubius saltem, cum a silentio vnus alteriusue scriptoris Liturgici nullum peti queat argumentum, quod pro firmo & solido sit habendum. Interim reperitur circa eum sententiarum diuortium, dum aliqui ante Baptismum, aliqui in eodem illum fuisse exercitum, statuunt. Sic BEAT, RHENANVS *Annotatt. in TER- TVL-*

*TVLLIANI Librum de Corona Militis p. 721. T. 1. Opp. Tertull., secutus BURCHARDUM WORMATIENSEM, ritum Salis ad Baptismi caeremonias referre, non dubitat. Idem facit IAC. PAMELIUS Annot. in TERTVLLIANI Lib. de Baptismo p. 337. IO. CASP. SVICERVS Thes. Eccl. P. 1. col. 181. 653. At GABR. ALBASPINAEVS Obseru. de veter. Eccl. Ritib. p. 411. sq. vbi exponit Concilii Carthaginensis III. Canonem quintum: Item placuit, vt etiam per solennissimos paschales dies sacramentum Catechumenis non detur, nisi solitum SAL: quia si fideles per illos dies sacramentum non mutant, nec Catechumenis oportet mutari, in Baptismo & eius caeremoniis Sal fuisse Catechumenis praebitum, diserte negat, ex quadam potius consuetudine in Missa, festis quoque diebus hunc ritum fuisse peractum, opina-
tur. Eadem memorati Concilii verba affert BARTHOLOM. CARANZA in Summa Conciliorum p. m. 158, vbi ad illa sic commentatur FRANC. SYLVIVS: „Per Sacra-
„mentum non hic intelligitur sacra Eucha-
„ristia, de qua expresso nomine agitur
„can. seq. sed quicquid mysticum est ac sa-
„crum signum, vt erant Eulogiae, s. panis
„benedictus, qui ab Episcopis, vel etiam a
„Presbyteris benedici olim solebat, & in
„signum communionis catholicae fidelibus,
„qui Eucharistiam non recipiebant, diebus
I 2 „domi-*

„dominicus distribui , vt saltem hoc com-
 „munionis signo censerentur esse fideles.
 „Hinc can. 14. Conc. Laodic. ita statutum
 „legitur : Sanctas oblationes ad vices Eu-
 „logiarum per festiuitatem Paschalem ad a-
 „lias Parochias mitti minime debere , quia
 „scilicet omnes tunc debebant sacram Eu-
 „charistiam percipere. Videri potest Ba-
 „ronius tom. 3. ad an. 313. *Salis* autem
 „sacramentum , quo Catechumeni in exor-
 „dio sui Catechismi ad salutem conditi
 „erant , eis in can. praesenti accipere per-
 mittitur. “ Imo vero AUGUSTINVM an-
 te Baptismum Sale potitum esse , ipse te-
 statur. Sic enim *Confess. lib. 1. cap. 11.* diserte
 scribit : *Audiueram ego adhuc puer de vita*
aeterna nobis promissa per humilitatem Domini
Dei nostri , descendentis ad superbiam nostram ,
¶ signabar iam signo crucis , ¶ condiebar eius
SALE. - - - Vidisti , Deus , quoniam custos
meus iam eras , quo motu animi ¶ qua fide
Baptismum Christi tui , Dei ac Domini mei , fla-
gitauit. - - - Mater iam curabat festinabunda ,
vt Sacramentis salutaribus initiarer ¶ ablu-
er. - - - Dilata est mundatio mea , quasi ne-
cesse esset , adhuc sordidari , si viuerem , quia
videlicet post lauacrum illud maior ¶ periculo-
fior in sordibus delictorum reatus foret. - - -
Vellem scire , quo consilio dilatus sum , ne tunc
baptizarer. - - - Sonat undique in auribus
nostris : Nondum baptizatus est. Atque hoc
illustre

illustre exemplum satis docet superque, quod Catechumeni (de Catechumenatu enim suo loqui A V G V S T I N U M, dubio caret) ante lauacri salutaris vsum Salis facti sint participes. Neque tamen omnino defunt, qui ad vtrumque & Catechumenatum & Baptismum, caeremoniam Salis referri posse, existimant. Vid. ADAM. RECHENBERGIUS *Hierolexic. P. II. pag. 1459.* MATTH. FLACIUS *Clau. Script. S. col. 1020.* An vero Catechumenis in tertio vel quarto gradu tantum praebitum fuerit Sal sanctificatum, quod diserte asserit IO. BAPT. CASALIUS *de profanis & sacris veterib. Ritib. P. III. p. 128.*, id quidem, idoneis destitutus testimoniis, nec affirmare ausim, nec negare. Vestigia autem ritus nostri superfuisse saeculo octauo, vel nono, demonstrant CAROLI M. *Capitularia lib. 7. cap. 109*, quae praecipunt, vt Paschali tempore non detur Sacramentum Catechumenis, sed tantum benedictum SAL a sacerdotibus pro communione tribuatur. Conf. IO. BONA *Rer. Liturg. Lib. I. c. 16. p. 181. T. II. Opp.*

§. V.

Quam certum vero est, datum fuisse Catechumenis Sal, hocque sacramentum Catechumenorum veteres appellasse, tam

foecunda erroris est sententia eorum, qui statuunt, „Catechumenos, licet sacra eucharistia utendi haud habuerint veniam, „simile tamen aliquid habuisse, quod eulogias s. panem benedictum vocant, de „ipsis illis oblationibus sumtum, de quibus „ipsa eucharistia olim sumta fuit. Innititur haec, quam BELLARMINVS, VICECOMES, ALBASPINAEVS, PETAVIVS, BEVEREGIVS, ESTIVS, MALDONATVS, & multi alii amplexi sunt, opinio, IOSEPHO BINGHAMO *Origin. s. Antiquitat. Eccles. Ed. Lat. Vol. IV. L. X. C. II. §. XVI. p. 37 sqq.* iudice, „male intellecto „loco AVGVSTINI, qui quidem de re aliqua loquitur, quae ex istius aevi stilo „sacramentum Catechumenorum vocabatur, sed panem consecratum vel partem „eiusdem eulogiae, ex qua eucharistia sumebatur, fuisse, non dicit.“ Verba AVGVSTINI de peccator. merit. L. II. C. XXVI. sic habent: *Non uniusmodi est sanctificatio. Nam et Catechumenos secundum quemdam modum suum per signum Christi & orationem manus impositionis puto sanctificari, & quod accipiunt, quamvis non sit corpus Christi, sanctum est tamen & sanctius, quam cibi, quibus alimur, quoniam sacramentum est.* „Sacramentum, verba sunt BINGHAMI, vocat ex „more istius saeculi, ex quo res quaelibet „sacramentum dici solebat, quae aliquid „my-

„mysterii, vel spiritualem significatum in
 „se habebat. Sed hoc sacramentum non
 „fuisse panem consecratum, sed Salis dun-
 „taxat particulam, ex AVGVSTINO con-
 „discere est, qui ipse de se, tanquam ca-
 „techumeno, loquens eo se tempore signo
 „crucis Christi signatum, eiusque sale con-
 „ditum esse dicit. Et hoc ipsum fuisse,
 „nec quidpiam amplius, ex Concilii Car-
 „thaginensis tertii, cui AVGVSTINVS
 „ipse interfuit, canone aliquo patet, ita
 „decernente: *Placuit, vt per solennissimos pa-*
 „*schales dies* rel. Ex quibus verbis facile ad
 „colligendum est, per sacramentum Cate-
 „chumenorum nihil intelligendum esse
 „aliud, quam hanc aliquid Salis eis dandi
 „caerimoniam, perinde vt lac & mel post
 „baptismum egressis de lauacro degustan-
 „dum dari consuevit, vti BONA Cardina-
 „lis, ALBERTINVS & BASNAGIVS
 „recte concluderunt: quum huius rei sco-
 „pus non esset, vt illis quidpiam in imita-
 „tionem daretur eucharistiae, quippe quam
 „illos semper celabant, sed vt ex hoc sym-
 „bolo animas suas peccatis purgare disce-
 „rent & mundare, quandoquidem Sal pu-
 „ritatis & munditiei emblemata est.“

§. VI.

Et si itaque Salis Catechumenorum
 GVIL. DVRANDVS *Rational. Divinor. Offi-*
 14 *cior.*

Officior. f. 26. a. 97. a. BONA loc.cit. p.180
MATTH. ZIMMERMANNVS Diss. ad illud
Tertull. Apolog. c. XVIII. Fiunt, non nascun-
tur Christiani, p. 51. IO. STEPH. DVRANTVS
Lib. 1. de Ritib. Eccles. Cathol. p. 141. IOACH.
HILDEBRANDVS Exercitat. de Ritib. Sacr.
pag. E. a. IO. ANDR. SCHMIDIUS Lexic.
Eccles. P. III. p. 12. RECHENBERGIUS
loc. cit. TROGILL. ARNKIELIVS Con-
firm. Catechum. p. 28sq. IOSEPH. VICECOMES
Lib. II. de Antiq. Baptism. Ritib. c. 42. M. L.
BAILIVS Summ. Concilior. Tom. II. p. 480.
STEPH. MORINVS Dissert. p. 109 sq. &
 plures, meminerint, nonnulli etiam, sed
 pauciores, causam vnam alteramue brevi-
 ter simul attigerint, nemo tamen tot pro-
 duxit in medium, quot in hoc ritu, si is
 paulo accuratius expendatur, possunt in-
 ueniri. Quae itaque mihi, eundem me-
 ditato, in mentem venerunt cogitationes,
 eas in chartam coniectas licebit expromere.
 Num acu rem semper tetigerim? & num
 primi ritus huius auctores cunctas in men-
 te habuerint cogitationes? quas Sal iis po-
 tuit suggerere, id, aliis diiudicandum relin-
 quens, neque nimis confidenter affirmabo,
 neque audacter inficiabor, cum mihi satis
 esse queat, paucis ostendisse, quam fertilis
 & vbertate rerum diues sit hic ritus, &
 quam laudabiliter idcirco veteres Christiani
 eum adhibuerint. Pertinet ille haud du-
 bie

bie ad eos, de quibus peritissimus iudex, magnus nempe, ingenuus & indefessus antiquitatum Christianarum scrutator, laudatus HILDEBRANDVS *loc. cit. p. G. a.* luculenter scribit: *Ritus sunt signa rerum sacramentorum. - - - Ritus ab Ecclesia profecti sunt externa signa, sub quibus saepe aliud quid innuitur.* Defectu sane rerum in consideratione huius ritus non laborabo, omnia licet, ne transgrediar limites, haud dicturus, quae copiosius hic dici poterant, & circa vnumquodque argumentum breuiter quoque tertium comparationis modo indicaturus.

S. VII.

De vocabulo SALIS generatim obseruo, quod tam late pateat, tamque multa ambitu suo complectatur, vt, si impropriae ipsius & symbolicae significationes omnes respiciantur, eam hic cernamus emphasin, efficaciam, vim, quam non e cunctis vocibus aliis licebit, omni etiam impensa opera, expromere. Vfus eius est in naturalibus, vsus est in profanis, vsus est in sacris, qui potissimum attendendus, siquidem non ad maximam modo ei valet laudem, sed ea etiam docet, monstrat, illustrat, quae coetus Christiani membrorum scitu sunt necessaria, iisdemque vtilitatem,

I §

nullo

nullo aestimandam pretio, conciliant. Salis enim symbolicus datur vsus, isque pereximius, sub quo scilicet magni momenti res, in variis quidem monumentis, praecipue tamen in tabulis diuinioribus, comprehenduntur, quarum cognitio perinsigne homini Christiano affert emolumentum. Cogita enim Sale adumbrata magni momenti vocabula, Bonum, Sacrum, Dona Spiritus S., Verbum diuinum, Sapientiam, Veritatem Religionis Christianae, Legem, Poenitentiam, Euangelium, Foedus, Sacrificium, Condimentum spirituale, Amicitiam, Medicinam, Vtilitatem, Necessitatem, Conseruationem, Praemium, & non poteris emphasin huius vocis sensu sanctiori acceptae satis demirari. Huic declarandae praedicandae idcirco operam nauarunt FLACIVS *loc. cit. col. 1089 sqq.* SVICERVS *l. c. col. 177 sqq.* RAVANELLVS *Biblioth. S. P. II. p. 949 sqq.*, qui varia de Sale, & mystico potissimum, haud segniter annotarunt. Addi omnino meretur celeberrimus quondam Theologus Wittenbergensis, GOTTL. WERNSDORFIVS, qui in *Disp. de Salsura spirituali ex Marc. IX. 49. 50.* egregia etiam de Sale mystico docuit, sententiamque suam de citato loco his p. 22. exposuit verbis: “ Nos quidem locum nostrum sic interpretamur, vt per Salem „ *Verbum Dei & Spiritum Sanctum* intelligamus,

„mus, *poenitentiam* tamen ex verbo Dei
 „redundantem, & cum *fide*, quae ex *Euan-*
 „*gelio* est, coniunctam, & denique *casti-*
 „*gationem Dei* paternam, seu *tribulationem*
 „& *crucem*, cum iis coniungamus. “ In
 primis consulendus est Vir ad saeculi no-
 stri ornamenta iure referendus, Io. LAVR.
 a MOSHEIM, qui sub praesidio praestan-
 tissimi etiam Theologi Cimbrici, ALBERTI
 zum FELDE, tam copiosam, quam erudi-
 tam, in memoriam Festi saecularis Euan-
 gelici secundi, 1717 Kilonii habuit Differ-
 tationem, qua *Pontificios, Salis Apostolici*
expertes, in re Fidei fluctuare, ad Matth. V.
 13. solide demonstravit, hacque occasio-
 ne de Sale mystico (cuius Catechumenis
 olim dati meminit quoque p. 84. & discri-
 minis quidem inter veterem atque recen-
 tiorem eius usum ostendendi causa) tam
 accurate, tamque praeclare egit, ut hac de
 re consignata non sine voluptate legi que-
 ant. Nos delectum habituri, ea modo
 producemus in medium, & a laudatis viris
 allata augere quodammodo studebimus,
 quae Sali Catechumenorum declarando &
 illustrando poterunt inferuire, ut quam
 eximius fuerit hic ritus, quibusue ille me-
 ditationibus ansam praebuerit, paulo ube-
 rius indicetur, etsi, plane exhaustum iri
 hoc argumentum, nec plura ex eodem
 posse erui ab alio, acutius cernente & scru-
 tante

tante melius, nolim asserere. Licebit inde cernere, quid ad Salem Catechumenis dandum, & pulchrum huiusmodi ritum adhibendum, veteres Christianos potuerit impellere. Vt paucis dicantur multa, cum omnia exponere, pro instituti ratione, non liceat, studebo.

§. VIII.

Sal est *Bonum*. Huius rei probandae causa non opus est praeconia Sali a multis delata afferre, cum diuinum ipsius Saluatoris effatum: καλὸν τὸ ἅλας, *Bonum est Sal*, Marc. IX. 50. Luc. XIV. 34. luculentissime istud confirmet. Sale dato spes iniicitur Catechumenis, fore, vt omnium bonorum spiritualium fiant participes, si ea non aspernentur. A Sale abstinuisse quosdam, in antiquis monumentis legimus. Quod Numidae non quaerant sallem, testis est SALLVSTIVS *Bell. Iugurth. p. m. 360.* De Aegyptiorum sacerdotibus idem fuit ex antiquis scriptoribus a MORINO *l. c. p. 104 sq.* IO. PIER. VALERIANO *Hieroglyphic. Lib. XXXI, c. 9. p. 313*, in causas spreti salis simul inquiringentibus, observatum. Imo vero magnitudinem huius odii sic exprimit VALERIANVS: *Aegyptii sal ita auersabantur, vt ne pane quidem salito vescerentur.* Ab auersantibus Sal mysticum ca-

cauere sibi debebant Catechumeni , & impiorum , istud non quaerentium , fugere consortium , si , quae cum illo coniuncta sunt , bona spiritualia vellent adipisci.

§. IX.

Salī , pro *Sacro* habito , a PLATONE, HOMERO, PLINIO, & aliis adscribitur diuinitas. Profanos non moramur , cum e sanctis scriptoribus multo rectius possimus concludere , quod Sal , non naturale quidem , sed mysticum , ad res sacras exprimendas in sacro codice saepius adhibitum , *sacrum* possit appellari. Quid vero impedit , quo minus dicere queamus , Sal datum fuisse Catechumenis eo fine , vt sci- rent , omne , quod profanum est , & a sa- cro DEI cultu , eodemque sincero ac ge- nuino , remotum , summo in posterum studio debere euitari.

§. X.

Inter Salis Apostolici , Matth. V. 13. Marc. IX. 49. Col. IV. 6. interpretes sunt etiam , qui *Dona Spiritus S.* simul innui , arbitrantur , per ignem , quo omnis salie- tur , potissimum intelligentes Spiritum S. in quem notio ignis etiam stylo Biblico quadret. Etsi vero , malint alii ad Tenta-
tio-

tiones & Afflictiones hic respicere, recte tamen dona etiam Spiritus S. citatis locis in Sale sunt inuestigata, quod ex vberioribus Commentatorum expositionibus haud difficulter cerni poterit. Veteres Christiani, praebentes Catechumenis sal, quin serio optarint, vt illi donis Spiritus S. largissime instruerentur, quis dubitabit, qui nouit eorum candorem, quo nouellis etiam Christianis faustum, in stadii sacri initio, progressum, vt optatam felici cursu metam contingerent, apprecabantur?

§. XI.

Salis mystici nomine comprehendere etiam *Verbum diuinum*, eo rectius statuitur, quo certius est, quod Apostoli propter Verbi etiam diuini praedicationem, demandatam ipsis eo consilio, vt erudirentur gentes, vt coelestia iisdem oracula innotescerent, *Sal terrae* vocentur, & multo quidem honorificentius, quam Graeci olim, ob doctrinam humanis modo verbis constantem, cum aliis communicatam populis, *sal gentium*, LIVIO teste, fuerunt appellati. Quam nota haec res, tam salubre quoque merito censetur suppeditati *Salis* institutum, siquidem veteres Christiani hoc etiam ritu monere potuerunt Catechumenos, vt luculentissime degustarent Verbi diui-

diuini Sal, eodemque cum maxime dele-
Etarentur.

§. XII.

Decantatum est *Sapientiae* symbolum
Sal, quo veteres, ipsius vim & praestan-
tiam adumbrandi causa, saepius vfos esse,
legimus. Docent hoc perspicue formulae:
salem habere, mica salis, sal sapientiae, granum
salis, & his similes, quibus omnibus sa-
pientia innuitur. Catechumeni sapientia
erant imbuendi, & multo meliori quidem,
quam Stoica, in sic dicto Sapiente mirum
in modum praedicata, spirituali scilicet ac
diuina, ad quam vt magis semper magis-
que adspirarent, inque eadem quotidie
proficere contenderent, Sal, signum Sa-
pientiae, illis porrigebatur. Verae huius
sapientiae, vt ab omnibus Christianis, sic a
Catechumenis etiam, sedulo & cunctis ap-
petendae viribus conditionem iuuat Tullii
inter Patres, LACTANTI, *Lib. III. de Fals.*
Sapient. p. m. 342 sq. in Opp. edit. Seruat.
Gallaei, verbis declarare: omnis Sapientia ho-
minis in hoc vno est, vt DEVM cognoscat &
colat. - - - Quid nobis iniqui sumus?
& Sapientiam suscipere cunctamur? quam docti
homines contritis in quaerendo aetatibus suis
nunquam reperire potuerunt. Qui vult sapi-
ens ac beatus esse, audiat DEI vocem; discat
iusti-

iustitiam: sacramentum natiuitatis suae norit; humana contemnat; diuina suscipiat; ut summum illud bonum, ad quod natus est, possit adipisci. Huiusmodi sapientiam sine dubio quoque veteres Christiani sale dato indicare & Catechumenis de nota meliori commendare voluerunt.

§. XIII.

E sale etiam Apostolico *Religionis Christianae veritatem* ostendi posse, aliqui opinantur. Nec male. Sal enim, quo, iubente Salvatore, sermonem suum condiebant sanctiores legati, erant in primis dogmata Fidei Christianae, quae solidissimis demonstrabant argumentis; facundia diuinitus concessa tam efficaciter eloquebantur, ut mentes commouerent fortissime, stimulumque in animis & auditorum & lectorum relinquerent; signis ac miraculis corroborabant, atque sic vi salis mystici, saluberrime adhibiti, & a sale falsarum doctrinarum infulso, aut *infatuato* (quo nomine falsae doctrinae, haereticique, illarum patroni, in Actis Concilii Africano-Carthaginensis tertii, nec non Dialogo Orthodoxi & Luciferiani ap. RVELIVM ac HARTMANNVM *Concil. illustrat.* Tom. I. pag. 837. 1197. insigniuntur) omnino distincti, vni-
ce veram esse Religionem Christianam,
eui-

euincerent. Catechumenis non sine maximo proponi poterant commodo ea, quibus de Veritate Religionis Christianae conuincerentur, & veram eandem esse, mature discerent, quod si dato etiam sale illis inculcare studuerunt veteres Christiani, laus inde redundans eo minus iis est abiudicanda, quo magis de salute Catechumenorum fuerunt solliciti, & prudentiae magnae amorisque intensi illustre dederunt documentum.

§. XIV.

A mystico Sale non remouendam, sed sub eo simul comprehendendam esse *Legem*, & cultus legalis & munus Apostolicum edocent. Cultus legalis partem haud exiguan constituebant *Sacrificia*, ad quae cur, diuino mandato Leu. II. 13. Ezech. XLIII. 24. exigente, adhibitum fuerit Sal, ampla est eorum, qui antiquitates disquirunt Iudaicas, disceptatio, dum non omnes afferunt easdem rationes, vnde sententiarum hic datur diuortium. In his vti aliae sunt aliis probabiliiores, sic vna, a MAIMONIDE (quem notauit etiam, more suo i. e. doctissime solidissimeque de Sacrificiorum omnium condimento Sale agens, Vir, cuius immortalia merita supergressa dudum sunt

K

laudes

Bibl. Nov. Lub. Vol. III.

laudes omnes, Io. GOTTLOB CARPZOVIVS *Apparat. bist. crit. Antiquitat. S. Cod. & Gent. Hebr. p. 716 sqq.*) prolata, plane falsa deprehenditur. Is nimirum putat, quod Iudaei usu Salis in Sacrificiis sese voluerint discernere ab Ethnicis, apud quos sale caruerint sacrificia. At enim vero dormitasse hic MAIMONIDEM, & salem fuisse in profanarum gentium sacrificiis vsurpatum, vel sola docet mola falsa, cuius antiqui scriptores saepius meminerunt. Ne dicam de aliis usum Salis in Sacrificiis gentium testantibus, quae Io. SAVBERTVS *de Sacrif. Veter. c. 17. p. m. 395. c. 18. p. 429 sq.* PAUL. MERULA *de Sacrif. Roman. p. 21 sq. de Sacerdotib. Roman. p. 55.* GVILIELMVS du CHOVL *Veter. Romanor. Relig. p. 235. 251.* LVDOV. NONNIVS *Diaetetic. Lib. 1. c. 48. p. 153.* annotarunt. Vti autem variis rationibus, de Sale in Sacrificiis, expendendis non immoror, ita observo tantum, quod Sal admonere potuerit Catechumenos officii sui, quo debebant *παρασῆσαι τὰ σώματα θυσίαν ζῶσαν, ἁγίαν, εὐάρεστον τῷ Θεῷ.* Rom. XII. 1. cum possint hoc sacrificii genere omnium optime seiungi a Iudaeis, & recentioribus quidem, minus recte tempore N. T. sacrificantibus, illosque aemulatis Gentilibus, in quibus fuit quidem sacrificandi instinctus, sed ineptus, sed vanus, sed irritus, qui DEO neutiquam potuit placere.

cere. Conf. Io. SCHEFFERI *Exercitat. de Instinctu sacrificandi in Gentibus*, Vpsal. 1670. 8. edita. Ad doctrinam ab Apostolis recte fideliterque proponendam, explicandam, inculcandam, etiam dogma de *Lege* pertinebat, quod eos neutiquam omisisse, scripta ipsorum clarissime comprobant. Cum itaque Salis nomen totam doctrinam Apostolicam complectatur, Catechumeni etiam exhibito Sale potuerunt doceri, quod, in Nouo licet Testamento viuentes, a Lege tamen morali non sint liberi, sed, volente sic Numine sanctissimo, ei morem debeant gerere, eandemque normam & regulam actionum suarum agnoscere, etsi humana non concedat infirmitas, vt perfecte illam possint implere.

§. XV.

Per Sal intelligi *amaritudinem Poenitentiae*, DVRANDVS *loc. cit. f. 97. a.* diserte scribit; quocum alii consentiunt. Hanc dum agit Christianus, cogitat de euerfione peccatorum per Sal mysticum instituentia. Illustrare hoc studet vrbibus expugnatis & deinceps sale conspersis (de quibus commentati sunt SAM. BOCHARTVS *Hieroz. P. I. Lib. III. c. 16.* Io. HENR. VRSINVS *Analect. Sacr. Vol. I. Lib. II. c. 30. p. 157sq.* Io. CLERICVS *Commentar. in Iudic.*

IX. 45. commentati sunt alii ; sed nemo melius, quam **STEPH. MORINVS**, in cuius **Dordrac. 1700. 8.** euulgatis *Dissertationibus octo tertia de Sale aspergi solito super Urbium dirutarum ruinas p. 96 sqq.* hoc argumentum copiose pertractatur) **IACOB. LYDIUS** in *Syntagm. Sacr. de Re Militar. p. 233*, ubi allato e **Iudic. IX. 45.** urbis Sichem exemplo & praemisfis aliis huc spectantibus, diserte ad Catechumenos poenitentes accommodat. *Hinc, ait, Sal Catechumenorum olim introductum, quo denotabatur zizaniorum peccati & corruptae carnis exstirpatione.* Urbs autem sale confita, siue terra potius, aut ager, in quo steterat, nullum amplius fructum ferebat. **Conf. WILH. ERN. EWALDI Emblem. Sacr. P. II. p. 473sq.** Ritus Salis occasionem praebere poterat admonendi Catechumenos, de ciuitate maligni spiritus, quae foedissima est **Πονηρόπολις**, per **CHRISTVM** expugnata : de peccatis delendis, vt infelix delictorum grauissimorum lolium & steriles vitiorum auenae non amplius dominantur : ager e contrario cordis sanctum & incorruptum verae fidei, saluberrimaeque doctrinae sacrae semen accipiat, & fructus virtutum ferat largissimos.

§.XVI.

§. XVI.

E verbis, quibus generis humani Sopitator allocutus est Apostolos: *Vos estis Sal terrae*, non exclusit quidem Legem, potissimum tamen hic rationem habendam esse *Euangelii*, liquet. Illi, sic scribit FELDENIVS l. c. §. II. *curatius instituunt, qui vim Euangelii hic inprimis intelligunt, & rel. Euangelium quoque in sale mystico reperit citatus VALERIANVS, Pontificius, cuius haec notabilia verba extant l. c. : Theologi nostri sal accipiunt pro doctrina Evangelica, idque sibi velle, quod capite Levitici secundo dicitur: Quicquid obtuleris sacrificii, sale condies, nec auferes sal foederis DEI tui de sacrificio tuo: in omni oblatione offeres sal. Quasi dicere velit Legislator, quodcunque docueris, quodcunque correxeris, in quacunque virtute versatus fueris, ad Apostolicam aemulationem & imitationem te accommoda: Sal enim terrae Apostoli, Domini ipsius testimonio. Sale hoc Evangelico indigebant utique etiam Catechumeni, qui laeto de Salvatore & Redemptore mundi nuntio, ipsis haud dubie exposito, eo minus carere poterant, quo magis animi ipsorum erant confirmandi. Memoratus MORINVS hac de re l. c. p. 109. ita differit: Cum salutaris illa gratia a CHRISTO, ut a suo fonte, manet, & in eius communione duntaxat reperiatur,*

K 3

prisci

prisca Ecclesiae doctores, ut solarentur Catechumenos, in solennem Eucharistiae communionem nondum admissos, testarenturque, Sacramenti priuationem posse fide suppleri, Sal ipsis dabant, ut contra natiuam corruptionem munitiores essent & bonorum operum fertiliores. Quae dum possunt Fidei vnice tribui, & huius symbolum existimabitur Sal mysticum.

§. XVII.

Quod *Foedus salis* idem sit, ac constans, firmum, stabile, dudum annotarunt ii, qui data de foederibus egerunt opera, & ritus in iisdem pangendis sancte obseruatos descripserunt. Quare hoc argumentum attingo tantum, non expono, neque in salis adhibiti causas, quarum praecipua videtur esse duratio eius & a corruptione immunitas, omnes, quæ solent proferri, inquirō, ne actum agere & Iliada post Homerum canere velle videar. Missum quoque facio, illustrationis causa huc forte afferendum, Pactum Legis Salicae, cum incertum sit, vtrum a Sale? in qua opinione haud pauci versantur viri docti, & in his MORINVS loc. cit. p. 138; an a gente Salica? aut pago Salico? (vide IO. GEORG. ECCARDI *Nott. ad Leg. Francor. Salic. & Ripuarior.*, ac figillatim ad GOD. GVIL. LEIBNITII *Dis.*

Disquis. de Orig. Francor. p. 256.) nomen acceperit. Mihi vnicum ברית מלח עולם, foedus salis perpetuum, Num. XVIII. 19, potest sufficere ad salis in foederibus habitam rationem ostendendam. Hoc foedus salis vti, aequae ac alia, religiose seruari debebat, sic a Catechumenis quoque acceptum sal poterat esse μνημόσυνον foederis, quod Deus iniit cum hominibus, cui, quoad fieri potest, seruando omnis opera nauanda.

§. XVIII.

Sal erat *Amicitiae* symbolum, quod hospitio olim excepti testantur, quibus primo, ante cibum capiendum, offerebatur Sal, quod per amicitiae symbolum rerum antiquarum explanatores interpretantur. Vide quae hanc in sententiam ex EUSTATHIO & LVD. COEL. RHODIGINO a RVELIO *Concil. Illustrat. T. I. p. 141.* nec non IAC. PHIL. TOMASINO *Lib. de Tesser. Hospitalit. p. 74.* sunt allata. Conferatur VALERIANVS *loc. cit. p. 314,* & qui in primis legi mereatur, MORINVS *loc. cit. p. 110 sq.* Catechumenis acceptum Sal poterat in memoriam reuocare summam felicitatem eorum, qui sunt amici DEI; magnum decus illorum, qui cum hominibus sibi proximis,

K 4 genui-

genuinis praesertim Christianis, sinceram colunt amicitiam; turpissimum dedecus istorum, qui cum impiis, imo cum ipso maligno spiritu, amicitiam contrahere, nulli sibi ducunt religioni.

§. XIX.

Permagnam Salis esse *Utilitatem*, non indicat modo tritum istud Plinianum: *Sale & sole nihil utilius*; sed multa etiam adsunt alia, idem comprobantia, e quibus pauca seligemus. *Utilitatem Salis ostendit Medicina*, cuius cultores eandem commemorant & maiori edisserunt copia, quam huc referre opus est. Breuiter etiam hoc argumentum NONNIUS *l. c. Lib. I. cap. 48. pag. 154 sq.* attigit. Haec vero utilitas non est vocanda in dubium propter veteres quosdam, sale in curandis morbis superstitiose usos. Exemplum eiusmodi superstitionis in salis usu e PLINIO affert TOMASINUS *loc. cit.* Omnium etiam *Condimentorum* princeps Sal recte censetur & aroma optimum praedicatur, quae res tam nota est, ut declaratione non indigeat. Maxima Salis utilitas a *Conseruatione*, quam praestat, multarum rerum est deriuanda. Sal, inquit CLAVD. SALMASIUS *Exercitat. Plin. in Solin. Polyh. P. II. p. 1172, a putredine*

ac

ac tabe carnes defendit, ut necesse sit proinde diutius durare, quae salitae sunt. Neque carnem solum conseruat sal, sed multo plures etiam res, quod notissimum est. Vti vero neutiquam spernendae sunt hae Salis naturalis utilitates, ita multo maiores praestantioresque indicare sine dubio voluerunt veteres Christiani ritu, quo Catechumenis sal dederunt, mystica & spiritua- lia meditati. Desiderarunt enim haud du- bie, ut verbum diuinum, ut religio Chri- stiana, ut cuncta media salutis, ut ipse generis humani Medicus, Saluator O. M. mederetur animabus Catechumenorum, ne perirent, sed sanitatis potius aeternae ac nullo auferendae morbo redderentur par- ticipes. Voluerunt, ut illo semper dele- ctarentur condimento, quod diuinis signi- ficatur verbis: Ἔχετε ἐν ἑαυτοῖς ἅλας, ha- bete in vobismet ipsis sal, Marc. IX. 50. ὁ λόγος ὑμῶν πάντοτε ἐν χάριτι, ἅλας ἡ ῥη- μένος, sermo vester semper sit cum gratia, sale conditus, Col. IV. 6. Sale autem illiba- tae doctrinae sanctioris, sale sapientiae, sale humanitatis exquisitissimarumque vir- tutum, nihil potest homini in Christia- nam recepto ciuitatem esse sapidius. In- fulsa ei sunt omnia, quae his contrarian- tur. Optarunt denique, ut hunc salem adepti, multo certius, quam sale terrestri

K 5

carnes

carnes ac res aliae, diuina potentia per fidem conferuntur ad salutem. 1 Pet. I. 5. Quam magna autem salis in vita humana est *Necessitas*, quo scilicet nemo facile potest carere; tam necessaria etiam esse, imo multo magis necessaria, cuncta, quae sale mystico possunt significari, is sponte largietur, qui salem habet. *Nam sicut omnis cibus*, scribit VALERIANVS l. c. *ad nutrimentum aptus omnimodo sale conditur, ita omnis sermo utilis ad iuuandum Apostolicae omnimodo sapientiae necessarium habet condimentum.* Eadem necessitas de reliquis etiam rebus sanctioribus rectissime asseritur. Vnde eam veteres quoque Christiani, sal impertientes Catechumenis, pro ea, qua erant insignes, prudentia, agnovisse, intelliguntur.

§. XX.


In Sale quoque latere symbolum *Praemii*, aut *Mercedis*, constat. Sal nimirum ac Panis pari solebant passu apud veteres ambulare. Vnde quemadmodum Panis nomine cuncta, quae ad vitam naturalem sustentandam necessario requiruntur, praeeuntibus ipsis scriptoribus sanctis, designantur; ita Sal eadem ratione interdum occurrit. Vid. quae hanc in sententiam obserua-

seruarunt *LYDIVS loc. cit. 243. MORINVS l. c. p. 120 sq.* Imo vero ipsum Sal etiam pro labore datum fuisse, ex his *PLINII Hist. Lib. XXXI. c. 7.* verbis : *SAL honoribus etiam militiaeque interponitur SALARIIS inde dictis*, haud inepte colligi posse videtur. Istud certum est, quod a *Sale* nuncupatum sit *Salarium*, quae vox initio fuit militaris, militumque designavit Stipendium, deinceps autem facta est communis, omne præmium, quod pro officii laboribus datur, inuoluens. Salis occasione notitia etiam gratuiti *Praemii*, quod Christiani, in fide ad finem usque perseverantes, in coelo tandem diuina accipiunt beneuolentia, potuit, excitandi eos & inflammandi causa, praeberi.


§. XXI.

Plura non addo, quamuis meditati Sal Catechumenorum plura forsan posse subministrare, nolim inficiari. Satis enim me probasse, puto, quod in vno nonnunquam veterum Christianorum ritu tam multa sint recondita, vt si inde eruantur cuncta, integris ea Commentationibus materiam queant suppeditare, praesertim si edisserantur vberius, quae breuitatis studio paucis modo delibauī. An vero Christiani
vete-

veteres Sale Catechumenis dato omnia ista intenderint, animoque voluerint, quae inde erui potuerunt? quaeri facilius, quam ope luculentorum disertorumque testimoniorum, in monumentis antiquis ecclesiasticis extantium, ad hanc quaestionem responderi posse, non diffiteor. Interim ad ostendendam pulchritudinem & elegantiam huius ritus, pietatem quoque eorum, qui, remota omni superstitione, illum instituerunt, ea facere, quae consideratio eiusdem suggessit, statui posse, non omnes negabunt, praesertim, cum detur inter ritus etiam differentia, siquidem non omnes tam foecundi sunt, quam is est, in quem inquirere, operae pretium duxi. Sed
manum de tabula.



NOVA
BIBLIOTHECA
LVBECENSIS.



VOLVMEN IV.

LVBECAE
SVM'TV IONAE SCHMIDII
A. MDCCLIV,

AYON

ADRIANO DI GIOIA

2121150001



IN LIBRERIA

—+—

ITALIA

2121150001

LIBRERIA

100-443887-100

... ..

[illegible]

CONFIDENTIAL

... ..

THE UNIVERSITY OF CHICAGO

[illegible]

... ..

[illegible]

1991

... ..

...and the ...

THE NATIONAL ARCHIVES

Enclaves

... ..

[illegible]

35. The following table shows the number of people who have been convicted of a crime in the United States since 1970.

7. The following table shows the number of people who have been convicted of a crime in the last 10 years, by age group and gender.

1. The first step is to identify the problem or question that needs to be answered. This involves understanding the context and the specific requirements of the task.

... ..

1. The first step is to identify the problem or question that needs to be answered. This involves understanding the context and the specific requirements of the task.

2000-01-01

1990

CONTINENTVR

Vol. IV.

- I. M. SCHOLTZII disq. de lege futuro-
rum bonorum vmbram, non ipsam
actionum imaginem exhibente.
- II. I. H. a SEELEN Vindiciae biblicae
aduersus Alchymistas.
- III. A. G. MASCH de nomine Jehoua
coniectura.
- IV. M. I. H. OSTERMEYERI obser-
uationum sacrarum biga.
- V. Selectorum epistolicorum Fechtia-
norum specimen alterum.
- VI. MARTINI RVARI & IOH.
KIRCHMANNI epistolae. Con-
tinuatio altera.
- VII. I. D. OVERBECK relatio de opere
quodam, quod sub manibus habet
M. H. I. SIVERS.
- VIII. Index & argumentum disputatio-
num quarundam in Academia Sca-
niae Londinensi anno 1752. habita-
rum.
- VIII. Indices.





I.

De

lege futurorum bonorum

vmbram, non ipsam actionum

imaginem exhibente,

ad Ebræos X. v. i.

DISQVISITIO

auctore

M. HENRICO SCHOLTZ

Silesio.

Συνοψις.

§. I. *Theologus ἀφιλοσοφος, an ἀφιλολογος, quis miserior?*

§. II. *Αφιλολογίας damnum.*

§. III. *Loci nostri δυσνοησις, eaque*

§. IV. *e versionibus.*

§. V. *Vnde versionum discrepantia.*

§. VI. *Synchysis hic non admittenda est.*

§. VII. *Quæ legis hic notio?*

§. VIII. *Quid bona sint futura?*

§. IX. *Quod a bonis bisce discrimen των πραγ-
ματων;*

A

§. X.

Nov. Bibl. Lub. Vol. IV.

§. X. *Umbra notio ex interpretum mente.*

§. XI. *Quid Paullus?*

§. XII. *Quid imago?*

§. XIII. *Quo hac tendat?*

§. XIV. *Imaginis & corporis discrimen.*

§. XV. *Idem ex Coloss. II. 17.*

§. XVI. *Quid το τελειωσαι;*

§. XVII. *Epilogus.*

§. I.

Quanquam Philosophiæ sanioris studi-
um, teste b. A V G V S T O P F E I F F E R O,
cum Philologia literarum sacrarum inter-
preti alteram quasi alam, qua ad veri sen-
sus solidam explicationem subuolet, sub-
ministrare affirmo; animum tamen meum
illud b. C H E M N I T I I, eum, qui gramma-
ticus bonus sit, bonum demum theologum
esse, retinet attentum. Ipsemet enim iste,
vt A V G V S T I N V S lib. x v i i i. Ciuit. Dei c.
39. Mosen, priusquam lex legeretur, in-
stituisse docet, vt γραμματος εισαγωγος
audiretur, exemplis vbique locorum suo-
rum ostendit, spiritum sanctum sua in
scriptura non tam philosophari, quam
grammaticari. Itaque, quanto philoso-
phiam in maiorem της συλαγωγίας suspi-
cionem adducit Apostolus, Col. II. 8. tanto
fortius commendat vbique literarum philo-
logiam, vel Rom. XVI. 15, iubens non phi-
sophum

sophum quendam, sed *Philologum* salutari, Hunc ego non tam nomine, quam omine coniecto appellari quoque philologum: tum, quod, vt *ἀσσυγκρίτῃς*, ita & *φιλόλογῃς* nomen tanquam vulgare hominum proprium tunc temporis nondum receptum erat; tum, quod cum salutandos quidem ceteros elogio exornasset Paullus, hos, quorum vers. 14. & 15. recensentur nomina, præter consuetudinem suam lectorisque Christiani fructum reliquisset obscuros. *Originis* enim opinionem, qua his nihil addi putat laudis, quod post multa peccata ad poenitentiam conuersi fuisse videantur, nullius esse momenti existimo a). Contra Paullus, siquid ego video, præmisso nomine & animum & doctrinam designante, sequentium potius quemlibet maxime commendauit. Commendat *Asyncritum*, *Phlegontem*, *Hermam*, *Patroban*, *Hermen* eorumque confratres tanquam pastores, teste b. IGNATIO in epist. ad Smyrneneses §. 13. b) incomparabiles, aliosque ad fidei ardorem accendentes. Commendat deinde *Philologum* & *Juliam*, *Nereum* eiusque sororem *Olympam*, sanctosque cum iis omnes, tanquam doctores

A 2

non

a) DOROTHEI episcopi Tyrii fabulas nihil moror. Conf. b. I. A. FABRICII tom. III. Cod. Apocryph. N. T. p. 751.

b) Conf. edit. Ittigian, & b. WOLFII Cur. ad Rom. XVI. 14.

non amore modo, sed & doctrinæ sanctissimæ virtute alios omnes antecedentes. Horum enim nominum, quem hoc capite XVI. recenset, catalogus, quid sibi velit, ostendit Apostolus partim 1 Cor. IV. 9. XII. 28. partim Ephes. IV. 11. vbi quidem doctores seu Philologos in classem refert postremam.

§. II.

Sed, vt *Tranquillus* sua ætate *Philologi* appellationem viro vendicat multiplici variaque doctrina claro c); ita salutationibus illis recte monet MELANCHTHON ab Apostolo ecclesiam pingi & edoceri, quantos ludos, quantosque strepitus ἀφιολογος daturus sit Philosophus d). Philosophus enim ἀφιολογος, quem & χρησολογον & εὐολογον appellat Apostolus, neglecta spiritus sancti litera, suauius in præsentia intentus tanquam Gnato exegeticus, λογομαχίας vbique accusat alios, ipse autem alius propinat διχοσασίας. Alter igitur Paullus, b. LUTHERVS rectissime: das hat auch beweiset, inquit, und zeigt noch an die Erfahrung. Denn, so bald nach der Apostel Zeit, da die Sprachen aufhörten, nam auch das Evangelium und der Glaube und ganze

c) Libr. de illustr. Gramm. c. X.

d) Tom. IV. opp. Comment. in h. I.

ganke Christenheit je mehr und mehr abe, bis daß sie unter dem Papst gar versunken ist. Und ist, seit der Zeit die Sprachen gefallen sind, nicht viel besonders in der Christenheit ersehen: aber viel gräulicher Gräuel aus Unwissenheit der Sprachen geschehen u. s. w. e) Philologiae, non Philosophiae ignorantia Pyrrhonem enixa est exegeticum. Hic hæresin genuit, philosophia autem ἀφιλολογος peperit. Exemplum per sæcula omnia ex historia ecclesiastica sunt ita in promptu, ut alii, ceu Marcio, philologiae sacrae argumenta e medio tollerent, alii suis commentariis, alii versionibus eneruarent. Contra, uti Dei servus neque θεομαχει, neque λογομαχει, Deo ejusque verbo bellum inferendo, sic potius τον λογον ἀληθείας ὀρθοτομει, voces diuini sermonis veras ab inanibus veritatis recte secernendo f). Quod, utrum theologus ἀφιλολογος, an ἀφιλοσοφος obseruauerit, iudicium penes sincerum esto lectorem. Illud si tot post religionem diuina b LUTHERI opera reparatam in animum induxissent versionum sacri codicis in varias saltem Europæ linguas auctores, BECANO Pontificio nec dedissent occasio-

A 3

e) Tom. Ien. II. rec. fol. 475.

f) 2 Tim II. 14. 15. sensum vocum genuinum alibi exponam. Conf. DEYLINGII ven. olim præceptoris nostri Diss. de *Orthotomia verbi veritatis* §. 12sq.

casionem cauillandi g), nec b. LUTHERO nostro sua iam ætate querendi: *ominino melius fuisse, retinere illam hætenus receptam & vsitatam versionem bibliorum, quam tot novas versiones cumulari, quibus nihil proficiatur, nisi quod dissimilitudo & discrepantia lectionum memoriam legentium turbet, & studium remoretur, ac in multis locis incertiolem, quam fuerit, lectorem dimittat.* Quod si non sic esset, DIONYSIVS ille PETAVIVS cum TVRRIANO, BELLARMINO aliisque ignorantia Patronis forte fortuna non scripsisset, vix ullum esse in tota ad Ebræos epistola locum illo, quem supra indicaui-
mus, obscuriorem h).

§. III.

Esse autem nonnulla in D. Paulli doctrina *δυσνοητα*, Petrus quidem ipsemet confitetur. Sed vna *δυσνοησις* illam nequaquam ex literis Paullinis, sed ex hominum, qui verba detorquent, siue inscitia siue malitia oriri, certum habemus i). Fuge quæso, tam *σκεπηλικων*, quam *σκοπηλικων* malitiam, nihil te doctrinarum Paullinarum fugiet! Tolle philologia, quæ vere Philosophia
gram-

g) Conf. Manuale Controv. lib. I. c. I. quæst. II. vb
b. Lutheri verba, sed perperam excitantur.

h) Conf. b. WOLFI cur, ad h. l.

i) 2 Petr. III. 16.

grammatica est, ignorantiam, nihil te literarum Paullinarum latebit! sed, ubi philosophiæ grammaticæ dominatur imperitia, præceptas tibi opiniones nec mathematica quidem demonstratio vincet, nec interpretes sanabit. Exemplo esse locus ille Paullinus ad Ebræos potest, cuius *umbra*, cuius *imago*, cuius *futura bona*, cuius *res*, cuius *perfectio* æque ex versionibus atque commentariis sua laborant obscuritate, ut, licet IACOBVS quidam LAVRENTIVS reliqua in epistolis Paullinis *δυσνοητα* dissertationibus quadraginta explicanda fuerit adgressus, nostrum tamen tanquam explicatu difficillimum prorsus reliquerit intactum *k*).

§. IV.

Sed, quemadmodum Paullum hic obscuritate absoluant versiones, paucis, quoad eius fieri poterit, videamus. Paullus, illustrato, quod discriminis sit inter Mosen & Iesum, inter Iosua & Christum *l*), inter Canaaniticam quietem & coelestem, inter Aaronem & nostrum sacerdotem summum,

A 4

inter

k) In S. Apostolo *δυσνοητα*, h. e. Explicatione locorum difficilium in epistolis Paullinis. Amstel. 1642.4.

l) Ebr. IV. 14. col. Ioan. I. 18. uti Josua Canaan exploravit, ita Iesus noster *ὁ διεληλυθως ἡς ἔραν* nobis exploravit.

inter Melchisedecum & Dei filium *m)*, inter legem & euangelium, inter tabernaculum umbratile & reuera verum, pergit: σκιαν γαρ ἔχων ὁ νομος των μελλοντων αγαθων, εκ αυτην την εικονα των πραγματος - εδεποτε δυναται τις προσερχομενους τελειωσαι. Hæc quidem Apostoli vestigia Vulgatus interpret pressurus ait: *Umbram enim habens lex futurorum bonorum, non ipsam imaginem rerum nunquam potest accedentes perfectos reddere. Illa vero ceteri deinceps quasi emendaturi mutatis vocum sedibus efferunt. Syrus enim desertis Paulli vestigiis, Lex enim, inquit, in qua fuerat umbra bonorum futurorum, non ipsa eorum substantia, quibus res sit - - nunquam potest perfectos reddere eos, qui istis accedunt. Nec minus Æthiops, Arabsque, quorum hunc Angli anno MDCCXXVII. typis quidem elegantissimis ornatum in publicum prodire iussere n)*, sequentem in modum loquuntur: *Quandoquidem lex, utpote cui umbra est bonorum constantium, non forma rerum ipsa - - nunquam valebit, ut ad ista præuenientes perficiat. Eandem alia quidem, quam b. ERASMVS SCHMIDIVS exhibet, versio ingreditur viam Apostoli verba explicatura: Lex enim, ait, umbram obtinens futurorum bonorum non ipsam*

m) Conf. Wolfii curæ ad h. l.

n) Formæ quartæ maj prostat editio hæc sine præfatione locique mentione,

ipsam expressam formam rerum - - nunquam potest accedentes perfecte sanctificare. Hanc quasi ducem miro consensu Europæarum linguarum interpretes sequuntur tantum non omnes, alter veluti alterum imitatus. Mitto Hispanos, mitto Anglos & Gallos, mitto Belgas, Danos, Suecos, Polonosque, mitto iam alios, a quibus me Germani revocant. Quorum e numero b. LVTHERVVM nostrum nostra ætate præsertim ZINZENDORFFIVS & D. HEVMANNVS in viam, si diis placet, reducere sategerunt. Zinzendorffii opera exercitium fuit & equestre & nauticum. Nauibus autem & equis quid velocius? ergo dimitto. At D. HEVMANNVS, qui alioquin Academiæ Göttingensi ornamento est, b. LVTHERI verbis non contentus & CHRYSOSTOMVM secutus Paullum interpretatur. Denn das Gesetz, ait, welches den Schatten Riß der zukünftigen Güter, nicht aber das wesentliche Bild der Dinge selbst, hat, kan niemahls diejenigen, welche (zu Gott) hinzutreten, vollkommen heilig machen. Nisi me fallunt omnia, D. Heumannus cum ZWINGLIO, quæ Col. II. 18. corpus Christi das wesentlich Stück, die wesentlich Fromkeit und Seligkeit appellant, verbis maluisse convenire videtur, quam cum Luthero, quem etsi eadem cum ceteris interpretibus usus fuisse videatur libertate, a Paulli tamen latere

non tam longe, quam D. Heumannum, quod pace doctissimi viri dixerim, discessisse existimo. Lutherus enim dicendo: denn das Geseze hat den Schatten von den zukünftigen Gütern, nicht das Wesen der Güter selbst, reiecta saltem vmbra pictoria naturalem eius vsum retinet, neque bona futura a lege tam longe remouet, neque imaginem modo ceu Chrysostomus pro pictura accipit absoluta, sed subesse quid docet solidioris. Maluit igitur recens quidam interpres, cuius Germanicum Iudæorum idioma clar. Io. HENR. CALLENBERG Halæ anno MDCCXXXIV. literis Iudaicis exprimendum curauit, b. nostri patris Lutheri mentem haud incommode verbis hisce explicare: denn die תורה (Lex) von Mosche kann mit den Opfern nit vollkommenlich gerechtfertigt machen alle diejenigen, die sich dazu nahen; weil sie כלומר (vt ita dicam) die תורת משה (lex Mosis) nur den Schatten hat von den zukünftigen Gütern, aber sie hat nit die lebendige Gestalt, das ממשות (substantiale) oder ישות ממש (essentiam soliditatis) von den Sachen selbst: כלומר (scilicet) die תורת משה (lex Mosis) begreift ein כהנים תורת (legem sacerdotum) lauter solche Sachen in sich, die nur lauter עניני עולם (typi) seyn von den עניני עולם (rebus futuri seculi), aber das ממשות (substantiale) und ישות (essentiam) von solchen

chen Sachen hat sie gar nit. Versionum illæ discrepantiæ aut res attinent, aut tantummodo verba. Quodsi de verbis certamen esset, vel certe Germanorum gens vna Lutheri versione iam satis ornata, ceteris carere commode quivisset, sin vero de rebus, spiritum sanctum vel versiones mille haud assequuntur.

§ V.

Orbis enim terrarum diuina imbuendus veritate an ullam vnquam sacrarum literarum versionem ad amussim viderit accuratam, aut visurus sit, fore quenquam, qui ausit simpliciter affirmare, vehementer dubito. Quanti, quæso, mysteriorum montes ab vna pendent litera? Ne unum quidem scripturæ iota, teste Christo, non modo, sed nec apiculus, quia non *πειθοι ἀνθρώπινης σοφίας λόγοι* hic sunt, sed *ἀποδείξις πνεύματος καὶ δυνάμεως*, suo potest scopo carere o). Ne dicam, quotiescunque nouam quis religionis somniauit opinionem, post Lutheri præsertim operam feliciter nauatam, nouam quoque codicis sacri desiderasse versionem nouimus. Sed interpretum quemquam, quisquis fuerit, ex ignorantia, vel oscitantia, vel petulantia, vel superstitione, vel malitia suos passum

o) I Cor, II, 4.

sum manes , constat. *Unusquisque* , ait **HIERONYMVS** in prologo ad Josuam , *pro arbitrio suo vel addidit vel subtraxit , quod ei visum est , & utique non potest esse verum , quod dissonat.* Et , quod miror , nullius viri *Θεοπνευστος* sua in opuscula præter reliqua suæ doctrinæ testimonia extat commentarius : quoties autem cunque nouam quis codicis sacri fabricauit versionem , illico fuit eam commentario plerumque solitus commendare. Vtrum nostri seculi beneficium sit , an vitium , tot in eadem numerare vnius codicis sacri versiones lingua , b. iudicet Lutherus ! Sed quam parui pensum fuerit & vocem suo loco emotam aliorum collocasse , & vocis notionem suo ex ingenio vel finxisse vel pinxisse , verba Paulli supra excitata sunt experta.

§. VI.

Συγχυσιν admittit hic vocum , præter vulgatum , qui codicis græci ordinem omnium maxime verborum seruat , reliqua interpretum turba. Recentiores *ἡμελλόντα ἀγαθὰ* non tam *ἡ νόμος* , quam *ἡ σκία* coniungenda esse censuerunt , rati , nullius vel exigui esse momenti , vbi voces collocentur. Sed , quum eiusmodi confusionis ne in profanis quidem scriptoribus occurrat exemplum , spiritu potius sancto
tam

tam indignam illam censeo, vt, admissa hac confusione, scripturæ auctorem negligentiae magis accusare, quam elegantiae fucō excusare videamur p). Et, si Matth. IX. 6. verba, ἐξουσίαν ἔχει ὁ υἱὸς τοῦ ἀνθρώπου hunc in modum: *potestatem hominis habet filius*, transferrem, merito diceres me insanire. At vocum eam συγχυσιν, quam primis in Ebr. X. I. verbis committunt, seculum, quo linguam Græcam iam arrosit barbaries, enixum est, aliorum quoque monstrorum feracissimum. Sunt, qui, quoniam legem hic pro vmbra accipiunt, το σκιάν ἔχειν & σκιάν εἶναι idem esse asserunt. Verum enim vero hi vtriusque vocis confundentes notionem turbas mouent in sympulo æque ac ANTONIVS olim SADEEL Calvinianus, qui, vt παντοχουσίαν humanæ Christi naturæ excuteret diuinam, το natura deum esse, & attributa diuina reuera habere a semet differre negavit q). Vt vero hic veritatis detortor filio hominis vitam, quam ei in se habere pater dedit, nunquam extorquere potuit, ita & το εἶναι & το ἔχειν notionem quodlibet suam retinebit.

§. VII.

p) Conf. b. WOCKENII Piet. Crit. p. 128.

q) De veritate humanæ naturæ J. C. distinct. II. opp. Theolog. p. 164.

§. VII.

Constat præterea, quam inique SPENCERVS & nuper *the moral philosopher*, legem non tam umbram habere, quam fumum & umbram esse nugantes, Mosen pariter atque Paullum nostrum tractarint ^r). Sed lex bonorum est non umbra, habens autem umbram actionum futurarum. Col. II. 17. Quam vario autem legis notio sacris literis veniat usu, præter theologos alios vel b. CHEMNITIVS P. II. LL. fol. 2. sqq. pro more docuit distincte. Et, quanquam D. MUHLIO cum b. CHEMNITIO damus, totum illud tempus *V. T.* quoad, vt alibi b. CHEMNITIVS ait, Christo nascituro, opusque redemptionis præstituro opponitur, usque ad aduentum Messiae fuisse tempus umbrarum, signorum, Pædagogia &c. etiam ante legem Moysi ^s): tamen legis hic notionem pro ceremoniali sumi, non video ^t). Nullibi enim literarum sacrarum lex umbræ aut umbrarum dicitur, quasi nil nisi ceremonias, quæ Col. II. 17. umbra non bonorum futurorum, sed actionum fuerunt, impertita. Quicquid igitur Paulo est *lex fidei* Rom. III. 27. *lex mentis* Rom. VII. 23. *lex*

^r) Vide Zuverlässige Nachr. P. I. p. 1 sqq.

^s) LL. Part. II. fol. m. 61. Conf. b. FECHTM Syllog. dispu. I. §. 7.

^t) LL. P. II. fol. m. 3.

lex spiritus Rom. VIII. 2. *lex Justitiæ* Rom. IX. 31. *futura fides* Gal III. 23. Jacobo autem *lex libertatis* c. I. 25. II. 12. id nostro in loco *lex* appellatur futurorum bonorum. Ergo legis hic notio plus quam ceremonias V. T. umbratiles, quæ, teste Ezech. XX. 25. non bonæ dicuntur, continens, Dei decretum de ratione homines per futurum Christum perpetuo felices reddendi tradit, ac diuinorum doctrinam promissorum, quibus se Deus ad misericordiam erga genus humanum semper promptam alligauit, sedulo proponit.

§. VIII.

Est autem bonum in Christo siue præsens siue futurum, quod generis humani conditionem reapse reddit felicissimam, beatamque efficit. Atqui Dei de Christo humani generis restauratore promissa, quæ & Moses pro suæ doctrinæ habet norma, bona sunt, &, quum ea demum in Christo fuerint seruanda, 2 Cor. I. 20. futura appellantur. Beati igitur fuerunt veteris foederis patres, quorum quippe fides erat sperandorum bonorum conditio, actionum argumentum, quæ oculis non cernebantur, Ebr. XI. 1. sed noui foederis filii, licet patribus fide beatiores non sint, oculis tamen auribusque, Luc. X. 23. 24. prædicantur felicicio-

liciores. Hi namque Ἰοῦης εὐσεβείας μυστη-
ριον, Θεὸν φανερωθέντα ἐν σαρκί, κ.τ.λ. ocu-
lis auribusque perceperunt u), Christum sci-
licet *verum deum & verum hominem, verum
generis humani redemptorem, inferorum victo-
rem, gentium salutem, mundi sponsorem ac de-
nique semper & ubique maiestatis suæ statorem
certissimum.* Hanc etiam ob causam vocat
Apostolus Christum παραγενομενον ἀρχιερεα
των μελλόντων ἀγαθων x), qui futura illa
bona carnem indutus, bene operatus,
passus, mortuus, in vitam redux, in coe-
los sublatus, nobis, missō spiritu sancto,
exhiberet præsētia, sacerdotes coram pa-
tre nosmet ipsos conformaturus. ÆGIDIUS
HUNNIUS, cuius vestigia quidem IOAN.
GERHARDUS, qui duo sigillatim novi foe-
deris sacramenta in bonorum istorum retu-
lit numerum y), & venerandus olim præ-
ceptor noster b. IO. SCHMIDUS Lips. z)
legerunt, bonis illis futuris docet Christum
in carne indicari. PHILIPPUS autem ME-
LANCHTHON in A. C. Apologia Christum
totumque in nouo testamento cultum Chri-
stianum iisdem bonis existimat significari a),
Romani Pontificis responsurus nugis, quæ
ex lege antiqua nouam, ex Aarone Ponti-
ficem

u) 1 Tim. III. 16.

x) Ebr. IX. 11.

y) Tom. V. opp. theol. p. m. 209.

z) Dissert. de bonis N. T. ad h. l.

a) p. 414. edit. Heineccii.

ficem Romanum, ex ceremoniis ceremonias, ex umbris umbras, ex Iudaismo, admixtis gentium superstitionibus, Iudaismum Christiano nomine fucatum finxere
 b) LYRANVS contra, CALVINVS, BEZA aliique eorundem sequaces, vt solet, in alterum lapsi extremum, bona illa esse coelestis gloriæ nobis futuræ contendunt. Hos autem, quum de Christo suum in terris obeunte munus differat Apostolus, a via regia plane aberrare, b. HUNNIVS, GERHARDVS & nostratum alii satis superque ostenderunt.

§. IX.

Verum enim vero, quas hic illa συγχοῦσις dederit turbas, denuo disquirendum est. Τα πρᾶγματα hic & τὰ ἀγαθὰ ex Apostoli mente sunt neutiquam sibi opponenda; sed umbra & imago, quarum vtraque sibi τὰ πρᾶγματα consciscit, Paullumque hunc in modum scribere docet: *Quatenus enim lex futurorum bonorum habet umbram actionum, nec earundem ipsam habet imaginem, eatenus homines, quantumvis ad hostias umbratiles accedant, Christo reuera conformes*
 B formes

b) Conf. quæ ANT. SADEEL ad F. Turriani Sophismata respondet, opp. theol. pag. 586. 730. Sed vterque in doctrina de Christo errat.
Bibl. Nov. Lub. Vol. IV.

formes nequit reddere. Τα ἀγᾶθα, quæ quum futura fuerint, & si Christi merita significassent, veteris foederis patribus æque ac nobis profuissent, integram Christi attinent Personam, Τα τὰ Θεανθρώπων produnt ἰδιώματα, eaque, quæ, qui cum libris nostræ ecclesiæ symbolicis doctrinæ sequuntur ordinem, ad primum & tertium, quod vocant, communicationis genus, quī vero naturæ probant ordinem, ad primum & secundum communicationis referunt genus c). Τα πρᾶγματα contra Christi attinent officium, & facta sunt & typorum olim vmbreis agitata, & apparentibus in carne Christi bonis, vaticinando, patiando, & gubernando in luce completa. Facta, inquam, sunt illa πρᾶγματα, quæ, docente Apostolo Ebr. XI. 1. olim non oculis, sed fide in vmbra cernebantur; hodie autem oculatis in luce testibus explorata constant. Horum & factorum causa, si theologorum saniorum consulamus typologiam, non æque futurorum bonorum gratia arbitror Christi in veteri foedere typos extitisse. Christus enim

- c) Ordinem doctrinæ b. CHEMNITIVS, theologi Saxonici, HVTTERVS, HVLSEMANNVS, HVNNIVS, KROMAYERVS & alii; naturæ vero ordinem MENTZERVVS, GERHÄRDVS, CALOVIVS, BROCHMANNVS, RV-
DRAVFFIVS, SCHERZERVVS & theologi hodie nostri plerique sequuntur.

enim futurus vel promissis erat , vel factis actisque rebus ob hominum oculos positus. Paullus ergo Christum summum futurorum bonorum appellando sacerdotem , Ebr. IX. 11. collato deinde cum hostia umbratili Christi sacrificio , ipsemet τα ἀγαθα ἀπο των πραγμάτων discernit , atque , quam male futuris suis bonis umbram immiscuerint interpretes , ostendit. Quid ? quod b. JOAN. GERHARDVS , qui noui foederis sacramenta bonis illis futuris obumbrari statuit d) , si animum aduertisset , sacramenta salutis non tam fundamenta , quam instrumenta esse , & b. IRENÆVM lib. IV. aduersus hæres. c. 34. εὐχαριστιαν ἐκ δυο πραγμάτων συνεστηκυϊαν , scribere , sacramenta potius ad τα πράγματα , quam ad τα ἀγαθα simpliciter spectata esse referenda iudicasset.

§. X.

Sed Paulli umbram paullo propius intueamur , actuumque illorum adspiciamus imaginem ! B. IOANN. CHRYSOSTOMVS , quoad ego scio , primus est , qui Apostoli mentem pictoria illustrare arte ausus scribit : Ἐως μὲν γὰρ ἂν ὡς ἐν γραφῇ περιγῇ τις τα χρώματα , σκία τις ἐστίν . ὅταν δὲ

B 2

το

d) l. c. Fortassis ex NAZIANZENI orat. 2. pasch. hausit.

το ἀνθρὸς ἐπαληψή τις καὶ ἐπιχρῖσθαι τὰ χρω-
ματὰ, ὅς ἐ εἰκὼν γινέσθαι. τοῖς τὸ τι καὶ ὁ
νόμος ἦν *e*). Hunc deinde THEOPHYLACTVS,
hunc DAMASCENVS suas defendens imagi-
nes *f*), hunc ceteri patres, hos PHILIPPVS
MELANCHTHON *g*), hunc denique nostri
commentatores omnes, ex quibus suum
Schatten-Riß haufit celeb. HEVMANNVS,
sequuntur. Equidem umbræ vocabulum
a pictoribus iam Plinio teste *h*) in artem
suam receptum esse noui. Quin imo
JULIUS ille POLLUX Onomast. lib. VII.
c. 28. p. m. 356. operam pictorum eorum-
que recensens instrumenta: καὶ μὴν εἰκόνα,
inquit, εἰποῖς ἂν το πρᾶγμα - ἐξέσθαι δὲ καὶ
σκιαγραφίαν εἰπεῖν το πρᾶγμα, ὅτι δὲ μερὴ
τῆς τέχνης σκίαν. Quodli vero POLLVCIS ar-
gumentum e Paulli verbis pictoriam um-
bram, einen Schatten-Riß, vel potius ei-
nen Grund-Riß aut σκιαγραφίαν efficiat,
non id saltem, quod de actuum dixi um-
bra, modo non negaret, sed umbram quo-
que & imaginem eiusdem faceret naturæ,
vt, quod saniori tamen aduersatur doctri-
næ, lex Mosis oppido foret euangelii fun-
damentum.

§. XI.

e) In Comment. ad h. l.

f) Orat. contra Iconoclastas.

g) l. c. p. m. 414.

h) Histor. lib. XXXV. epist. III.

§. XI.

Verum enim vero umbram equitis Romani & imaginem videtis, inquit Cicero, imaginem fane non modo pictam, sed fictam, ergo nec umbram pictam, sed factam. Quippe umbra & imago, nisi imago sit statua umbram, intercepto lumine, proiiciens, extare vna non possunt. Ebræos, credo, ad quos suas Paullus dedit literas, etsi artem Græcorum pictoriam tum temporis haud ignorasse faterer; Mo- sen tamen, quem noster ubique habet ob oculos, umbram imaginemque Græcorum suis intulisse literis, vehementer dubito. Quemadmodum enim צל Ebræorum *um- bra & imago* צלם sibi respondent, ita ut ima- go statuam significet umbræ, intercepto lumine, causam: Sic Moses vatesque di- vini יוֹר צלמים facientes mentionem, nus- quam imagines aut umbras intelligunt pi- ctas, sed statuas, quas umbræ comitantur. Deus creatum ad suam imaginem homi- nem, ex quo suarum virtutum umbram in reliqua mundi opera proiiceret, suam quasi statuam in mundo posuit. Non igitur *Pastor ille fidelis*, quem *Sohar* i) vocat, incommode ait: לֹא אֶתְעַכֵּד בְּדִיוֹקָנָא דְּלִהּ אֱלֹהִים בְּאִיקוּנֵין דְּמַלְכָּא בְּצַלְמוֹ : דְּלִהּ דְּאִיהוּ צַלֵּם וְדַמּוּת תְּבִנִיתוֹ :

B 3

non

i) Edit. Lublin. col. 104.

non factus est homo ad aliorum operum similitudinem, sed ad regis imaginem; in imagine eius nimirum, ut imago & similitudo esset ipsius exemplaris. Atqui, quia & alibi epistolarum pictoriæ umbræ usum ignorat Apostolus, tantum abest, ut cum paullo ante Ebr. IX. 5. τα χειρβιμ της δοξης κατασκιασαι το ιλαστηριον. i. e. Cherubim gloria dei apparente, umbram in propitiatorium proiecisce docens, umbræ sine metaphora meminere, umbræ nostro in loco a sua propria in alienam detorserit notionem, ut potius sensum, duplicata metaphora, non obscurauerit.

§. XII.

Ex his, puto, imaginis quoque Paulinæ conditio erit nequaquam obscura. Oratores sicut umbræ notionem, quæ b. DANNHAWERO teste, omnis luminis negatio non est, sed luminis priuatio maioris k) varias ad res alias illustrandas transtulere; ita imago iisdem est oratio demonstrans corporum aut naturarum, ut Cicero ait, similitudinem. Philosophis contra imago est forma quædam & nota & simulacrum vel rei, vel corporis aut animo, aut penicillo aut stylo expressum. Theologis sane nullibi scripturarum pictura est, multo minus

k) In Collegii physiolog. Diss. III, p. m, 81.

minus Paulo hic imago erit pictura, sed statua, quæ oriente sole vel occidente suam umbram in partes vel tempore remotissimas coniiciat, & ob verticem versante, habeat nullam. Dices, in statua umbram simul & imaginem existere oportet, quod Paullus tamen negare videtur: in pictura vero umbræ demum succedit imago. At enim, ut Col. II. 17. omnium consensu interpretum neque de umbra pictoria, neque de pictorio corpore agitur, ita, qua de causa, quod ibidem tempori, quod loci erat, tribuit, idem hic non tribuat tempori, non video. Nec est, quod colori nimium credas figuram quamcunque non minus otiosam relinquenti, quam umbram, ut Hieronymus ad 2 Coloss. scribat: *nullum in hoc iudicium est, quod est umbra, & cessavit corpore veniente, quia imagine opus non est, veritate præsentē.* Sed umbræ Paullus ad Ebræos imaginem opposuit tanquam mansuram.

§. XIII.

Quorsum autem, inquis, Paulli statua illa proxime spectat? quæ istarum umbrarum ratio? Antequam mentem tibi meam aperiam, quæso, cum veterum, tum recentiorum nonnullorum audiamus sententias! Plerisque illa imago patribus veritas

B 4

est

est Christiana, aliis vitæ Christianæ institutum, aliis vita futura. Pontificiis regnum est in terra pontificium. Contra illam Christum esse asserunt nostrates 1). Atenim vita futura, quæ nil nisi lumen est, umbram, quam illa requirit imago, proicere potest nullam; &, antequam Christus in carne iustitiæ sol nobis exortus est, Luc. I. 78. iam sub Mosis lege patribus perChristi futuri gratiam saluatis æque patuit, ac nobis Act. XV. 11. Patres igitur foederis antiqui, quatenus vera in Christum futurum fide freti, vixerunt, profecto veritatem iam Christianam obtinuerunt, vitæque Christianæ instituta in spiritu & veritate coluerunt. Equidem regnum pontificium cum statua, quam Nebucadnezar posuit, Dan. II. 31 - 111. 1 - posse comparari non nego, sed Paulli imago seu statua, quam res a Christo nato, passoque gestæ absolvent, Pontifici Romano locum facit nullum. Christus ergo Dei est imago I Cor. IV. 4. Deus Dei imago invisibilis, Patri *ὁμοσπουδος* ac propterea priusquam crearentur cuncta, natus Col. I. 15. homo autem natus, *θεανθρωπος* Dei visibilis imago est, Dei filius, diuinæ naturæ quasi statua, quem opera filium Dei ostenderunt quibusque nobis ad Deum aperuit viam æternamque parauit

1) Conf. FOLI synops, & b, WOLFII curas ad h. l. & alios.

parauit salutem. Quicquid igitur Christus natus, operatus, passus & mortuus, quicquid in humilitatis statu nostræ salutis causa patrauit, *πραγμα* Paullus appellat, idque, vt ex rebus illis gestis Christum, qui æterna patris Dei imago est, non modo verum hominis filium, quod ipsemet amauit nomen summopere, sed & *ἐν ὁμοιωματι σαρκος ἁμαρτίας* missum, Rom. VIII. 3. ipsam esse illarum rerum imaginem & quasi statuam diuinitus operantem intelligeremus. Humanam hic Christi naturam præsertim spectari, palam est. Hanc in futurorum bonorum lege, non tam sacerdos summus, quam tabernaculum, quam velamentum & Cherubim designant, Cherubim Ebr. IX. 5, 10. arcæ incumbendo vmbra efficientes, & velamentum Ebr. X. 20. Christi caro appellatum. Sacerdotes veteris foederis umbræ quidem seruiēbant, Ebr. VIII. 5. non ipsi umbræ erant: sancta quidem manufacta fuerant rerum gestarum simulacra Ebr. IX. 24. coll. I Petr. IV. 21. non gerendarum. Ergo nec hæc quidem quicquam cum vmbra aut imagine nostra habere videntur commercii. Sed verbum, completo tempore, caro factum, sui in carne tentorii constructionem, colloca- tionem, profectionem, stationem ac denique solutionem i. e. imaginis actus Patribus olim in vmbis determinauit.

B 5

§. XIV.

§. XIV.

Theologis autem tantum non omnibus non conuenit modo de Apostoli verbis ex pictoria arte illustrandis, sed plerique quoque verba Col. II. 17. vocant in subsidium. At, quum verba ad Colossenses ex opticis recte contueantur, miror iisdem & *ἡν εἰκὼν* & *τὸ σῶμα* fere eadem videri, quantumuis negantibus ad Ebr. X. 1. & vmbra & imaginem ex opticis dimetiendas fuisse. Vmbrae quidem vtrobique par est metaphora, sed æque atque imaginis & corporis ratio est impar. Paullus Ebræis, quæ modo ad sacerdotum hostiam immolantium spectaret munus, in mentem reuocat vmbra: ad Colossenses vero cibum, potum & feriarum tantum, nouilunii sabbatorumque, quæ omnem Israelitarum gentem attinerent, partem vocat vmbra. Hæc sane futurorum fuerant vmbra, neque tamen bonorum, neque actionum: illa vero *τῶν πραγμάτων* audit vmbra, qua Christi actiones pariter ac passionem determinabantur. Ex illis igitur PHILIPPVS MELANCHTHON optime cum Apostolo contra Pontificios arguit, vel piorum Christianorum opera, quoniam per se nihil habent boni, salutem nequaquam mereri æternam, Christum autem solum agendo patiendoque, quæ sunt *Θεανθρώπων* opera, iustitiam nobis pro-

promeruisse vitamque æternam *m*). Sed confusum plerique cum imagine corpus vel cum patribus doctrinale, vel cum pontificiis ceremoniale, vel cum aliis fingunt naturale. At enim Paullus ad Colossenses Christum non corpus nominat, sed corpus Christi, ex quo tanquam corporis capite nos omnes omnium nationum in vnum corpus fide congregati, Col. II. 10. 19. III. 11. capimus augmenta: Et, vt supra docuimus, imaginem ad Ebræos commemoratam nobis Christum obtulisse humiliatum; sic Colossensibus Christi exaltati, quod Paullus Col. I. 18. 24. Ephes. IV. 16. ecclesiam vocauit, corpus *morale* siue *mysticum* sistitur col. I. 21. a carnis corpore prorsus distinctum. Interpretum, qui nostram modo mentem recte perceperint, puto, fore neminem, qui aduersetur. Totius enim ad Colossenses epistolæ idem non comprobat modo cohærentia, sed etiam verborum, quæ ad vmbra corpus, ad futura referunt præsentia, iusta postulat collatio.

§. XV.

Vmbræ nomine quid aliud hic Apostolus, quam Synagogam Iudaicam gravissimis

m) Conf. D. FEVERBORNII Syntagm, I, P. III. disp. VIII.

mis victus & temporum subiectam legibus compellat? Leges autem de cibo potuque, quæ tanquam puræ putæque ceremoniæ humanos mores nihil emendant, per novum foedus prorsus expirarunt, modo, quum futurorum fuerint vmbra, admonitionem relinquentes, vt edendo bibendoque iustitiam, pacem lætitiæque in spiritu sancto sectantes Dei promoueamus gloriam. Rom. XIV. 17. 1 Cor. X. 31. Tempora contra, quæ rerum ordines sunt, & cum Deus primum rebus creatis omnibus non tam cibum potumque quam præsertim distinxerit tempora, cum cibo potuque non comparanda, rempublicam Christianam omnino nonnihil iuuare videntur. *Dies observatis*, ait Apostolus ad Gal. IV. 10. & *mensēs & tempora & annos*, quod quidem, cum Col. II. 16. ad *μερος* vnius festi, vnius nouilunii, & multorum reuocet Sabbatorum, & consuetudo purioris, priscae & piæ ecclesiæ haud interrupta confirmet, Galatis quoque sine ulla exceptione non interdixit. Sed post Christi ad coelos discessum Ephes. V. 16. Col. IV. 5. tempus ex humano tantum foro excipere iubemur. Pascha enim festum, & nouilunium & sabbata, quamuis cibus potusque toti futurorum fuerint vmbra, *ἐν μερεῖ* solum fuisse vmbra intelligimus. Hinc nostri cum b. CHERNITIO, quem CALVINVS Instit. lib. II. c. 38.

S. 34.

§. 34. per latus pungit, morale a ceremoniali, genus a specie, Christianismum a Judaismo separantes n), Paschatos vsum cum Paulo 1 Cor. V. 7. propter Pascha vero nouilunii notitiam Siracid. XLIII. 7. & ex Sabbatis Apoc. I. 10. dominicam diem libere non antiquarunt. Jesum igitur Christum, neglecta Synagogæ umbra, e mortuis excitatum certo quoque tempore, donec veniat iudicaturus viuos & mortuos commemoramus. Quapropter b. IGNATIVS in epist. IV. ad Magnesianos §. 9. umbram vocat παλαια πραγματα; dominicam autem diem vrget illius interpolator hunc in modum: μηκετι εν σαββατιζωμεν ισδαικως και αργειαις χαιροντες-αλλ' εκαστος υμων σαββατιζετω πνευματικως. μελετη νομου χαιρων, & σωματος ανεσει. Δημιουργιαν θεου θαυμαλων-εορταζατω πας φιλοχριστος την κυριακην, την αναστασιμον, την υπαλον πασων των ημερων κτλ. vbi dispulsa cibi potusque nec non temporum umbra, typi tantum generalis, quam b. KROMAYERVS appellat, exhibetur significatio. Id quod IUSTINVS MARTYR, quem b. GERHARDVS tom. III. opp. theol. p. m. 149. excitat testem, suo confirmavit suffragio. Corpus igitur hoc, quod Christi est, quum Apostolo ad Ebraeos de specialibus, ad Colossenses autem de typis gene.

n) Conf. KROMAYERI theol. posit. Artic. XII. thes. VIII. & IX.

generalibus sermo sit, nequaquam aliud, quam Ecclesia noui foederis esse potest in terris dimicans, in coelis triumphans.

§. XVI.

Nihilo tamen secius ex his liquet, quanta sit contra scholasticos, Pontificios, Socinianos & Arminianos legis & Euangelii distantia, nec Christum, qui legatus quidem & summus nostrae confessionis sacerdos est, Ebr. III. 1. villo modo nouum esse legislatorem. Lex futurorum quidem bonorum norma est & doctrina; Euangelium autem exhibitorum bonorum testimonium. Lex futurorum bonorum, quam Christus homo prae miserat, habuit umbram; Euangelium contra, oriente iustitiae sole, dissipauit. Lex futurorum bonorum licet norma fuerit per Moysen data, neque gratiam neque salutem habens qui ad umbram accedunt, umbratiles facit; Euangelium gratiam & veritatem habens per Jesum Christum factam, qui ad hanc accedunt lucem, lucis facit filios, Io. I. 17. Euangelium igitur, sublata legis umbra, qui olim contemptus statua, iam maiestate, gloria & honore coronatus, nobis non nubis, sed lucis columna est, Christo nos conformes reddit. Id notio τελειωσαι, quam reuer. D. HEYMANNVS vollkommen heilig machen, alii

alii olim perfectum reddere, alii consecrare, alii lustrare, alii consummare, & nescio, qua vel ex antiquitate vel dogmate quodam deprompta voce interpretari fatēgere, declarat. Spiritus sanctus ubique literarum præcipue ad Ebræos datarum non tam antiquarius, non tam philosophus est, quam philologus seu grammaticus. Notionem vero τελειωσαι ἀπο τῆς τελος originem trahere, dubitabit nullus. Hoc τέλος, de quo FLACIUS in *Clauē*, licet in noui foederis monumentis eadem ubique non constet ratione, in literis tamen ad Ebræos plerumque itineris, quod tanquam viatores ad coelestem institimus Canaan, confecti induit notionem Ebr. III. 6. 14. VI. 8. 11. Tota enim ad Ebræos epistola est veluti sacri ad coelum itineris delineatio, quod Dei filius per carnem scopo illi maxime conformem solus nobis aperire potuit Ebr. IX. 11. Vt igitur σοικειωσαι, elementis conforme, & οικειωσαι familiare reddere est; ita τελειωσις, exitus illius erit conformatio, Ebr. VII. 11. quam sola spei melioris introductio potest præstare Ebr. VII. 19. Et, quemadmodum Deus Christum nostræ salutis principem per passionem ad sacri sui cursus exitum, Luc. IX. 31. Ebr. II. 10. conformauit, ita Ebr. V. 9. conformatus currentibus quoque fidei stadium dux est & conformator, Ebr. XII. 2. Quos itaque lex futurorum bonorum Christo non poterat

poterat reddere conformes, Christi in fide efficit imitatio, vt ductorum doctorumque nostrorum conuersationis intuentes exitum Ebr. XIII. 7. sancti & iusti, sicut ipse Christus sanctus & iustus est, 1 Io. III. 3. 7. euadamus, ac denique ad eius imaginem post ignominias gloriosam conformaremur.

§. XVII.

Haec sunt, Lector beneuole, quibus Te aliquantisper morari volui, pauca & fortassis tuo & tempore & iudicio vix digna. Philologiae, fateor, quam hodie non in foro tantum, sed & in Scholæ palæstra & in Dei sacrario plerumque & contemni doleo, & quasi pedibus conculcari, causam tueri & quodammodo voluisse defendere. At enim & metuo, vt Paulli verba illa huic causæ fuerint prorsus satis factura, & vereor, ne, quanto me maiori persequuntur odio Philologiae contemtores, tanto meos conatus grauioribus onerent contumeliis potissimum versionum Gnatones. Inter ea, cum suffenus esse nolim, si quis me errantem in viam reduxerit & lapsum subleuare studeat, eum non tam mihi, quam veritati amicum venerabor perpetuam veritati philologicae operam daturus.



II.

IO. HENR. A SEELEN

Vindiciarum Biblicarum
adversus Alchymistas,

five

Commentarii

de sic dicto Lapide Philosophorum in
Scriptura S. frustra quaesito

Prodromus,

Specimen huius laboris
ad Apocal. II. 17.

simul exhibens.

§. I.

Vtilissimus sine dubio labor est, qui impenditur sanctissimo codici non explicando tantum & illustrando, sed vindicando etiam adversus strophas, fallacias, detorsiones, quibus veritati, quam continet, & genuino, qui in eodem reconditus est, sensui insidiae struuntur. Quo salubriora scilicet, quo excellentiora, quo meliora, & ut vno dicam verbo, quo divinio.

C

vinio.

Nov. Bibl. Lub. Vol. IV.

viniora sunt cuncta, quae hoc volumen plane inaeſtimabile complectitur, eo magis librorum omnium princeps, cum nullo comparandus alio, hoc ſtudium requirit & iure ſuo poſtulat. Calamum idcirco laudatiſſime ſtrinxerunt multi, tum generatim adverſus excitatos a maligno ſpiritu Anti-Scripturarios & Bibliomaſtiges, tum ſigillatim adverſus Atheos, Naturaliſtas, Deiſtas, Haereticos, & huius furfuris homines alios, qui utinam ſolo aevo antiquiori exiſtiſſent, recentius, & noſtrum quoque, ab iſdem omnino eſſet purgatum. Quo foedior autem, quo peior, quo audacior, quo ſcleratioꝛ eſt impetus, quem in ſanctiſſimum facere contenderunt librum veritatis hoſtes, eo magis praedicanda eſt opera, defendendo eidem & adverſus tela in ipſum coniecta tuendo navata. Hoc cum per ſe pateat, & ſole clariuſ ſit, larga demonſtratione neutiquam indigebit.

§. II.

Ignobilem, imo deteſtandam, hominum divinis literis turpiter abuſorum ſocietatem Aichymiſtae etiam augere, nulli dubitarunt. Deſperatae nimirum cauſae ſuae cum nullum reperire poſſent praefidium, aliquo ſaltem modo firmum, ad ipſum confugiendum eſſe codicem ſacrum opinantes,

vlti-

ultimum in eo quaesiverunt remedium, & se quoque invenisse, pro amentia sua, putarunt. Iniuriam idcirco intulerunt viris sanctis, dum vel dicta, vel facta illorum ad artem suam, si artis meretur nomen iactata scientia, e meris nugis, ineptiis, vanitatibus, quarum praecipuum incitamentum & fundamentum haud dubie est sacra auri fames pectora eorum cogens, tota composita, detorquere non sunt veriti. Ignominia affecerunt divinum codicem, dum varia eius loca perquam inique & insulse exposuerunt, eo fine, ut fumum venderent imperitis, rudibus sanctioris hermeneuticae glaucoma obicerent, miserosque homines misere deciperent. Vnde non solidis rationibus, non legitimis interpretationibus, non aptis declarationibus, sed absurdis paralogismis, stolidis sophismatibus, ineptis aequivocationibus, vanis lusibus, violentis detorsionibus rem suam egerunt, atque ab officio bonorum interpretum, vel nefanda impietate, vel stupenda temeritate, vel crassa inscitia, vel, quod caput forsan rei est, scelerato habendi amore impulsu, plane recesserunt. IACOBVM TOLLIVM in curioso magis, quam solido libro, quem inscripsit *Fortuita*, lusisse, & res, quae in scriptoribus profanis, praesertim poetis, nominantur atque finguntur aureae, ad Alchymisticam obtorto

traxisse collo Chrysopoeiam, id risum quidem movet lectori, miranti, quod vir multa pollens doctrina, neque in aliis scriptis prodens imprudentiam, eiusmodi nugis potuerit delectari, & iisdem excogitandis, comendis, proferendis, bonas horas perdere, aliisque se deridendum propinare. Sed luserit is, luxuriante ingenio abusus. In rebus sane maxime seriis, quales sunt omnes res sacrae divino volumine contentae, minime est ludendum; quod nihilo secius faciunt Alchymistae, in Scriptura S. quaerentes suum palladium, sic dictum nempe Lapidem Philosophorum, quem in Vtopia quaererent, in Elysiis campis investigarent, in Vulcani officina praepararent; quam voluptatem pariter ac felicitatem pauci forsan, imo nulli eorum, qui sapiunt, iis invident, dummodo codicem sacrum huic negotio non immiscerent, eodemque pessime abuterentur. Eo autem non tendit scopus meus, ut in arenam descendam cum Alchymistis, & disquiram: Vtrum detur Lapis Philosophorum in mundo, nec ne? Vtrum tota haec res vera sit, an falsa? solida, an vana? certa, an incerta? futilis, an utilis? Vtrum Alchymistae causam suam reddant suspectam eo, quod ipsi inter se non consentiant, siquidem arcanum, quod crepant, plerique *lapidem*, quidam *pulverem*, aliqui *liquorem*, vel *tincturam*,

Ætherem, alii aliis appellant nominibus, dum vocant modo *primam materiam omnium rerum*, modo *microcosmum*, modo *aquam vitae*, modo *spiritum*, modo *coelum*, modo *nubem*, modo *rorem*, modo *virginem*, & sic porro (vid. de multis Lapidis Philosophorum nominibus commentatum PET. IO. FABRVM in der Hell-scheinenden Sonne am Alchymistischen Firmament c. 4. p. 42sq), adeoque ne in ipso quidem imaginario suo cimelio denominando inter se conveniunt, hacque ratione suam, qua laborant insigniter, prodant inconstantiam, nec ne? Vtrum serio, an scoptice? de hac arte profanus alias & audax scientiarum censor, HENR. CORNEL. AGRIPPA 1), iudicaverit: *Alchymistica* (sic scribit),

C 3

- 1) Lib. de Incertitud. & Vanit. omn. Scient. & Art. c. 90. De hoc AGRIPPA habet, inter alia, QUIRINI KVHLMANNI *Neubegeisterter Böhme* (liber Lugd. Bat. 1674. 12 maj. editus, hodieque rarissimus, quod patet vel e verbis viri scriptorum fanaticorum maxima instructi notitia, GOTTL. WERNSDORFII, in Diss. de Fanatic. Silesior. & speciatim Quirin. Kuhlmanno, §. 26. anuotantis: *rarus admodum est, & semel tantum oculis meis usurpatus*) p. 70. sequentia: *Er hatte auch einen unerhörten Begriff der allergeheimsten Künste und Alchymischen Verborgenen überkommen, dass er vor ein Wunder seiner Zeit gehalten. Et ille tamen acerrime invehitur in Alchymisticam, cuius cum oportet tandem veram intellexisse conditionem, nullis rationibus idoneis, nullo fundamento firmo nixam.*

scribit), *sive ars, sive fucus, sive naturae persecutio dici debeat, profecto insignis est, eademque impunis* 2) *impostura, cuius vanitas eo ipso se facile prodit, cum polliceatur, quae natura nullo modo pati potest, nec attingere: cum tamen ars omnis non possit naturam separare, sed illam imitatur & longis passibus sequitur, & multo fortior sit vis naturae, quam artis; neque allatis modo verbis, sed sequentibus etiam multo copiosioribus pariter atque durioribus Alchymiam perstringens, eandemque ridens ac vanitatis summae arguens, veritatis confessorem hoc quidem in momento sese exhibuerit? an vero petulantiae in scribendo, quod non possunt non perfrictae frontis Alchymistae opinari, hic etiam dederit documenta? Isthaec omnia missa faciam & suo relinquam loco, praesertim, cum confusum in scriptis Alchymisticis offendatur chaos, quod nemo facile in ordinem rediget; tamque obscura, intricata, peregrina, inepta, Alchymistae utantur scribendi ratione, ut proponant aenigmata, quae quid sibi velint, divinatu est difficillimum: nodos, quos ipsi neque secare possunt, neque solvere, multo minus alii. His itaque cunctis non immorabor, cum*

- 2) At gravissima tamen poena, vel carceris, vel patibuli, aut alia, affectos fuisse nonnullos Alchymistas, & memoriae passim est proditum, & ipsa comprobatur experientia.

cum horas istas putem perditas, neque satis religiose transactas, quae eiusmodi nugis, quisquiliis, gerris; quae sunt Siculis ineptiores, teruntur. Volutet se in hoc luto, cui placet. Labor meus in vindicando vnice divino codice adversus iniurias, ab Alchymistis ei illatas, versabitur. Quare animus tantum est, ostendere, quam vesano & improbando plane conatu ad ipsas divinas literas sese recipiant Alchymistae, inque iisdem, tam stolide, quam frustra, quaerant praesidium. Rem hanc dudum meditatus sum, & subsidia eo spectantia, edita pariter ac inedita, comparavi, praesertim, cum nondum videam hoc argumentum data opera ab aliquo pertractatum, etsi a nonnullis aliqua incidenter, ut aiunt, notata reperiri, nolim inficiari. Excipi hic forsan poterit, qui literis initialibus, I. G. S. nomen suum modo indicavit, auctor libelli, hoc titulo: *Der von MOSE und denen Propheten übel urtheilende Alchymist, wird fürgestellt in einer Schriftgemässen Erweisung, dass MOSES und einige Propheten, wie auch DAVID, SALOMON, HIOB, ESRA, und dergleichen, keine Adepti Lapidis Philosophorum gewesen sind; imgleichen dass die Lehre und alchymistisch Vorgeben, von Verwandlung der geringen Metalle in Gold, eine lautere Phantasie und schädliche Einbildung sey: von einem Liebhaber der Wahrheit, der sich*

tröstet, daß der Allmächtige sein Gold sey. Hiob. XX.v. 25. und nichts Im Golde Sucht. Chemnit. 1706. 8. evulgati. Sed pauca tantum sunt in eodem Biblica, quibus hoc argumentum leviter modo fuit tactum, neutiquam plane exhaustum, siquidem pleraque ab hoc scriptore prolata declarant magis vanitatem & stultitiam, cum detestabili nonnullorum Adeptorum, ut vocari amant, fraude coniunctam, imaginariae artis Alchymisticae, quam ut fundamentum, quod, eam habere in sacro codice, illius cultores somniant, omnino destruat, & cuncta huc pertinentia afferat in medium, quamvis ingenuo animo dederit nonnulla minime spernenda, quae laude, quam merentur, neutiquam privata cupio. Neque hic tacendum puto ALETOPHILVM, auctorem libri, Lips. 1705. 8. editi, inscriptique: *Glückliche Erober- und Demolirung des durch den Schall einer thönernen Elias-Posaune, auf Befehl eines Chymischen Pabsts angekündigten Fegefeurs der Scheidekunst*, quippe qui variarum etiam personarum, variorumque locorum Biblicorum, vindicem, & praecipue p. 53 sqq. agere voluit. Non improbo cuncta, quae, satyrice licet magis, quam exegetice, scripsit. Interim tangere potius, quam sanare vlcus Alchymisticum videtur. Aliqua etiam modo attigit Biblica, multo plura male ab Alchymistis

mistis vſurpata reliquit excutienda. Solam autem modo Sciagraphiam aliquam, momenta praecipua quaedam (omnium enim recenſione aliis, hoc Volumen doctis Commentationibus copioſe ornaturis, ſpatium nolui praeripere) indicantem, in praefenti dare potero, totam elaborationem, ductu citandorum ſcriptorum Alchymiſticorum, oraculis diviniſſimis & ſacrarum perſonarum factis abuſorum, penitus abſolvendam inque lucem proferendam, coeleſti committens providentiae, a qua dies mei, qui ſuperſunt, vnice dependent. Eſto autem, quod huic labori nequeam, divina ſic dirigente voluntate, colophonem imponere, relinquam tamen ſubſidia ad eum exantlandum neceſſaria, vt, ſi fata mea iſtud non permiferint, ab alio is forſan poſſit ad finem perducī.

§. III.

De *Scriptura S.* generatim quaedam praemittentur, quibus occaſionem dabunt verba in *CONR. HORLACHERI Bibliotheca Chymico-Curioſa D. MANGETI enucleata & illuſtrata* p. 3. occurrentia: *Die H. Schrift iſt ein Brunnquell aller Weiſſheit, und alſo auch der Chymiſchen Philoſophiae*, probabiturque, quod falſa ſit, quam inde formant Alchymiſtae, conſequentia. Diſquirentur etiam

C 5

ſacra

sacra quaedam, pessime cum rebus Alchymisticis comparata, e. g. incarnatio, nati-
 vitas, vita, mors & resurrectio CHRISTI,
 Lapidis etiam, sed sensu eminentissimo
 sanctissimoque, ad Alchymisticum maxima
 pertracto impietate, nomine in divinis li-
 teris insigniti, quod patet e Io. RVDOLPH.
 GLAUBERI *Fornac. Philosophic. P. V. pag. 7.*
Annott. in Append. P. V. p. 54. ANONYMI
Fegfeuer der Chymisten pag. B. 4sq. VALENT.
 WEIGELII *Tr. de Igne & Azotb, in Keren*
Happuch p. 75 sqq. 80. 82; SS. Trinitas, cu-
ius imaginem esse Lapidem Philosophorum,
 delirantes quidam Alchymistae conten-
 dunt, comprobante, praeter alios, BASIL.
 VALENTINO *Tr. de Sulph. Vi&tr. & Magne-*
te p. m. 60sq., & alia, quae, e solo divino
 codice cognoscenda, artis Alchymisticae
 beneficio intelligi posse, perhibentur. Sic
 e. c. PET. IO. FABER *in der hell-scheinen-*
den Sonne am Alchymistischen Firmament, exa-
minatam Quaestionem: Warum der Stein
der Weisen dreyfach und einfach sey, oder ge-
nennet werde? p. 61. his in oracula divi-
 niora iniuriis concludit verbis: *Schliessen*
wir demnach hieraus, dass der Stein der Wei-
sen dreyfach, und doch ein einiges Wesen seye,
auch solcher Gestalten die Gottheit, als welche
ebenfalls ein Dreyeiniges Wesen ist, vorstellig
make, oder abbilde. En! quo procedat te-
 meri-

meritatis imaginaria Alchymistarum sapientia.

§. IV.

Operae vix erit pretium meminisse libri *de Chrysopoeia*, qui ADAMO adscribitur. Quis enim non videt, ad ineptias & nugas redire omnia, quae hic serio proferuntur. Commemorant citatum librum IO. ALBERT. FABRICIUS 3), IO. ANDR. SCHMIDIUS 4), PAUL. CHRISTIAN. HILSCHERVS 5), MARTINVS DELRIO 6), sed ita, vt fictas aliorum modo referant fabulas, ipsi neutiquam probent. Non audet etiam certo affirmare, haud leviter tamen coniicit, auctor libri, *Fegfeuer der Chymisten*, pag. A. 3. scribens: *Es gibt starcke Muthmassung, dass die Erkänntnis der Scheide - Kunst von ADAM an zu rechnen sey.* Credat Iudaeus Apella! Cum libro hoc, quem ADAMO nugivenduli quidam attribuere ausi sunt, comparandus utique est *Liber Alchymisticus MARIAE* (Mirjam), sororis Moysis, quem a genuinis non distinxit in Bibliotheca sua Chronologica 7) IO. IAC. FRISIUS, iure idcirco a PETR. LAMBECIO 8) notatus.

§. V.

3) Cod. Pseudepigr. V. T. Vol. I. p. 32 sq.

4) Pseudo-Vet. Testament. p. 13.

5) Biblioth. Adam. p. 29.

6) Disquisit. Magic. Lib. I. c. 5. p. 58 sq.

7) P. I. pag. 4.

8) Prodr. Hist. Liter. Praef. p. 2. Add. FABRICIUS loc. cit. p. 869 sq.

§ V.

Moses e sic dictorum Adeptorum numero excludetur, etsi *HORLACHERVS* loc. cit. p. 4. scribat: *Die im ersten Capitel Mosıs beschriebene Schöpfung ist gleichsam ein Spiegel des Philosophischen Wercks, oder Steins der Weisen.* *HENR. KHVNRATHVS*, ob varia Biblica, ad Alchymiam & Chrysopoeiam absurdissime tracta, iure meritoque notandus, in *Amphitheatro Sapientiae aeternae* (Hanov. 1609. fol.) p. 193: *Lapis Philosophorum est אלהים רוח*, qui incubabat aquis Gen. 1., catholicus, triunus, &c. Perversa & coacta Gen. 1. 2. interpretatio, quae reperitur in eiusdem *HORLACHERI Annotationibus ad PET. 10. FABRI Solem Alchymisticum* pag. 12 sq, nec non *HENR. MADATHANI Aureo Speculo Redivivo* p. 85, improbabitur; aequae ac *Χημειντική Σύληαξις*, Mosi supposita 9), reiicietur. *AEGIDIUM GVTMANNVM* in libro tam nefando & titulo, quo conspicuus est, plane indigno 10), quam

9) Conf. *SAM. BOCHARTVS Phaleg. Lib. IV. c. 1.* *FABRICIVS l. c. pag. 869 sq.*

10) *CHRISTIAN. SIGISM. WOLFIVS Vifiolog. Chiliaft. p. 9: AEGIDII GVTMANNI Buch, Offenbahrung Göttlicher Majestät tituliret, hat mit seinem speciösen titul manchen ums Geldt gebracht und betrogen, manche unschuldige Seele verführet.*

quam raro 11), *Offenbarung Göttlicher Majestät*, turpiter etiam Geneseos initio ad fallacias, quae iactata Lapidis Philosophici inventionem & possessionem aguntur, vsum esse 12), ostendetur. *Vrim & Thummim*, Exod. XXVIII. 30. perperam pro Chrysopoeia in *ANONYMI Fegfeuer der Chymisten pag. A. 5* adduci, observabitur. E combusto & in pulverem redacto Vitulo aureo, Exod. XXXII. 20, Mosen fuisse Alchymistam, iudicant *HORLACHERVS Biblioth. Manget. p. 20 sq. ANONYMVS im Fegfeuer der Chymisten. pag. A 3 sq. MADATHANVS loc. cit.* Sed quod minus recte iudicent, & ex ipso hoc facto refutari possint Alchymistae, evince-

11) SAM. ENGEL in *Biblioth. Selectiss. (Bern. 1743. 8.) P. II. pag. 31.* de prima huius libri editione, Hanov. 1619. 4. evulgata, annotavit sequentia: *Editio rarissima Libri adeo rari, ut, teste Struvio, in Belgio iam pro 100 Ioachimicis divendita, imo Principi cuidam, non nisi prius numeratis mille florenis, Exemplar ad illud describendum traditum fuerit.*

12) Nonnulla huc spectantia habet diligens malae Praefationis malo libro, Amsterd. & Francof., si titulus non mentitur, 1675. 4. recuso, praefixae, *examinator, D. SAM. POMARIUS*, Praeful quondam Lubecensis laudatissimus, in *Lehr- und Schutz-Schrift wider den Guttmannischen Offenbahrungs-Patron P. I. p. 377 sqq.* ubi e fraudibus etiam huius Alchymistarum fautoris ostenditur, quod is, nominis sui oblitus, se *bonum virum* nequitiam praestiterit,

vincetur. In modum etiam, quo Exod. XXII. 24 AARON confectum esse dicit Vitulum, inquiretur. Mosen porro, omnem licet Aegyptiorum sapientiam edoctum, Aët. VII. 22, non fuisse tamen Alchymistam, auri conficiendi studiosum, adversus *HORLACHERVM Biblioth. Manget. p. 22 sq.* affirmabitur, & quo loco habenda sit HENR. JAC. van BASHUYSEN *Dissertatio, Mosen, qua enutritum omni Aegyptiorum Sapientia, non coecum esse eorundem in cultu V. T. ceremoniali imitatore, sed Regni Aegyptiaci Candidatum, ad Aët. VII. 22. edisserens* (Servest. 1718. 4.) disquiretur.

§. VI.

In IOBO tam multa se deprehendisse, gloriantur Alchymistae, ut hunc potissimum sibi artis socium gratulentur. *Aus Hiobs Buch*, ita in *ANONYMI Fegfeuer der Chymisten pag. A. 4. b.* diserte legitur, *ist vortrefflich viel zu nehmen.* Imo vero huius Liberi, Divitiae, & alia ad ipsum pertinentia, arti Alchymisticae debent inservire. Vnde etiam librorum Alchymisticorum haud postremus, 1702. 8. evulgatus, *Keren Happuch, Posaunen Eliae des Künstlers*, inscribitur. Sed legitima rerum Iobaearum consideratio docebit, quod Alchymistae ad easdem audacter provocantes & fallant in-

incautos atque imprudentes Lectores, & ipsi fallantur.

§. VII.

DAVIDEM Psalm. XII. 7. Alchymistica proferre, contra *HORLACHERVM Biblioth. Manget. p. 2. 21. negatur. Inepte formata in ANONYMI Fegfeuer der Chymisten pag. A 3 b. ex 1. Chron. XXX. 23. conclusio reii- citur. Examinatur 1. Chron. XXII. inter- pretatio, quae in Keren Happuch p. 37 sqq. extat.*

§. VIII.

SALOMONI inter Adeptos & Lapidis Philosophorum possessores illustris locus assignatur. Sed falsa esse omnia, quae hoc consilio afferuntur, docetur. Male ad in- sipientem Alchymistarum sapientiam ac simulatam eorum pietatem trahi dictum Salomoneum Prov. IX. 10: Timor Domi- ni initium sapientiae, contra *HORLACHE- RVM Biblioth. Manget. p. 60. ostenditur, & ipsorum fraudibus, avaritia, simulationi- bus, demonstratur. Quae Prov. X. 22. de benedictione Domini sine molesto labore ditante praedicantur, ea aequae incongrue ab HORLACHERO in Annotatt. ad FABRI Sol. Alchymist. p. 37. ad Lapidem Philoso- phorum applicantur, Haereditario SALO- MONEM*

MONEM iure possedisse Lapidem, ex I. Chron. XXX. in *ANONYMI Fegf. der Chymist. p. A. 4.* perperam asseritur. Quod praeparare eum potuerit *ibid. p. A 4sq.* confidenter quidem his verbis: *dass er den Stein auch selbst zu bereiten gewust, ist aus dem Hoben Liede so gewiss und handgreiflich, dass ihm auch kein Vernünftiger widersprechen kan,* dicitur, sed non probatur. Quae citatus Anonymus breviter proposuit, ea copiosius dare voluit *MADATHANVS loc. cit. p. 74 sqq.* copiosissime autem scriptor libri, qui inter codices MSS tos chartaceos formae quartae in Bibliotheca rarissimis instructa libris RAYMUNDI de KRAFFT, illustris Reipublicae Ulmenensis Consulis, reperitur. Debeo huius rei notitiam viro de bonis literis longe meritissimo, IO. GEORG. SCHELHORNIO, in cuius amoenissimarum Amoenitatum Literariarum: T. III. p. 107. leguntur sequentia: *Canticum Canticorum philosophice explicatum per IO. LUDOVICUM HEINZEL a DEGERNSTEIN. Germanice. Lapidem philosophicum in Cantico laudatum & descriptum invenisse sibi visus est auctor.* Haec cum legissem, rogabam per literas Virum mihi amicissimum, cui usum Bibliothecae Krafftianae concessum esse, noveram, vellet, si haud invito Sueviae Peirescio fieri posset, excerpta quaedam e memorato codice mecum communicare. Quid humanissimus

nissimus SCHELHORNIVS? Is, pro insigni, quo me dudum complexus est, favore, non excerpta, sed totius libri apographum mihi trans mittebat, quam benevolentiam gratissimus iure praedico. Est igitur in manibus meis, quod mihi sanctissimum Canticum a strophis Alchymisticis vindicandi praebet occasionem; quod perversitatis & audaciae Heinzelianae examen si absolvere mihi licuerit, luculenter apparebit, quam male divinus liber ab Alchymista fuerit tractatus.

S. IX.

Dictum Est LIV. II. in *ANONYMI Fegfeuer der Chymisten* pag. A 3 b. sq. eo productum consilio, ut ESAIAS inter Adeptos locum inveniat, vindicatur. Expenduntur plura citati capitis Esaiani commata, quae in *LEONH. RHODII Gnaden-Geschenck* quam copiose, tam incongrue & coacte, in gratiam Chrysopoeiae Alchymisticae, explicantur, aut potius pervertuntur. Exhibet illa *Keren Happuch* p. 4-23. Quod EZECHIEL, DANIEL, ZACHARIAS, MICHA, fuerint etiam Alchymistae, in *ANONYMI Fegfeuer der Chymisten* pag. A 5, sine vlla addita probatione, asseritur. Caput III MALACHIAE in *Keren Happuch* p. 24-36. adversus

D

sus

Bibl. Nov. Lub. Vol. IV.

sus RHODIVM, Chrysopoeiam in eo investigantem, vindicari omnino meretur.

§. X.

ESRA, haec in *ANONYMI Fegf. der Chym. p. A. 5.* occurrunt verba, *bezeuget in seinem 4ten Buch, dass er nicht unwissend in der Scheide-Kunst gewesen.* Hoc si etiam esset verum, nihil tamen iuvabit Alchymistas ad S. Codicem receptum habentes liber apocryphus, in quo plura falsa reperiuntur.

§. XI.

An Sal Matth. V. 13. Marc. IX. 49. 50. commemoratum Alchymistarum patrono, *HORLACHERO Biblioth. Manget. p. 28.* vlllo possit modo inservire? E multiplicatione frugum, quam refert Salvator O. M. Matth. XIII. 8, ab eodem *HORLACHERO in Praef. F A B R I Soli praemiss. pag.)()(8sq.*, metallorum ope artis Alchymisticae multiplicationem irritò conatu deduci, observatur. Effatum Salvatoris, quo in duorum, aut trium testium ore veritatem consistere, Matth. XVIII. 16. Io. VIII. 17, pronuntiat, intempestive ad demonstrandam artis Alchymisticae veritatem, multo pluribus, si fabula vera est, testimoniis gaudentem, ab *HORLACHERO loc. cit. p.)()(7. usurpatum,*

tum, explanatur, &, quantum fidei tribuendum sit testimoniis, pro Lapide Philosophorum corrasis, edisseritur. An Nicodemus exemplum, e Io. III. 10. 12. ab *HORLACHERO Praef. Sol. pag.*)()()(5. citatum, ad excusandam Alchymistarum inscitiam valeat? quaeritur.

§. XII.

Offenditur porro, quod a *PAULO* scripta de fermento i. Corinth. V. 6, Fermenti Alchymistici, a *FABRO* loc. cit. p. 99 sqq. fuse descripti, causa, inepte vocentur in subsidium. Vtrum thesauri Aegypti, Hebr. XI. 26. memorati, innuant, quod putat *HORLACHERVS Bibliothec. Manget. p. 13sq. 20sq. 25sq.*, Aegyptios habuisse Lapidem Philosophorum? Quae ad citatum locum habet *OL. BORRICHIVS* in *Lib. de Hermetis, Aegyptiorum & Chemicorum Sapientia* p. 65, expendi merentur. Audacia, qua contradicunt *PETRO*, quem diserte nominare, non verentur, Aurum i. Ep. I. 7 dicenti *Φαγρὸν*, Alchymistae, quibuscum consentit *HORLACHERVS* loc. cit. p. 1 sq, notatur, laudaturque *BORRICHIVS*, Alchymistis alias favens, hac autem in re loc. cit. p. 304. 410. iis contradicens. Ex Apocalypsi in usus suos convertere, sed perquam insulse, student varia Alchymistae, & si-

gillatim *HORLACHERVS*, e. g. civitatem e puro auro, similem puro vitro, Apoc. XXI. 18, *Praef. Sol. pag.*)()(8 b: Cryſtallum, Apocal. XXII. 1. memoratum, *ibid. p.*)()()(, & rel.

§. XIII.

Est inter libros meos primae magnitudinis codex, manu Morhofiana, quae pretium ipsi facile conciliat, exaratus, hocque insignitus titulo: *Auctores Graeci περί ΧΡΥΣΟΠΟΙΙΑΣ*, e Codice MST. Bibliothecae Ducalis Altenburgensis manu D. G. MORHOFFII descripti. Additae sunt Emendationes & Notae, quas margini Codicis Altenburgensis adiecit THOMAS REINESIVS. Praemissa eiusdem Praefatiuncula & Dissertatio Germanica de his Auctoribus. Horum indicem cum alio loco 13) dederim, hic eum non repetito. Brevitatis studio generatim tantum observo, quod in illis reperiantur etiam Philosophi Christianam religionem professi, qui itidem habent Biblica nonnulla, quae sub examen vocari merentur. De ZOSIMO in praemissa Dissertatione annotat REINESIVS, dass, ob er wol, wie aus seinem Büchlein ad Theosebiam zu sehen, von Erschaffung des Menschen, von der Menschwerdung und vom Leiden des Sohnes Gottes

211

13) Miscellan. P. II. p. 313.

zu reden gewußt, so hat er doch die alten Aegyptischen Fabeln und Platonicas speculationes, außm Pimandro Trismegisti genommen, daran geschmiert, und das hohe Geheimniß auff die elende Kunst, das Prophetische Gesicht Ezech. 37. von denen verdorren und zerstreuten Todten Gebeinen auff sein scriptum von denen Chymischen Ofen, wie auch andere Artisten das hohe Lied Salomonis, und mehr textus Scripturae, auff die Chrysopoeiam gedeutet.

§. XIV.

Adsunt plures Alchymistae S. Scriptura abusi, quos in collectionibus scriptorum Alchymisticorum, Museo Hermetico (Francof. 1678. 4.); Turba Philosophorum (Latine Basil. 1610. 8. Germanice ibid. 1653. 8.); GUILIELMI MENNENS Aureo Vellere (Antv. 1604. 4); HENR. VOGELII Offenbarung der Geheymnussen der Alchimy (Strasb. 1605. 4), & aliis huius generis scriptis licebit offendere. Maximo scriptores Alchymistici antiquiores, & in his etiam perversi Bibliorum vsurpatores, numero consignati sunt a PETRO BORELLO in Bibliotheca Chimica, vbi viri etiam sancti, ABEL, MOSES, AARON, DAVID, SALOMON, & plures, inter scriptores Alchymisticos, falsissime licet iisdem annumerati, ordine alphabetico collocati reperiuntur. Vtrum

10. IOACH. BECHERVS propter nonnulla, quae in *Natur-Kündigung der Metallen* p. 214. 239 scripsit, ad Alchymistas Scriptura S. abusus queat referri? & an ad eosdem *Rosaecruciani*, magni Lapidis Philosophici, quem se possidere, iactabant, praecones, pertineant? disquiri poterit.

§. XV.

Sciagraphiam hanc, eandemque nondum, quod sponte largior, plenam, vnico obsignare licebit dicto Biblico, contra Alchymistas vindicando, quod alibi 14) paucis tetigi, hic vberiori expositione declarabo. Notum vero est, quod plerique (de omnibus id non ausim affirmare, cum, vel ipsa teste experientia, viros etiam nonnullos eruditos, sed amore habendi & ditescendi occoecatos, ea ceperit dementia, ut Vulcani filiis sese adiungere, nulli dubitarint) Alchymistae sint homines rudes, linguarum, antiquitatis & reliquorum subsidiorum hermeneuticorum plane imperiti, ideoque ad legitime interpretandas sanctiores literas aequè apti, ac asinus ad lyram. Hos ignorantia fascinavit adeo, ut, illotis ad divini codicis loca explananda manibus accedentes, non mira tantum & insulsa, sed

14) Stromat. Lutheran. p. 11 sq.

sed impia etiam ac profana effutiendi occasionem intempestive arripuerint, hac ratione artis suae dignitatem & laudem demonstrari posse, perquam stolide opinati. Eiusmodi ignorantiae fratrem, misso illo, quem Io. CHRISTOPH. WOLFIVS 15) e GREGOR. MICHAELIS Notis ad IAC. GAFFARELLI *Curiositates inauditas* citat, verba *Apoc. II. 17*: ΔΩΣΩ ΑΥΤΩ ΨΗΦΟΝ ΛΕΥΚΗΝ, male interpretatum, producemus 16), quem Io. MICH. DILHERRVS 17) sistit, sicque describit: “Incidi nuper, in familiari collo.”

D 4

quo,”

15) Cur. Vol. IV. p. 465.

16) Alchymistas, dicto nostro Apocalypico abusus, notavit iam beatus frater meus, ERICVS GOTTLIEB a SEELEN, in Disputatione Philologica de Lapide Angulari ad Psalm. CXVIII. 22. (Brem. 1707. 4) pag. 6, cuius verba, cum plura habeant huc spectantia, iuvat sistere: “Quod ad lapidem Philosophorum attinet, cuius materiam alii lapideam esse volunt, alii terream, alii igneam, aëream, plurimi aqueam, quem Deum promississe volunt in sacris Apoc. II. 17. δώσω αὐτῷ Ψῆφον λευκὴν. Ps. CXXVI. *Qui seminat in lacrymis, in exultatione metet*, scilicet inveniet is lapidem Philosophorum, & insigni auri copia ditescet; quo etiam Apostoli verba trahuntur 2. Cor. IV. 17; releganda ad deliramenta sopiendis infantibus idonea, iudicat cum Guilhelm. Saldeno *Ot. Theolog. p. 182. B. Matthias Zimmermannus in Florileg. Philolog. Histor.*”

17) Farrag. Rit. sacror. & saecular. Lib. III. cap. 21. p. m. 298 sqq. ap. THOM. CRENIVM Fascic. VIII. Opusc.

„quio, in hominem, qui, nulla quidem
 „excultus Philosophia, nec linguae etiam
 „vllius, nisi Germanicae, & vix eius qui-
 „dem recte gnarus, Lapidem Philosophiae,
 „multo fudore, & impensis non vulgari-
 „bus, se invenisse, gloriabatur. Cumque
 „animadverteret, me non parum mirari:
 „quid miraris? aiebat. *Deus nobis Lapidem*
 „*Philosophiae promisit, in sacris Bibliis, vt*
 „*noſti. Ego vero non novi, dico. Ille:*
 „*Tune vero non melius in Scripturis ver-*
 „*fatus es? Iterum fatebar, me nescire.*
 „*Tum ille poſcebat Biblia, meam mihi*
 „*ignorantiam demonſtraturus. Evolvit*
 „*caput Apocalypſeos ſecundum, & legit*
 „*vsque ad verſiculum decimum ſeptimum,*
 „*qui in verſione Lutheri ita habet: Wer*
 „*Obren hat, der höre, was der Geiſt den Ge-*
 „*meinen ſagt: Wer überwindet, dem will ich*
 „*zu eſſen geben von dem verborgenen Manna,*
 „*und wil ihm geben ein gut Zeugniß, und mit*
 „*dem Zeugniß einen neuen Namen geſchrie-*
 „*ben, welchen niemand kennet, denn der ihn*
 „*empfähet. Accuſabat vero Lutherum, quod*
 „*perperam verterit: wil ihm geben ein gut*
 „*Zeugnis. Vertere debuiſſe: wil ihm geben*
 „*einen Weiſen Stein, quomodo verſum ſit*
 „*in Bibliis Helvetorum. Non acquieſce-*
 „*mus in Verſionibus, aio. Adfertur tex-*
 „*tus Graecus, vbi haec videmus verba:*
 „*δώσω αὐτῷ ψῆφον λευκὴν, ad verbum: da-*
 „bo

„bo ipſi calculum album. Ipſi ita Germa-
 „nice expono, & addo: non invenies apud
 „tuos Helvetos: *einen Weiſen Stein*, ſed:
 „*einen Weiſſen Stein*. Nec Lutherus male,
 „ſed optime vertit: *ein gut Zeugnis*, ad ſen-
 „ſum, non ad ſonum verborum reſpiciens,
 „quod facile mihi concederes, ſi rituum
 „Antiquitatis non ignarus eſſes. Nam
 „ſicut in iudiciis utebantur calculis ſolidis,
 „aut perforatis, albis & atris; vt ſolidis &
 „albis abſolutionem, perforatis & atris con-
 „demnationem teſtarentur: ita DEVS in
 „mediis haereſibus tutos ſuos praeſtat, &
 „veluti calculo ſolido & albo dato, abſol-
 „vit eos, in conſcientiis ipſorum. Deinde,
 „ſicut nomen eius, cui, in Comitiorum
 „ſuffragiis, favebatur, in calculo ſcribeba-
 „tur: ita hic CHRISTVS promittit, ſe no-
 „vum nomen ſcripturum in calculo albo.
 „Dicitur nomen novum, quod mundo,
 „temporibus graſſantis Anti-Chriſti, eſſet
 „ignotum; ac proinde novum foret iis,
 „qui nomine illo divinitus inſigniebantur,
 „h. e. in cordibus ſuis certi fiebant, ſe eſſe
 „filios DEI, in CHRISTO.“ Quam male
 interpretantem Alchymiſtam, tam bene iu-
 dicantem DILHERRVM hic deprehendi-
 mus. Albus enim calculus non ex Alchy-
 mia, ſed ex Antiquitate eſt declarandus, vt
 recte intelligatur, quid in emphatica hac
 loquendi ratione ſit reconditum. Eo col-

lineant explicationes, tum praecipuorum in Apocalypsin commentatorum, MATTHIAE HOE, IO. CLVERI, CAMP. VITRINGAE, HENR. GROENEWEGEN, & plurium; tum variorum, a WOLFIO 18) copiose adductorum, qui antiquorum rituum ope ψῆφον λευκὴν egregie illustrarunt adeo, ut vix supersint, quae addiqueant. Dabimus tamen operam, ut, in gratiam praesertim Alchymistarum, spicilegium faciamus post messem, luculentissimamque effati Apocalyplici praebeamus interpretationem, quam is etiam valeat capere, qui non est plane stipes, truncus, & lapidi, i. e. stupido, omnino similis, & tam obtusae mentis, tamque destitutus omni ingenii acie, ut, quid sibi velit lapis, aut calculus albus, nullo possit modo perspicere. Meditatus autem verba Apocalypctica, trium rationem habendam esse, animadverti; datoris scilicet: illius, cui is aliquid pollicetur: doni, quod promittit. *Datorem* esse CHRISTVM ipsum, tam certum, quam indubitatum est, quod in antecedentibus persona loquens de se profert ea, quae in neminem, nisi Salvatorem O. M., possunt quadrare. Sic comm. 7. dicit: Τῷ νικῶντι δώσω αὐτῷ φαγεῖν ἐκ τοῦ ξύλου τῆς ζωῆς, ὃ ἐστὶν ἐν μέσῳ τοῦ παραδείσου τοῦ Θεοῦ. comm. 8.: Τὰδε λέγει ὁ πρῶτος

18) loc. cit, p. 464.

πρῶτος καὶ ὁ ἔσχατος, ὃς ἐγένετο νεκρὸς καὶ
 ἐζήσεν. comm. 10: γίνε πιστὸς ἄχρι θανάτου,
 καὶ δώσω σοι τὸν στέφανον τῆς ζωῆς. Isthæc
 vero, & plura, Angelis ecclesiarum, E-
 phesinae, Smyrnenfis, dicta, Sospitato-
 rem generis humani luculentissime demon-
 strant, siquidem ea, quae promittit, ita
 sunt comparata, ut a nemine, nisi illo,
 queant proficisci. Haec non sunt corpora-
 lia, sed spiritualia: non terrestria, sed coe-
 lestia: non vitam inter mortales laute transi-
 gendam & commode, sed vitam inter coe-
 lites beatissime agendam respiciunt. His
 quomodo accensendus sit, si is in rerum
 humanarum datur universitate, Lapis Phi-
 losophorum, cernere non licet. Absurdus
 sane, imo absurdissimus, foret Alchymista,
 qui spiritualia inter & coelestia bona eum
 numeraret. Hinc sponte sequitur, quod
 bono temporali nullatenus possit locus con-
 cedi ibi, ubi thesauri non humani, sed
 divini tantum memorantur. Ille, cui ali-
 quid promittitur, Νικῶν, *Vincens*, in ante-
 cedentibus appellatur. Inesse huic voci
 allusionem ad veterum, & Graecorum prae-
 sertim, certamina, in quibus ad obtinen-
 dam tandem victoriam omnis labor exant-
 landus, omnis cura gerenda, omnis cir-
 cumspectio adhibenda, omnis molestia to-
 leranda, tendebat, ut e certamine disce-
 dens victor proposita consequeretur prae-
 mia;

mia; meditationes sunt, quas, cum grano salis institutas, nemo facile, qui novit, quod in Novo Testamento multae sint loquendi rationes a ritibus veterum desumptae, plane improbabat 19). Sed hanc rem in praesenti non tam curo, quam dispicio potius, quis potissimum per Vincentem sit intelligendus? Non desunt, qui genuinum quemvis Christianum, constantem verae religionis confessorem, in fide ad finem usque vitae perseverantem, innui arbitrantur. Eo spectant VITRINGAE 20) verba: “Νικᾶν hic omnino est ὑπομένειν εἰς τέλος, *ad finem usque perseverare in professione & exercitio verae religionis, non obstantibus tentationibus omnis generis, & illecebris mundanis.*” HUGONI GROTIO Νικῶν ad Apoc. II. 7. est, qui *neque inedia, neque incommodis aliis patitur se a Christianismo abduci; ad comm. 17 strenue se opponens Nicolaitis.* Versantem quoque in hac vita fidelem constantemque Christianum, fortiter res suas adversus varios agentem hostes, IOHANNES D’OVTREIN in Diatribe 21) de Phrasi: ὁ ΝΙΚΩΝ, respicit, hocque fine varia ad illum accommodat. At cum

19) Conf. VITRINGAE Anacris, Apocalypf. ad Apoc. II. 7. p. 69 sq.

20) loc. cit.

21) Inserta legitur Biblioth. Brem. Cl. IV. Fascic. IV. p. 605 sqq.

cum aliud sit *bellare*, aliud *vincere*, cumque distinctio inter Ecclesiam in hac vita militantem, in altera triumphantem, idoneo nitatur fundamento, per *Vincentem* hic commodius intelligi *Beatus* poterit. *Victores electi sunt in ecclesia triumphante*, rectissime scribit magni nominis Theologus & felix sacrarum literarum interpres, ABRAHAM. CALOVIVS 22). In mundo est pugna, in coelo victoria. In mundo Iobaea 23) auditur querela: הֲלֹא-צָבָא לְאָנוֹשׁ עַל-אָרֶץ, *nonne militia homini in terra?* In coelo plane definit, ubi Victor omnes suos hostes, quibuscum ipsi fuit antea per totam vitam confligendum, superatos videt prostratosque, victoriam adeptus consummatissimam. Quam itaque, propter adhaerentem ipsi infirmitatem, in hac mortalitate reportare haud potuit victoriam plenam, eam, immortalis factus, consequitur plenissimam, perpetuoque duraturam, Futurum, *δῶσω*, non praesentia, ideoque huius vitae, sed futura, sicque beatae vitae, innuens, expositioni huic adeo non contrariatur, ut ei potius favere, haud incongrue dici queat. *Dona* porro, quae Vincenti pollicetur Sospitator, haud difficulter ad Vincentem, qui in coelo est, cogitationes perducunt. Ex his vero donis,
pro

22) Bibl. illustr. ad Apoc. II. 7.

23) Iob. VII. 1.

pro instituti ratione, vnicum modo breviter, etsi illud multo copiosiori queat commentario materiam suppeditare, expendam. Late autem patet in antiquis monumentis vox $\psi\eta\Phi\sigma$, tam crebro in iisdem, cum epitheto etiam, $\lambdaευκη$, occurrens, vt multis viris eruditis ad locum nostrum Apocalypticum docte commentandi ansam praeberit. Ostendunt hoc isti, quos more suo, i. e. accurate & copiose, WOLFIVS citavit. His si, praeter commentatores, addantur GEORG CRAVSERVS 24), SAL. GLASSIVS 25), ANDR. SCHOTTVS 26), IO. PHIL. PFEIFFERVS 27), IO. MEVRSIVS 28), DESID. ERASMVVS 29), PHIL. PICINELLVS 30), IO. IAC. WETSTENIVS 31), IO. CLERICVS 32), de loquendi ratione, $\psi\eta\Phi\sigma \lambdaευκη$, tam multa reperientur observata, vt abunde suppetant, quae eidem ex antiquitate, qua in solide explicanda hac phrasi nemo poterit carere, rite declarandae queant inservire.

Nobis

24) Phosphor. p. 771 sqq.

25) Philol. Sacr. p. m. 1333 sq.

26) Adag. Graec. p. 229. 290. 472.

27) Antiquit. Graec. p. 268 sq.

28) Arcopag. p. 53 sqq.

29) Adag. p. m. 57.

30) Lumin. Reflex. p. 758.

31) Commentar. in N. T. Tom. II. p. 758 sq.

32) Annotatt. ad HENR. HAMMONDI Nov. Test. p. m. 451.

Nobis praecipua tantum momenta paucis attigisse, & nonnulla modo testimonia, cum plura, quae haec commentatio suis circumscripta limitibus non capit, Lector apud citatos auctores invenire possit, parce adduxisse, sufficiet. Erat vero ψῆφος λευκή olim signum *Victoriae*, quam strenui milites ab hostibus, fortes athletae a commilitonibus, reportaverant; quae victoria ut maiori cum gloria ac laude esset coniuncta, nomina victorum calculis, qui honoris causa illis dari solebant, inscribebantur. Vnde Scholiastes PINDARI, a WETSTENIO etiam adductus, κατὰ τὰ Μέγαρα, scribit, ἔθος ἐστὶ τῶν νικηφόρων τὰ ὀνόματα λίθοις ἐγκολάπτεισθαι. Ex hoc ritu nomen novum, Vincenti dandum, declarat (cuius verba e libro publica olim auctoritate prohibito, adeoque non in omnium manibus versante, iuvat fisterè) HERMANNVS von der HARDT 33), sic commentans: “ *Novum* „nomen calculo inscriptum, pro analogia praemiorum, quae inter multos distribuerentur sorte, quando cuilibet calculo, vel tesserae, aut bacillo, inscriptum nomen praemii, quod esset accepturus. Quo- modo & Caesares sparserunt calculos, talibus donorum nominibus insignitos, ut quisque videret, quid doni accipere deberet.

33) Apocalyps. ex Tenebr. in veter. Iudaeor. Histor. p. 594. in AEnigm. prisc. Orb.

„beret. Pari modo & hic beatis 'donatum
 „iri, ait auctor, nomine Christi, in pro-
 „fopopoeia, novum nomen praeclarum,
 „calculo velut inscriptum, quod est nomen
 „*Regis & Iudicis*, exemplo Christi & cum
 „Christo, post victoriam de hostibus de-
 „bellatis. Vti in Christo nomen *Regis Re-*
 „*gum & Domini Dominorum*, Apoc. XIX. 12.
 „13. 14. 15. 16, ita in martyribus illud
 „*Regis* post pugnam & victoriam insigne;
 „vti diserte circumscribitur mox in altera
 „admonitione ad Thyatirenses, v. 26. 27.
 „28. & ad Laodicenses, cap. III. 21. *Quod*
 „*nomen* (martyri illi, beato, datum, calculo
 „velut, praemii loco, inscriptum, sive illi
 „destinatum & consecratum, nempe *Regis*,
 „cum Christo regnantis) *nemo novit*, (pro
 „analogia calculorum civilium, in quibus
 „praemia scripta, quae nemo novit, nisi
 „qui calculum accipit, & cui ille monstra-
 „re velit. *Nosse* hic idem ac impetrare,
 „accipere, & illo gaudere; quae est noti-
 „tia cum affectu, sive ipse vsus fructus,
 „vel possessio, fruitio,) *nisi qui accipit*. (ta-
 „lem calculum cum illo nomine, vti in
 „civilibus fortibus, ita in his spiritualibus
 „donis divinis. Ille declarandus *Rex*, cum
 „Christo, qui hostes, quibuscum fuit cer-
 „tandum, Iudaeorum odia & insidias, cum
 „Magistratum exterorum suppliciis, vicerit;
 „qui in fide & persecutione constans man-
 „ferit,

„ferit, Regis caractere & victoris nomine
ornandus; quo nemo beandus, nisi qui
vicerit).“ Fundamentum huius ritus,
quo Victoris nomen calculo inscri-
ptum, in ipsis sacris literis se invenisse,
arbitratur IAC. LYDIVS 34), diserte
scribens: *Alludi puto ad loca Deut. XXVII,*
2. 3, ubi mentio lapidum calce illitorum, ut
illis aliquid inscriberetur. Et Es. LXII. 2. 3,
ubi dicitur: Indetur tibi nomen novum, quod
deus lehorae praefixerit. Cui istud plane dif-
ferens a ritu gentium, adeoque huius ori-
go iusto longius forsan petita, videbitur,
ei diiudicandam propono meditationem a
PICINELLO 35) ad verba Apocalyptica hoc
institutam modo: Lapillus candidus promitti-
tur ei in praemium & compensationem, qui vi-
riliter dimicaverit contra carnem, mundum,
&c., vel, quod DEVS, veluti iudex huius
certaminis, sit concursurus ad exaltationem
victoris, dando ei signum candidum, symbolum
felicitatis; vel, quod victor recepturus sit can-
didum illum lapillum, signatum peculiaribus
characteribus, tanquam autentico sui valoris
& suae victoriae. Vfus lapillorum, aut
calculorum, in iudiciis prisco erat aevo fre-
quentissimus, siquidem calculi, vel albi,
vel atrii coniciebantur in urnas, eo fine,

E

VE

34) Agonistic. Sacr. p. 158.

35) loc. cit.

vt illi absolutionis & innocentiae, hi culpa
ac condemnationis praeberent testimonium.
Notissimi, simulque luculentissimi, sunt
versus OVIDII, e Metamorph. Lib. XV, a
compluribus, imo tantum non omnibus,
interpretibus, explanatoribus, antiquariis,
producti:

*Mos erat antiquis, niveis atrisque lapillis,
His damnare reos, illis absolvere culpa.*

Quem ritum non respexit tantum HARD-
TIUS, citato scribens loco: "Eiusdem be-
„atitudinis symbolum ac salutis imago est
„calculus albus, pro analogia calculi albi in
„foro civili, quo absolvatur & liber decla-
„retur homo, sicut calculo nigro quis
„damnabatur;" sed magnus etiam noster
LUTHERUS, ψῆφον λευκὴν elegantissime,
vti supra etiam contra ineptum Alchymi-
stam recte monuit DILHERRUS, per gut
Zeugnis interpretatus. Bonum scilicet,
imo optimum, Vincenti, sive Beato, da-
tur testimonium, quando is coram iudicio
divino absolvitur & a condemnatione liber
pronuntiatur. Conferamus vero aliorum
versiones, e. g. Socinianorum, quorum
Versio N. T. 1630 lucem aspexit, eosdem-
que secuti IEREM. FELBINGERI, nec
non IO. PISCATORIS: ein weisses Stein-
lein; IO. HENR. REITZII: ein weisses
(wabl) steinlein; CASP. HENR. TRILLERI:
einen

einen weissen Edelstein ; CASP. VLENBERGII: einen weissen Stein, ne afferam plures, & vnamquamque paulo accuratius perlustremus, nonne, omni auctoritatis praeiudicio deposito, fatendum erit, quod nemo, quam LVTHERVUS, luculentius, nemo pro captu lectorum, rudium praesertim & antiquitatis ignarorum, melius, nemo ad intelligendum id, quod in phrasi ritus veteres sapiente latet, eademque exprimitur, aptius fuerit interpretatus? Pudeat ergo stolidum Alchymistam, censere ausum LVTHERI Versionem, quae huc usque omnibus reliquis palmam praeripuit, semper haud dubie praereptura. Calculi olim quoque in *electione*, & Magistratum praesertim, erat usus. Docent hoc ψηφοφορία, teste PLUTARCHO 36) prisca aetate adhibitae, cum Magistratus essent creandi. Atque haec sine dubio causa, cur ψῆφον λευκήν Biblia Belgica *eenen witten Keursteen*, GROENEWEGENIUS in Commentario ad h.l. *einen weissen Kührstein*, reddiderint. Alias veterum ceremonias, calculis, albis aequae ac atris, institutas, facile possum praeterire, cum praecipuos ritus iisdem peractos adduxerim. Eligat e cunctis interpretationibus, quamcunque voluerit, Alchymista, & si vel gutta ingenii ac iudicii eidem super-

E 2

fuerit,

36) Paedagog, c. 17. p. III, 150, edit. Heusinger.

fuerit, in cunctis explicationibus, quarum aliquae coniungi possunt, nec male etiam a nonnullis sunt coniunctae, inveniet aliquid, quod, scite ac prudenter adhibitum, in Coelitem, de quo agit praecipue locus Apocalypcticus, quadret; plane nihil vero, quod, Lapidem Philosophorum hic promissum, hic indagandum esse, suadeat. Sed Lapidis tamen fit mentio. E. est lapis Philosophorum. Lapis vocatur albus. E. de praestantissimo Philosophorum Lapide potest, imo debet, intelligi. *Album* exponitur per *sapiens*. E. albus paries potest sapiens dici. Quis ita ratiocinatus, quis ita, ut rectius dicam, nugatus, quis tam audacter Donato contradicere ausus est? Pueri sane, qui discere primum incipiunt Graecam linguam, norunt, quod λευκή nunquam denotet sapientem. Et Alchymista, qui singularem prae se ferre vult sapientiam, id nescit. En fratrem ignorantiae in Verveum patria natum! En sacrarum literarum interpretem ad Garamantas relegandum! En Logicum, qui facillime potest aliquem excitare, ut, ad exemplum celeberrimi Theologi, Io. FRID. MAYERI, cuius Logica Pontificiorum ἄλογος nota est, *Logicam Alchymistarum ἄλογον* conscribat. Esto autem, quod eiusmodi Alchymista sit rudis; erigere se tamen potest eo, quod sit nihilo secius felix, siquidem

dem *felicitas* quoque albo fuit calculo a veteribus designata. Sic **DIOPENIA-NVS** 37: Λευκή Φῆφος) Ἐπὶ τῶν εὐδαιμόνως βιοούντων. *Albus calculus.*) *De feliciter viventibus.* At enim vero sciat, quod albus calculus de utraque vita, & fausta & infasta, fuerit usurpatus. Sic e. g. Proverbia, e Bibliotheca Vaticana a **SCHOTTO** 38) edita, habent: Λευκή Φῆφος) Ἐπὶ τῶν εὐδαιμόνεσσεον ἢ δυστυχῶς ζώντων. *Albus calculus*) *De his, qui fauste vivunt, aut infaste.* Simili ratione **SVIDAS**, & alii. Imo vero felicitate, quae consistit, ex sententia multorum, avarorum praesertim, quibuscum tamen non omnes consentiunt, in divitiis, gaudere potest Alchymista, si ars, quam iactitat, vera est, certa, firmo fundamento superstructa. Sed hoc quaeritur, haecque lis adhuc sub iudice est, nec unquam forte ad liquidum perducetur. Experientia saltem testatur, quod famosa haec ars e Croesis nonnunquam Iros fecerit. Ipse habui cognatum, vanitate sic fascinatum Alchymistica, ut, spretis omnibus monitis,

E 3

omni-

37) Proverb. Centur. VI. ap. **SCHOTTVM** loc. cit. p. 229. Felicitatis, quae in prospera consistit valetudine, symbolum fuisse ψῆφον, *calculus*, quem ab **AESCVLAPIO** se accepisse, putarunt Pergameni, ex **ARISTIDIS** suspitione annotat **MICH. ROSSALLVS** Observat. ad Apoc. II. 17. in Biblioth. Brem. Cl. III. Fascic. I. p. 102sq.

38) loc. cit. p. 290.


omnibus rationibus, omnibus exemplis, haud parce ei propositis & inculcatis, Lapidem quaerendo Philosophorum, bona, quae copia possidebat haud exigua, dilapidaret omnia, tandemque pauperrimus moreretur ante, quam Lapidem, multis magnisque sumtibus diu quaesitum, invenisset. Quam vana itaque, quamve imaginaria est felicitas, quam sic dicti Adepti se vel iam adeptos, vel adepturos tandem esse, crasso gloriantur mendacio; tam indubitata, tam genuina, tam certo a fidelibus speranda est ea, quam affert Vincentis *ψηφος λευκή*, felicitas, quae a ficta Alchymistarum felicitate toto distat coelo, nec vnquam, nisi a profano & insipiente Alchymista, cum ea comparabitur.

§. XVI.

Nihil itaque praesidii, quo Chrysopoeiam, quam crepat, tueri possit, inveniet Alchymista in loco, quem vidimus, Apocalyptico, aequae ac in aliis factis & dictis Biblicis, quae sibi favere, stulte credit, ea captus coecitate, qua verum a falso, aurum a scoriis, nequit discernere. Vanum proinde, imo vanissimum, merito censetur votum, quo, vt consignetur *Chymia Biblica*, ex mente scilicet & ad palatum Alchymistarum, in *ANONYMI Fegfeuer*
der

der Chymisten p. A. 5. optatur. Huic nemo, qui auctoritatem S. Scripturae fartam cupit tectamque, subscribet, probabit potius DILHERRI iudicium, quo inepto, in quem incidit, Alchymistae & incongruam suam dicti Biblici explicationem, & ingentem, quam prodidit, inscitiam exprobravit, his conceptum verbis 38) : Vide, quam inconcinnas sibi explicationes imaginentur ii, qui, omnibus explicandi praesidiis destituti, Scripturae sibi interpretationem tribuunt ! Qua de causa ego meo ἀσόφῳ Philosopho & Alchymistae dicebam : Bone vir, si tu Lapidem Philosophorum non certius in tuo Furno, quam in meo Libro, invenisti : pro thesauro tibi carbones, vel potius cineres, superabunt. Hoc fato digni sunt Alchymistae omnes, qui in explanandis etiam oraculis divinatoribus & tractandis rebus Biblicis fumum vendere aliis, imperitis praesertim, minime verentur.

38) loc. cit. p. 301.





III.

De

nomine Dei Jehovah

Conjectura,

auctore

A. G. MASCH.

V. D. M. A.

§. I.

Sanctissimum summi Numinis nomen *ἱερωγραφματον*, quod sibi soli vindicat ipse Deus, ^{a)} quod gens Judæorum vel ore proferre, vel prolatum audire, male propter intellectum sacri codicis præceptum ^{b)}, sibi religioni ducit, multas summorum Criticorum curas, lucubrationesque jamdudum expertum est. Nomina illorum, qui de

^{a)} Esaiæ XLII. 8.

^{b)} Exod. VI. 4. unde & epitheta hujus nominis, *ἀνεκφωνήλον, ἀρρηλον, ἀφραστον, ἀλεκλον, ἀφθεγκλον, ἀπορρηλον, ρηθηναι μη δυναμενον*, originem traxisse videntur: nisi forte exinde mavis, quod graeci hoc nomen exscribere non potuerint, adeoque nonnulli *Πιπι* legerint, litteras *Π* pro graecorum *Π* habentes.

de hoc nomine commentati sunt, hic recensere & nimis longum, & superfluum foret. Cl. enim SIMONIVS, c) apud Halenses Professor, amplum eorum condidit catalogum. Quæ vero ab eruditis viris disputata sunt, vel vocis derivationem, vel lectionem, vel significatum spectant.

§. II.

Ultimum quod attinet, nomen Dei esse
essentiale soli Deo proprium, omnes, pau-
cis exceptis, *d)* concedunt. Primario ita-
que ens necessario existens, facultate aliis
extra se entibus existentiam aut actualita-
tem largiendi gaudens, cujus essentia ipsam
involvit existentiam; secundario ens im-
mutabile, æternum & omnipotens deno-
tat, quam interpretationem ipse Spiritus s.
sugerit *e)*.

§. III.

De genuina pronuntiatione & lectione
vocis quæstio celebris diu multumque in-
ter eruditos exagitata est. Dissertationes
E 5 decem

- c) Onomast. V. T. p. 316.
d) Adversarios puto religionis nostræ sanctissimæ, qui errorum patrociniū in assertione, etiam angelis, quatenus munere legati Dei fungantur, hoc nomen tribui, quærunt.
e) Apoc. I. 4.

decem, quæ reliquis palmam præcipere vi-
sæ sunt, collegit ediditque **RELANDVS f)**.
In duas plerumque abeunt eruditi partes;
alii puncta litteras animantia esse genuina,
alii aliunde & quidem a voce נִרְנָה mutuo
esse sumta contendunt. Quæ in utramque
partem disputata sunt, nimis nota sunt,
quam quæ hic recoquenda essent. Cum
vero, me iis assentiri, qui puncta vocalia
pro genuinis & nativis habent, non infi-
cias eam; argumentum ex ipsa vocis deri-
vatione atque linguæ sanctæ natura & in-
dole, quo idem evincatur, proferre satius
erit.

§. IV.

Sunt, qui omnes lites, quæ circa deri-
vationem vocis יְהוָה oriri possent, facilli-
mo negotio dirimunt. Statuunt radicem
היה vel הוה; addunt (י) characteristicum
futuri; e participio vel præsentis desumunt
(י) characteristicum præsentis temporis;
subscribunt (ר) characteristicum præteriti,
atque ita hoc nomen construunt. Mirus
fane ingenii lusus! Quid fundamenti ha-
bet? Audiamus defensores magni nominis
viros.

f) Decas Exercitat. de pronunciatione nominis
Jehovah Ultraj 1707. 8. continet **DRVSII**,
AMAMÆ, **CAPPELLI**, **BVXTORFII** &
ALTINGII, nec non **FVLLERI**, **GATAKERI**
& tres **LEVSDENII**.

viros. 1.) Nomen entis singularis, singulari modo esse formandum censent. Sed & hoc multa probatione indigere mihi quidem videtur. Ens singulare sibi proprium & peculiare habeat nomen, concedo: sed hoc nomen penitus anomalon esse debere, ita ut ad nullas grammatices regulas revocari queat, ab indole naturaque linguæ hebrææ plane abhorreat, mihi exinde haud persuadere possum. 2) Ipsum Spiritum S. eandem derivationem, Apoc. I. 4. suppeditare regerunt. *Iohannem* vero non derivationem vocis grammaticam, sed verum & genuinum sensum interpretationemque nos docere, nemo, ut mihi quidem cernere licet, unquam negabit. Interpretatur nomen *lehouah* per *ὁ ὢν, καὶ ὁ ἦν, καὶ ὁ ἐρχόμενος*, hoc est, per ens, quod omni tempore idem est, seu per ens necessarium a se & per se existens. Interpretatio itaque ista semper, etiamsi & alio modo, per aliumque ingenii lusum vocem formare velles, locum haberet.

S. V.

Alii in voce יהוה tres litteras radicales, vnam (י) fervilem statuunt. Sed his potissimum adversatur, quod, quare (י) medium radicale hic maneat mobile, cum in verbis יהוה alias nec non in nominibus ab ejusmodi

modi radicibus derivatis quiescere soleat, nulla ratione doceri queat. In aliam itaque derivationem, regulis grammatices hebrææ magis consentaneam inquiramus.

§. VI.

Fundamenti loco præmittendam duco regulam, cujus auctorem felicem istum indolis linguæ sanctæ indagatorem, ante triennium placide pieque defunctum, LL.OO. apud Lugdunenses Batavos Professore ALBERTVM SCHVLTENS *g*) esse confiteor. I. Verba, quorum tertia radicalis (ה) quiescens dicitur, seu verba הַ, veram radicalem tertiam occultant, ejusque loco (ה) quiescens in (-) substituunt; vera vero radicalis littera latens est vel (ו) vel (י). Cum enim in fine *Iod* vel *Vau* cum præcedente vocali Diphthongum redderet, a qua purus linguæ hebrææ genius, (Judæi enim Diphthongos in lingua hodie multas admittunt) plane abhorret; ad evitandam duriores pronuntiationem & cacophoniam (ה) vocali (-) homogeneous substituitur, & (-) ad supplendam moram per quietem ך (ה) ablatam in (-) elevatur *h*). Addo II. verba

g) Institutiones ad fundamenta linguæ hebrææ. Lugd. Bat. 1737. 4 p. 32.

h) ע. ג. גלה per גלי, ענה pro ענו, שלה pro שלו. Duplici modo hoc probari potest. Primo, quia

verba, quorum secunda radicalis revera est (ו) illam extrudunt, & ejus loco (ה) in fine quiescens adjiciunt: cujus exempla habemus הרה pro הור, שרה pro שור. Diverfas enim radices non esse, exinde, quod tum eundem habeant significatum, tum derivata promiscue modo a radice הָה modo עוֹ deriventur, fatis apparet.

§. VII.

Præmissis hisce regulis, in radicem vocis יהוה inquiramus. Littera (ה) prioris syllabæ est procul dubio radicalis. (ו) prima secundæ syllabæ littera non esse potest quiescens, non enim in loco quieti apto est collocata, ergo est radicalis. To (ה) in fine non est mappikatum, ergo quiescens servile, non radicale. Duas ergo habemus radicales. In investiganda vero radice, quoties duæ tantum adsunt radicales, tertia vel in medio vel in fine supplenda est vel ab initio. Non ab initio: radix enim tum foret vel יהו vel בהו, quas lingua hebræa ignorat. Adjiciamus ergo in fine (ה): sed & hoc per regulam I. non radicale erit; quapropter vel (ו) vel (י) addendum. Tum vero

quia (ה) seu mappikatum est radicale, motum, & immutabile: secundo, quia litteræ (ו) & (י) statim recurrunt, quamprimum pronuntiatio non moratur.

vero radice **הוּ** vel **הוּ** existente, littera (ו) in voce **יהוה** foret secunda radicalis. Sed secunda radicalis (ו) quiescere debet, hoc loco ad quietem vero non locus est; ergo est (ו) motum, ergo nec secunda radicalis littera. Per secundam itaque regulam inferamus inter litteras (ו) & (ה) vocis (**יהוה**) tertiam radicalem veram **וּ** (ו); atque sic habemus radicem **הוּ**, cujus loco in lexicis legimus **הוּ** inter chaldaeos adhuc usitatum; quæ radix ex **הוּ** non per immutationem **וּ** (ו) ultimi in (ה) sed per compensationem **וּ** (ו) medii per (ה) in fine orta est i).

§. VIII.

Radice sic investigata, ad ipsam derivationem nos accingamus. Omnem vocis punctuationem ignorabimus, ex sola linguæ ebrææ analogia regulisque grammatices puncta voci subjecturi. Invenimus in voce **יהוה וּ** (ה) finale, quod neque est radicale, neque alternans pro radicali; est itaque finale augmentum, servile, essentialle, radici adjectum eum in finem, ut inde nomen

- i) Non ultra rationem me radicem ita formare, ex reliquiis radicis in Arabismo exstantibus dijudicari potest, vid. SCHINDLERI lexicon pent. p. 431. Quin & in Chaldaeorum **הוּ** & **הוּ** ejusdem vestigia invenire mihi persuadeo; non commode enim a radice **הוּ** vel **הוּ** derivari possunt.

nomen fiat. Augmentum nominale (ה) finale vocalem sibi præmittit (·) homogeneam. Ultimam ergo habemus syllabam per (·) enunciandam הוה. Nec obstat (ה) præcedente (·) esse indicium foeminini generis, non desunt enim nomina, inprimis propria, ejusdem terminationis *k*). Duplex adhuc nobis (ו) est in medio, quorum medium radicale secundum anomaliam verborum וי ejicitur atque ejus loco vel *Cholem* vel *Schureck* substituitur; quod in nominibus formandis est frequentissimum *l*). Primæ ergo radicali *Cholem* adscribendum vel cum vel absque fulcro. Habemus ergo הוה. Littera (י) character plerumque est nominum priorum; accedit ab initio, ut omnes litteræ serviles, per (:). Atque ita secundum regulas grammatices legendum venit יהוה.

§. IX.

Quæ cum ita sint, non est quod cum aliis hoc nomen *Jao*, *Javo*, *Javoh*, *Jahoh*, *Jaon*, *Jahod*, *Jave* vel *Jebua* *m*) legamus. Regu-

k) e. g. יהוה, nec non קהלת.


l) e. g. a radice נוח, מנוחה, אנוח, מנוחה, אנוח. Ad eandem ergo formam reducimus vocem nostram, cui hic *Cholem* adscribendum esse, unicum (ו) quod est movendum, exigit. Si duplex (ו) exscriptum esset, tunc ambiguum foret, quænam vocalis eligenda esset.

m) Vid. *Älgem. Welth.* tom. 2. §. 408. p. 379.

Regulis modo grammatices, atque analogiæ linguæ sanctæ inhæreamus, quæ omnino veram nos docet pronunciationem. Non alia itaque vox secundam analogiam & regulas admittit puncta; habet ergo genuina, sibi propria, non aliena & mutuo sumpta; quemadmodum מְנוּחָה, מְנוּחָה, מְנוּחָה puncta propria habet.

§. X.

Exinde quod in sacro codice, & quidem in libris posteriori tempore V. T. scriptis nomen *Jehovah* rarissime, & in libro *Danielis* & *Esther* plane non occurrat; non recens natum esse Judæorum præjudicium, hoc nomen pronunciare nemini licere, fit vero simillimum. Fortassis Judæi, cum nunquam hoc nomen pronunciatum audirent, sibi imaginati sunt, genuina puncta esse deperdita: quo facto genuina pro suppositis habuere, multosque secum in errorem deducentes, lites hodie non compositas excitarunt.





IV.

M. IOACH. HENR. OSTERMEIER

V. D. M. in Ecclef. Travemund.

Observationum Sacrarum
biga,

quarum prima

in significationem dictionis זרוע יהוה

Jes. LI, 9. inquirat;

Secunda

Doxologiam Petrinam 1 Pet. I, 3.
illustrat.

Promissi nostri memores 1) id agemus,
ut in veram significationem dictionis
זרוע יהוה *Brachii Jehovae*, quae in illu-
stri loco prophetico Jes. LI. 9. extat, inqui-
ramus. Quo rectius vero partibus nostris
fungamur, integrum comma ex interpre-
tatione VITRINGAE hic repetere placet:
*Excitare, excitare, indue robur, Brachium
Jehovae! Excitare ut diebus priscis; genera-
tionibus saeculorum! Nonne tu illud es, quod
concidit Aegyptum; lethaliter vulneravit Dra-
conem. Constituit effatum hocce prophe-
ticum*

Bibl. Nov. Lub. Vol. IV.

ticum partem orationis Ecclesiae e Judæis & gentibus collectae, quae crudelitate hostium Christiani nominis misere afflicta erat 2). Etsi vero doctissimus & sagacissimus interpres VITRINGA existimet, hanc orationem videri ad Patrem directam esse; connexioni tamen orationis propheticae magis convenire censemus, secundam Trinitatis personam hisce proxime invocari precibus, quae Cap. Ll. 9. 10. 11. continentur. Cum enim (quod non diffitetur VITRINGA & res ipsa clare docet) praecedente pericopa a v. 1. ad 8. tradatur sermo Filii Dei consolatorius ad recens ex Judaica gente conversos, varii generis aerumnis ab Evangelii contemtoribus pressos, quos hoc quoque argumento consolatus erat, quod *brachia ejus populos judicatura essent* v. 5: Apostrophe haec prophetica immediate sequens, qua spirituales filii Abrahami (Ecclesia scilicet ex Judaeis & Gentibus collecta) praesidium divinum exorantes introducuntur, aptissime ad Mesiam, Redemptorem, sedentem ad dextram Patris, Ecclesiae suae Regem, qui eam ab hostium insultibus stupenda prorsus ac imperscrutabili providentia tuetur, proxime dirigitur. Accedit, quod iisdem verbis Ecclesia mentionem admirandorum & praeclarissimorum facinorum injiciat in vindicando populo Israelitico ex servitute Aegyptiac

ptiaca olim editorum v. 9. 10. quorum auctorem se diserte appellat Angelus Jehovae, Filius Dei, qui cum Mose ex rubo ardente collocutus est Ex. III. 20. 3.) Quoniam proinde preces Ecclesiae ad *brachium Jehovae* ceu personam vertuntur, illudque in tota Ecclesiae oratione adorationis obiectum statuitur, hac phrasi non tantum divinum attributum Omnipotentiae, sed proxime etiam personam Filii Dei indicari arbitramur. In qua sententia confirmamur, quia Ecclesia a modo loquendi non deflectit, verum quod probe notandum est, genus etiam ad *Brachii* vocem accommodatur: **הָלוֹא אַתָּה הוּא הַמַּחֲצֵבֶת רֶהֱב** *Nonne Tu illud es, quod concidit Aegyptum,* & versu seqv. **הָלוֹא אַתָּה הוּא הַמַּחֲרִיבֶת יָם** *Nonne tu illud es, quod exsiccat mare.* Licet autem summus interpres VITRINGA fateatur, hanc interpretationem, qua phrasin *brachii Jehovae* περιΦρασιω Filii Dei esse hoc loco asserimus, nihil alieni habere a natura ipsius rei; tres tamen rationes profert, quibus se impeditum esse dicit, quominus illam suam fecerit. Objicit I. *Hasce Ecclesiae preces videri ad Patrem fusas esse.* Hanc autem objectionem supra occupavimus, dum idoneis rationibus docuimus, longe rectius asseri, illas ad Filium Dei, secundam augustissimae Triados personam dirigi.

Urget II. *se non potuisse*

F 2

obser-

*observare, ubi loca Prophetarum aliorumque sanctorum scriptorum, in quibus Brachii, Dextrae aut Manus Jehovae mentio fit, inter se contulerit, illos huc directe respexisse. Ultro equidem largior, notionem Brachii Jehovae & in vaticiniis Jesaiae & aliis scripturae locis saepissime pro attributo Dei capiendam esse; non tamen inde conficitur, hoc loco etiam tantum attributum divinum indicari, cum justae rationes aliud suadeant. Exemplo nobis sit vox *δυναμῖς*, quae frequenter de Deo in N. T. tabulis praedicatur, & quam saepissime divinam potentiam, virtutem Christi in miraculis conspicuam, & efficaciam Spiritus S. notat 4): nihilominus VITRINGA non diffitetur, illam Luc. I. 35. simul esse descriptionem Filii Dei 5). Instat III, *Filium Dei v. 5. hujus capitis sibi tribuere Brachium, & de ipso Cap. XL. 5. dictum esse: brachium ejus dominabitur. Verum quae hic obvertuntur, ad notionem δυναμῖς etiam applicari possunt. Quem enim fugit, illam saepe potentiam Christi indicare? Conferantur modo loca Marc. V. 30. Luc. IV. 36. Luc. IX. 1. Luc. XXI. 27. Apoc. VII. 12. Sed hisce non obstantibus eadem vox etiam secundum περιγραφήν textus sacri Luc. I. 35. 1 Cor. I, 24. est descriptio Filii Dei. Haec enim translatarum notionum indoles est, ut pro re nata angu-**

angustiori & latiori significatione gaudeant.

1) Vid. Dissert. nostram ad Jes. LIII. r. Vol. III. Biblioth. Nov. Lub. insertam §. XV. p. 87.

2) Praeclare hoc docet VITRINGA Tom. II. Comment. in Ies. p. 626.

3) Conf. elegantissima Disp. cel. I. H. MICHAELIS de Angelo Jehovae p. 12 sqq.

4) Vid. RAVANELLI Biblioth. S. voc. Virtus. & ER. SCHMIDII Concordant. N. T. voc. *δυναμις*.

5) Vid. Observ. S. L. I. p. 145.

OBSERVATIO II,

qua

Doxologia Petrina 1 Pet. I. 3. illustratur.

§. I.

Divus Apostolus divini Regenerationis beneficii fidelibus collati mentionem facturus 1 Pet. I, 3. a laude Dei exordium ducit: *Ευλογητός ὁ Θεός καὶ πατὴρ τοῦ κυρίου ἡμῶν Ἰησοῦ Χριστοῦ*: *Benedictus esto Deus & Pater Domini nostri Jesu Christi*. Utitur autem *δοξολογία* Paulo familiari, conf. 1 Cor. i. 3. Eph I. 4. Quapropter observandus hic est elegantissimus Petri & Pauli in modis quoque loquendi consensus, quorum harmoniam ratione factorum & gestorum erudite expendit max. rev. SCHARBAV I.) *Δοξολογίας* hujus originem ab Hebræis repetendam esse, multa Hebræi codicis loca

F 3

cum

cum interpretatione graeca των ὁ collata comprobant. Exempli loco esse possunt Eliezeris, Oeconomi Abrahami, verba Gen. XXIV. 27. כִּרְיֹךְ יְהוָה אֱלֹהֵי אֲרָנִי מְבֹרָךְ, quae verba in laudata interpretatione graeca hunc in modum translata sunt: Εὐλογητός κυριος ὁ Θεος τῶ κυριῶ μου Ἀβραάμ. Quibus adjungamus verba Danielis Cap. II. 20, chaldaico idiomate consignata: לְהוֹן שְׁמָהּ דִּי - אֱלֹהֵי מְכָרָךְ quae sic translata leguntur: εἰη το ὄνομα τῶ Θεῶ εὐλογημένον. Inspiciantur denique sequentia loca Gen. IX. 26. Cap. XIV. 20. Exod. XVIII. 10. Ruth. IV. 14. Ps. LXVI. 20. Ps. LXVIII. 36. Ps. LXXXIX. 53. Cum igitur satis superque hinc constet, usitatis- simam hanc esse Hebraeorum δοξολογίαν, qua tum in votis, tum gratiarum actionibus ad Deum directis uti solent, nullum plane dubium est, quin ex hac consuetudine N. T. scriptores respondentem huic formulam εὐλογητός ὁ Θεος adhibeant. Nec hoc praetermittendum est, in hoc loco Petrino ἐς ὦ subintelligendum esse, quod recte observarunt interpretes: b. LUTHERVS, BEZA, ER. SCHMIDIVS, Gallus, Genevensis & Anglus, a quibus tantum Vulgatus diversus est. Quibus addimus, nec profanis scriptoribus Graecis hanc ellipsin verbi substantivi ignotam esse, quorum loca LAMBERTVS Bos protulit 2). Quo

Quod particulam καὶ attinet, quæ Apostolus hic utitur, observamus cum b. GERHARDO 3), illam hoc loco declarative seu ἐξηγητικῶς accipiendam esse, quæ significatio & multorum exemplorum inductione a laudato Theologo confirmatur, & effato huic Petrino convenientissima est. Antiquissimum sane Interpretem Syrum declarative particulam καὶ intellexisse hinc probatur, quod illa plane omissa sic hæc verba transtulerit: מְבָרֵךְ אֱלֹהֵי אֲבוּרֵי בְרֵכְךָ יֵשׁוּעַ מִשִּׁיחָא *Benedictus esto Deus Pater Domini nostri Ieschua Christi.*

1) Observ. S. p. 86 sqq.

2) Vid. Tractat. de Ellips. Graec. L. p. 297. ex ed. b. SCHOETGEN.

3) Comment. in 1 Epist. Petr. p. 45.

§. II.

Dum celebrat Apostolus Deum, qui est Pater Domini nostri Iesu Christi, verum Deum non modo a fictis & commentitiis Numinibus distinguit, sed maxime eum quoque in finem hoc loquendi modo utitur, ut & Judæi & Gentiles recens Christi doctrinae addicti 1) in fide Christiana magis corroborarentur. Edocet nos Scriptura S. fideles tempore V. T. Deum verum nomine *Dei Abrahami, Isaaci & Iacobi* celebrare solitos esse. Conferantur hic speciminis loco sequentia S. S. oracula: Genes.

F 4

XXIV.

XXIV. 12. 27. 1 Reg. XVIII. 36. 1 Chron. XXIX. 18. 2 Chron. XXX. 6. Hujus autem *δοξολογίας* auctorem ipsum Deum venerabantur, qui semet ipsum Deum Abrahami. Isaaci & Iacobi appellaverat. Ex. III. 6. Verba haec summi Numinis, quibus Mosen alloquitur: *Ego sum Deus Patris tui, Deus Abrahami, Deus Isaaci, & Deus Iacobi* foederalia esse, foedusque, quod Deo cum dictis Patriarchis intercesserit, respicere, praecclare observavit b. GERHARDVS. Sed in hoc foedere illud praecipuum erat, quod in semine promisso Abrahami benedicendum fuerit omnibus familiis terrae Genes. XXII. 18. Jam vero interprete Paulo Apostolo Gal. III. 16. semen hoc promissum Christus est, ac benedici in semine isto nihil aliud infert, quam justificari per fidem in Christum, ac bonorum, quae justificationem consequuntur, fieri participem 2). Ex quibus luculenter colligimus, hanc phrasin, qua Deus appellatur Deus Abrahami, Isaaci & Iacobi, imprimis ad Messiam ex illorum posteris oriundum, ejusque benedictionem ad spiritualem ac aeternam hominum felicitatem promovendam directam, respicere. Immo hoc consilio Petrus Apostolus Act. III. 13. Deum nominat Deum Abrahami, Isaaci & Iacobi in oratione ad Judaeos, miraculum ab ipso editum stupentes, habita. Hoc nempe lo.

loquendi modo, qui Judaeis notissimus erat, & amplissima promissa divina Patri-
bus ipsorum vi foederis facta iis in memo-
riam revocat, quorum primarium erat pro-
missum illud de Mesfia ejusque larga bene-
ficiorum copia, & simul asserit, eundem se
praedicare Deum, qui a Patriarchis, nobi-
lissimis illis & aeternum memorandis fidei
heroibus, eorumque posteris cultus erat.
Ex quibus Judaei perspicere poterant,
doctrinam Christi, cultumque ipsi exhi-
bendum, cujus praeconem agebat, cultui
Dei Abrahami minime adversari, quae per-
vulgata incredulae Judaeorum turbae ca-
lumnia erat, sed auctoritate & mandato
Dei Abrahami, utpote qui πατρώος Θεός erat
Act. XXIV. 14, niti. In locum igitur usi-
tatissimae hujus apud fideles V. T. doxolo-
giae Scriptores sacri N. T. impulsu Spiritus
S. hoc memoratu dignissimum axioma sub-
stituere, quo Deum, qui est Pater Domini
nostri Iesu Christi celebrant, ut operis re-
demtionis per Christum jam consummati
perennis in Ecclesia memoria extaret. Ob-
servamus sanctissimum Apostolum in loco
nostro δόξολογίαν suam ad primam S. S. Tri-
nitatis personam vertere. Haec tamen ce-
lebratio primae personae minime fit *exclu-
sive*, quasi scilicet extra & citra reliquas ce-
lebretrur, quod alienum a S. sacrae effatis
iisque adversum est (Qui enim *non honorat*
F 5 *Filium,*

Filium, non honorat Patrem Io. V. 23.); imo in admirandam illam nec ad rationis decempedam dimetiendam personarum περιχωρησιν injurium est 3), qua una Persona est in alia, Pater in Filio Io. XVII. 21. 4). Est igitur celebratio Petrina primae SS. Trinitatis personae, salvata tamen personarum ad se invicem relatione, inclusive intelligenda, cum eadem numero essentia Patris, Filii, & Spiritus S. eademque numero majestas sit. Quamvis igitur Apostolus hic solum expressis verbis ad Patrem, a relatione ἡγορου ὑπαρξεν ad secundam Personam denominatum celebrationem dirigat, non tamen citra & extra reliquas SS. Trinitatis, Filium & Spiritum S., patrem celebrasse censendus est 5). Vt vero divinam gratiam in Salvatore Optimo Maximo mortalibus exhibitam eo magis illorum animis commendet, qui nuper Christianae civitati adscripti erant, Deum appellat Deum, qui est Pater Domini nostri Jesu Christi. Descriptio haec est, utimur verbis b. GERHARDI, unius veri Dei, qui in verbo suo sese sic revelavit, quod sit Pater Domini nostri Jesu Christi i. e. quod in una & indivisa Deitatis essentia sint tres distinctae personae, Pater, qui ab aeterno genuit Filium imaginem suam substantialem, Filius, qui ab aeterno a Patre genitus in temporis plenitudine assumpsit humanam naturam, in qua ea opus redemptionis perficiendo factus est peculiari ratione

tionem noster Dominus ; & Spiritus S., qui beneficia Christi merito parata in verbo Evangelii nobis offert atque applicat, ad quem vocula ἀναγεννησας Apostolus respicit, quia regeneratio peculiariter tribuitur Spiritui S. Joh. III. 5. Tit. III. 5. 6) Κυρις proinde nomen (cujus etymologiam usumque egregie declarant b. ERASM. SCHMIDIVS in 1 Tim. VI, 15. & b. I. C. DIETERICVS in Antiqu. bibl. N. T. ad voc. κυριος), quo Christus hic ab Apostolo insignitur, dominium illud imprimis respicit, quod in homines vi officii mediatorii, & redemptionis operis ab eo peracti exercet, cujusque salutaris cognitio & fruitio solis fidelibus vindicanda est. Conf. Ioh. XX. 28. 1 Cor. XII. 3. Rom. XIV. 8. 9. 2 Cor. IV. 5. Κυρις praeterea vox, qua Messias salutatur, Hebraeorum consuetudini vetustissimae convenit, quippe qui in Scriptura S. ceu Rex & Dominus Israelis describitur Ps. XLV., 12. Luc. I. 33, ac Mich. V. 1. מלך appellatur.

1) Idoneis scilicet rationibus adducimur, ut non tantum ad Ex-Iudaeos sed ad Ex-Gentiles quoque hanc epistolam Petrinam exaratam esse existimemus, quas hic recensere a nostro instituto alienum est, maxime cum haec ab aliis jam occupata sint. Conf. b. CALOV. Bibl. illustr. ad 1 Petr. I. & eruditus Anonymus, qui scite hoc argumentum excusit Vol. X. Biblioth. Lubec. p. 263. quibus add. b. WOLFI Curae Philol. Crit. ad h. l.

2) Vid. GERHARDI Harmon, Cap. CLV. p. m. 329.

m. 329., & qui scite b. Gerhardi vestigia pres-
sit, ejusque meditationes uberius exornavit b.
GOD. OLEARIVS Observ. S. in Matthæum
p. 613. ed. rec.

- 3) Pulcherrimam περιχωρησεως Personarum SS.
Trinitatis descriptionem apud DAMASCE-
num in ejusdem Opere de orthodoxa fide L. I.
Cap. XIX. p. 62. edit. Basil. legas, quam hic re-
petere placet: ἡ ἐν ἀλληλαῖς ἰων ὑποστα-
σεων μονη τε καὶ ἰδρυσις. ἀδιασταῖοι γὰρ
αὐταὶ καὶ ἀνεκφίητοι ἀλλήλων εἰσιν,
ἀσυγχύτον ἔχουσαι τὴν ἐν ἀλληλαῖς πε-
ριχωρησιν. ὥστε συναλειφείσθαι, ἢ
συγχεῖσθαι ἀλλ' ὥστε ἔχεισθαι ἀλλήλων.
ὁ υἱὸς γὰρ ἐν πατρὶ καὶ πνεύματι,
καὶ πνεῦμα ἐν πατρὶ καὶ υἱῷ, καὶ
πατὴρ ἐν υἱῷ καὶ πνεύματι μηδὲ μίας
γινόμενης, συναλοφῆς ἢ συμφύρσεως ἢ
συγχυσεως. h. e. Immanentia & stabilitas
hypostaseon invicem est. Nam ipsae inseparatae
& inabscedentes sunt ab invicem, inconfusam
habentes invicem circuitiōnem: non quod com-
misceantur, aut confundantur, sed quod invi-
cem inhabitentur. Nam Filius in Patre & Spi-
ritu, & Spiritus in Patre & Filio, & Pater in
Filio & Spiritu, nulla quidem facta contractiō-
ne, commixtione aut confusione.
- 4) Vid. nervosam hujus dicti Johannaei explica-
tionem ejusque Vindicias apud b. WILH. LY-
SER. Disput. Exeg. in Cap. XVII. Evang. Ioh.
§. LVI, LVII.
- 5) Vid. quae solidissime Coryphæus ille Theo-
logorum puriora sacra amantium b. LUTHE-
RVS in eximio Tractatu de ultimis verbis Da-
vidis Tom. III. ed. Hallens. p. 2859. & quae

ex Luthero repetit b. MART. CHEMNITIVS L. L. CC. de tribus personis p. m. 39, quibus add. Disput. V. de Oratione religiosa T. VIII. Disput. Gissens. & b. ZACHAR. GRAPPI Theol. recens Controversa Cap. II. de Mysterio Trin. Quaest. XXV. p. 178 sqq.

6) Vid. b. GERHARDI Comment. in 1 Epist. Petr. p. 44.

§. III.

Doxologia proinde sua divus Apostolus, qua Deum, qui est Pater Domini nostri Iesu Christi, celebrat, insignem illam nec unquam digne satis aestimandam Numinis gratiam, ex redemptione per Iesum Christum facta elucentem, fidelibus considerandam mentique penitus insigendam proponit. Haec nimirum est gratia, quam ceu ὑπερβαλλοντα πλεον της χαριτος merito praedicat S. Paulus Eph. II. 7. qua foederis gratiae fundamentum, & Oeconomia Personarum augustissimae Triados in beando & ad perennem salutem perducendo peccatore occupatarum revelatur. Haec denique illa gratia est, ex qua infinitae Numinis perfectiones manifestantur, ejusque Benignitas, Misericordia, Φιλανθρωπια, Sapientia, Potentia, Iustitia ac adeo divinarum virtutum cumulus Deique gloria clarissime relucet, & relecta facie quasi in speculo conspicitur 2 Cor. III. 18. Et haec sane δοξολογια sanctissimi Apostoli Petri fini,

fini, qui sibi propositus est, quemque in hac tota Epistola intuetur, maxime conveniens est. Nam eo destinantur omnia, quaecunque in litteris hisce ab Apostolo proferuntur & inculcantur, ut recens conversos in fide confirmet, & testificetur doctrinam Evangelii de gratia per Christum, quam receperant, quam profitebantur, & in qua stabant, invictae & plane divinae veritatis esse; eosque hortetur, ut sanctitati operam dent, vitam gloria divina ex Oeconomia gratiae relucente dignam agant, cognitamque veritatem evangelicam moribus integerrimis exprimant. Hunc certe scopum sibi praefixum habere divinum epistolae hujus, Spiritus S. impulsu exaratae, scriptorem, unicuique, qui illam haud perfunctoria opera scrutatur, in propatulo erit. Accedit, quod Apostolus ipse aperiat, huc omnia, quae in hisce litteris proponit, spectare I Petr. I. 12. Cap. V. 12. Quapropter sub initium ἐργασίας Epistolae suae opportune Deum, qui est Pater Domini nostri Iesu Christi, celebrat, ut fideles erudiat, non aliter nisi in Christo, qui est *imago Dei* 2 Cor. IV. 4. Deum cognoscendum esse, nec alium cultum ipsi placere, nisi qui in nomine Iesu Christi exhibetur Rom. XIV. 18. Ioh. V. 22, Phil. II, 9. 11. coll. Ies. XLV. 2.



V.

Selectorum epistolicorum Fechtianorum

Specimen alterum.

VIII.

Quum vero de Pietismi nostri progressu praecipue erudiri desideres, id Tibi primum in mentem reuocato, distinguere me ante omnia solere inter *Pietismum vulgarem*, quem non ignorabis potissimum vigere in Marchionatu Brandenburgico, Academia Halensi & Giessensi. Quae horum sit doctrina, ignotum Tibi non est. Chiliafmi illius sancti (ita scortum vulgo virginis nomine insignimus) sunt professores. Böhmii scripta commendant. Revelationes immediatas etiam in rebus fidei non reiciunt. Haec deliria voco Fanatica. Dein in quibusdam controversiis, utpote de usu philosophiae, Theologiae Polemicae (quae duo fere universim reprobant) de notitia rerum divinarum in solis regenitis vera, in irrogenitis falsa, de imbroborum ministrorum ministerio prorsus inefficaci, de
libro.

librorum symbolicorum nimia, ut putant, aestimatione, de Ecclesiae nostrae corruptione & confusione Babelica, de separatione a corruptis Ecclesiae partibus instituenda, de adiaphororum, quotquot fere in communi vita ita dicuntur, illicito usu & similibus a reliquis Theologis discedunt.

Alteram Pietistarum sectam *Hyperpietistas* voco, Scaligeri, ut nosti, in Poëticis exemplo. Hi vero iterum in duas dispesci possunt partes. Quidam in non nullis tantum rectius quam caeteri omnes sapere volunt, utpote SCHADIVS in argumento de Confessione & absolutione, quam simpliciter tanquam inventum humanum improbat, (simile quid nuper M. Carolus noster Osnabrugii tentavit, sed suspensus e vestigio ab officio, ipse quoque poenitentia ductus, cum reliquo ministerio reconciliatus est) nonnulli de adiaphoris, qui ne quidem ut rideat quocunque casu homo, vel prodeambulet, concedere volunt. Alii vero totam religionem nostram reformant, neque ullum ei articulum, prout ille in ecclesia haëtenus nostra tractatus est, illaesum relinquunt. Libros symbolicos & omnes docendi formas tanquam conscientiarum tyrannidem reprobant. Multo magis Theologiam sive Systematicam sive Polemicam, sive quamcunque aliam in ordinem

nem redactam. Ministerio inprimis nostro infensi, quod tanquam diabolicum & Antichristianum exagitant. Talis in Hassia quidam DIPPELIVS est, pro numine a suis, quanquam nondum annum XXVI excesserit, habitus. Progressus ex disciplina Giesfensi conventus privatos cogit, fugiendam esse societatem cum Ecclesiis nostris, tanquam cum Babylone, dictitans. Idem plane fecit grandi in folio libro, eoque duplici, GODOFR. ARNOLDVS, brevi tempore Professor Historiarum Giesfensis, quod officium ultro deseruit, quia in corruptissimo Academicarum statu Christum imitari non possit & obligatus sit ad certas formas & horas; cum tamen spiritus spiret, ubi vult, neque sit certis locis temporibusque alligatus. Sunt hi duo grandes libri directe toti Lutheranismi nostro oppositi, quanquam Lutheranus nihilominus velit audire auctor. Eum praevit in libertinismo propugnando (qui in eo consistit, ut dicant, scripturae simpliciter inhaerendum, credendi libertatem omnibus concedendam, dummodo pietatem colant, philosophiam omnem & disputationes ex orbe eliminandas) THOMASIVS eiusque hyperaspistes L. BRENN-EYSENIUS, de quibus forte Tibi adhuc aliquid in memoria haeret. Magni aestimatur Arnoldi liber, a politicis inprimis, qui-

G

Nov. Bibl. Lub. Vol. IV.

quibus placet illa *αδιαφορία*, invisa e contra est Theologorum Academicorum rixandi libido. Ita contentionibus nostris effecimus, ut jam potentiores libentissime in alterum extremum discedant, nec controversias tantum, sed omnes credendi formas, articulos fidei, confessiones, orthodoxias (haec vocabula Hyperpietistis mera ludibria facta sunt, orthodoxum vocant, quem convitiari volunt.) rideant & eliminant. Improbantur quidem Arnoldus & Thomasius a moderatioribus Pietistis, inprimis Dn. D. SPENERO, sed tamen contra eos non scribitur ab ipsis, imo laudant, quod Theologorum vitia ubique tam graphice descripserit. Generalem elenchum in Arnoldi Historiam Haereticam, perquam solidum scripsit, quatuordecim plagulis constantem, novellus quidam Professor Helmstädiensis, sed perquam eruditus, Dn. CYPRIANVS. Scripsit & contra ipsum D. HANNEKENIUS, sed disputationem tantum, argumentum potissimum de *νοθισμῷ* Dionysii Areopagitae complectentem. Quid alii facturi sint, dies docebit. Ego praesenti aestate privatim lego in A. C. puplice in F. C. Primo capite grande Arnoldi caput, quo in Libros Symbolicos omnes invehitur, haecenus fuse examinaui, ostendens technas, fraudes, intestabilem malitiam, versutiam Arnoldi in ping-

gendis mendaciis suis & reliqua, quibus orbem seducit. Vivit Quedlinburgi privatus, neque Ecclesiam neque communionem ullam frequentat. Execratur semetipsum, quod aliquando deceptus opinione illa, quod vocationes externæ sint Divinæ, Professioni Giessensi profanae sese addixisset. Non ita insanivisse Paulum, ut se pateretur constitui Professore Atheniensem, & tamen, hoc non obstante, prædicasse in plateis Atheniensibus & Professores ejus loci pro merito castigasse. Ita & se diviniore interna vocatione Giessa retractum, tam stultum non futurum esse, ut iterum se patiatur constitui alicujus Academiae Professore, interea se per scripta sua in plateis hujus mundi omnes Academicos doctores inclamaturum esse & ipsorum malitiam omnibus detecturum. A Pietistis & Quakeris tantæ ipsi adfluunt facultates, ut & abundantissime vivat & innumeris libris instructam habeat Bibliothecam. Ejusmodi homines, vel portenta potius hominum, in Marchia & tolerantur & foveantur. Quotquot alibi ob Fanaticismum & Indifferentismum ejiciuntur, tutum ibi inveniunt refugium.

Lipsiæ uno anno decesserunt MOEBIUS, LEHMANNUS, CARPZOVIVS, ALBERTI. Unus remansit in facultate Theologi-

ca OLEARIUS, Pietistis semper addictus, cuius gener, D. ANTONIUS, Prof. Theol. Halensis his novitatibus jam diu deditus fuit, quem deserere non potuit Olearius. In Aula Regis Polon. principem ministrum agit BEUCHLINGIUS, Consistorii simul supremi Director, D. SPENERO amicissimus. Totus igitur aulae favor in Pietistas protegendos, introducendos, defendendos propendet. Quare aliquot abhinc mensibus D. RECHENBERGIUS, Historicus, Professor Theologiae primarius constitutus est. Hic igitur & OLEARIUS Pietistarum principiis patrociniū ubique præbent. Vide, quam sit mutatus huius Academiae status! Solus ITTIGIUS, qui simul Superintendens est, ingenuus est, novitatibus contradicit, puritatem, quantum in se est, conservat, magnam ideo ab illis patiens persecutionem, gravissimas enim ei lites jam in aula intentarunt. Quartus ordinarius Professor D. SEELIGMANNUS est, vir equidem optimus, sed timidior. Extraordinarii Professores sunt D. SCHMIDIUS & D. CYPRIANUS. Ita bona illa Academia in periculoso miseroque est statu.

Fuit Soraviæ, in Lusatia, quidam Ecclesiæ diaconus BOESIUS, mali ominis nomen, qui scripsit libellum, cui indidit titulum: de peremptorio salutis humanæ termino. In quo

quo ex D. Spenero defendit, cuilibet homini hac in vita certum propositum esse a Deo terminum, quo gratiam ei peccatorum facere velit, quo praeterlapso, si plurimos adhuc annos vivat homo, & gratiam divinam quantum in se est, enixissime quaerat, tamen converti non possit, quia Deus eum non velit, detracta ei gratia et excoecato induratoque homine, convertere. Misit libellum istum superiori anno ad nos Consistorium Lubbenſe & consilium de eo nostrum requisivit. Respondimus, videri quidem e Theologis nostris nonnullos ab hac doctrina non fuisse alienos, sed nobis tamen probari sententiam contrariam, quae docet, gratiae januam, quousque vivit homo, esse apertam, Deumque, quantum in se est, omnes semper revocare, idque serio & ex animi sui sententia. Allegavimus universalitatem ubique praedicatam; adeoque a gratia neminem hominum, si centies labatur, excludentem. Repraesentavimus, ex particularitate & termino hoc peremptorio omnia ea sequi absurda, quae Calvinianorum absoluto decreto obiectemus. Imprimis ministerii operam erga homines, terminum praetergressos, fore evanidam & nihil talibus, nisi voluntatem signi praedicantem, cum intentio Dei non sit, ut illi convertantur, quos tamen Dei nomine ad conversionem invitent Pastores. Fuisse ego hanc

G 3

hanc materiam Decanus pertractavi. Boe-
 sivs, cui communicatum a Comite suo fue-
 rat hoc responsum, cognito, Lipsiensem
 Facultatem tum temporis tribus tantum
 constare membris, quorum duo novitatibus
 faverent, adiit Facultatem, eique obtulit
Apologiam contra Rostochienses, sua censu-
 ra approbandam. Approbarunt duo isti,
 contradixit ITTIGIVS. Comes igitur Re-
 sponsum Facultatis ex pluralitate, ut vo-
 cant, votorum confectum, Wittebergam
 misit, ubi Theologi Lipsiensium censuram
 prolixè refutarunt. Haec omnia autem
 scripto tantum acta sunt. D. NEVMANNVS
 tamen, arrepto calamo, primus peremto-
 rium istum terminum peculiari disputatio-
 ne refutavit. Cumque eandem cumprimis
 D. SPENERO opposuisset, D. RECHEN-
 BERGIVS huius gener, contraria dispu-
 tatione terminum adstruxit & deinde edito
 Germanico tractatu amplius eundem con-
 firmavit. ITTIGIVS terminum illum pro
 concione publice refellit. Unde accusatus
 in Protosynedrio causam nunc suam agit.
 Sententia citra dubium pro pietistis feretur,
 horum enim favor in aula regnat. Interea
 & D. SCHELGVIGIVS contra terminum
 istum fatalem scripsit, &, si Apologia Boe-
 siana, ut fama fert, lucem adspexit, &
 nobis quoque hic nostra vindicanda erunt.
 Ita ex parvo hoc igne grande incendium
 enatum

enatum est. Ubique nunc, etiam adeo in privatorum domibus, de hoc termino in tota fere Germania differitur, diversam quolibet pro affectu suo defendente opinionem.

Iidem Lipsienses, Митровіо cuidam, Hadelensi Chiliastæ, ipsorum responsum, Oleario adhuc solo in Facultate existente, requirenti responderunt: Chiliasmum Petersenii subtilem, rem mere problematicam esse, posse in utramque partem disputari. In A. C. nonnisi crassum illum Münzerianum prohiberi. Ut adeo ubique contra omnium antecessorum suorum exemplum cum novatoribus se facere velle, aperte prodant. In academia Ienenſi obiit & D. VELTHEMIVS, solo adhuc ibi ex Theologis superstite D. BECHMANNO, emerito. Ajunt locum secundum occupaturum esse D. HEBENSTREITIVM. Est &, qui æternum evangelium, antequam hinc abires, edituum, terminationem infernalium cruciatuum & dæmonum salvationem defendens, novissime incrustavit. Vocat se GEORGIVM PAVLVM SIGVÖLCK. Quod vocabulum ex graeco Nicolao factum est. Anonymum illum refutavit in disp. sua inaugurali sub meo preesidio Dn. GRAPIVS, qui Metaphysices hic Professor & Archidiaconus Iacobæus constitutus, cum

G 4

Dn.

Dn. D. QVISTORPII filia natu majore nuptias celebravit. Eundem anonymum germanicis tractatibus refutarunt L. WOLFIUS & quidam WERNERUS. - - -

Ex novatoribus nonnemo, edito cum approbatione Theologorum Lipsiensium libello, docere volebat, ad morem Christi s. coenam semel tantum in anno, & die quidem viridium, nec nisi communicante tota ecclesia, administrandam esse & sumendam, panem item esse frangendum. Hunc disputatione elegantissima refellit D. ITTIGIUS. VEIELII Frater, ALBERTUS, Tubingæ Theologiæ Doctor, prævia *de indulgentiis* disputatione, creatus est.

In Academia Iulia vivit adhuc senex CALIXTUS, & cum ipso Professorum in Theologia munia obeunt D. FABRICIUS, D. SCHMIDIUS & WIDEBURGIUS. Continuavit D. SCHMIDIUS *Centurias Magdeburgenses*, cui fini edidit epistolam, consilium suum indicantem. Ferreae industriæ hic vir est & infinitæ in historiis scientiæ, sed proponendi modus nonnunquam paulo obscurior & difficilior. Non puto, quemquam unquam, post CALIXTUM & olim CHEMNITIVM, cum ITTIGIO nostro hoc in studii genere paria fecisse, sive quod vastam antiquitatis cognitionem, sive sole clariorem & longe jucundissimum pro-

proponendi modum concernit. Nihil ille ignorat eorum scriptorum, quæ sive in Germania nostra, sive in Gallia, Anglia aut Italia, lucem unquam adspexerunt. Nec tamen ideo in reliquis eruditionis partibus quicquam ipsi deest. Disputavit pro loco ad 1 Petri IV. 6. ubi diligentia, sive in colligendis ex omni Ecclesiæ ætate sententiis, sive iisdem dijudicandis, plane stupenda est. In nostra equidem ecclesia vix parem huic viro habemus. Inhibitum quidem est Regio mandato, ne quicquam amplius sive contra D. SPENERVM scribatur, sive contra D. THOMASIVM, sed mos huic edicto non geritur. Vocatus fuerat D. SAM. BENED. CARPZOVIVS Lubecam, ad capeffendum Superintendentis officium, sed dimitti a Regina & provinciæ statibus non potuit. Spes quidem fuerat, pro puriore Ecclesiæ nostræ doctrina eo in loco ab illo aliquid momenti adferri posse, sed jam pars adversa, aulæ favore nitens, tantum obtinet roboris, ut parum ille habeat virium, & id plerumque decernatur, quod ipsi adversum esse reliqui non ignorant. In Academia Gieffena dominium agitat D. BILEFELDIVS & post hunc D. MAJVS. Adsciverunt tertium, D. GERHARDVM, Iohannis N. Io. Ernesti F., quem quia non omnibus suis novitatibus adstipulantem deprehendunt, infesto odio prosequuntur.

In academia quoque Rintelenſi novus eſt Theologiæ Profeſſor, D. KISKERVUS, qui, more hætenus fere deſueto Lutheranis, diſputationibus defendere veritatem incipit. - - - Roſtochii d. 15 Aug. 1700.

Viro maxime reverendo, ampliffimo, præcellentiffimo Dn. M. *Gustavo Schrödtero*, illuſtriſſ. Legationi Régiæ Daniæ a Concionibus, Domino & in Chriſto Fratri honoriſſimo.

Madriti.

IX.

Relatum jam a Parente Tuo, antequam epistolam Tuam accepissem, mihi fuit, tranſtulisse potentiffimum Regem Tuum ministerium, quod in Hispania hætenus obiisti, in Galliam. Non potui improbare Parentis Tui consilium, a Rege id ipsum petendi, partim quod me certum redderet, valetudinem Tibi Madriti ex climatis, ut persuasus erat, indole, fere adversam fuisse, quam sperabat Parisiis magis Tibi fore propitiam, partim quod ego ex epistolis Tuis cognoveram, eum esse in re literaria & Theologia hodie in Hispania statum, ut non accedere Tibi tantum nihil olim profuturæ in sacris scientiæ posset, sed & metus esset, ne detererentur, quas olim collegisti,

gifti, pulcerrimæ eruditionis dotes. Cumque Te ad solidiorem rerum Theologicarum notitiam, non parum fructus Ecclesiæ olim nostræ adlaturam, ex familiari quondam Tecum conversatione, natum factumque esse non ignorarem, quomodo peccare possunt, qui inditum Tibi a Deo hunc impetum provehere eo annituntur, ubi eundem explicandi optatissima offertur occasio. Quæ nullibi hodie quam in Gallia major est. Vocationes nostræ mediatae sunt, nec ideo illicitum est, iis, qui vocandi jus habent, subministrare argumenta, animum vocandi eo inclinandi, quo majori aliquando Ecclesiæ emolumento fundamentum poni possit. Tibi vero sufficiet Regis Tui voluntas, cujus arcana rimari non debes; inprimis vero sequendus est Divinæ providentiæ digitus, qui rectius nobismet ipsis novit, quid vel nobis conducat vel Ecclesiæ. Successorem Tibi nominatum esse ne dubitari quidem potest, cum status regii intersit, ne Legationes iis careant, qui ipsis sunt a sacris. Itaque Deum, qui suam Tibi hoc pacto voluntatem significavit, ex toto pectore veneror, ut & iter Tibi largiatur ex voto secundum, & labores item Tuos curasque uberrima benedictione coronet . . .

Invi-

Invitavit me nuper regium Stettini Regimen, ut vellem pati, ut nomen meum Regi præsenteretur, ad amplectendam Inspectionem generalem Gryphiswaldensem, cum Professione Theologiæ primaria, aliisque annexis. Causatum, me statuum omnium & totius cleri desiderio expeti. Qua de re & ex clero nonnulli ad me enixissimis verbis scripserunt. Stipendium fere duplo meo præsenti majus est. Verum senectutis meæ imbecillitates me prohibent ullam suscipere de mutatione cogitationem. Quotidie aliquid deteritur de viribus meis, quanquam integer nunc annus est, ex quo lecto non decubui.

Controversia de *peremptorio gratia termino*, terminum nondum nacta est. Plusquam quadraginta tractatus intra biennium eo de argumento prodierunt in lucem. Collegium quoque Facultatis nostræ, quod, requisitum a Consistorio Lubbenfi, primum in hac materia responsum dedit, eidem contentioni involutum est, malevolis quibusdam & responsum nostrum & apologiam Boesianam Halae in lucem edentibus. Nunc vindiciæ nostræ, calamum ducente D. GRVNENBERGIO, sub prælo sunt. Quibus adjiciemus suffragia Academiæ Kiloniensis, Havniensis & Londinensis in Scania, Ministeriorum item Hamburg. Luneburg.

neburg. Lubec. Swerinenf. Güstrov. Rostoch. Stralsund. Wismar. Stettinens. & Dantiscani. Qui omnes consensum nobis suum promiserunt & jam e quinque locis præstiterunt. Ita auctoritatem scripto nostro raro exemplo conciliabimus, speroque eo maturius isthoc pacto finem huic bello impositum iri.

Substituatur nunc præterea Pietismo *Indifferentismus* omnium religionum, inaudito in nostra quidem Ecclesia exemplo. Eam rem strenue agunt THOMASIVS Halensis & BRENNESSENIUS, Ostfrisius, Icti; & GODOFR. ARNOLDVS, Exprofessor Giesensis, & hic quidem integris iisque vastis in forma majori, quam folio vocant, libris. Non tantum toleratur hoc in Marchionatu Brandenburgico, sed a plerisque politicis virisque magnis vehementer laudatur. Scripsit ARNOLDVS eine Unpartheyische Kirchen und Rekerhistorie, germanico idiomate, duobus in fol. voluminibus constantem, in qua unice hoc agit, ut ostendat, omnes hæreticos immerito a superbo & contentioso clero quorumlibet seculorum condemnatos esse. Sectarum omnium differentiam rejiciendam esse, sufficere generalem Christianorum, qua Christiani sunt, fidem. Quanquam nec Iudæis, nec Gentilibus, si morum studeant probitati, gratiam

tiam Dei extra ordinem & salutem deneget. Vir alias infinitæ lectionis. Quedlinburgi vivit. Iussus nuper a serenissima Abbatissa aut solum vertere, aut communione publica unam trium religionum, quæ in Imperio tolerantur, profiteri, ad communionem accessit hypocrita, asserens, in qualibet religione quemlibet salvari posse, dummodo a contentionibus, quibus vna religio ab altera divellitur, intra animum suum sit alienus. Sed de hac re posthac, si rescivero, Te Gallorum civem factum. Habes Parisiis viros in omni genere eruditissimos. Ut enim potentia regnum istud cæteris omnibus palmam præripit: ita & virorum eruditorum gloria. . . .
 Scr. Rostochii d. xxv. Iun. MDCCCL.

X.

Vti vocationem primum Tuam, qua ex barbaria ista Hispanica liberabaris, mox iter in Galliam non susceptum tantum sed & feliciter confectum, ab optimo pientissimoque Parente Tuo non sine summa animi mei voluptate accepi, ita nunc ex Tuismet literis vitæ Tuæ statusque conditionem, non sine Divinæ benedictionis, pristina Tibi damna & difficultates resarcientis, documentis, ex voto Tibi fluentem. Quo nomine ex toto Tibi pectore gratulor, Deumque

umque rogo, ut & successus posthac in demando Tibi munere prosperrimos & valetudinem roburque corporis pariter animique exactissimum largiri, suoque tempore bona, quæ nunc in Ecclesiæ usum diligentissime colligis firmasque, ad publici egregii singulare ornamentum applicare velit. Oblata illa a serenissimo Marchione functio illo quidem loco inter præcipuas habetur; cui plerumque imo semper, Consistorii Assessura, Professio in Gymnasio & Ecclesiarum in districtu inspectio, (quanquam hæc nonnunquam & Concionatori Aulico primario committatur) adjuncta est. Ex quibus etiam dein aliquod ipsi salario augmentum accedere solet. Neque dubito, intentionem Marchionis optimam esse, qui per gradus Te vellet subvehere ad summa. Sed ut nunc quidem officium acceptes, svasor equidem nullo modo esse possum. Commendavi personam Tuam eo tempore, quo & Tute multis cum difficultatibus Madridi luctabar & summa pace provinciæ Germanicæ perfruebantur. Nunc omnia contraria sunt. Novo officio admotus es. Nec videtur Theologicæ gravitati convenire, mutare, priusquam adieris. Cum in hunc vix locum venissem, duæ mihi amplissimæ functiones, alibi obeundæ offerebantur, quas non alia ex causa reprobavi, quam quod levis mihi videretur animi, cum

cum vocationibus sacris hunc quasi agere vel ludum vel mercatum. Deinde, quo in periculo sint provinciæ Rheno vicinæ, illa præcipue patria mea, cui de caetero optime cupio, nemini amplius ignotum esse potest. Si se, quod metuendum equidem est, futuro anno diffuderint motus isti, qui in Italia initium ceperunt, inter primas bonæ vrbs Durlacensis calamitates erit nova ejus ruina & incolarum rediens per vices exilium. Quæ & causa est, quod, cum hætenus reparationi ruinarum operam dederint cives, nunc omnino remittant. Vnde & planissime persuasus sum, primum Concionatoris aulici munus relinquere vacuum, donec, quo motus isti tendant, certiori indicio cognoscatur. Itaque posthac, si forte pressius insistant, candide mentem Tuam aperi: expectent, quousque Deo disponente appareret, tutam esse, quæ Tibi offeratur, Ecclesiam, ne forte irato in nos, quod tamen Deus avertat, Numine, statim iterum & Tu Ecclesiæ & Ecclesia Tibi surripiatur. Nec etiam Te sine aliqua levitatis nota novam vocationem cum alia tam brevi temporis spatio permutare posse. Nunc enim videris eo a Deo loco positus esse, in quo ad futuram majorem in Ecclesia messem, præsidia omnis generis corrogare non tam possis, quam debeas. Cui rei nec ingenium Tibi deest,

deest, nec voluntas. Tenemur equidem vocanti Deo obsequi, sed tum demum seria Dei intentio nobis clarissime elucescit, si viderimus, singularem nobis uberemque aperiri campum, gloriam ipsius in oblato nobis officio promovendi. Retrahere autem nos videtur Deus & majoribus destinare rebus, si tam luculentam nobis exhibet occasionem, animum nostrum iis variae eruditionis & experientiae praesidiis locupletandi, quae fructum aliquando parere possunt ampliorem. Res itaque Tuas, optime Schroedere, Deo committe, munere Tuo impigre & imperterritè fungere, thesaurum variarum eruditionis diuitiarum collige, & quid de Te aliquando facere velit, resignato in voluntatem ipsius arbitrio Tuo, expecta.

BALVZIVSne ille, de quo scribis, STEPHANVS ille est, qui jam ante quinquaginta annos summam inter eruditos obtinuit celebritatem? vix credo, aut centenario proximus sit oportet. Sed de viris Galliae eruditae exactiorem mihi posthac procurabis notitiam. Nunc pauca de rebus nostris. Nondum deferbuit contentio de *Termino peremptorio*. Edidit & Facultas nostra Theologica, manum scripto adponente Dn. D. GRÜNENBERGIO, defensionem satis prolixam, adversus primum

H

per-

Nov. Bibl. Lub. Vol. IV.

peremptorii termini auctorem, qui responsum nostrum, Consistorio Lubbenfi datum, refutare aggressus fuerat. Munivimus vindicias nostras variarum Ecclesiarum suffragiis, ne videremur, novam & insolentem proposuisse doctrinam. Accedet nobis & Havniensis Vestra, ceu ea de re certi redditi sumus, imo & Lundensis in Scania. Promiserant nobis & Hamburgenses, & hi quidem omnium primi, consensus sui expressionem, sed adducti dein a Dn. D. MAYERO, odio, ut puto, Dn. Senioris WINCKLERI, ut promissionem suam retractarent, caussati, bellorum in Ecclesia nostra satis esse. Quam olim syncretistis propriam rationem mirari quis posset illud Ministerium potuisse a tanto antea bellatore, cujus ductu omnes nil nisi bella contra proprios fratres gesserunt, subito perdiscere. Respondi ego, a nobis veritatem defendi, ab aliis veritati testimonium reddi. Quod utrumque sit a Deo mandatum, nec posse illud sine conscientiae vulnere vel omitti vel hoc petenti denegari. Idem D. MAYERVUS, cum nuper officium suum aditurus Gryphiswaldiam venisset, tolerare noluit, ut vel D. SPENERVS, quem antea integris libris refutaverat, vel alii, ipso eorum expresso nomine, refellerentur. Pacis se plantandae causa venisse testatus. Optarent citra dubium Hamburgenses, & ob hunc finem

finem ipsum olim eo venisse. Aut animus viri, quantus quantus est, mira metamorphosi immutatus est. - - - Scr. Rost. ipsis Novembr. Calendis MDCCI.

XI.

Ita eqvidem est, nunc in ipso eruditorum quasi sinu & meditullio sedes, & variae solidaeque doctrinae praesidia haurire potes, quae in semierudita nostra Germania nullibi comparent. Nos enim adhuc rixis & contentionibus de controversiunculis quibusdam adfueti, unicam nostram gloriam in his minutiis quaerimus. Fervet adhuc certamen de *Termino salutis peremptorio* & plaustra scriptorum eo de argumento adhuc quotidie prodeunt. Mihi, qui haecenus filui, homo inquietus & gloriae cupidus, D. RECHENBERGIVS, nuper obstitavit, me primum & praecipuum totius hujus litigii esse autorem & instrumentum, meque potissimum ad certamen provocat. Sed nullatenus, quod quaerit, obtinebit. Ego enim simplicem tantum, si reconvaluero, edam narrationem, ne quidem expresso ullius hominis nomine, in qua demonstrabo, hanc me, quam teneo, sententiam toto officii mei tempore defendisse, adeoque nunc nihil fecisse in cujusquam gratiam odiumque. Quae vero in conqui-

rendis Theologorum suffragiis feci, quod unicum tantopere urit RECHENBERGIVM, innocua facti propositio ab omni me culpa apud ingenuos piosque viros facile absolvet. Stat de cetero apud me fixum firmumque, cum nemine hominum, post tot edita de hoc argumento scripta, contendere, quicquid etiam in me debacchentur.

Disputavi nuper *de forma catecheseos Paulinae* ad Hebr. V. & VI. & ostendi, jam Pauli tempore obtinuisse & catechesin & certam catecheseos formam, connexis inter sese fidei articulis, iisque ipsis, qui adhuc catecheses nostras constituunt, constantem. Ut reprimerem præcipuum Indifferentistarum hodiernorum THOMASII, BRENN-EYSENIII aliorumque principium, formas in religione omnes, utpote confessiones, catecheses, symbola & omnia alia id genus, reiicientium, ut libertas sentiendi, quid quisque Scripturæ consentaneum esse judicaverit, plenissima cuivis maneat. Pro-
pediem & aliam proponam, *de veritate coelesti*, in qua similem Indifferentistarum hypothesin configam, vel ex meis potius lectionibus Respondens meus, qua nempe peculiari scripto & prolixissima opera BRENN-EYSENIUS disputat, veritatem, notitiam, sapientiam, aliaque vocabula, quæ toties in scriptura occurrunt, nullatenus

nus intellectus, sed vel solummodo vel primo & præcipue voluntatis actum designare, neque religionem & pietatem in notitia mysteriorum Divinorum, quam cerebrinam fidem vocat, sed in emendatione voluntatis, h. e. caritatis erga Deum & proximum demonstratione consistere, Deoque perinde esse, quid de essentia ipsius, deque personis, aliisque id genus cerebrinis credamus. Vide, carissime Schroedere, haec monstra in Ecclesia nostra non oriuntur tantum, sed impune tolerantur, imo a plerisque hujus seculi hominibus laudantur, eo quod rixas omnes contentiosorum Theologorum una quasi litura removeant, e contra solam pietatem, charitatem, abnegationem sui ipsius aliasque veras & divinas virtutes commendent. Sed abrumpendum mihi est, quia manus mea languida adhuc quietem desiderat. Tu igitur nunc vale & me indefinenter ama. Scr. Rostochii d. 13. Aug. 1702.

XII.

Ex toto pectore laetor, occasionem mihi tandem existere, reditum Tibi Tuum, difficilem admodum & molestum, ex peregrinis dissitisque regionibus gratulandi. O utinam, quemadmodum charissima Te mater revertentem amplexa est, ita excipere quasi redivivum & Parens, Tui longe

amantissimus, potuisset. Sed refricandus Tibi non est dolor, quem ipsa aedium paternarum consideratio nuper renovavit. Incolit ille nunc locum diu a se desideratum & iis perfruitur gaudiis, quæ ceu præmia pietatis suæ, optimus, quem tantopere amavit, Servator ipsi destinavit. Ego vero si paternas subire vices & in eo affectum meum, flagrantissimum certe semper, cum erga beatum virum, tum erga temetipsum, quocunque pacto testari possem, in non exigua felicitatis meae parte id positurus essem.

Commendavit Te illustri KLEINIO, præcipuo nunc serenissimi Ducis nostri in rebus sacris ministro, primum Filius meus natus maximus, nuper factus Secretarius Legationis, ut vocant, a Principe nostro in aula Hanoverana, deinde ego ipse per literas, causatus, eiusmodi virum, si in provincias nostras reciperetur, aliquando & Academiae singulari ornamento esse posse, cum innumeris ea in qualibet eruditionis parte, quæ in Hispania Galliaque videris, comprehendendi occasio non existat. - - - Vides itaque, nondum eo in statu rem hanc esse, ut certi quid hinc expectare queas. Quare omnino Regio e Dania mandato & comparendum Tibi Havniæ esse existimo, ut, quod præmium longis Tuis bonisque meritis decreturi sint, ante omnia cognoscas.

Si

Si posthac divino nutui visum fuerit, ut in hac patria Tua sacrae functioni admovearis, & in officio quoque publico jam constitutus, advocari poteris. Vivit nunc Havniæ Dn. D. LVETKENIVS, antehac Præpositus Coloniensis ad Spream, Regi a concionibus, magnoque & plane insolito eius & Reginae favore utens, mihiq̃ue intima prorsus amicitia conjunctus. Huic Te jam integro abhinc anno ita commendavi, ut ad conscientiam ipsius provocaverim, si dona divinitus Tibi concessa quacunque occasione neglexerit. Id nunc in epistola hic adjecta ei in memoriam revoco, nec dubito, vires ipsum suas omnes eo locaturum esse, ut desiderium meum expleat. Est enim Theologus, non ex genio seculi, sed veræ ingenuæque pietati deditus & mihi ex toto pectore bene cupiens. Ubi redieris ex Dania, tum vero Te in aedibus meis, gratisimum longe hospitem futurum, expectabo. Nec enim colloquiis Tuis quicquam mihi erit pretiosius. Dummodo a familiari morbo meo non torq̃vear. Scr. Rostochii die 5. Ian. 1707.

XIII.

M. ZORNIVS hinc cedere coactus non est. Exclusus ob contumaciam Rectori oppositam, post unam alteramque hebdo-

H 4

ma-

madem statim iterum receptus est. Abiit autem offensus illa exclusionis ignominia, resignato nobis, quem me Præsides adeptus fuerat, Baccalaureatus gradu & civium Jure. Cum neque in Belgio, neque in Anglia, neque Giesæ impetrasset, quod desiderabat, ad Kilonienses delapsus est. Lego meditationes ipsius Biblicas, neque me singularia, quibus nonnunquam indulget, movent, quid alii judicent ignoro. Filius meus, Ducis Secretarius, nuper Consilarii Aulici dignitate auctus, iterum Hanoveræ subsistit cum familia, serenissimi Ducis ibi negotia curans. Alter lateri Principis, etiam nunc Slangebadæ perpetuo adhæret, eodem Consilarii honore tractatus. Reliqui duo in curanda familia, imo officio meo, consenescent. GRÜNENBERGIVS febre ardente acerrima intra novem dies sublatus est, orta, ut ego existimo, non aliunde, nisi ex itineribus ipsius nocturnis. Ad ejus officia singula obeunda jam vocatus optimus est GRAPIVS noster. --- Ex Superintendentibus Tuis, quorum meditaris scribere vitam, præter CLOZIVM, nostratem quondam, nullus peculiariter hic cognitus est. De hoc vero nihil referunt documenta nostra, nisi diem, quo summum in Theologia gradum adsumpsit. --- Scr. Rostochii, d. XI. Jun. MDC CXII.

VI.

MARTINI RVARI
ET
IOHANNIS KIRCHMANNI
EPISTOLAE.
CONTINVATIO ALTERA.

IV.

Literas tuas, ornatisime RVARE, accepi, ex quibus intellexi, priores meas tardius tibi redditas esse, quod mihi permolestum auditu fuit. Sed bonum factum, quod non omnino perierunt. Vt conditionem hanc accipias, ego nec auctor tibi esse nolui, sed nec dissuadere: quicquid autem hujus feci, id feci partim expugnatus precibus VARENHOLTI mei, partim permotus ratione studiorum tuorum, quæ nisi in academiæ aliqua urseris, nunquam aut certe tarde in notitiam doctorum virorum pervenies. De modestia ac liberalitate VARENHOLTI noli dubitare. Est enim & eius ingenii, ut bene monentes libenter audiat, & illarum fortunarum, ut sine incommodo suo possit alere aliquem, cujus ductu & auspicio castra Musarum sequatur.

H 5

quatur. De stipendio non est, quod sis sollicitus; facile id ab eo impetrabis, si fidem ac industriam tuam perspexerit. Successorem tam cito tibi nominare nequeo. Si VOGLERVS vellet hanc conditionem accipere, & tibi & discipulis tuis & mihi gratularer. Verum is heri Hamburgum profectus est, ut non nisi per literas de hac provincia cum ipso agere possim; quod hodie faciam quam diligentissime. Tu vero inter ea, mi RVARE, quod Deus bene vertat, primo quoque tempore in viam te dabis, ac Ioachimum nostrum Lipsiæ præstolaberis, qui cum IOHANNES WESTHOF Trebbiæ genero, institore apud nos satis celebri, sexto Aprilis, Deo volente, hinc discedet: quicquid sumptuum in illud iter insumptum fuerit, id ille bona fide tibi refundet ac omnia humanitatis, observantiæ & beneficentiæ officia prolixè præstabit. D. THEODORVS BVSSIVS ex Italia IX. Dec. ad me scripsit literas, quibus significat, se operam daturum, ut Mense Maio primum in Germaniam revertatur. Si meas accepit, octavo, ni fallor, Decembris superioris anni scriptas, quibus ipsum de obitu D. CLINGII certiolem feci, non puto ipsum tam diu emanfurum esse. BERNHARDO CLINGIO quoque ante paucas septimanas uxor, quam anno ducebat, fato erepta est sine prole, quæ res ipsi magnas controversias

fias movit, avunculo defunctæ Breidiæ sibi totam hæreditatem ex iure civili, quo academia utatur, vendicante: Bernhardo contra mediam bonorum partem postulante ex iure Lubecensi, quod in hac urbe vi-
geat. M. RHÆDVS a senatu successor electus est M. HOLSTEINIO, sed nondum professionem hanc auspicatus est. In Dania omnia sunt bello plena, quod utrum in Sueciam, uti quidem fama est, an in vicinarum urbium aliquam redundaturum sit, breui intelligemus. Deus perdat, qui bella volunt, cuius protectioni te commendo ac plurimam salutem tibi a Varenholto meo nuncio. Dabam Rostochii XVII Martii Anno 1611.

T. A.

Io. KIRCHMANNVS.

Si otium tibi est, scribe elegidion quoddam in obitum filii IO. CASELII, de quo ex programme hoc certior eris.

V.

Doctissime Domine RVARE. Quod Deus optimus maximus bene fortunet, venit iam ad te IOACHIMVS VARENHOLTVS Lipsiam, ut inde recta Norimbergam tecum contendat, tuo consilio & ductu in studiis recte ordinandis usus. Quare
eum

eum tibi de meliore nota commendo, rogoque operam dare velis, ne amor, quo literas humaniores amplectitur, in illo frigescat, sed quotidie magis magisque augeatur & incrementum sumat. Indolem in ipso ad modestiam natam deprehendi, sed quæ mollibus potius verbis, quam graviore increpatione vult regi. Ad continentiam illi & frugalitatem tuo exemplo præbis, quod ipsum summis viribus secuturum nullus dubito. D. RITTERSHVSII consilio, vel etiam REMI aut. HVBNERI in eligendo hospitio uteris: ad illos enim scripsi & utrumque illis quam diligentissime commendavi. Dedi etiam aliquid literarum ad Dn. M. CHRISTIANVM BECMANNVM, Scholæ Naumburgensis Rectorem, quas, ubi Naumburgum transibitis, illi cum plurima salute reddere poteris. Vale mi R V A R E. De successore tuo nihil dum possum aliquid statuere. HEINOVOGLERVS conditionem illam non vult accipere. Velim autem stipendii facias mentionem, quod ibi quis mereri possit, si forte eo quis illectus provinciam illam velit suscipere. Vale iterum & ignosce festinationi. Dabam Rostochii 6, Aprilis Anno 1611.

T.

IO. KIRCHMANNVS.
VI.

VI.

S. P.

Cum hic se Ioachimus meus ad convictores tuos literas daturum diceret, nolui deesse pulcherrimæ occasioni, quin ad te quoque nonnihil exararem. Quamvis enim vix habeam, quo charta aut oculi tui occupari digne debeant, tamen non existimabam vel salutandi vel quodcunque tandem in solum venerit intimandi officium ingratum tibi fore, dummodo perpetuum amorem aut potius pietatem erga te meam ex intervållo recognoscas. Ea quidem tua sunt merita, ut vel sola spaciosam epistolam implere & omnibus lecythis pingi debeant: ea contra est tenuitas mea, ut nullam commemorando nedum referendo rem evolvere possit. Sed tu recte facti conscientia contentus, cetera modestiæ tuæ gravia fusque deque habes: & ego affectu potius quam verborum phaleris tibi placere cupio. Vitam nunc satis commode tolero loco, cuius me poenitere non debet, in summa Professorum gratia & flore omnium rerum, quæ ad hanc ætatem recte collocandam pertinent, quæ tibi certe imputo tuæque benevolentia accepta refero. Ioachimum mihi satis, ut hætenus est, audientem dicto gaudeo: in quo ea utor discretionem, ad quam tu mihi prævivisti, ut
leni

leni brachio placidisque commonefactionibus & exemplo potius ad virtutem recto, quam imperiis austeris, a quorum iugo præter quod ætate etiam defuetudine cervices illius resilirent, auctoritatem meam obtineam, dissolutioris vitæ mores, a quibus alienissimum aliquando se non fuisse fatetur, juxta mecum detestatur, & jam est in literis assiduus, aut fuit potius & erit brevi, nam, ut nunc res fluunt, lecto magis est, ut ita dicam, accubus, ob febrim tertianam, quæ pessima avis rectioribus institutis, cum minime foret usus, obscuravit. Spero nundinis hisce Naumburgensibus literas a te nobis fore, quibus cum de aliis tum de Suecico bello certiores reddas. Nam fabri novorum apud nos plaustra quædam mendaciorum conficiunt & nos pro peponibus habent, qui talia credamus. Danum aiunt cum exercitu XV. peditum Colmariam obsedisse: Suecum contra cum XVIII. aut ut alii XXXV., militum copiis & tormentis mille bellicis maioribus, quæ bombardas vocant, in expeditione esse, ubi, ut de reliquis nihil dicam, quis unquam imperator eam tormentorum vim in aciem eduxit, fere, & fortasse verius dicam, habuit? Nuper omnium sermone percrebuerat, Matthiam, Hungariæ Bohemiæque Regem, exspirasse: sed eam fabulam certior nuncius postea refutavit. Cetera eiusdem generis

generis nugarum libens omitto, farferi folia. Academia nostræ status tranquillus est. nisi quod factionibus interdum inquietatur. Nuper in partes discesserant antecessores, inter quos agebatur, utrumne dierum, quibus disputatur, pomeridiano tempore prælectiones haberi debeant? quod volebant SCIPIO & PICCARTVS, qui mane profitentur, nolebant plerique omnes. Senatus Noricus bipenni nodum dissecuit & sancivit, ut disputationes istæ non nisi diebus feriatis, videlicet Mercurii Saturnique, tam ante quam post meridiem instituantur, ita nec istis odium nec illis invidia accrescit. Elegidion meum memoriæ CASELII F. consecratum, videbo an limando RITTERHVSII nostri iudicio probare possim, dein ad te mittam, vel potius, quæ via proximior, est ne tibi nimium a me negotii faceffatur, per cl. REMVM recte curabo. Interim si data occasione mentionem mei aliquam apud venerandum senem CASELIVM injicere volueris, feceris mihi tam gratum quam quod gratisimum. Doctorem BVSSIVM plurimum saluere iubeo, si saluere potest is, qui sub regno Veneris ita vapulat, ut quotidie sibi moriatur, aliis tantum vivat. Salutem ad acutissimum quoque RHÆDVM, collegam, ut audio, vestrum, extendo. Priusquam epistolam obfigno, etiam illud indicare volo de ICTO

RIT.

RITTERSHVSIO, quem & liberis & libris rempublicam aucturum brevi scire debes; uxor enim partui valde vicina est & SALVIANVS plane ad umbilicum deductus est. Ego & illi propitiam Iunonem opto & huic Minervam fuisse scio. Vale
XII. Kal. Iul. clocxxi.

T.

RVARVS.

VII.

S. P.

Binas a te literas accepi, doctissime RVARE, quarum unas ex itinere, alteras Altorphio ad me dedisti: utraque sane mihi fuere gratissimæ, tum quod, quo loco res vestrae essent, mihi significabant, tum vero quod in iis non minus amoris in me tui, quam Romanæ elegantia non leviter impressa vestigia apparebant. Quod vero mea in te merita tantopere prædicas, non possum equidem negare, me studiis tuis semper ex animo favisse, nec quicquam prætermisisse, quod ad ea iuvanda facturum iudicarem: non tamen agnosco eas laudes, quas tu αὐτῷ τῷ Σουλᾷ in me congeris. Si quid feci, quod utile tibi esse sentias, gaudeo. De Ioachimo nostro nullus dubito, quod jam totus sit in literis, modo, quod spero

spero & opto, cum valetudine in gratiam redierit. Bellum Regi Daniæ hætenus satis feliciter successit, nam & urbem Calmariam & arcem, quæ expugnari non posse putabatur, intra breve temporis spatium in suam potestatem redegit. Ab utraque parte multi perierunt, partim armis & ferro, partim morbo, qui Danicum exercitum miserum in modum afflixit, Regemque coegit, ut milites superstites in hyberna disponeret. Nam si diutius illos in castris detinuisset, ad unum omnes opinor interissent. Morbus ille ortus est partim ex pessima victus ratione, qua usi sunt milites, partim ex foetore cadaverum passim iacentium. Omnes, quos quidem ego ex Dania hac transeuntes audiui & mecum alii, bellum hoc extreme detestantur. Vale. Dabam Rostochii 28. Sept. A. 1611.

T. A.

IO. KIRCHMANNVS.

VIII.

RVARII Ep. ad KIRCHMANNVM
Altorfii a. d. xiv. Kal. Ian. 1611. scriptam V. in appendice Epistolarum
MARQ GVDII Traiecti 1697. 4. a
P. E T. B V R M A N N O editarum n.
CLXXXIX. p. 260. ubi tamen sub finem
ex MS. nostro supplenda:

I

BVSSIE

Nov. Bibl. Lub. Vol. IV.

BVSSII vestri, imo nostri res vehementer hic intricata fuit, eam nos, ut sperat animus, mediocriter expedivimus. Quare mirum est, illum non rescribere, quonam illic ordine cetera procedant. Nam si verum est, quod aliunde per nebulam inaudivimus de nuptiis ab illo celebratis, erunt reliqua ni fallor in vado, minima que plaga totum conficiet negotium, cum se videbunt sine præmio malos fore, qui calumniis suis optimum virum antea circumvenerant. Illi quæso plurimam a me salutem, quam a VARENHOLTIO tibi deferro. Altorphii &c.

IX.

Gratissimæ mihi fuerunt literæ tuæ, eruditissime domine R VARE, quas pronuper ad me dedisti, gratiores autem futuræ erant, si Ioachimus quoque aliquid illis addidisset; nam illum tam cito officium suum negligere, nec fidem datam in mittendis crebro huc literis servare valde miror. Tu velim illum a somno excites, præsertim cum toties a me sit invitatus. STARCKIO, quem cum WOLDERO magisterii honore auctum esse non ignoras, oblata fuit a BVSSIIIS provinciola illa, quam tu aliquamdiu gessisti, verum illam accipere
recu-

recusavit. Ex Dania nihil certi habemus, nam quæ de morte Regis Daniæ & recuperata a Suecis Calmaria hic pasim sparguntur, non videntur esse mihi vero consentanea. Et sunt tamen, qui quavis sensione cum aliis contendere super hac re non verentur. Urbes Anseaticæ consilia agitare dicuntur de ineundo foedere cum Batavis, qua fini etiam legatos Hagam Comititis miserunt, qui quid responsi acceperint nondum inaudivi. Respublica Stralsundensis pessimo loco est: cives a senatu dissentiant & partes principis tuentur, qui nuper urbem illam ingressus rationes administratæ reipublicæ a senatu exigit, nec prius inde discedere in animo habet, quam eas reddiderint. Vale cum ornatissimo Dn. VARENHOLTO, quem officiose a me salutabis. Dabam Rostochii 9. Mart. An. 1612.

T. A.

IO. KIRCHMANNVS.

X.

Quæ scripseras in appendice literarum tuarum, (ut inde potissimum ordiar) de casu viri in republica vestra factiosi, eadem antea quoque ex Henningo Halberstadio, equite Megapolitano, didiceram. Nunc autem tua magis relatione confirmatus cum

l-2

illam

illam famam pro certa apud alios quosdam, atque etiam professores, non tamen tanquam a te profectam assererem. Plerisque mirum, nonnullis etiam gratum id accidere facile intellexi, ut pote qui putabant, honorem aut potius salutem Musarum, quarum ibi jugulum per vestrum latus totius petitur, egregie tandem in uno capite vindicatam esse. Quanquam mihi nec satis gloriosum videbatur alienis calamitatibus exhilarari, aut leoni mortuo, ut est in proverbio, *τον πωγωνα τιλλειν*: nec vero novum est, si, quem animus secundioribus auris afflatus fastu & insolentia supra sortem suam extulerat, Deo juxta & hominibus gravem, is etiam de gradu, quem sine invidia obtinere poterat, ad imum repente devolutus ceciderit. Illud autem vellem, aut tuæ me literæ, aut qui nobis eas attulit, adolescens nobilis BVCHWALDVS speciatim docere potuisset, per quem fumus ille convitiorum, qui modo tales dat flammæ, ad principem pervenerit: nam alias quibusdam coniecturis ductus eo propendeo, ut de THOMA RHÆDO credam, qui si is est, nescio quam bene rebus suis consulat effundendo, ut est verisimile, senatus oppidani gratiam, sub cujus tamen patrocinio vivit & munus suum administrat. Sed his credo certiora propediem ex ALBINO amico meo sciam, qui literas domo iam dudum

dudum expectat. De Danicis rebus quotidie sequiora nobis afferuntur, quibus ut aliquid veri subesse credam facile inducor: interim tamen subvereor, ut fidei semper litent, qui meras nobis *κακαγγελιας* perscribunt ex illis locis, ubi partium studia plerosque omnes in Danorum odium accendunt. Matthiæ Regis transitus ad comitia Electorum Francofurtensia Norimbergæ circa Calendas Maias expectatur. Interim civitates imperiales ex hisce circulis Wormatiam confluerunt, haud dubie consilium collaturæ, quomodo oneribus, quibus hætenus plusculum gravatæ fuerunt, quæque etiam posthac impendent, sublevari per novum imperatorem possint. Illuc reipublicæ nostræ nomine legatus ivit MATTHÆVS HÜBNERVS vir amplissimus, amicus tuus aut noster potius, qui nimirum tuo beneficio meus etiam evasit. Exercitus, quem in armis a Bavaro splendidissimum haberi proximis tibi nundinis Lipsiensibus scripserat VARENHOLTIVS, quo tendat, nondum liquet. Sunt qui contra Bipontinum principem Iohannem ductum iri vereantur, ad jus administrationis in Palatinatu electorali repetendum Neopyrgio, cujus filius natus maximus Bavari affinis a quibusdam nimium fortasse credulis speratur. Iterum nunc Monachium profecti perhibentur Christianus, An-

haltinus princeps, & Ioachimus Fridericus Onoltzbacensis Marchio, quæsitum causas armorum: an responsi quicquam retulerint, & quodnam illud sit, nobis, qui procul a negotiis reipublicæ vitam habemus, parum constat, nisi illud certum est, buffones Esaviticos ovum aliquod exclusisse, ex quo, si modo foveatur, monstrum, quo vix Africa deterius tulit, indubitate prodibit. IOHANNI STARCKIO & DETHLEVO WOLDERO plurimum de honore, quo sunt aucti, gratulor: ne literis idem faciam, in causa est illud, quod me nolim ita tranquillum ostendere, vellem enim omnibus modis illis persuaderi, valde me iratum esse, quod ante biennium fere provocati nondum etiam literis mihi respondeant, ut discant tandem timere stomachum meum plusquam Achilleum. Extra tamen jocum, quin salutem illis, si adhuc in ædibus tuis ut antea vivunt, meo nomine dicas, non veto. HEINONEM VOGLERVM juvenem multis virtutibus mihi carissimum, tua quoque amicitia honorificentissime frui gaudeo: eum ergo, cum te fortassis salutandi causa domi interuisset, ut meis verbis moneas peto, mittere mihi nundinis Naumburgensibus, quæ incident a. d. IV. Kal. Iulii, duo ad minimum exemplaria disputationum metaphysicarum, quas THOMAS RHÆDVS habuit eo tempore,

pore, quo sub illius præsidio V O G L E R V S ipse cathedram ascendit. Obnixè me de iis rogavit quidam hujus academix Profefor, philosophus ad unguem exactissimus: & pigebat tamen ipsum Voglerum epistola modo singulari convenire, qui cum unam adhuc mihi debeat, nolebam scilicet hac nondum soluta aliam credere. ne prodigerem. R I T T E R S H V S I V S noster paulo melius habere coepit, cui de integra valetudine brevi recuperanda certum stipulatur medicus, modo contentionem studiorum, a qua sibi nec in morbo satis temperat, aliquantum remittere possit. Vale clarissime vir, columen studiorum meorum. Iubet te salvere V A R E N H O L T I V S. Altorphii a. d. X. Kal. Maii anno epochæ christianæ c l o l o c x i i.

Tuus ex asse

MART. R V A R V S.

XI.

R V A R I Epistolam ad K I R C H M A N N V M VI. Id. Iul. 1612. scriptam V. Centur. II. Epp. R V A R I n. 30. & apud G V D I V M n. 191. p. 264 - 266.

I 4

XII.

XII.

MARTINO RVARO & IOACH. VARENHOLTIO

S. P.

Post longum silentium, cuius ego culpam apud vos, carissima capita, deprecor, reiiciens eam in adversam valetudinem, quæ me sub ipsum tempus nundinarum Naumburgensium invaserat, redeo tandem ad officium & hæc conjunctim ad vos scribo. Dabitis enim mihi hanc veniam, ut isto utar compendio, dum simul ad alios plures scribendum, simul & alia negotia curanda sunt mihi. Principio autem tibi, charissime VARENHOLTE, gratias ago de Xenophonte transmissio, quem ego cum perpetua tui memoria usurpabo, nec ullam dimittam occasionem probandi tibi memorem ac gratum animum. Tu vero, RVARO doctissime, rem mihi gratissimam fecisti, quod qua pompa Cæsar urbem Norimbergensem ingressus sit & quam splendide ipsum Senatus vester exceperit, tam eleganter ac copiose ad me perscripsisti, rogoque ut imposterum quoque illam consuetudinem observare velis. Exemplum tuarum literarum (n. XI.) in aulam misi, ubi ab ipso principe & plerisque consiliariis cum voluptate lectæ sunt. Si quid autem librorum, qui dissertationes politicas contineant, apud vos recens editum

tum fuerit, id velim mihi meo ære compares & commoda occasione unum atque alterum exemplum mittas, ut possim id cum quibusdam consiliariis nostrorum principum, qui hoc genere scriptorum mirifice delectantur, communicare: quicquid exposueritis libenter rependam. Ex Dania nihil fere certi habemus: quo animo plerique erga istos populos affecti sunt, eo etiam de hoc vel illo Rege pasim loquuntur. Elsburgum autem hac æstate captum est: Oelandia quoque insula in potestatem Danorum redacta. Sed cum victoriam persequi & in ulteriorem Sueciam penetrare vellent, non parva clade accepta retrogredi coacti sunt. Sueci intra montium claustra se continent, fortean erupturi, si commodam occasionem nacti fuerint. Classis Suecica aliquot Hollandorum & Lubecensium naves, mercibus Suecicis onustas, Dantiscum comitata est & rursus eas, quæ Dantisci hærebant, nec metu Danorum inde solvere audebant, in Sueciam incolumes deduxit. Quo cognito Rex suam classem, quæ morbo vexata paulo ante portum intraverat, extemplo renovari & in mare deduci iussit, invasurus classem Suecicam, si forte in eam inciderit: hætenus autem nullum prælium navale commissum est. Hoc anno in ducatu Luneburgensi non procul ab urbe Danneberga fon-

tes aliquot reperti sunt adeo salubres, ut qui aquam illam biberunt & in ea se abluerunt, ex iis multi pristinam valetudinem recuperarint, cum ante vel pedibus vel oculis laborassent, vel alio quodam morbo, præsertim articulari, impliciti fuissent. Ejusdem efficaciae fons non procul Lunæburgo quoque prope monasterium Lunense hoc eodem anno manare coepit, quo uti & ad reliquos sex milliaribus inde disritos tanta hominum multitudo ex universa Saxonia confluit, quanta vix in nundinis celebrioribus conspici solet. Ita enim mihi narrarunt aliquot primarii hujus urbis viri, qui valetudinis gratia & præsertim ob scorbutum expellendum eo iverant, nec spe sua omnino frustrati sunt. Mitto vobis exemplum discursus super negotio Castriano a Dn. COTHMANNO compositi, quod cum RITTERHVSIO communicabitis. Consulis STALMESTERI negotium adhuc pessimo loco est. Crimen quod princeps ipsi impingit hoc est, si forte id adhuc ignoratis. Missus fuit superiori hieme vel autumno aliquis ex viatoribus Senatus Rostochiensis, & quidem is qui STALMESTERO solebat apparere, in aulam Gustroviensem cum literis, quas cum principi reddidisset & se in conclave ipsius responsum flagitaturus forte importunius insinuasset,

a principe ipso vapulavit. Non multo post Scotus pro discipulo suo a consule aliquid pecuniæ mutuo sumsit, ibi Consul quærit, quisnam illam reddere sibi pro Carolo Georgio satisfacere tandem vellet? respondit Scotus, illustrissimum principem Albertum id ipsum in se recepisse. Tum ille in hæc verba erupit: Principem omnia prodigere & tam grande æs alienum iam contraxisse, cui soluendo non sit: non igitur sibi ex illa aula aliquid expectandum. Cui Scotus, principem quotidie posse alere trecentos homines, atque ideo non esse dubitandum, quin etiam pro Carolo Georgio sit satisfactorius. Tum rursus Consul: Principem alere in sua aula trecentos nebulones. Hæc in coena audientibus omnibus ejus commensalibus dicta sunt. Quæ non multo post ad aures consiliariorum atque adeo ipsius principis advolarunt: qui hanc contumeliam initio quidem indigne tulit, sed si tempori intercessoribus quibusdam usus fuisset, facile ipsi hanc injuriam condonasset: jam vero ægre adduci poterit, ut ipsum in gratiam recipiat, postquam consul jure cum ipsius celsitudine experiri voluit. Habetis rem omnem, quam quidem cum aliis (sed paucis) communicare poteritis, sed nolim a me istud proficisci intelligant. Valete, amicissimi & ornatissimi

mi

mi iuvenes, ac me, quod facitis, amare per-
gite. Dabam Rost. xxx. Aug. An. 1612.

Vester omni studio

IO. KIRCHMANNVS.

HERM. TAPPIVS cum THEOD. PENTZIO
breui ad vos proficiscetur. STEINW-
CHIVS hanc æstatem febris laboravit,
nec cum valetudine adhuc in gratiam
rediit. LVD. GISELER ante aliquot
hebdomadas dierum a nobis in patriam
rediit, nam iustum Philippum superiori
autumno mortuum forte intellexistis.
Iterum valete.

XIII.

RVARI responsorias Norimb. 1612. VII.
(add. *Eid.*) Nov. V. in Gudii & Sarra-
vii Epistolarum append. n. 190. pag. 263-
264. ubi lin. 9. a fine lege HENTZNERI
pro HEVTHNERI.

XIV.

Hanc adjectis quibusdam annotationibus
publici juris fecimus in Nov. Biblioth.
Lubec. vol. I.



VII.

IO. DANIELIS OVERBECK

Gymnas. Lub. Conr. designati.

brevis relatio de opere

quodam,

quod sub manibus habet

V. CL. M. HENRICVS IACOBVS
SIVERSordini sacro in provincia Suecorum Tiustica
septentrionali praepositus, rel.

Qui dudum ab ipsa iuuenili aetate variis scriptis inclaruit, quum Lubecae apud nos in patria viueret, M. HENR. IAC. SIVERVS, HENRICI filius, Cantoris quondam in hac schola & rei Musicae directoris meritisfimi, vir perquam eruditus & in primis ingeniosus, idem nunc in Suecia non honoribus, non meritorum laude, non gloria ingenii destitutus viuit. Nam non modo pastor primarius est hodie coetus sacri, qui *Tryserumi Hannâsique* prope *Norcopiam* colligitur, in *Ostro-Gothia* constitutus, sed dignitate etiam nuper & priuilegiis concionatoris aulici, immo eius, qui esset sacro ordini in prouincia Sueciae *Tiustica*

stica septentrionali praepositus, potentissimi gratia Suecorum regis auctus fuit. Idem subinde ab aliquot annis varios exclusit ingenii & eruditionis fetus, Suecica partim, partim latina lingua editos, quorum, ut permultas taceamus conciones sacras & alia, en tibi, lector, indicem breuiculum:

Elogium Spegelianum.

Elogium Echmannianum.

Meletema de NIC. BENED. RETZIO.

Elogium Bromsianum.

Elogium Euenßonianum.

Plenior relatio de pestilenti lue, quae ab anno MCCCXXXVIII ad annum usque MCCCL, totum fere orbem terrarum pervasit, quaeque magna mors (Digerdöden) vocari tum est solita.


Quibus quidem aliisque scriptis magnas vir eruditissimus gratias a tota gente Suecica iniuit multisque in ea primariis viris insigniter quum industriam suam, tum doctrinam quoque commendavit. In his ANDRAE ANTONIO A STIERNMANN, Viro illustri, potentissimi Suecorum Regis a consiliis tablini, quam *cancellariam* vulgo vocant, & tabulario regio primi praefecti ordinisque stellae septentrionalis equiti, quocum viro magno & indefesso commercium est literarium SIVERO eruditissimo, cui multa fert documenta historiae Suecicae


cae in acceptis, & ex quo compertum habet, fore, vt vberima illius Viri *Bibliotheca Suio-Gothica* septem voluminibus quartae magnitudinis propediem in lucem prodeat publicam. Eodem, vt apparet, suadente, certe incitante, id agit SIVERVS, v. el. vt opus breui edat perquam memorabile *de Gustavo I. Rege Sueciae ex Dania Lubecam fugiente rebusque aliquamdiu ibidem quum commoratus esset, feliciter gestis inde in Sueciam proficiscente, addita relatione vberiori de NICOLAO BROMSIO COS. quondam Lubecensi, cuius consilio atque auctoritati liberatum Suecia hunc regem debet.* Cuius quidem operis quae sit futura dignitas, vel ex eo intelligimus, quod praecipuum rex ille Sueciae regum fuit decus. Nam non modo a CHRISTIERNI II. Daniae regis tyrannide liberauit patriam, sed eius quoque gentis, quae postremo tempore huic populo imperavit, auctor fuit felicissimus. Omnes enim, qui ex serenissima stirpe WASA dicta progeniti regni hujus tenuerunt habenas, a GUSTAVO hoc traxere originem. Gente is nobilissima & regio sanguine oriundus inter obsides erat CHRISTIERNO ei, quem modo diximus, dolose cum Suecis foedus pangenti A. MDXVIII. traditos & in custodiam captiuorum more, secus quam conuenerat, datos. Ex qua custodia mutato habitu elapsus, DAV. CHY-
TRAEVS

TRAEVUS auctor est, (*) peruenisse magnis itineribus Lubecam, ibique perorata causa non solum benigne habitum, sed etiam NIC. BRÖMSII, COS. Lubec. viri illustris fortissimique ope ac praesidio ita munitum fuisse, ut feliciter posset in patriam remigrare atque in ea, quod tandem euenit, ad regium fastigium adscendere. Cuius quidem fortunae casus nondum ita sunt in luce conspectuque omnium positi, ut non maiori illustratione indigeant. Quare laudandam omnino nos quidem censemus operam, quam in hac re declaranda praestantissimus SIVERVS collocabit. Hancque vel idcirco magni facimus, quod in Suecia, ubi egregiam personam sustinet, praeclara dicuntur vetustioris historiae documenta asseruari, quae ab aliis gentibus multas ob causas plane ignorantur. Accedit ad operis praestantiam, quod ex ipsa Lubeca nostra rerum testimonia auctor, ut posset afferre omnem mouit lapidem. Scilicet literis ad IO. HENR. A SEELEN Virum admodum reuerendum datis id assecutus est,

(*) *Saxonia* ad ann. 1520. Lips. 1611. fol. p. 233. Adde viri ob vastam eruditionem dudum celeberrimi IO. HENR. a SEELEN, quem Gymnasium nostrum & totus literatorum orbis insigne decus veneratur, *Selecta nummaria*. 1735. 8. p. 62 sq. & V. CL. D. I. P. WILLEBRANDTIUM in *der Hanfschen Chronick* P. II. p. 126 sq.

est, ut posset procerum consensu reipublicae nostrae picta imagine rem suam confirmare. Namque asseruantur in conclauicuriae nostrae, quod peristylum Hanseaticum solet ex pristinorum temporum felicitate appellari, vestimenta GUSTAVI, e custodia Danica profugi, quae is ad perpetuam sui memoriam ibi affigi iussit. Quorum effigiem egregii artificis manu accurate pictam vir admodum reuerendus ad praestantissimum auctorem vna cum literis misit, quae documenti instar laudando operi non ratam modo fidem, sed & ornamentum conciliabunt certissimum. Quare dubium est nullum, quin opus tot manibus eruditis perfectum intelligenti cuius lectori & adiumentum sit & delectationem allaturum.





VIII.

Index & argumentum
disputationum ad forum theolo-
gicum & philosophicum
pertinentium,
anno superiori
in academia Scaniae Londinensi
habitarum.

Recensente
FRIED. IOACH. SCHNOBEL.

- 1.) *Dissertatio gradualis de Spiritu Dei aquis incubante ex dicto Gen. I. 2. quam - - sub vmbone - - Domini Mag. S U E N I. M U N T H E LL. OO. & Gr. Prof. Reg. & Ord. ad publicum defert examen I O N A S B E R G G R U N D. Wermelandus. ad d. 15. Febr. 1742. pl. 4.*

Terra in ערבה constituta erat ingens materiae & aquae moles, sine vlllo ordine, sine vlllo nexu atque sine vlla relatione ad certum genus vel certam speciem inuicem permixta & confusa adhuc iners nullaque vi productrice vel plastica instructa. Vocabulum ערבה nihil a priori differt ratione

ne notionis principalis, sed levis tantum & accidentalis quaedam, varietas intercedit, pro more hebraeorum in emphasi exprimenda solito. Suspicatur autem auctor, denotari totalem confusionem & intus & extus. §. 2. Ad explicandam Spiritus S. motitationem, adducuntur verba Ps. CIV. 30. Refutantur FRANC. VALESIVS pro igne quodam elementari pugnans, IOH. ALB. HISPANVS, per Spiritum ipsum solem intelligens, IOH. AM. COMENIVS & OSV. CRELLIVS, spiritum mundi vitalem hic somniantes, CAJETANVS angelos principium motus constituens. §. 3. Eorum, qui heic impulsam aerem & ventum a Deo factum intelligunt, sententia refellitur. §. 4. Definitur status controversiae: anne hoc in loco vox Spiritus Dei *υποστατικως* sumi debeat? §. 5. Vox *רוח* denotat substantiam agentem & quidem tertiam Trinitatis personam, quod ex collatione verborum Ps. CIV. 30. vtpote loco Gen. I. 2. omnino parallelorum, conficitur. §. 6. Per vocabulum *מרחפת* intelligitur actus Spiritus s. infinita sua virtute res creatas viuificantis. Quod ex indole & significatione vocis, coll. Deut. 32, 11. probatur, & ab obiectionibus CLERICI vindicatur. §. 7. Verba Moſis ita redduntur: *Et Spiritus s. massam informem Et confusam mouebat, perficiebat atque viuificabat.* Addi-

tur simul sequens explicatio: spiritus s. diuina sua vi motum impertiebatur, leges naturae generales & particulares constituebat, ad quarum normam separatio partium procedebat, quarum singulae destinata sibi spatia & particulares functiones occupabant. Hinc ex motu partium subtiliorum lux oritur, hinc massa integra in plures partes resoluitur, quarum aliae superiora, aliae inferiora loca occupant, hinc fluidum ab arido discernitur, & quae sunt plura momenta huc pertinentia. §. 8. Notatur iterum CLERICVS, nihil aliud hic intelligi asserens, quam quod diuina potentia informi extensioni, antequam quidquam esset, praefuerit. §. 9. Quum actus ille spiritus s. quo leges naturae & motus rebus creatis impertiebatur, non ad fluidas modo sed & siccas partes se extendere debuerit: vox **דמ**, totum systema terraqueum, in quo partes siccae & fluidae inuicem permixtae a primo rerum exordio fuerunt, ceu obiectum operationis spiritus s. denotabit. Idem vocabuli **דמ** in v. 1. significatus est. §. 10.

- 2) Dissertationem philosophico historicam de *Creatione mundi ad doctrinam Hyperboreorum*, agentem - - sub gladio Domini SVEN BRING Hist. Prof. reg. & ordin. - vt corolla obtineatur Apollinea, a. 1752. prid.

prid. non. April. - defendet NICOL.
DAHLMANN OLOFFSOHN, Gothlan-
dus. pl. 3.

Ex praemisfis §. 1 - 8. principiis me-
taphysicis conficitur, mundum esse crea-
tum §. 9. De hac veritate Suecorum ma-
iores quondam penitus persuasi fuerunt,
quum adhuc gentilismi tenebris obruti es-
sent. Quin etiam eo vsque meditationi-
bus suis progressi sunt, vt statum quoque
antemundanum contemplari sint ausi,
quem intuentes Deum & immane sibi re-
praesentabant vacuum ante mundum con-
ditum. §. 10. Ipsam autem creationem
ita sunt interpretati : Deus, *Alfader*, vel
omnium rerum pater, coelum terramque
condidit, nec mundum solum corporeum,
sed etiam hominem, cui animam concessit,
vel, corpore pereunte, perennantem. §. 11.
Alio tamen modo ab aliis creatio exponitur.
Tradit enim fama antiqua, tres *Borei* filios
scilicet *Odin Vile* & *Ve* mundum creasse ex
corpore *Ymiri*. Ipso enim in medio vacui
spatii collocato, ex sanguine aquam & ma-
re, ex ossibus montes & lapides ex denti-
bus, ex capite coelum produxerunt. Per
tres illos Bore filios nonnulli tres Deitatis
personas indicari statuunt, sed sine funda-
mento. §. 12. 'Triplex hocce numen ex
duobus arborum truncis marem & foemi-

nam perhibent produxisse, quorum illi *Askr* nomen, huic *Embla*: atque ita quidem ut *Odin* animam, *Vile* vitam, *Ve* sensus fuerit largitus. Aliud tamen hominum genus Suecorum maiores ex *Ymir* repetunt, quod ipsum hunc mundum aetate antevertat, adeoque a Peyrerii commentis non longe recesserunt. §. 13. Origo mali ex eorum sententia non est a Deo repetenda; sunt autem eius incunabula adeo vetusta, ut ipsum mundum aetate superent. *Ymir* enim malus fuit & tota eius soboles pestifera, atque ex hac scaturigine reliqua mala in mundum irruerunt. §. 14.

3.) Dissertatio philosophica de *causis appetitus orientis & incrementis*, quam - praefide M. NICOL. ALIN, Ord. phil. Adiuncto & V. D. M. publice examinandum sistit ANDR. EEKMANN, Petri fil. Bahusia Gothoburgensis - d. 16. Mart. 1752.

Appetitus vocabulum potentiam modo nudam, modo exercitam designat, atque nunc latioribus, nunc latis, nunc denique strictioribus terminis ab eruditis deprehenditur inclusum. Quidam solis rebus animatis appetitum tribuunt, non nulli praeter hominem animantium nulli. Ultime huic sententiae auctor subscribit, controver-

troverfiam de beftiarum animabus inutilem
 effe pronuncians, quam cum monadibus &
 mundo optimo & huius farinae aliis inge-
 niorum tormentis ad Indos atque Garaman-
 tas cupit effe relegatam. Diuiditur appe-
 titus in voluntarium & phyficum, qui
 etiam naturalis fiue infitus vocatur. Ille
 ab intellectus pendet iudicio & ab auctore
 ita definitur: *eft actio, qua mens in quodlibet
 fertur bonum ob fenfionem gratam, quam inde
 ad fe redundaturam utcumque praeuiderit.* §. 1.
 Errant, qui appetitum fibi ipfi debere or-
 tum affirmant. Experientia enim quem-
 libet docet, nihil omnino concupifci, nifi
 quod aut reuera bonum fit, aut faltem boni
 fpeciem prae fe ferat atque mentiatur.
 Nullum finitorum ratione fui caret; alias
 enim in cauffas rerum inutile effet inqui-
 rere, neque fummi numinis exiftentia de-
 monftrari ex ratione poffet. Eft autem
 appetitus a cogitatione boni deriuandus,
 idque ex eo auctor probat, quod, experi-
 entia teftes cogitationem boni femper habe-
 at praecedentem. Addit, fi appetitus ab
 intellectus imperio liberaretur, fequi, ho-
 minem nullis agendorum fugiendorumque
 praeceptis imbutum ad frugem redire poffe
 meliorem. §. 2. Variis ex cauffis appetitus
 tenui ab initio profectus, magna subinde
 capit incrementa. Quo plura animo bona
 obuerfantur, eo magis ille incenditur.

Idem etiam inflammabitur, quoties bonum, quod iam ante concupiuimus, tanti facere incipimus, vt idem ipsi, imo etiam maius atque pluribus bonis, appetitum prouocare solitis, pretium statuerimus. Denique & ipsa imaginatio multum valet ad appetitum reddendum acriorem. §. 3.

4.) Dissertatio philosophica, *an ex vi mentis eiusdem fluant mutationes*, expendens, quam - - praefide Dno M. Nic. ALIN - publicae placidaeque bonorum censurae submittit alumnus regius THURO ENEROTH. Scanus, d. 22. April. 1752. 2 pl.

Vis, generatim accepta, est conatus, vt alterum sit efficiendi, seu est illud, ex quo, cur alterum detur, intelligatur. Est illa vel sufficiens vel minus sufficiens. WOLFIVS, vim in ratione actionis sufficiente ponens, iusto dicitur fuisse tenacior; WALCHIO autem satis causae fuisse negatur, quare in illo reprehenderet, quod fundamentum actionis, pro opinione sua in vi ponendum, ab ipsa actione non satis discreuerit. §. 1. 2. Vis animae propria in eo consistit, quod & se ipsam & res extra se positas, cogitet, cogitatas inter se conferat, ex collatis similitudines eliciat, hisque erutis & nexu rerum indagato,

gato, magnam veritatum exinde fluentium vim perspiciat, quae sibi conueniant, appetens atque decernens, inimica vero auersans atque repudians. Haec enim singula eius indolis sunt, vt in corpus haudquaquam quadrare possint. §. 3. Variæ competunt menti mutationes, quarum aliae ab ipsa sola, quippe vi sponte agendi praedita, proficiscuntur, aliae in mente nunquam orirentur, nisi haec vtcunque demum extrinsecus afficeretur, & ad hanc potius, quam aliam, mutationem faciendam induceretur. Illae nisi animae competere, nihil inter ipsam atque machinam interesset. Inde patere auctor existimat, quam misere illi hallucinentur, qui a sensatione, cuius tamen necessitatem ipsi concedant, omnes animae mutationes deriuatum iuerint. Longam illis ratiociniorum seriem opponit, atque recentiorum hac de re philosophemata harmoniae velificari praestabilitae iudicat. §. 3.

5) Dissertatio philosophica de usu atque abusu hypotheseum, quam praeside Dn. M. NICOLAJ ALIN. defensurus est PETER GVSTAV OSANDER NILSSON, natione Smolandus. d. 13. Iun. 1752. 3 pl.

Hypothesis est propositio, qua quis aliquid, cui demonstrando impar est, tanquam verum adsumit, & quidem rationis

aliorum reddendae gratiae. §. 1. Refertur ea ad veritates probabiles, i. e. ad rationem sufficientem propius accedentes. Harum in numero systema influxus physici est; harmoniam vero praestabilitam ἀτοπα continere & male cum efficacia verbi divini cohaerere auctor iudicat. Potest hypothesis modo in veritatem certam conuerti, modo in errorem abire. Hypothesis, cui experientia aliaeque veritates certae repugnant, omnem amittit veri speciem. §. 2. Hypotheses in veritates certas commutabiles, viam ad veritates certas subinde nobis patefaciunt, adeoque & illustrandae gloriae diuinae & promouendae rerum creaturarum felicitati inseruiunt. Sed & illarum, quae veritatum certarum induere naturam nequeunt, varius vsus est. Interdum timori atque superstitioni obicem ponunt: interdum, vt rerum quas certo cognoscere non licet, rationem qualemcumque generatim reddere possimus, efficiunt. Prius illustratur aurorae borealis exemplo, cuius causa in effluuiis sulphureis, particulas terreas atque aquosas certa proportionem sibi admixtas habentibus, & variis de causis, inprimis Boream versus, candescentibus quaeritur. Posterius phaenomenis probatur magneticis, quorum ratio e materia quadam fluida atque tum per meatus magnetis sese mouente, tum ipsum terrarum orbem

orbem ambiente repetitur. §. 3. Abutuntur hypothefibus, qui, quas venditant scientias, hypothefibus deformant, scripturae f. oracula ad easdem detorquent, tanquam pro aris & focis pro illis pugnant, aut hypothefes rei publicae & priuatae damnum adferentes excogitant. §. 4.

6) Dissertatio philologica de origine & ratione ritus hircorum piacularium ex Levit. XVI. 7 - 10. 21. 22. quam - praefide viro ampliff. & celeberrimo Dn. Mag. S U E N J. M U N T H E - pro Daphne obtinenda placidae συμφιλολογουμένων συζητήσει submittit I O. N I C. L U N D A E U S Scanus. d. 13. Iun. 1752. 6 pl.

Hircos, SPENCERO iudice, in die expiationis ideo voluit Deus offerri, vt ab Aegyptiorum τραγολατρεία Israelitas auerteret. Sed nulla est ratio, cur hircorum magis quam aliorum animalium, impedire cultum voluerit, quum omnia apud eos pro sacris haberentur. Quid? quod hic finis per hircum in desertum ablegandum obtineri non potuit, quippe qui primo ad spectu deum quemdam auerruncum exhibebat, adeoque τραγολατρείαν confirmare potius quam destruere videbatur. §. 1. 2. Non ab ethnicis Judaei, sed a Judaeis ethnici sacrificia expiatoria acceperunt. §. 3. Quum

Quum ritus Aegyptiorum sacri, PLUTARCHO teste, quemdam habuerint sensum moralem; nullo iure SPENCERVS sensum mysticum a ritibus mosaicis remotum esse vult. §. 4. Sacrificia piacularia ex intentione Dei mortem & satisfactionem Christi debuerunt adumbrare. §. 5. 6. Hircorum alteri pontifex summus manus imponebat, totius peccata populi confessus, eoque ipso hircum deuouebat, vt quicquid peccatorum in populum propter admissa peccata impenderet, in illum conuerteretur. §. 7. Omnia itaque Israelitarum peccata in hircum emissarium fuerunt coniecta & expiata. Refutantur Rabbi Moses Kotzensis, crimina capitalia & profanationem nominis diuini excipiens, & GROTIUS eandem fere tibiam inflans. §. 8. Verba I Sam. III. 14. quae priori videntur assertioni repugnare, ita transferuntur: *non expiabit sibi met ipsi iniquitatem familia Eli per sacrificium & oblationem in longissima tempora.* Additur explicatio: *familia Eli non conseruabit sacerdotium & officium expiandi iniquitatem vel sibimet ipsi vel aliis.* Hanc interpretationem historia confirmat, accentuum series non tollit. §. 9. Hircus, in quem populi delicta transferebantur, non fuit exemplar peccatis renuntiandi, sed ipso actu symbolice illa sustulit, quod contra Socinum ex Leuit. XVI. 22, coll. Ies. LIII. 12. pro-

probatur. §. 10. Hircus mactatus Christum morientem & sanguinem pro peccatis nostris effundentem, hircus autem in desertum missus eundem in vitam redeuntem praefiguravit. SPENCERUS in alia hic discedens refellitur. §. 11. Quod hircus vius Christi resurgentis & viuificati symbolum fuerit, id sequenti modo euincere auctor satagit: satisfactio Christi pro peccatis non tantum morte ipsius sed & viuificatione absoluitur. Est enim & haec essentialis satisfactionis constitutum, docente Paulo Rom. IV. 25. 1 Cor. XV. 14. 17. Satisfactio ista per oblationem hircorum simultaneam adumbrata atque Israelitis applicata est. Hoc vero quum sine cognitione satisfactionis, adeoque & viuificationis Christi fieri non potuerit, atque praeter sustentationem vnius hirci in vita nullum aliud symbolum viuificationis exprimendae aptius in sacrificio expiatorio succurrat: sequitur, illam hirci viui dimissione fuisse adumbratam. §. 12. Hircus vius non de rupe praecipitatus, nec alio quocunque modo interfectus, sed a ductore suo dimissus est. §. 13. vox מִנִּיחַ composita ex נִיחַ & מִן ad formam מִן נִיחַ, significat *munitum abeuntis*. Fuit autem, auctore iudice, locus quidam in deserto sic dictus, quod is, qui a reliquorum societate abiret, in hoc loco deserti, tanquam in loco munito

nito clausus degerit. Haec illustrantur ex
 1 Sam. XX. 19. §. 14. Sententiam allatam
 confirmant praedicata לַשְׁלַח אֶת־הוֹלֵךְ עִזְמוֹל v. 10. & portabit hircus peccata
 populi הַמְרִבֶּרֶה v. 22. Refutan-
 tur SPENCERVS, diabolum, & Judaei,
 angelum mortis hic somniantes. §. 15.
 Hircus maētatus forte cesfit לַיהוָה hoc est
 לַיהוָה siue tabernaculo, vbi immolan-
 dus erat. Per locum in deserto, עִזְמוֹל
 dictum, designatur tum longissima pecca-
 torum a conspectu sanctitatis diuinae &
 tergo Israelitarum remotio, tum τὸ πρὸς infe-
 ferorum, vbi genuinum erat peccatorum
 repositorium. Posteriori sententia nihil
 auctori videtur esse conuenientius, quum
 vita hirci designauerit Christi in vitam re-
 ditum, qui primum descensu eius ad infe-
 ros sese exseruit. §. 16.

7) Dissertatio philol. critica *de Saule dispa-
 ri Spiritu aēto*, quam - sub praesidio - D.
 M. SUEN MUNTHE - examinandam d. 17.
 Jun. 1752. sistit ANDR. BERING O-
 lufson. Scanus. 4½ pl.

Quum Spiritus Dei 1 Sam. XVI. 14. dicitur
 recessisse שָׁמַיִל מֵעַם, Spiritus autem ma-
 lus eum infestasse מֵמַת יְהוָה, hoc sibi vult
 scriptor sacer, illius inhabitationem seu co-
 operationem cessasse, hunc vero dependen-
 ter

ter a Deo, feu, Deo ita decernente, Sauli infestum esse factum. §. 1. Refellitur GROTIUS per רוּחַ יְהוָה spiritum regium seu virtutem regnum bene administrandi intelligens. §. 2. Spiritus Dei, quo Saul sub regni sui initium donatus fuit, erat Spiritus Dei substantialis, qui ipsum inhabitabat, & in ipso gratiose praesens erat. §. 3. Recesit autem ille, dum ob Saulis peruicaciam a gratiosa cooperatione destitit. §. 4. רוּחַ רָעָה fuit spiritus aliquis malignus, quod ex operationibus eius patet. §. 5. 6. Sunt qui Saulis terrorem, animum inimicitiae plenum, propositum occidendi Dauidem, vaticinandi actum & violentam sui ipsius internecionem e melancholia deriuant. §. 7. Existentia daemonum eorumque operationum probatur, §. 8. & qui soli melancholiae peruersas Saulis actiones tribuunt, refutantur. §. 9. Quando Dauid citharam pulsans spiritum malum fugasse dicitur, nulla adest necessitas statuendi, citharam solam & per se tantum ipsum pepulisse. Subordinate tamen & concomitanter eam aliquid hic contulisse, rationes variae suadent. §. 10. Musica scilicet potuit esse occasio aliqua motus sanguinis temperandi: hanc vero comitabatur virtus diuina principaliter agens, quam Deus in producendis actibus supernaturalibus interdum cum causis naturalibus connectit, vt homi-

homines stimulentur ad sectandum illas naturae artes, quibus nativa eorum ferocia, violentique motus compesci & ingenia mansuescere queant. Aliud eiusmodi exemplum occurrit 2 Reg. III. 15. Pulsata cithara, Elisa vaticinari incipit. Nihil ad istud donum propheticum Elisae conferendum musica principaliter & primario fecit, secundo autem & concomitanter naturali virtute motus sanguinis temperare potuit, ut distinctius menti obuersaretur repraesentatio instinctus diuini immediate agentis, §. 11. Coniunxit autem David cum citharae modulatione hymnos sacros & preces, tanquam sufficientissimum pellendi daemone medium, Matth. XVII. 21. Eph. IV. 10. §. 12. 13.

8) Dissertatio philosophica de arte formandi Soriten vulgarem, quam - ad d. Iun. 1752. praeside Dno M. NIC. ALIN - publico examini submittit ABRAH. FAXE. Blekingus. 2¼ pl.

Sorites tanta se commendat utilitate, ut nulla fere colligendi ratio supra. In ostendendo autem eius formandi modo nemo logicorum adhuc officio suo omni ex parte satisfecit. Nulla soritis definitio hac Dariefiana melior est: est series syllogismorum ordinariorum crypticorum, in qua ex pluribus propo-

propositionibus, continuo catenatis, infertur conclusio §. 1. Sorites vulgaris est, in quo ex propositionibus ita catenatis, vt praedicatum praecedentis sit subiectum sequentis, infertur conclusio, subiectum habens subiectum primae propositionis & praedicatum penultima. §. 2. 3. Nouem eius formandi modi traduntur & demonstrantur § 4.

9) *Dissertatio philosophica de idearum diuisione respectu relationis eiusque usu, quam - placidae disquisitioni offerunt*
ANDR. GVST. RHODIN Phil. Mag.
Doc. & respondens stipendiarius regius
MAGNVS CARLMARCK, Vestro-
Gothi. a. d. 22. Iun. 1752. 3½ pl.

Idea est repraesentatio cuiuslibet rei a spiritu facta & cum apperceptione seu conscientia coniuncta. §. 1. Relatio est mutus duorum vel plurium respectus, vel affectio, vi cuius plures res se inuicem respiciunt, vt vna absque altera intelligi nequeat. Diuiditur illa in relationem verbalem, rationis & realem. §. 2. Ideae possunt distingui ratione originis, formae, obiectorum & relationis mutuae. §. 3. Relatio idearum est earundem conuenientia vel disconuenientia. Conueniunt ideae, quando earum vna in et sub altera continetur, disconueniunt, quando contraria ratione se habent.

L

bent.

Nov. Bibl. Lub. Vol. IV.

bent. Conuenientes diuiduntur in *reciprocas*, *subordinatas* & *coordinatas*. §. 4. 5. Vfus cognitae idearum relationis in singulas Logicae partes diffunditur. §. 6. 7. 8.

10) Dissertatio gradualis de *caussa restorationis euangelicae religionis sub Gustavo I.* quam - sub praesidio Dni SUEN BRING Hist. Prof. reg. & ord. publico iudicio subiicit PETRUS E. WESTRING, Strengnesia-Sudermannus. d. 11. Aug. 1752. 2 pl.

Rationem susceptae a GUSTAVO I. sacrorum in Suecia emendationis Pontificii a regis auaritia repetunt. Persuasum enim ipsi esse contendit MAIMBOVRGIVS, bonis, quae clerus possideret, posse partim regios redditus, partim magnatum opes augeri. §. I. Per libros LVTHERI a mercatoribus Holmiam allatis prima euang. religionis semina in Suecia iacta sunt. Auxit haec initia OLAI PETRI industria, qui Strengnesiae LVTHERI dogmata defendit, primum ibi aduersarium nactus Doctorem NICOLAVM Strengnesiae Decanum. §. 2. Inscio haec omnia GUSTAVO gesta sunt. At iacta semina ipse mirifica fouit diligentia. Quod initio an eum potissimum in finem fecerit, vt bonis ecclesiasticis sua augeret, Deo soli notum est. Patet tamen ex rationibus, Capitulo Vpsaliensi a rege propositis, eum horum bonorum vindicias molientem

tem non praecise ex Lutheri concionibus, sed e iure publico vniuersali argumenta petiisse. §. 3. Adduntur alia argumenta, quae regem multo grauiora animo agitasse & de instauranda veritate fuisse sollicitum, euincunt. §. 4. Refutatur WASTOVIVS, qui in Suecia complures religioni Lutheranae subscribere recusantes, poenis variis esse affectos conuiciatur. §. 5. Laudatur DAN. GERDESIUS, qui Gustauum, in hist. reformat. Tom. III. p. 337. inclytum religionis commendatae statorem vocat, eumque immortalem sibi pietatis, iustitiae, prudentiae & animi magnitudinis gloriam peperisse iudicat. §. 6.

11) Dissertatio catechetico theologica de *Gradibus gratiae in Christo datae speciatim*, quam nutu & auctoritate reuerendiss. Scaniae & Blekingiae episcopi, nec non Academiae Carolinae Procancellarii eminentissimi, Dom. D. Io Engeström, in synodo anniuersaria Lundensi d. 22. & 23. Sept. publico examini submittit Ake Engeström Praep. & Past. Coroniensis, defensorias partes secum sustinentibus viris admodum reu. & clariss. Dn. Mich. Tengwall, Mag. Io. Iac. Eurenus & Mag. Eilert Frost, Pastoribus. 11 pl.

Prolegomena ipsam rem tractandam definiunt. Loquitur auctor de beneuolo illo Dei erga homines lapsos affectu, a merito Christi repetendo, quatenus per certas species, actus vel gradus in hominis salutem progreditur. *Tractatio* ipsa 4 quaestionibus constat. *Prima*: an dentur gradus gratiae in Christo datae? affirmatur. Agit Deus in conuertendo & saluando peccatore pedetentim, ita vt ex vno actu transeat in alterum. Ad probandam thesin praeter alia loca adfertur dictum Io. I. 16. vbi per *χαρις ἀντὶ χάριτος* intelligit auctor vnā gratiam post alteram. *Alterā* quaestio est: quot sunt gradus gratiae in C. datae & quanam? Quatuor ab auctore constituuntur, scilicet vocans, illuminans, sanctificans & conseruans. *Tertia* quaestio ita sese habet: quae est singulorum graduum gratiae

gratiae indoles & natura? Agitur hic 1. de *vocatione*, eiusque termino ad quem, causa organica & obiecto. Refutantur, tum qui legem & s. coenam vocationis mediis accensent, tum qui eius vniuersalitatem impugnant, Deumque serio hic agere negant, tum termini peremptorii defensores. 2. de *illuminatione*, conuersionem & regenerationem sub se continente. Sunt eius terminus a quo tenebrae; medium non ratio, nec lumen internum, sed Scriptura s. & baptismus; causa ministerialis minister etiam impius; subiectum denominationis interdum irreginitus; effectus notitia & fides per charitatem operans. 3. de *sanctificatione*, quae iustificationem & renouationem complectitur. Refelluntur Sociniani, imputationem sanctitatis Christi reiicientes, Fanatici, tres homini partes tribuentes, G. ARNOLDVS & alii, perfectae sanctitatis in hac vita obtinendae possibilitatem asserentes. 4. de *conseruatione*, cuius ostenduntur necessitas, causa efficiens, media & finis. *Quarta* quaestio in ordinem, quo gradus gratiae in Christo datae se inuicem sequuntur, inquit. Defenditur ordo supra constitutus, aduersus Herrnhuthianos, Mysticos aliosque. Hunc Deus in quolibet homine saluando obseruat, etiam in latrone cruci affixo obseruauit. *Quinta* quaestio versatur circa officia tum ministrorum verbi diuini, tum Christianorum in genere circa gradus gratiae in Christo datae. Illa continentur Act. XX. 28. Matth. VII. 6. I Petr. V. 2. 3. Hebr. V. 12. Gal. VI. 1. I Tim. V. 20. & alibi; haec I Cor. XII. 31. I Petr. II. 9. 2 Petr. I. 10. Eph. IV. 1. I Io. I. 6. Rom. XIII. 12. 2 Cor. V. 20. Hebr. IV. 16. Tit. II. 12. & pluribus aliis locis.



I. Index locorum biblicorum data opera illustratorum.

<i>Gen.</i> I. 2.	-	IV. 146.	<i>Luc.</i> IV. 16. 21.	-	II. 58.
L. 26.	-	I. 157.	VI. 1 sqq.	-	II. 63.
<i>Exod.</i> III. 6.	-	IV. 88.	XIII. 9.	-	II. 118.
XX. 14.	-	I. 50.	<i>Ioh.</i> V. 1 sqq.	-	II. 51.
XXII. 20.	-	III. 7.	VII. 2. 14 sqq.	-	II. 54.
<i>Levit.</i> XVI. 7-10. 21. 22.	-	X. 22 sqq.	-	-	II. 57.
	-	IV. 155.	<i>Act.</i> III. 13.	-	IV. 88.
<i>Num.</i> XXI. 9.	-	III. 1.	VIII. 18.	-	II. 122.
<i>Deut.</i> V. 18.	-	I. 50.	32.	-	II. 9.
<i>1 Sam.</i> III. 14.	-	IV. 156.	XII. 18.	-	II. 121.
XVI. 14.	-	IV. 158.	XIII. 17-22.	-	II. 66.
<i>2 Reg.</i> III. 15.	-	IV. 160.	XV. 21.	-	II. 10.
<i>Pf.</i> VIII. 2.	-	I. 119.	<i>Rom.</i> II. 5.	-	II. 117.
CV. 22.	-	III. 8.	XIII. 12.	-	I. 61.
<i>Jes.</i> XL. 3.	-	I. 20.	<i>1 Cor.</i> I. 24.	-	IV. 84.
10.	-	III. 88.	<i>Eph.</i> IV. 10.	-	I. 136.
LI. 9.	-	IV. 81.	<i>Col.</i> II. 17.	-	IV. 26 sqq.
LII. 10.	-	III. 80.	<i>1 Petr.</i> I. 3.	-	IV. 85.
LIII. 1.	-	III. 46.	<i>2 Petr.</i> I. 19.	-	I. 61.
<i>Matth.</i> II. 10.	-	II. 106.	<i>Ebr.</i> IX. 11. 12.	-	III. 93.
III. 1. 2. 5. 6-9.	-	I. 111.	X. 1.	-	IV. 1 sqq.
XV. 14.	-	III. 26.	7.	-	II. 11.
XXIV. 36.	-	II. 69.	25.	-	I. 54.
XXIII. 37.	-	III. 67.	<i>Iac.</i> III. 7.	-	II. 113.
<i>Marc.</i> XIII. 32.	-	II. 69.	<i>Apoc.</i> II. 17.	-	IV. 54.
<i>Luc.</i> I. 35.	-	III. 88.	XVII. 14.	-	IE. 111.



II. Index rerum, auctorum & vocum.

A egyptiorum sapientia & Theologia	III.
-	4. 10.
- Ars symbolica	III. 10.
in Absolutione priuata quomodo erga	
personas principes gerere se deceat	II. 138.
ἀκον	III. 58.
Alchymistae, eorumque errores	IV. 33 sqq.
- aduersus eos vindiciae biblicae	ib.
Alini disputationes	IV. 150 sqq.
Anglia Naturalistarum ferax	II. 69.
Animae vis & mutationes	IV. 152.
Antonius, Halensis	IV. 100.
Ἀποκαλυψις & ἀποκαλυπτειν	III. 90.
Appetitus orientis & decresc. causae	IV. 150
Ariani in Anglia	II. 69.
Aristotelis Ethica	II. 129.
G. Arnoldus	IV. 97. 109.
Ascensio Christi infert eius omnipræ-	
sentiam	I. 145.
Aurora borealis quid	IV. 138.
Baptismus profelytorum	I. 25.
Baluzius	IV. 113.
Bengelii hypothesis de pericopis Syna-	
gogae	II. 45 sqq.
Beniamin Tudelenfis	II. 29.
Th. Bennetus	II. 94.
Beuchling	IV. 100.
Bilefeld.	IV. 105.
Boesius	IV. 100.
Brachium Iehouae	III. 75 - 81.
- ita filius Dei appellatur	III. 86.
Brenn-	

II. Index rerum,

- Brenneyfen - IV. 97. 109. 116.
 Suen Bring dispp. - IV. 148 sqq.
 Busfius - II. 147. 149. IV. 122. 127. 130. *Carpzov. 2. III. 1.*
 SB. Carpzovius - IV. 105.
 Castellionæi Antiquitt. Mediolanens. I. 94.
 Thom. Chubbius - II. 71.
 Dav. Clement. I. 69. Clingius IV. 122.
 Coecitas spiritualis - III. 34.
 Creatio, de ea quid statuerint Hyper-
 borei veteres - IV. 147.
 Cyprianus scripsit contra G. Arnold. IV. 98.
 Decalogi distinctio Origeniana & Au-
 gustiniana - I. 49.
 Descensus Christi an sepulturam denotet I. 58
 Diphthongos hebraea lingua ignorat IV. 76.
 Dippelius - IV. 97.
 Dispp Londinenses an. 1752. habitaet IV. 76.
 Doxologia Petrina & hebraeorum IV. 85.
 Ductor coecus in via - III. 26.
 Δυναμὶς - III. 41.
 EHipsis vocis ἔσω - IV. 86.
 Th. Emlynus - II. 90. III. 96.
 Engeströmmii disputatio - IV. 163.
 Ἐνταφιασμός - I. 157.
 Ἐτάφη in symb. apost. quid - ib.
 Ἐπισυναγωγή & ἐπισυναγισθαι - I. 55.
 Eusebius & Eusebiani - II. 72.
 Expiandi negot. quomodo peractum III. 102
 Expiatio Christi melior leuitica - III. 118.
 Fechtiana epistolica selecta - II. 127. IV.
 Fechtius vocatur Gryphiswaldiam IV. 108.
 - eius filii - IV. 118. 120.

auctorum & voculum.

Gallia in ea rei literar. status	IV. 107. 110.
Gerhardus, Prof. Gieff.	- IV. 105.
Glauberus Alchymista	- IV. 42.
הלל	- III. 90.
Graevius <i>περι χρυσουποιας</i>	- IV. 52.
Grapius	- IV. 103. 120.
Gratia in redemptione I. C. elucens	IV. 93.
num inefficax & irresistibilis	III. 73. 76.
Gratiae in Christo datae gradus	- IV. 163.
Grünenberg	II. 37. 142. IV. 108. 113. 120.
Gummius	- II. 142.
Guttmannus Alchymista	- IV. 44. 45.
Gustavus I. rex Sueciae Lubecam fugiens	IV. 143.
restaurator religionis in Suecia	IV. 162.
חנניה	- III. 61.
Hapthararum origo aetas & diuersit.	II. 3.
	26. 32.
ad Hebræos epistolæ auctor & lingua	III. 93.
I. C. Hennings	- I. 70.
Hieroglyphica ars	- III. 10-19.
Hircorum piaculum origo & ratio	IV. 155.
Hispania. rei liter. in ea status	- IV. 106.
Horlacherius Alchymista	- IV. 41. 44.
Hyperpististae	- IV. 96.
Hypothesium vsus & abusus	- IV. 153.
Jackson	- II. 98.
Idearum diuisio	- IV. 161.
Iehoua. de hoc nomine coniectura	IV. 72.
Illuminatio	- IV. 164.
Imago & corpus	- IV. 21. 26.
Impiorum ministerium efficax	III. 36.
	Im.

Immundities ex mortuis contracta	I. 44.
- leuitica erat symbolica	- III. 39.
Indifferentismus	- IV. 109. 116.
Interpretum 70. translatio	II. 40.
Interpret. in Synagog. quo tempore orti	II. 38
Iohannes baptista	I. 6. 25.
Iudæorum incredulitas	- III. 62.
Ittigius	- IV. 100. 102. 104.
καὶ interdum sumendum ἐξηγητικῶς	IV. 87.
κατὰ Ματθαίον εὐαγγέλιον	- II. 103.
κηρυσσεῖν	- I. 10. תלך - I. 57.
Ath Kircherus magnus impostor	- III. 12.
Io. Kirchmannus	- I. 155. II. 144. IV.
Kiskerus	- IV. 106. Kleinus IV. 118.
κῆρις	- III. 116. κυριος - IV. 91.
Kuhlmanni liber rarissimus	- IV. 37.
Lapis Alchymistarum	- IV. 42.
Lex futurorum bonorum	- IV. 14.
Libertas sentiendi in Anglia	II. 100.
Libertas hominum non tollitur operatio-	
nibus diu.	- III. 64.
Linguae, quibus f. codex consignatus,	
num mortuae	- I. 54.
V. E. Loescherus	- II. 22.
F. I. Lütken	- IV. 119.
Magnetis phaenomena	- IV. 138.
Maius	- IV. 105. I. F. Mayer IV. 114.
Mechouius	- II. 130. מלך - II. 12.
Mediolanenses Antiqu. Castellionaei	I. 94.
L. D. Michaelis	- I. 138.
Ministerium impiorum efficax	III. 26.
Mithobius	IV. 103. Th. Morgan II. 71.
L 5	Mora:

II. Index rerum,

- Moralis philosoph. a recent. emendata II. 127
 Mosen pro adepto venditant Alchymistae - - IV. 44.
 Moses Aegyptior. doctrina imbut. III. 3sq. q.
 - vnde veri Dei notitiam hauferit III. 8.
 - an artem symbolicam didicerit III. 10.
 - hanc in s. codicem non intulit III. 13. 17
 Suen Munthe disputationes IV. 146. 158.
 Naturae & scripturae concordia, liber III. 1.
 Neo Ariani - - II. 73.
 Sam. Naeranus. I. 156. I. G. Neumann IV. 102
 Olearius, Lipsiensis. IV. 100. P. F. Opitius. I. 1.
 Omnipraesentiae Christi testimonium
 vindicatum - I. 136.
 - ea non est succesuua nec localis I. 147
 - est fundament. donorum in eccles. I. 149
 Omniscientia se abdicauit Christus II. 81. 86.
 90. 92.
 Parascharum aetas - - II. 3.
 Pericoparum synagog. vestigia num in
 N. T. dentur - - II. 1.
 περιχωρησις personarum Trinitatis IV. 92.
 Personarum Trinit. vna non est exclusis
 reliquis inuocanda III. 54. IV. 89.
 Petri epist. 1. etiam ad ex-gentiles scripta
 IV. 91.
 Pharisei cur dicantur coeci - III. 37.
 - clausis oculis incedebant III. 41.
 - huius vocis significatio - ibid.
 Philologus quid denotet Rom XVI. 15. IV. 4.
 Philosophia. num quis eius in explicando
 sacro codice vsus - IV. 2.
 Pic-

Pietismi historia	-	IV. 95.
Præcepti 9 & 10 differentia	-	I. 49.
Pufendorfius	-	II. 128.
Rechenbergius	-	IV. 100. 102. 115.
Regnum coelorum	-	I. 18.
Rhodini disp. de idear. diuisione	-	IV. 161.
Rittershusius	-	IV. 128. 135.
Th. Rhædus	-	IV. 123. 132.
Rituum veter. Christianor. excellentia	III. 127	
Mart. Ruarus. I. 555. II. 144. degit Alt.	IV. 125	
Sabbathum deuteroproton	-	II. 64.
de Sabbatho controuersia	-	II. 132.
Sacerdotes summi in N. T. plures	III. 100.	
Sacerdotis summi officium	-	III. 100.
- vestes in die expiat.	-	III. 106.
- antitypus Christus	-	III. 102. 105.
Sal catechumenorum	-	III. 129sq.
- quid eo adumbratum	-	III. 138sq.
Sanctificatio ex mente Engeströmi	IV. 164.	
Satisfactio Christi quid inuoluat	IV. 157.	
Schadius	- IV. 96.	Scharbau - I. 91.
Schelguig.	-	IV. 102.
Schmidius Helmst.	-	IV. 104.
Gust. Schroedterus	-	II. 127.
E. S. H. a Seelen scripta	-	III. 127.
I. H. a Seelen	IV. 100.	Seeligmann IV. 100.
Serpens quo honore apud Aegyptios		
habitus	-	III. 20.
- symbol. vitae	III. 20. & disidii	III. 22
- aeneus Mosis an ex disciplina Aegypt.		
hieroglyphica arcessendus	-	III. 1.
- eius vis, significat. & fragmina	III. 23. 25	
		Sher-

II. Index rerum, auctorum & vocum.

Sherlockius	II. 87. 89.	Sigvolck	IV. 103.
H. I. Siuers	-	-	IV. 141.
σκαση	-	שמעיה	III. 57.
Soritis formandi ars	-	-	IV. 160.
Speculum humanae saluationis	-	-	I. 69.
Spenerus	-	III. 33.	IV. 98. sqq.
Spencerus	-	-	IV. 155 sq.
Stallmester	IV. 238.	a Stiernmann	IV. 142.
de Termino peremptorio controuersiae	-	-	-
historia	-	IV. 101. 108. 113. 115.	-
Theogonia Aegyptiorum spurca	-	III. 18.	-
C. Thomafius	-	II. 141.	IV. 97. 109. 116.
Titus num templum Jud. polluerit	-	II. 41.	-
תנח	I. 121. sqq.	Io. Toland	II. 70.
C. E. Trillerus Socinianizans	-	-	II. 84.
Typus, quid ad eum requiratur	-	-	III. 14.
Varenholtius	II. 150. IV. 121 sqq.	Alb. Veielius	IV. 104.
A. M. Verpoorten vita	-	-	II. 157.
Versionum multiplicatio culpatur	-	-	IV. 11.
ab Vffenbach	-	-	I. 72. 74.
Vmbra quid denotet	-	-	IV. 19.
Vocatio Judaeor seria, efficax & sufficiens	-	-	III. 62 sqq.
Vocatio ad minister: quid circa eam obseruand.	-	-	IV. 107. III
H. Vogler	IV. 122. 134.	If. Vosfius	II. 39.
J. G. Walch.	IV. 152.	Waterlandus	II. 93.
Wedemeier	II. 147 sqq.	Val. Weigel	IV. 42.
Whiston.	II. 71 sqq.	Wolfii philosophia	IV. 151 sqq.
Zinzendorffii versio N. T. reiecta	-	-	IV. 9.
Zegerus	II. 85.	Zornius	IV. 119.

Corrigenda.

Vol. III. p. 17. lin. 6. indignam. p. 25. lin. penult. notatam. lin. vlt. vide, Mus. Vol. IV. p. 40. lin. 2. Hiob. XXII. p. 66. lin. vlt. CASP, ERN.

FINIS.



